

**FİLİBELİ**  
**VECDÎ ve DÎVÂN'I**  
**(METİN-DİZİN)**

**Prof. Dr. Hasan KAVRUK**  
**Dr. Bahir SELÇUK**

**MALATYA 2009**



©

**T. C. KÜLTÜR VE TURİZM BAKANLIĞI  
KÜTÜPHANELER VE YAYIMLAR GENEL MÜDÜRLÜĞÜ  
3366**

**KÜLTÜR ESERLERİ  
506**

**Eser Adı: Filibeli Vecdî Dîvânı  
Şair: Filibeli Vecdî  
Hazırlayanlar: Hasan KAVRUK-Bahir SELÇUK**

**2012  
ISBN: 978-975-17-3628-4**

**www.kulturturizm.gov.tr  
e-posta: yayimlar@kulturturizm.gov.tr**

**Bu kitap internet ortamında ilk kez yayımlanmaktadır.**



## ÖZGEÇMİŞ

**Prof. Dr. Hasan KAVRUK:** Aydın-Mersinbelen doğumlu. 1977 yılında Ankara Üniversitesi Türk Dili ve Edebiyatı Bölümünden mezun oldu. 1980 yılında aynı üniversitede yüksek lisans, 1987’de de doktorasını tamamladı. 1977-1980 yılları arasında Ankara Hasanoğlu Öğretmen Lisesi’nde edebiyat öğretmeni olarak çalıştı. 1981-1988 yılları arasında Ankara Üniversitesi DTCF Türk Dili ve Edebiyatı Bölümü’nde görev yaptı. 1988 yılında İnönü Üniversitesi Eğitim Fakültesi’nde göreve başlamış, hâlen Türkçe Eğitimi Bölümü’nde bölüm başkanı olarak görevini sürdürmektedir. Evli ve üç çocuk babasıdır.

**Doç. Dr. Bahir SELÇUK:** 1972 yılında Elazığ’ın Keban ilçesine bağlı Bademli köyünde doğdu. İlk ve orta öğrenimini Keban’da, lise öğrenimini Elazığ’da tamamladı. İnönü Üniversitesi Eğitim Fakültesi Türk Dili ve Edebiyatı Bölümü’nden 1997 yılında mezun oldu. 1997 yılında Türk Dili ve Edebiyatı Ana Bilim Dalı Eski Türk Edebiyatı Bilim Dalında başladığı Yüksek Lisans Eğitimini *Nâlî Mehmed Efendi Tuhfetü’l-Emsâl İnceleme-Metin* adlı teze 1999 yılında tamamladı. Fırat Üniversitesi Türk Dili ve Edebiyatı Ana Bilim Dalı Eski Türk Edebiyatı Bilim Dalı’nda başladığı doktora eğitimini *Âhenk Unsurları Bakımından Nefî Divanı’nın Tahlili* adlı teziyle 2004 yılında tamamladı. 1997-2007 yılları arasında Malatya’da MEB’e bağlı çeşitli okullarda Türkçe ve edebiyat öğretmenliği yaptı. 2007 yılında Adıyaman Üniversitesi Eğitim Fakültesi Türkçe Eğitimi Bölümüne Yrd. Doç. Dr. olarak atandı. 2010 yılında doçent oldu ve Adıyaman Üniversitesi Fen-Edebiyat Fakültesi Türk Dili ve Edebiyatı Bölümü’ne atandı. Hâlen adı geçen bölümde doçent olarak görev yapmaktadır. Evli ve iki çocuk babasıdır.

## **Özet**

*FİLİBELİ VECDÎ ve DÎVÂN'I(METİN-DİZİN)* adlı bu çalışmada, Vecdî'nin hayatı ve edebî kişiliği üzerinde durulmuş, Divanı'ı günümüz Türkçesine aktararak Türk edebiyatındaki yeri belirlenmeğe çalışılmıştır.

## **Summary**

In this study titled *FİLİBELİ VECDÎ ve DÎVÂN'I(METİN-DİZİN)*, we explored Vecdî's biography and his literary personality. In order to indicate his role and place in the Turkish Literature, we have translated his Divan into contemporary Turkish language.

## İÇİNDEKİLER

KISALTMALAR .....	V
ÖN SÖZ .....	VI
I. BÖLÜM .....	1
VECDÎ'NİN HAYATI, EDEBÎ KİŞİLİĞİ, ESERİ .....	1
1. VECDÎ'NİN HAYATI VE EDEBÎ KİŞİLİĞİ.....	3
2. ESERİ .....	8
II. BÖLÜM.....	3
VECDÎ DÎVÂNİ (ÇEVİRİYAZI).....	3
1. Çevriyazıda Uyulan Kurallar .....	13
2. Transkripsiyon Alfabesi.....	<b>Hata! Yer işareti tanımlanmamış.</b>
KASİDELER.....	14
MESNEVİLER .....	70
TARİH KİT'ALARI .....	84
MUSAMMATLAR .....	86
MURABBA.....	86
MUHAMMES.....	90
MÜSEDDES.....	92
GAZELLER.....	95
KİT'ALAR-NAZMLAR-RUBAÎLER .....	147
KİT'ALAR .....	147
NAZMLAR.....	176
RUBÂÎ .....	187
MATLALAR-MÜFREDLER.....	188

MATLALAR .....	188
MÜFREDLER .....	201
MUAMMALAR.....	204
MENSUR (MANZUM-MENSUR) METİNLER.....	207
SONUÇ .....	291
DİZİN.....	292
KAYNAKÇA .....	298

**KISALTMALAR**

age.	: Adı geçen eser
agm.	: Adı geçen makale
Ank.	: Ankara
Ansk.	: Ansiklopedisi
AÜ	: Atatürk Üniversitesi
bkz.	: Bakınız
C.	: Cilt
Çev.	: Çeviren
Ef.	: Efendi
h.	: Hicri
Haz.	: Hazırlayan
İsl.	: İslam
İst.	: İstanbul
İst.t.	: İstinsah tarihi
Üniv.	: Üniversitesi
KB	: Kültür Bakanlığı
Ktb.	: Kütüphanesi
m.	: Miladi
Madd.	: Maddesi
MEB	: Millî Eğitim Bakanlığı
Müst.	: Müstensih
öl.	: Ölümü
s.	: Sayfa
S.	: Sayı
Sül. Ktb.	: Süleymaniye Kütüphanesi
TDK	: Türk Dili Kurumu
TDV	: Türkiye Diyanet Vakfı
Trc.	: Tercüme
TY	: Türkçe Yazmaları
vb.	: ve benzeri
vd.	: ve diğerleri
yk.	: Yaprak
Yz.	: Yazma



## ÖN SÖZ

Klâsik Türk edebiyatı çalışmalarında metinlerin yeni yazıyla neşri önemli bir yer tutmaktadır. Klâsik şiirin en önemli ürünlerinden biri olan divanların bir kısmının tenkitli metni yapılmış, bu sayede okuyucu ve araştırmacılara büyük kolaylıklar sağlanmıştır. Fakat özellikle ikinci dereceden şairlere ait divan, divançe ve mecmualardan hâlen yeni yazıya aktarılmamış olanlar vardır. Her ne kadar edebiyat ve edebiyat tarihi için birinci dereceden önemli eserler olmasa da karşılaştırma yapabilmek, metinler arası ilişkileri tespit edebilmek ve kataloglardaki bilgileri tashih ve teyit edebilmek için bütün metinlerin yeni yazıya aktarılması gerekmektedir.

Tezkirelere ve kataloglara bakıldığında aynı veya farklı dönemlerde yaşamış Vecdî mahlaslı dokuz şaire rastlanır. Vecdî mahlaslı bu şairlere ait şiirlerin veya divanların kaynaklarda birbirine karıştırıldığı görülmektedir. XVI. yüzyıl şairi Filibeli Abdurrahman Vecdî'ye ait eser de kataloglarda Vecdî mahlaslı şairlerden en fazla tanınan XVII. yüzyıl şairi Abdülbaki Vecdî (Boğuk-zâde) adına kaydedilmiştir. Filibeli Abdurrahman Vecdî'ye ait tertipli olmayan bu otograf nüsha 107 varaktır.

Filibeli Vecdî'yi tanıtmayı ve eserinin metnini neşretmeyi amaçlayan bu çalışma, iki ana bölümden oluşmaktadır. İlk bölümde tezkirelerden ve eserinden hareketle Vecdî'nin hayatı ve edebî kişiliği üzerinde durulmuş, eserinin muhtevası ortaya konulmuştur. İkinci bölümde çevriyazıya yer verilmiştir. Çevriyazı yapılırken Vecdî'nin olmadığı kanaat getirilen manzum veya mensur metinler çalışmaya alınmamıştır. Mürettep olmayan yazma nüsha, yer yer manzumelerle süslü mensur metinler de ihtiva ettiğinden, manzumeler nazım şekillerine göre yeniden tasnif edilerek mürettep divan formatına sokulmuş, mensur bölümler en sona ilave edilmiştir. Bu arada metinlerin geçtiği yaprak numaraları da manzum ya da mensur metnin başında belirtilmiştir.

Divan'da bazı manzumelerin başında yer alan "kıt'a, rubâî" gibi başlıklarla nazım şeklinin uyumadığı görülmektedir. Manzumeleri nazım şekillerine ayırma ve isimlendirme hususunda karşılaşılan problemleri gidermek amacıyla kaynaklara

müracaat edilerek orta bir yol takip edilmeye çalışılmış, manzumeler uygun nazım şekli ile isimlendirilmiş ve bu şekilde tasnif edilmiştir. Manzumelerin bazen başında, bazen kenarında şiirlerin yazılış sebebini veya takdim edilen şahsı belirten ifadeler, hem dipnotta gösterilmiş hem de kolaylık sağlamak amacıyla toplu olarak varak numaralarıyla birlikte çalışmanın sonuna liste halinde eklenmiştir. Yine yazma nüshada geçen şahıs, yer ve eser adlarının da dizini yapılarak son kısma ilave edilmiştir.

Eserin tek nüsha olması nedeniyle çevriyazı esnasında bazı zorluklarla karşılaşmış, bazı kelimelerin okunuşunda tereddütler ortaya çıkmış, okunuşunda emin olunamayan yerler soru işareti (?), metne yapılan bazı eklemeler de [] işaretiyle belirtilmiştir.

Bazı şiirlerde şair tarafından sonradan yapılan değişiklikler, eklemeler, farklı yaklaşımlar dipnot olarak belirtilmiştir.

Şairin Divan'ında geçen Arapça ve Farsça şiirler; şiirlerde ve mensur metinlerde yer alan Arapça ve farsça ibareler, kelimeler, ayet ve hadislerin de çevriyazısı yapılarak verilmiştir.

Eserin çevriyazısı yapılırken İsmail Ünver'in "Çevriyazıda Yazı Birliği Üzerine Öneriler" adlı makalesi göz önünde bulundurulmuştur.

Elde olmayan sebeplerden dolayı çalışmamızda görülebilecek kusur ve eksikliklerin hoşgörüyü karşılanacağını umuyoruz. Metin kurma aşamasında yardım ve desteklerini esirgemeyen Doç. Dr. Süleyman ÇALDAK Bey'e teşekkürü bir borç biliriz.



## I. BÖLÜM

### VECDÎ'NİN HAYATI, EDEBÎ KİŞİLİĞİ, ESERİ







## 1. VECDÎ'NİN HAYATI VE EDEBÎ KİŞİLİĞİ\*

Klâsik edebiyatımızda şairler, şiirlerini genellikle müstear bir isim kullanarak yani bir mahlas ile yazarlar. Şairlerin bazen kendi isimlerini mahlas olarak kullandıkları (Şeyhülislâm Yahya Efendi-Yahya), bazen hiç mahlas kullanmadıkları (Şeyhülislâm Kemâl Paşa-zâde, Kadı Burhaneddin) görüleceği gibi bir kısmının da hayatı boyunca birden fazla mahlasla şiir yazdığı bilinmektedir (Nef'î-Darî, Galib-Es'ad, Sürûrî-Hüznî-Hevayî gibi). Bu arada aynı ismin birden fazla kişi tarafından mahlas edinildiği de çokça karşılaşılan bir gerçektir (Ahmed, Asım Bakî, Mehdi vb.). Bu durum şairlerin şiirlerinin birbiriyle karışmasına sebep olduğu için, bazı sanatkârlar kimsenin rağbet etmeyeceği bir isim bulmak için gayret gösterme ihtiyacı hissetmişlerdir.<sup>1</sup> Bu kanşma şanssızlığından nasibini alan şahıslardan biri de Vecdî'dir.

Tezkireler taranınca görüleceği üzere Vecdî mahlasını kullanarak şiirler yazan ve tezkirelere kaydedilecek kadar meşhur olan 9 ayrı şahısla karşılaşılacaktır.<sup>2</sup> Bunlardan en meşhuru 17. yüzyılda yaşamış, İstanbullu Boğuk Mustafa Ağa adında birinin oğlu olan ve Şamî-zâde'nin tezviriyile 1071/1661'de öldürülen Abdülhakî Vecdî'dir. Bu meşhur Vecdî ile karşılaştırılan Vecdî'lerden biri de 17. yüzyılın başlarında vefat eden Abdurrahman Vecdî'dir.

Kaynaklarda Abdurrahman Vecdî hakkında çok az bilgi bulunmaktadır. Olanlar da çelişkilerle dolu ve birbirinin tekrarı genel ifadelerdir. Şairden, Vecdî mahlasıyla bahseden sadece Kaf-zâde Faizî<sup>3</sup> ve Mehmed Süreyyâ'dır.<sup>4</sup> Kaf-zâde Faizî, sadece şairin adının Derviş-zâde Abdurrahman Vecdî, ölümünün de 1008/1599 tarihinde olduğunu belirterek şiirlerinden

---

\* Vecdî'nin hayatı, edebî kişiliği ve eseri ile ilgili bilgiler Hasan Kavruk'un "Bezmî Veya Vecdî Üzerine" (Bir Dergisi, C.9-10, 1998, s.359-367) adlı makalesinden istifade edilerek hazırlanmıştır.

<sup>1</sup> Fuzulî, Farsça Divan'ının önsözünde bu durumdan yakınlıkla Fuzulî mahlasını tercih etme sebebini anlatır. Bkz. *Fuzulî, Farsça Divan* (Haz. Hasibe Mazıoğlu), Ankara 1962, s. 11.

<sup>2</sup> H. İpekten-M. İsen vd., *Tezkirelere Göre Divan Edebiyatı İsimler Sözlüğü*, Ankara 1988, s. 524-525.

<sup>3</sup> Kaf-zâde Faizî, *Zübdetü'l-eş'âr*, Süleymaniye-Şehid Ali Paşa Ktb. No. 1877, Yk. 109b.

<sup>4</sup> Mehmed Süreyya, *Sicill-i Osmânî Yahud Tezkire-i Meşâhir-i Osmâniyye*, C. IV, İstanbul 1311, s.602.



örnekler verir. Mehmed Süreyya ise bunlara ilaveten Filibeli olduğunu ve “Sultan Mehmed-i Sâlis (1003/1595-1012/1603) evâilinde” öldüğünü kaydetmiştir.

Abdurrahman Vecdi, daha önce Bezmî mahlasını kullanmış, tezkire sahibi Âşık Çelebi'nin (926/1519–979/1571) muasır bir şairdir. Şair, Âşık Çelebi'den mahlas ricasıyla bir manzume yazmış muhtemelen “Vecdî”yi bundan sonra kullanmaya başlamıştır. “*Bezmî nâmına mahlasdan ferâgat olunup Vecdî olmamıza anlar sebep olmuştur. Lâkin tezkirelerinde yine Bezmîlikle yazmışdur.*” (33a) ibaresinden anlaşıldığı üzere Bezmî'ye bu mahlası veren Âşık Çelebi'dir. Âşık Çelebi tezkiresine kaydetmek üzere şairden şiir istemiş, şair aşağıdaki manzume ekinde istenenleri göndermiş ve Bezmî adıyla tezkireye kaydedilmiştir.

*Cünûn-ı 'aşka şâhid eşk ü âhum  
Beni dîvâna kayd it pâdşâhum*

*Çü bir da'vâya ola iki şâhid  
Olur makbûl 'inde'ş-şer' şâhum (33a)*

Âşık Çelebi, Bezmî mahlasıyla kaydettiği şair hakkında: “*Filibeli Kâdî Dervîş Çelebi'nün oğludur... Fâ'ikü'l-akrân ve sâhib-i fehm ü iz'ândur, şî're dahı hayli kâbiliyyeti ve her vaf' u ta'rife mahalliyeti olduğu sebebdan birkaç ebyâtı isbât için ityân olındı.*”<sup>5</sup> tarzındaki değerlendirmesinden sonra üç beyitlik örnek verir:

*Levha-i icâda kudret kilki yazmadan elif  
Zâtuñı bir âñlayup tevhîde oldum mu'terif*

ve

*Tolı gül-âb ile göricek gonca câmını  
Nûş itdi çekdi teşne imiş mihr-i tâbdâr*

<sup>5</sup> Âşık Çelebi, *Meşâiru's-su'arâ* (Haz. Meredith-Owens), London 1971, 55a. Bu beyitler, incelemesini yaptığımız yazmada “17a ve 38a”da da kayıtlıdır.

*Sevdâ-yı zülfün ireli Vecdî fütâdenün*  
*Çok kıl u kâle kudreti yok 'aklı târ-mâr*

Âşık Çelebi, şairin adının Abdullah olduğunu belirtir. Fakat Vecdî, mecmuasında adının Abdurrahman olduğunu açık bir şekilde ifade etmektedir (70a). Kınalı-zâde de Bezmî mahlasıyla tezkiresine kaydettiği şairin Filibeli ve Kadı Derviş Çelebi'nin oğlu Abdullah olduğunu, halk arasında Topal Kadı diye tanındığını, “*Fâ'iku'l-akrân sâhib-i ilm ü 'irfân*” bir şair olduğunu vurgulayarak Bezmî'nin 988/1580'de öldüğünü belirtir.<sup>6</sup> Ölüm tarihi Kâmûsu'l-lâ'm'da da aynı bilgiler aktararak 988 olarak tekrarlanmıştır.<sup>7</sup> Mehmed Süreyyâ, Vecdî maddesinde aktardığı bilgileri Bezmî maddesinde de tekrarlamış, burada şairin adının Abdullah olduğunu kaydetmiştir.<sup>8</sup> Kınalı-zâde ve onu tekrarlayan Şemseddin Samî'nin ölüm tarihi olarak verdikleri 988/1580 tarihinin doğru olmadığı, Kaf-zâde'nin kaydettiği (1008/1599) tarihin doğruya daha yakın olduğu hususunu, Mehmed Süreyyâ'nın “*Sultân Mehmed-i Sâlis evâilinde fevt oldı*” ifadesiyle sıhhat kazanmaktadır. Zira Vecdî, söz konusu mecmuasının başında Eğri'nin 1005/1596'da fethine dair yazdığı bir tarih manzumesini kaydetmiştir (2b). Yine 1004/1595'te sadrazam olan İbrahim Paşa'ya yazdığı bir manzumesi (1b) de bize şairin 1004-1005'li yıllarda yaşadığını göstermektedir.

Buraya kadar söylediklerimizden sonra kesin olarak söylenebilecek olan Sofya kadısı Derviş Çelebi'nin oğlu olan ve önceleri Bezmî mahlasıyla şiirler yazan Filibeli Abdurrahman Vecdî'nin, Derviş-zâde Topal Kadı lakabıyla meşhur olduğu ve Sultan III. Mehmed'in saltanatının ilk yıllarında 1008/1599'da vefat ettiğidir. Şaire Vecdî mahlası, tezkire sahibi Âşık Çelebi tarafından verilmiştir. Bu nedenle bazı kaynaklarda adının Abdullah, ölüm tarihinin de 988/1580 olarak kaydedilmesi doğru değildir.

Vecdî'nin iyi bir eğitim aldığı, döneminde ilmiyle kendisini kabul ettirdiği de kaynaklarda belirtilen hususlardandır. Yazmadaki Arapça ve Farsça metinlerden hareketle Vecdî'nin bu dilleri şiir yazacak derecede iyi bildiği anlaşılmaktadır. Hayatını değişik yerlerde müderrislik ve kadılık yaparak geçiren şairin ne zaman, nerede vazife yaptığı tesbit

<sup>6</sup> Kınalı-zâde Hasan Çelebi, *Tezkiretü's-şu'arâ*, C. I, (Haz. İbrahim Kutluk), Ankara 1978, s.212.

<sup>7</sup> Şemseddin Samî, *Kamusu'l-a'lâm*, C.II, İstanbul 1306, s. 1307.

<sup>8</sup> Mehmed Süreyyâ, age., s. 602.

edilememektedir. Fakat divanda Vecdî'nin; Florina (32b), İbra'il (35b), Uzuncaova (70b), Karinnâbâd (77b), İvrace (79a), Dubniçe (45a, 95b, 97b), Ürgüp (107a) ve Peçuy'da (69b, 70a, 95b) kadılık görevlerinde bulunduğu, Hayrabolu'da (33b) üç yıl müderrislik yaptığı anlaşılmaktadır. Görüleceği üzere şairin hayatının büyük bir kısmı Balkanlar'da geçmiştir.

Vecdî'nin tarihi ve süresi belli olmamakla beraber bir müddet İstanbul'da kaldığı da anlaşılmaktadır. "*Baba Efendi İstanbul'a müşerref oldukda virilmiştir*" (65b) başlığıyla kaydettiği bir manzumesinden, Nakşibendi şeyhlerinden Filibeli Rızâyî'nin (öl.988/1580)<sup>9</sup> bir ara İstanbul'a gelişinde şairin de orada olduğu ve ona şiir takdim ettiği anlaşılmaktadır. Yine Kütahya'da da bir müddet bulunduğunu, orada bir müderrise yazdığı "arz-ı hâl"den anlamaktayız (5a).

Vecdî, atandığı veya azl edildiği görevlerle ilgili çeşitli bilgiler vermiş, karşılaştığı problemleri, yaşadığı dönem ve çevreyle ilgili gözlemlerini açık bir biçimde manzum veya mensur bir biçimde dile getirmiştir. Vecdî'nin şiirlerini sunduğu kişilere dikkat edilince onun yaşadığı dönemde en üst makamdaki idareciden en alt makamda çalışan görevlilere kadar pek çok kişiyle irtibatı olan, herkesçe tanınan, bilinen, sevilen, hatırı sayılan birisi olduğu, herkesle iyi geçinmeye çalıştığı anlaşılmaktadır. Sultan III. Murad (44b), Sultan III. Mehmed (97a), Sadrazam Sinan Paşa (öl. 1004/1605) (95b), Bostan-zâde Mehmed Efendi (öl.1006/1607) (55a), Sunullah Efendi (öl. 1021/1612) (89b), Kazasker Abdurrahman Efendi (öl.983/1575) (9a), Zeyrek-zâde (12b, 69b), Karaçelebi-zâde Hüsam Çelebi (32b), Şeyhülislâm Zekerîyya Efendi (öl.1001/1592) (45b, 47a, 49a, 68b, 84b, vd.), Sadrazam Ferhat Paşa (öl.1003/1594) (93b) vb. pek çok üst düzey siyaset, ilim ve sanat erbabına bazen makam talebi, bazen tebrik, bazen de şikayet vesilesiyle şiirler sunduğu göz önüne alınırsa şairin yaşadığı dönemde hayli aktif birisi olduğu anlaşılmaktadır. Hatta Vecdî bir şiirinde Dubniçe kadısı iken azl edilip Peçuy'a gönderilmesi sebebiyle dönemin kazaskerini, haksız tasarrufundan dolayı Sadrazam Ferhat Paşa'ya şikayet etme cesaretini gösterebilmiştir (93b-94a).

<sup>9</sup> Şemseddin Samî, age., C. III, s.2286.

Vecdî'den bahseden kaynaklar onun şairliğini takdir ederler. Çağdaşı Âşık Çelebi, “*şî're dahı hayli kâbiliyyeti ve her vafu ta'rife mahalliyeti*”<sup>10</sup> olduğunu söylemiş, Kınalı-zâde Hasan Çelebi de şiir sanatında ehliyeti ve yeteneğinin bulunduğunu tekrar etmiştir.<sup>11</sup>

Çoğu kaside biçiminde ve methiye tarzında yazılan manzumeleri genelde lirizmden yoksun, kuru bir ifadeyle kaleme alınmıştır. Şiir tekniğini iyi bilen, aruzu rahat kullanabilen şairin gazelleri, müfredleri, kasideleri kadar kuru değildir. Manzumelerin ve mensur metinlerin çoğunda Vecdî'nin yaşadığı ve gözlemlediği olaylara ait ipuçları bulmak mümkündür. Vecdî, ifade etmek istediği hususları açık ve net bir söyleyişle ortaya koymuş, edebî sanatlara fazla yer vermemiştir. Bu yüzden manzumelerinde yoğunluk ve derinlik pek görülmez.

Vecdî, bir kısmı başka şairlere nazire olarak yazılan gazellerinde genellikle rindane, âşıkane konulara yer vermiş, bazen didaktik, hikemi manzumeler de kaleme almıştır. Baba Çelebi adıyla meşhur olmuş Filibeli Rızâyî Mahmud Efendi (öl.988/1580) ile çok sıkı bir ilişkisi vardır. Rüstem Paşa'yla yakın münasebeti olan bu Nakşibendî şeyhinin, devrinde büyük bir nüfuzu bulunmaktadır. Vecdî'nin Baba Çelebi'ye bir hayli şiir yazdığı görülmektedir (26b, 29a, 30a, 62a, 65a, 65b, vd.). Özellikle kasidelerinde ve diğer bazı manzumelerinde tasavvufî unsurlardan faydalanmakla birlikte mutasavvıf bir şair değildir. Dinî konulara da fazla girmemiştir. Mecmuasında bir tevhidî (17a), bir na'tî (17b) bulunmaktadır. En çok kaside sunduğu kişilerden biri de Şeyhülislâm Zekerîyya Efendi (öl.1001/1592)'dir (12b, 45b, 47a, 49a, 68b, 84b).

Vecdî'nin şiirlerinde kullandığı dil ağır değildir. Uzun Arapça, Farsça tamlamalara, muğlak ifadelerle fazla yer vermemiş, döneminde herkesin anlayabileceği sade bir anlatım tarzını kullanmıştır. Şairin bazı şiirlerini kısa eklemeler ve isim değişiklikleriyle başka şahıslara da takdim ettiği olmuştur. Mesela, Bostan-zâde adına yazılan bir kasidesinin kenarında kayıtlı “*işbu kasîde merhum İvaz Efendi'ye dahi virilmiş idi. Merhum okuyup tamâm itdükde bunda adum sanum yok anca yoksa vezne gelmez mi*” (14a) ibaresi, kendisinin bu tarz tasarruflarının bir örneğidir. Birkaç beyit ekleyerek veya bazı beyitleri

<sup>10</sup> Âşık Çelebi, age., s.55a.

<sup>11</sup> Kınalı-zâde Hasan Çelebi, age., C. I, s.212.

çıkarak, değiştirerek ikinci şahıslara takdim ettiği bir hayli manzumesi bulunmaktadır.

## 2. ESERİ

Vecdî'nin tespit edilebilen tek eseri divanıdır. Vecdî'den bahseden kaynaklarda onun başka bir eserinden söz edilmez. Şairin kendisi de, yazmada başka bir eserinden bahsetmemektedir. Eserin başka bir nüshasına da şu ana kadar rastlanamamıştır.

Vecdî'nin tek nüshası mevcut olan bu eseri, kütüphanede daha önce bahsi geçen Vecdî mahlaslı şairlerden en meşhuru Abdülhakî Vecdî adına kayıtlıdır. İyi bir şair olmasına rağmen ancak bir divançe oluşturacak kadar az sayıda şiiri olan Abdülhakî Vecdî'nin Divançe'si çok okunmuştur. Sadece İstanbul kütüphanelerinde<sup>12</sup> 26 nüshası bulunan divançeyle ilgili iki yüksek lisans çalışması yapılmış<sup>13</sup>, eski harflerle iki kez<sup>14</sup> yeni harflerle de bir kez<sup>15</sup> neşredilmiştir. İstanbul Kütüphaneleri Türkçe Yazma Divanlar Kataloğunda Abdülhakî Vecdî'nin dışında divan nüshası olan başka Vecdî de belirtilmemiştir. Söz konusu eserde Vecdî'nin divan nüshalarının tavsifi verilirken 25. sırada Bayezid (Velîyüddin Efendi) Ktb. No. 2705'te kayıtlı 107 varaklık bir nüshadan bahsedilir. Bu otograf bir nüshadır. Bu önemli özellik başka kaynaklarda da hususan belirtilmiş ve Abdülhakî Vecdî'nin kendi el yazısıyla kaleme almış olduğu Mecmua-i eş'arının adı geçen kütüphanede olduğu kaydedilmiştir.<sup>16</sup> Söz konusu bu nüshadaki şiirlerin hiçbirisi Abdülhakî Vecdî'nin diğer divan nüshalarında yoktur. Gerek hacim, gerekse muhteva itibarıyla

<sup>12</sup> Komisyon, *İstanbul Kütüphaneleri Türkçe Yazma Divanlar Kataloğu*, C. II, İstanbul 1959, s.390-402.

<sup>13</sup> Sebahaddin Sarı, *Vecdî Divanı*, Fırat Üniv. Sosyal Bilimler Enstitüsü (Basılmamış Yüksek Lisans Tezi), Elazığ 1993; Eşref Yanmaz, *Vecdî Hayatı, Edebî Kişiliği ve Divanı'nın Karşılaştırmalı Metni*, Atatürk Üniv. Sosyal Bilimler Ens. (Basılmamış Yüksek Lisans Tezi), Erzurum 1995.

<sup>14</sup> Divân-ı Vecdî, İstanbul 1289, 24 s.; Divançe-i Vecdî, İstanbul 1308, 64 s. (Bu baskının başında Faik Reşad'ın Vecdî hakkında bir yazısı vardır); Bkz. M. Seyfettin Özege, *Eski Harfli Basılmış Türkçe Eserler Kataloğu*, C. I, İstanbul 1971, s.296. Divan, yeni harflerle de yayımlanmıştır.

<sup>15</sup> Ahmet Mermer, *XVII. Yüzyıl Divan Şairi Vecdî ve Divançesi*, İstanbul 2000.

<sup>16</sup> Bkz. Bursalı Mehmed Tahir, *Osmanlı Müellifleri*, C.II, İstanbul 1333, s.479; N. Sami Banarlı, *Resimli Türk Edebiyatı Tarihi*, C. II, İstanbul 1971, s.667; *Büyük Türk Klasikleri*, C.V, İstanbul 1987, s. 188.

diğerlerinden tamamen farklı olan bu otograf nüsha, adı geçen meşhur Abdülhakî Vecdî'ye değil 17. yüzyılın başlarında vefat eden Abdurrahman Vecdî'ye aittir.

Vecdî, gerek şiirlerin içinde, başında, gerekse sayfa kenarlarında kendisi hakkında birtakım notlar kaydetmiştir. *“Harrerehu'l-fakîr ‘Abdu'r-rahman eş-şehîr bi-Vecdî el-kâdî bi-Peçuy”*<sup>17</sup> ibaresi ve manzumelerin başında sık sık kullanılan *“el-fakîr”*, *“bu hakîr”*, vb. ifadeler nüshanın otograf olduğunu göstermektedir.

Yazmanın tavsifi:<sup>18</sup>

**Baş:** Bi-hamdî'llâh yerin buldı vezâret  
Oturdı sadra ol sâhib-sa'âdet

**Son:** Zihârün ve ilâ'ün ve fey'ün fe-hazihi  
Tesihhu ma'a'l-ikrâhi 'iddetühâ 'aşr

Yk: 124, ölç: 205x130 st. muhtelif, yz. ta'lîk szb: kırmızı, kt: âbâdî taklidi, ct: kahverengi meşin, soğuk damga şemseli.

Eser, mecmuanın 1-107 yaprakları arasındadır. Başta dört vakıf mührü bulunmaktadır. Mecmuanın istinsah tarihi de belli değildir. Fakat 1006/1579'dan sonra 1008/1599'dan önce yani şairin ölümüne yakın yıllarda yazılmış olması muhtemeldir.

Yazma mürettep bir divan değildir, rastgele düzenlenmiştir. Yazma içerisinde farklı konularda yazılmış manzumeler ihtiva eden mensur metinler de bulunmaktadır. Yer yer (şaire ya da başkasına ait) Arapça ve Farsça manzumeler de içeren eserde hemen bütün nazım şekilleri ile yazılmış manzumelere örnek bulmak mümkündür. (bkz. Tablo I) Mecmuada bazen kenarlarda, bazen aralarda bolca beyit kayıtlıdır.

Vecdî neredeyse bütün manzumelerini bir olay veya gerekçe üzerine kaleme almış, manzumenin yazılış sebebini ve takdim ettiği kişiyi de belirtmiştir. Bu yüzden manzumelerinin

<sup>17</sup> Bayezid-Veliyüddin Efendi Ktb., No.2705, Yk.70a.

<sup>18</sup> Nüsha tavsifinde İstanbul Kütüphaneleri Türkçe Yazma Divanlar Katalogu'nda kullanılan kısaltma sistemine riayet edilmiştir.

büyük çoğunluğu bir başkasına “virilmişdür” veya birisi adına “yazılmışdur” ibareleriyle kayıtlıdır.

NAZIM ŞEKLİ		Bölüm						Toplam
		Manzum Bölüm			Mensur Bölüm			
					(Mensur+Manzum)			
		TR.	FR.	AR.	TR.	FR.	AR.	
Kaside		29			4			33
Mesnevi		12			5			17
Tarih Kıtası		3						3
Musammatlar	Murabba	1						1
	Tahmis	3						3
	Muhammes	1						1
	Müseddes	3						3
	Müstezad	-			1			1
Gazel	Gazel	74			7			81
	Nazire	16						16
Kıta		56			11	1		68
Nazm		31			28	2	1	62
Rubâî		-	1					1
Beyitler	Matla	90			65	9	6	170
	Müfred	21			10	9	3	43
	Muamma	4						4
Mısra		-			13	4	1	18

*Tablo I: Vecdî Divanındaki Metinlerin Tasnifi\**

\* Bir fikir verebilmek için divanda yer alan manzumeleri ve bunların sayılarını tablo ile yansıtmaya çalıştık. Şairin manzumenin başına koyduğu isimle manzumenin nazım şeklinin uyuşmaması, bazı manzumelerin nazım şekillerinin tespitindeki zorluklar, şairin kendisine ait olmayan manzumelerin de divanda yer alma ihtimali vb. problemler tablodaki rakamlara (özellikle mısra ve beyitler) ihtiyatla yaklaşmayı gerektirmektedir.

II. BÖLÜM  
VECDÎ DÎVÂNÎ (ÇEVRIYAZI)





## 1. Çevriyazıda Uyulan Kurallar

1. Çevriyazıda aşağıda yer alan “transkripsiyon alfabesi”ne uyulmuştur.
2. Arapça ve Farsça kelimelerdeki uzun ünlüler üzerine (-) işareti konularak belirtilmiştir. *karâr, sîne, ‘ulûm*.
3. Farsça edat ve ön eklerin tamamı kısa çizgi (-) ile ayrılmıştır: *nâ-dân, der-pîş, bî-sabr u karâr*.
4. Farsça “âsâ, çe, dâr, zâr, ân, istân, ger, vâr, kâr” gibi son ekler bitişik yazılmıştır. *Burakâsâ, sebzezâr, şekeristân, yârân, kâmkâr*.
5. Birleşik kelimeler kısa çizgi (-) ile ayrılmıştır: *ser-nâme, sîne-hâne*.
6. Farsça kelimelerdeki “vâv-ı ma’dûle”, “” biçiminde gösterilmiştir: *hân, hâce*.
7. Edatlarla yapılan Farsça tamlamalarda edatlar kısa çizgi (-) arasına alınmıştır: *germ-â-germ, pey-der-pey, ser-â-ser*.
8. Türkçe kelimelerin sonunda bulunan “b”ler “p” ile yazılmıştır: *görüp, idüp*.
9. Metinde okunuşunda tereddüt edilen veya vezin problemi görülen yerler [?] işareti ile gösterilmiştir.
10. Müellifin bazı ibarelerin yanına düşmüş olduğu notlar ve sahh kayıtları dipnotta verilmiştir.
11. Manzumelerde vezin gereği kısa okunması gereken yerlerdeki uzatmalar gösterilmemiştir: Vecdî-i.
12. Metne tarafımızdan yapılmış eklentiler [] işareti ile gösterilmiştir: Bu ebyât-ı hikmet-âyât dahı Zekerıyyâ Efendi’ye [virilmiştir.]
13. Hece düşmeli ulamaları belirtmek için kesme işareti kullanılmıştır: *ki odur: k’odur*.

## KASİDELER

-1-  
(44b-45a)

## Kasîde be-nâm-ı pâdşâh-ı dîn-penâh

*Mef'ûlû Fâ'ilâtü Mef'ûlû Fâ'ilün*

- 1 Ey şâh-ı dîn-penâh 'ale'l-birri ve't-tükâ  
Ve'y pâdşâh-ı mülket-i dünyâ 'ale'l-hüdâ
- 2 Ey câmi'-i cemî'-i kemâlât-ı kâ'inât  
Sensin Muhammed ümmetine hısn-ı mültecâ
- 3 Hâmî-i dîn ü hâfız-ı seccâde-i nebî  
Zât-ı kerîmüne ne disem Husrevâ revâ
- 4 Başuñda tâc-ı saltanat-ı dîn-i Ahmedî  
Zıll-ı zalîl-i hazret-i Hakk egnüne kabâ
- 5 İki cihân sa'âdeti sâbit eyledüñ  
Ey şâh-ı 'âlem itmek ile nefy-i mâ-sivâ
- 6 Sultân-ı dehr Hân Murâd ibni Şeh Selîm  
Hâk-i der-i sa'âdetidür kuhl ü kîmyâ
- 7 Şâh-ı 'Acem şerîf-i 'Arab 'arz idüp hulûs  
Lebbeyk okur kapuñda iki 'abd-i kem-bahâ
- 8 Dâg-ı elemle şâh-ı 'Acem didi tâ-be-key  
Oğlın kapuña bende kılup itdi ilticâ
- 9 Evsâfuñ işidüp şeh-i A'câm didi hoş  
Görüp şerîf-i hasletüñi didi habbezâ
- 10 Re'yüñle itmedüñ bu olan dürlü işleri  
Şer'-i şerîfe tâbi' olup itdüñ ibtidâ
- 11 Yol gösterüp 'asâkirüne çâr-yâr-ı dîn  
Bu vâdiye meşâyıh-ı şer' oldı reh-nümâ

---

10a. Re'yüñle: Kendüñden *sahh*.

- 12      Ervâh-ı evliyâ-yı 'Acem bu yire gelüp  
Sen pâdşâhı da'vet idüp didiler be-y-â
- 13      Hark itdi tîguñ 'âlemi akdı memâlike  
Âb-ı revân emr-i Hudâ şer'-i Mustafâ
- 14      Îrân diyârın eyledi vîrân 'askerûñ  
Şîrvân iline hükmi revân eyleseñ n'ola
- 15      Asduñ gazâ kılınıcı 'arş üzre râyeti  
Ahsente didi her işiden şâh eger gedâ
- 16      Her bir gedânunñ işi degül medh-i pâdşâh  
Kanber ne bile n'eydüğini kadr-i Murtazâ
- 17      Budur şi'rûñ muhassalî ey şâh-ı kâmkâr  
Dir gülsitânda bülbül-i Sa'dî-i hoş-edâ
- 18      Ber-tu'st pâs-ı hâtır-ı bî-çâregân u şükr  
Ber-mâ u ber-Hudâ-yı cihân-âferîn cezâ
- 19      Vecdî kazâ belâsını çekmişdür ol kadar  
Budur garîb yine olur tâlib-i kazâ
- 20      'Azl üzre geçdi iki yılı cân zamânıdur  
Yazılsa aña hatt-ı hümayûn-ı pâdşâ
- 21      Ol 'abd-i nâ-murâda eger iltifât ola  
Dubniçe'nün kazâsıdurur matlab u münâ
- 22      Kes sözi keyyis iseñ uzatma hikâyeti  
Kıl pâdşâh-ı 'âleme bir hayr ile du'â
- 23      Hak hazretinde cümle murâduñ bula husûl  
Şâhum cihânda devlet ü 'izzet ile çok yaşa

-2\*-  
(1b)

*Mefâ'ilün Mefâ'ilün Fe'ûlün*

- |    |  |
|----|--|
| 1  | Bi-hamdi'llâh yerin buldı vezâret<br>Oturdı sadre ol sâhib-sa'âdet   |
| 2  | Cülûsı oldı şa'bânuñ beşinde<br>Hezâr ü çâr idi târîh-i hicret       |
| 3  | Nihâd-ı nîk-şân dâmâd-ı sultân<br>Kerîmü'l-hâsle İbrâhîm-hillet      |
| 4  | Vezîr-i a'zam-ı sultân-ı a'zam<br>Zahîr ü dest-gîr-i hayr-ı ümmet    |
| 5  | Mahall-ı ma'delet cây-ı emânî<br>Mekân-ı mekremet kân-ı fütüvvet     |
| 6  | Seniyyü'l-vasf sâmiyyü'l-esâmî<br>Semiyy-i sünni-i [?] sâhib-sekînet |
| 7  | Vücûd-ı cûd-bahşî biñ başında<br>Olupdur mü'minîne elf-i ni'met      |
| 8  | Gelür her yüz yıl olsa bir müceddid<br>Diyü buyurdı sultân-ı risâlet |
| 9  | Saňa buyruldı hâlâ emr-i tecdîd<br>Cezâke'llâh zihî mecd ü siyâdet   |
| 10 | El elden üstün olup râst geldi<br>Benân-ı pâküñe mühr-i hilâfet      |

---

\* “Vezir-i a'zam İbrâhîm Paşa Hazretlerine virilmiştir.”; Aynı kaside küçük değişikliklerle “İbrâhîm Paşa hazretleri vezir-i a'zam olduklarında” şeklinde bir bilgi ile 101b'de de yer almaktadır. Bu nedenle 101b'de yer alan kaside çalışmaya dâhil edilmemiştir.  
10b. hilâfet: vezâret.

- 11 Cenâb-ı kudsüñe olsun Hudâyâ  
Hedâyâ-yı sipâs u şükr ü minnet
- 12 Ki virdüñ bu vezîr-i bî-nazîri  
İder şer' ile kânûnı ri'âyet
- 13 Dırâz it 'ömrini hırsını az it  
Yapılsun devletinde bâb-ı rüşvet
- 14 Mübârek eyle ol mühr-i kerîmi  
Be-hakk-ı hâtem-i hatm-i nübüvvet
- 15 Bulup 'âlem nizâm u intizâmı  
Safâ kesb itdiler erkân-ı devlet
- 16 Ri'âyetler görüp hayl-ı re'âyâ  
Cihân halkına geldi istirâhat
- 17 Ümîd oldur cerâhât-ı sinâna  
Veriser iltiyâm ol hoş-cibillet
- 18 Görilür nîk ü bed el-hamdu li'llâh  
Sorilur hep sakâmet istikâmet
- 19 Mübârek oldı sultânım cülûsuñ  
Bu dîn a'dâsına irdi hezîmet
- 20 Açıldı râyet-i nasrûn-min-Allâh  
Virildi destüñe a'lâm-ı nusret
- 21 Ola hâşâ ki mahfî kalb-i pâke  
Ki şükr ile olur ni'met ziyâdet
- 22 Velî bu ni'metin şükriñ sorarsañ  
Re'âyâyı sıyânetdür sıyânet
- 23 'Umûmen ehl-i 'ilm olan gürûhuñ  
Virüp her birisine istimâlet
- 24 Kazâya ugramışlardur kuzâtuñ  
Libâsın eyle kutnî-i 'inâyet

13 Bu beyit sadece 101b'deki kasidede yer almaktadır.  
19a. cülûsuñ: kudümüñ *sahh*.

- 25 Husûsâ Vecdi-i zâr u zebûnuñ  
Sorup hâlini muhkem ihtimâ et
- 26 Du'â birle kılalum kasr-ı kıssa  
Du'âdur fî'l-hakîka söze gayet
- 27 Hudâyâ devletini dâ'im eyle  
Semîsi gibi makbûl-i enâm et
- 28 İlâhî zılluñı memdûd eyle  
O zılda cümlemüz âsûde-hâl et

-3\*-  
(57b-58a)

*Fe'ilâtün Mefâ'ilün Fe'ilün*

- 1 Elde iken beyüm dem-i fursat  
Fukarânun du'âsın al kerem et
- 2 Etmege et gerek dimişler çün  
Ete etmek gerek meded himmet
- 3 Gerçi etmekle iktifâ olunur  
Lîkin etle bulur kavî kuvvet
- 4 Et ne deñlü aruk ise şâhum  
Etmek üzre konur budur 'âdet
- 5 İki yüz dirheme irişdür eti  
Halkı lahm-ı ganemle mugtenem et
- 6 Nân nefsinde ulu ni'met ise  
Et dahı hem-çünân 'aceb ni'met
- 7 Fukarânun sözini gûş itdün  
Etmege söz yok ettedür sıhhat

---

\* "Merhûm Hâfız-zâde Efendi Filibe'de kâdi iken et ü etmek husûsında yazılmışdur."

- 8 Şimdi etmekçiyân kulagında  
Mihlar buldı şol kadar şöhrət
- 9 Saña halk oldı bende halka-be-gûş  
İtdiler cümle cân ile da'vet
- 10 Kim du'â itdi kim didi âmîn  
Müstecâb ide hazret-i 'izzet
- 11 Dili mihlandı hayl-i a'dânuñ  
Geldi her birine 'aceb hâlet
- 12 Garazum iştiâr-ı lutfuñdur  
Hak budur dilde budur emniyyet
- 13 Ne sanursam saña anı bulayın  
Hayr ile şerr ü ni'met ü nıkmət
- 14 İstemezsem cihânda rif'atüñi  
Zillete ugrayup bulam zellet
- 15 Hubbu li'llâh ve bugzu li'llâhdur  
İki 'âlemde budurur devlet
- 16 Ne dir isem huzûr u gaybette  
Bir degüldür garaz idem gıybet
- 17 Hazret-i Hak bu hâle şâhiddür  
'İlm-i Hak'dur hulûsuma hüccet
- 18 Hakk'ı işhâd iderse kizbe kişi  
Kâfir olur o dem bulur la'net
- 19 Bir iki satr alup ele Vecdî  
İtdi kassâb cengine cür'et



-4\*-  
(47b-48b)

*Fe'ilâtün Mefâ'ilün Fe'ilün*

- 1 Hazret-i Hakk'a hamd ü ta'zîmât  
Rûh-ı pâk-i Muhammed'e salavât
- 2 Âl u ashâbına tevâbi'ine  
Sad hezârân dürûd u teslîmât
- 3 ..... bu cümle-i a'yân  
Degül idi ezelde mec'ûlât
- 4 'İlm ma'lûma tâbi' ü tâlî  
Beyyine beyyine degül hâcât
- 5 Ol cihetden cenâb-ı 'izzetde  
Bir degüldür cemî'-i mevcûdât
- 6 Hikmet'ullâh iktizâ itdi  
Ki ri'âyet olma haysiyyât
- 7 Ne dilerlerse anı feyz ider  
Kime tâ'at ü kime Lât u Menât
- 8 Kasr-ı mâhiyyet olmaya tâ kim  
Derekât ehli bulmaya derecât
- 9 Su getüren señek sıyan bir ola  
Uymadı hikmete bu bed harekât
- 10 Gerçi mefzûle göre hoşdur bu  
Fâzıla lik haybet ü haserât
- 11 Şe'n-i Hakk itmedi bu şeyni kabûl  
Yaraşur aña ahsen-i hâlât
- 12 Sünnetu'llâhdur bu vaz'-ı şerîf  
Bu durur tavr u 'âdet-i sâdât

---

\* Bu ebyât-ı hikmet-âyât dahi Zekerîyyâ Efendi'ye [virilmiştir]  
3a. Okunaksız.

- 13 Fırka-i fâzılân-ı hikmet-bîn  
Oldılar cümleten bu yola üstâd
- 14 'Ulemâ zümresinde anuñ içün  
İ'tibâr olunurdu zât ü sıfât
- 15 Hayfdur devletüñde sultânum  
Zâyi' ola bu ahsenü'l- hasenât
- 16 'Âlim ü câhil 'ârif ü 'âmî  
Ber-ri'âyet ola zihî tâmmât
- 17 'İlm ü fazl ü kemâl ü ma'rifete  
Galebe eyleye zamân bi'z-zât
- 18 Cem' ola bir arada bûm ü hü mâ  
Âdemîlerle haşr ola haşerât
- 19 İ'tibâr olmaya yemîn ü şimâl  
Salih ü tâlihe virile berât
- 20 Bilürüz bu emirde muztardur  
Hazret-i kâdı-ı kudât u guzât
- 21 Bu 'amel iktizâ vü 'usr iledür  
Budur insâf ile olan kemâlât
- 22 Kıssa ma'lûmdur garaz mefhûm  
Niçe bir 'arz olına ma'lûmât
- 23 Lâzım-ı fâ'ide düşer haber  
Silk-i inşâda nazm olan ebyât
- 24 Gel hıyâm-ı senâya eyle kıyâm  
Tay olınsun tınâb-ı itnâbât
- 25 Münebbih olup du'â idelüm  
Nevm-i gafletde geçmesün evkât
- 26 Mansıb-ı devletine olmaya had  
Müddet-i 'ömri bulmaya gââyât

---

15a. Hayfdur devletüñde sultânum: Hayfdur 'ahd-i 'adl-i şâhide.

- 27 Hibe eyledüğüñce Vecdî'ye  
'İvâz eyleye vâhibü'l-berekât
- 28 Hibr-i zulmâni ile her gice  
Toldugınca bu idi çîni devât
- 29 Kalem-i fazluñ ile her dem-i subh  
Pür mezâyâ görine nüh safahât
- 30 Bîkr-i ma'nâ olup der-âgûşuñ  
Ola hem-sohbetüñ nebât-ı nikât
- 31 Tona dünyâ yüzini tefsîrüñ  
Ola nâmuñ müfessirü'l-âyât
- 32 İki 'âlemde hayr-ı maksûduñ  
Vire Allâh kâdiyyü'l-hacât

-5\* -  
(6a)

*Mefâ'ilün Mefâ'ilün Mefâ'ilün Mefâ'ilün*

- 1 Tahîyyât ile aîmîşlar dil-i gamgînüm idüp şâd  
Îlâhî cümle halk ile Karîn-âbâd ola âbâd
- 2 Kerem lutf eyleyüp ahvâlîmüz her biri sormîşlar  
Bi-hamdi'llâh sıhhatde eger evlâd eger ahfâd
- 3 Dilerün yâ Îlâhî cümlesinden olasın râzı  
Çü sahrâ-yı velâyetde buları eyledüñ evtâd
- 4 Bu ahvâl-ı meserret-bahşı ihbâr itdiler bende  
Du'â ile senâ kıldum bu inşâyı idüp inşâd
- 5 Harec var cümleñ nâm-ı şerîfin aîmada gördüm  
Anuñçün ba'zıñ ismini itdüm zîkr ile ifrâd
- 6 Müsemîmâdur Huseyn ismiyle ol zât-ı hasen-ahlâk  
K'olupdur zîkr-i bi'l-hayrını itmekde gönül mu'tâd

---

\* "Karin-âbâd kazâsında olan ihvâna yazılmışdur."

- 7 'Asel kim kuvvet-i cân kût-ı cism-i nâ-tüvânândur  
Koyup bir kutı içre eylemiş bu muhlise îrâd
- 8 Hulûs izhâr idüp Mahmûd Efendüm çok dürûd itmiş  
Soñın mahmûd ide ol kim cihânı eyledi bünyâd
- 9 'Alâ'u'd-dîn Efendi ya'ni ol pîr-i tarîk-i şer'  
Ki oldur kâtı'-ı 'asl-ı dalâl u kâmı'-ı ilhâd
- 10 Muhammed-hulk u Ahmed-nâm a'nî şems-i dîn-perver  
Dilüm tekrâr ider vasf-ı cemîlin nite kim evrâd
- 11 Bu dil-rîşe senâ itmiş Hatîb Dervîş Efendi çok  
Su'ûd ide sa'âdet minberine dâ'im ol hoş ad
- 12 Sinânu'l-milleti ve'd-dîn efendüm andadur zâhir  
Du'âlar gönderüp 'arz-ı senâmuz eyleyesiz yâd
- 13 Kemân-ı himmeti almış ele Yayı Dede yine  
Du'â tîrini pertâb eylemiş ol sâhib-i irşâd
- 14 İlâhî bu yedi yâri sen eyle ittifâk üzre  
Nite kim imtizâc ider bu 'âlemde çehâr ezdâd
- 15 Yeter bu deñlü ey Vecdî garaz 'arz-ı mahabbetdür  
Eger tavsîfe başlarsañ uzar ebyât olur heftâd

-6\*-  
(100a)

*Mef'ûlû Fâ'ilâtü Mefâ'ilü Fâ'ilün*

- 1 Erbâb-ı hall u 'akd iken a'yân-ı rûzgâr  
Hâll itdiler menâsıbı hep 'akdün adı var
- 2 Tebdîl ile kudât-ı zamânı berîd idüp  
Ahd itdiler ki göstereler ayda bir diyâr
- 3 İnsâf u 'adl ile nazar eyleñ bu nüshaya  
Budur cerîde-i 'amel-i dehr-i nâ-bekâr

\* "Defterdâr Emir Efendi'ye virilmiştir."

3b. ceride-i: harita *sahh*.

- 4      Tâ kim Emîr Efendi kodı sadr-ı defteri  
Muhtel yatur harâ'it-i a'mâl-i şehri-yâr
- 5      Sordum cenâbını didi hâtif cevâbda  
Ni'me'l-emîr u seyyid-i sâdât-ı kâmkâr
- 6      Hakk u adâlet ile görür defterüñ senüñ  
Mîr-i kebîr ü defteri-i şâh-ı nâmîdâr
- 7      Gel hâle idelüm nazarı geçdi çok geçen  
Dâr-ı rızâya dâhil olup idelüm karâr
- 8      Ümmîdimüz budur ki rızâ üzre olavuz  
Rıdvân Efendi hazretidür merci' ü medâr
- 9      Hâlâ hitâm-ı hükmüne merbût hall u 'akd  
Destindedür harâ'it-i a'mâl-i şehri-yâr
- 10      Nefsinde ehl-i dil harekâtında mu'tedil  
Ehl-i kemâle hidmet ile eyler iftihâr
- 11      Vecdî şikâyetin ko yeter bu hikâyetin  
Setr eyle sırrı râzuñı fâş itme zînhâr
- 12      Allâh 'ömr ü devlet ile müstedâm ide  
Sadr-ı sa'âdet üzre tuta dâ'imâ karâr

-7-  
(68b)

**Kasîde be-nâm-ı Zekeriyyâ Efendi**

*Mef'ûlû Fâ'ilâtü Mefâ'ilü Fa'ilün*

- 1      Ey mihr ü devletüñle ziyâda nehâr-ı şer'  
V'ey mâh-ı 'izzetüñle bahâda bahâr-ı şer'
- 2      Bahr-ı kemâl ü yemm-i hünerdür o tab'-ı pâk  
Cârî dilinden anuñ içün cûy-bâr-ı şer'

8 Bu ve sonraki beyit sayfa üstünde yer almaktadır.

10 Beyit, sayfanın sol kenarında yer almaktadır; b. hidmet: himmet *sahh*.

- 3 Ber-bâd oldu âteş-i kahr ile dâr-ı cev  
‘Adli suyuyla buldı ‘imâret diyâr-ı şehr
- 4 Cümle fûnûnı ‘ilm-i şerîfî muhîtdür  
Tab’-ı vasî’ine n’ola dîrsem bihâr-ı şer’
- 5 Zihninde mündemîcdürür fazl ile kemâl  
Sadrında munderic güher-i bî-şumâr-ı şer’
- 6 Kadd-i bülendi nahl-i gülistân-ı ‘adl ü dâd  
Ol nahle meyve mes’ele-i sad-hezâr-ı şer’
- 7 Kâdî’l-kudât hazret-i Sultân Murâd Hân  
Mîr-i serîr-i fazl u şeh-i tâcdâr-ı şer’
- 8 Hall itdi müşkilât-ı kitâb-ı Hidâye’yi  
Tevfik-i lutf-ı Hak’la o sâhib-vakar-ı şer’
- 9 İbni Kemâl’e virdi niçe vech ile cevâb  
Kıldı ‘inâyet ekmele ol nâmdâr-ı şer’

-8\*-  
(101b)

*Fe’ilâtün Mefâ’ilün Fe’ilün*

- 1 Hamdu li’llâh ki ol ‘aliyy-i kebîr  
‘Ulemâ haylin eyledi tevkîr
- 2 Sadr-ı dîvân-ı dîn idüp ya’nî  
Sen ‘alî-şâmı eyledi tasdîr
- 3 İsm-i pâküñ delîl-i ‘uluvv oldu  
Ki müsemâmâda eyledi te’sîr
- 4 ‘Aynı ‘ayn-ı ‘adâlet-i mahza  
Lâmı lâm-ı latîf-i lutfâ nazîr
- 5 Yâsı cüz’-i yemîn ü yûsr ü yesâr  
.....

3 Sayfanın sağ kenarında yer almaktadır.

\* “Kâdî-’asker Efendi ‘Ali Çelebi’ye virilmiştir.”

5b. Mısra okunaksız.

- 6 Vâsf-ı pâküünde irdi kilke kelâl  
Yazamaz biñde biri biñ debîr
- 7 Bâreka'llâh zihî huçeste-makâm  
Gûş idenler didi harî vü cedîr
- 8 İstimâ' eyleyen semâ' itdi  
Bu haberden hubûra irdi habîr
- 9 Ne meserret-fezâ nebe'dür bu  
Ki berîd-i sabâ ider tebşîr
- 10 Bu hadîs-i sahîh-i âmâlî  
Kâdılar itdi şevk ile tefsîr
- 11 Bu haberden safâ bulur her kes  
Sıyyemâ Vecdi-i fakîr ü hakîr
- 12 Mürde gûşına irse bu müjde  
Cân bulur olısar semî' ü basîr
- 13 Ben kuluñ hâlin eyle istiksa  
Rakk-ı rakk üzre eyledüm tahrîr

-9-  
(28b-29a)

*Me'ûlû Fâ'ilâtü Me'ûlû Fâ'ilün*

- 1 Ey mihr-i devletüñle ziyâda nehâr-ı lutf  
V'ey mâh-ı 'izzetüñle bahârda bahâr-ı lutf
- 2 Bahr-ı sehâ vü yemm-i kerem oldı keflerüñ  
Mîzâb-ı usbu'uñdan akar cûy-bâr-ı lutf
- 3 Keffeynüñ itdi 'âlemi sîm ile zer nisâr  
Anuñçün oldı tarf-ı yemîn ü yesâr-ı lutf
- 4 Ber-bâd oldı âteş-i kahruñla zâr-ı cevîr  
Âb-ı keremle buldı 'imâret diyâr-ı lutf
- 5 Bâzûlar oldı şâh-ı kavî berk pençeler  
Kaddüñ nihâline n'ola dirsem hıyâr-ı lutf

- 6 Şe'n-i kerîm ya'ni nişânî-i şeh Selîm  
Mîr-i serîr-i cûd u şeh-i tâcdâr-ı lutf
- 7 Ashâb-ı fakre melce vü me'vâdurur tapuñ  
Erbâb-ı ihtiyâca kapuñdur hisâr-ı lutf
- 8 Hâtem gulâm-ı halka-be-gûşuñ olurdı ger  
İrişse bâb-ı cûduña ey şeh-r-yâr-ı lutf
- 9 Devr içre şimdi ehl-i kerem murtazâsıdur  
Olsa elinde hâme n'ola zû'l-fikâr-ı lutf
- 10 Mevzûn nihâldür kad-i bâlâsı ol şehüñ  
Kim yiter anda sîm ile zerden tûmâr-ı lutf
- 12 Setr itdi ebr ile özini mihr-i âsmân  
Düşdi hicâba oldı meger şermsâr-ı lutf
- 13 Giydüñ libâs-ı devlet ü ikbâli egnüñe  
Oldı saña şî'âr-ı kerem hem disâr-ı lutf
- 14 Çokdur kapuñda bencileyin taleb-i kerem  
Vardur tapuñda aña göre bî-şümâr-ı lutf
- 15 Lutf u kerem ki sen şehe virmüşdürür Hudâ  
Bahş ola her gedâya diger sad-hezâr-ı lutf
- 16 Dürr-i du'â-yı devlet-i dâreyndür yüki  
Şekl-i sûtûr-ı şî'rûm olupdur katâr-ı lutf
- 17 Hâşâ ki bende medhüñe lâyık kelâm ola  
Ey şâh-ı pür-mekârim ü ey kâmkâr-ı lutf
- 18 Ma'nî yüzinde sözlerimüñ zerre lutfı yok  
Beyt âhirinde gerçi ki var âşkâr-ı lutf
- 19 Yokdur 'adîlûñ 'adl ü keremde zamânede  
İrişdi mûra mekremetüñ gördi mâr lutf
- 20 Budur kapuñ tolındugı ey şâh-ı pür-kerem  
Tapuñ lisân-ı hâl ile dir bende var lutf

---

20 Beyit, sayfanın sol kenarında yer almaktadır.



- 21 Bu devr-i cevkrâr ile vardur husûmetüm  
Dâ'im hilâfûm üzre döner ey medâr-ı lutf
- 22 Âvâre oldı yâr u diyârından ol garîb  
Yıldan ziyâdedür ki çeker intizâr-ı lutf
- 23 Kûyuñda gûy-ı bî-ser ü pâyum rubûde kıl  
Çevgân-ı cûduñ ile eyâ şeh-süvâr-ı lutf
- 24 Vecdî du'âcî kâse-i ümmîd alup ele  
Şey' li'llâh idegeldi kapuña umar lutf
- 25 Sen yemm-i mekremetle diler âşnâ ola  
İder ricâ ki ola garîk-ı bihâr-ı lutf
- 26 Turdukça devr devlet ile ol sebâtda  
Sahrâ-yı zahmet içre eyâ kûhsâr-ı lutf

-10\*-  
(24b)

*Mef'ûlû Mefâ'ilün Mef'ûlû Mefâ'ilün*

- 1 İllerde güneş gibi meşhûr ola sultânüm  
Dillerde kerem birle mezkûr ola sultânüm
- 2 Bilmez fukarâ çünkim âdâb-ı selâtîni  
Bu hâlet-i küstahî ma'zûr ola sultânüm
- 3 Hıdmetde kusûrum var illâ ki ümîd oldur  
Dâmân-ı kerem birle mestûr ola sultânüm
- 4 Ma'mûre idi evvel dildârı harâb oldı  
Demdür yed-i lütfuñla ma'mûr ola sultanum
- 5 Eslâf mürûr itdi anlardan 'İvaz'sın sen  
Ahlâfa keremler kıl me'cûr ola sultânüm

22 Beyit, sayfanın sol kenarında yer almaktadır.

\* “‘İvâz Efendi merhûma virilmişdür.”

- 6 Sultân Murâd Hân'a kâdî-i kuzât olduñ  
Tûmâr-ı kerem saña menşûr ola sultânüm
- 7 Beyne'l-'ulemâ hâlâ sâ'î-i salâh olduñ  
Ümmîd budur sa'yüñ meşkûr ola sultânüm
- 8 Ser-nâme-i nâmîde yazılsa revâ nâmuñ  
Her nâmede lâyıkdur mezbûr ola sultânüm
- 9 La'l u güher-i lutfuñ nazm eyledigüm budur  
Dürr-i keremüñ dehre mensûr ola sultânüm
- 10 Cümle fuzalâ senden râzîler u şâkirler  
Cebheñde rızâ'ullâh mestûr ola sultânüm
- 11 Hâcâtını Vecdî'nüñ li'llâh kazâ eyler  
Mesrûr ola ol gamgîn ma'cûr ola sultânüm

-11-  
(29a-29b)

**Kasîde-i kerem be-nâm-ı Hazret-i Baba Efendi (El-mükerremü'l-mufahhar rahimehu'llâhi ta'âlâ)**

*Fe'ilâtün Fe'ilâtün Fe'ilâtün Fe'ilün*

- 1 İstimâ' itse kuluñ kavlini sultân-ı kerem  
Dîñlese mûr söziñ ya'ni Süleymân-ı kerem
- 2 Görse hâlümi benüm fakr ile a'yân-ı sehâ  
Bilse zulm oldugını añlasa erkân-ı kerem
- 3 'Ayn-ı 'adl ile nazar eyleseler ben de disem  
Dâd elinden felegüñ ey şeh-i dîvân-ı kerem
- 4 Sâhib-i ehl ü 'ıyâlüm irişüp kaht-ı ma'âş  
Geldüm ihsân uma ey Yûsuf-ı Ken'ân-ı kerem
- 5 Bî-güneh dürlü cefâ eyledi hullân-ı vefâ  
Saldılar çâha beni zulm ile ihvân-ı kerem
- 6 Günehüm katre degüldür yem-i 'afva nisbet  
Pestdür kasr-ı kusûr u yüce eyvân-ı kerem

- 7 Agla ey dîde-i ter kim bile enhâr-ı sirişk  
Taşıcak mevc ura cûşa gele ‘ummân-ı kerem
- 8 Tâbiş-i gayret-i akrân ile yandı cigerüm  
Bir içim su meded ey çeşme-i hayvân-ı kerem
- 9 Kızdı tennûr-ı derûn âteş-i gayretle ‘aceb  
Kaynayup cûşa n’içün gelmiye tûfân-ı kerem
- 10 İşbu ebyâtı diyüp aglar iken hâtif-i gayb  
İtdi irşâd u eyitdi o hoş elhân-ı kerem
- 11 Gelesin tûti-i gûyâya delâlet idesin  
Mısr-ı cûd içre ‘azîz-i şekeristân-ı kerem
- 12 Eb-i ebnâ-yı zamân vâlid-i eytâm-ı cihân  
Mehd-i kûyında yatur her gice mihmân-ı kerem
- 13 Beşer envâ’-ı ni’âm matbah-ı eltâfında  
Gelür esnâf-ı tuhaf çün döşeye h’ân-ı kerem
- 14 Bezenür lutfı hevâsı ile bûstân-ı sehâ  
Tâze-ter cûdı zülâl ile gülistân-ı kerem
- 15 Dest-i cûdından anuñ olmadı dirhem hâlî  
Kefine dönse revâ keffe-i mîzân-ı kerem
- 16 Geldi eksikli kuluñ mihr uma mânend-i hilâl  
Nûr-bahş ol aña ey mihr-i dıraşân-ı kerem
- 17 Sensin ol h’âce-i bâzâr-ı sehâ vü ihsân  
Sûk-ı lutf içre müsellemler saña dükkân-ı kerem
- 18 Her kişi şâkilesi üzre ‘amel eyler çün  
Sen saña lâyıkın it ey şeh-i divân-ı kerem
- 19 Dühn-i himmetle uyar kendü çerâguñ şâhâ  
Aña esdürme yavuz yıl tola dâmân-ı kerem
- 20 Kendü bâguñ çemenin itme yubûsetle helâk  
Ebr-i cûduñla irişdür aña bârân-ı kerem

---

18b. divân-ı kerem: merdân-ı kerem.

- 21 Kaldı dil beyt-i hazen içre zalâm-ı gamda  
Pertev-efken ol eyâ şem'-i şebistân-ı kerem
- 22 Artura mansıbumı bakmaya noksânuma hiç  
Umarın ben kulın arturmaya ol hân-ı kerem
- 23 Pür-hüner kul görinem n'ola 'uyûbum çok ise  
'Ayb-bîn olmadı çün a'yûn-ı a'yân-ı kerem
- 24 İki günü bir olan kimsene magbûndurur  
Buyurur anı hadîsinde o sultân-ı kerem
- 25 Üç yılı bir olanuñ hâli ne olur bilelüm  
Bize fetvâ vir eyâ müfti-i devrân-ı kerem

Aşağıda yer alan beyitler de eklenerek yukarıdaki kaside farklı kişilere takdim edilmiştir.

-a\* -  
(29b)

- 1 Fenn-i fetvâda fetâ hazret-i şeyhü'l-İslâm  
Sözleri lutf u 'atâ hûyı vefâ şânı kerem
- 2 Semer-i bâg-ı sehâ vü zeher-i gülşen-i cûd  
Zâdehâ'llâh zihî mîve-i bûstân-ı kerem

-b\*\* -  
(29b)

- 1 Mîr-i iklim-i himem ya'ni Nişânî Paşa  
Ki nişânıyla tolu defter u dîvân-ı kerem
- 2 Şânı hükminde anuñ gördi nişân-ı devlet  
İtdi teslîm-i nişân Şâh Selîm Hân-ı kerem

\* "Müfti Efendi hazretlerine virilmişdür"; Bu iki beyit sayfanın üst kenarında yer almaktadır.

2a. sehâ: vücûd *sahh*.

\*\* "Ebyât-ı mezbûre kaside-i merkûmeye zâmm olup merhûm Nişânî Feridûn'a virilmişdür"; beyit sayfanın sol kenarında yer almaktadır.

- 3 Mâr-ı pîçîdedür sûret-i tevkî'-i ref'i  
Hükm-i sultân-ı cihân genc-i firâvân-ı kerem
- 4 Şekl-i tâvûsdurur hey'et-i tigrâ-yı şerîf  
Sahn-ı hükm üzre ider lutf ile cevân-ı kerem
- 5 Pişe-i 'izz u şeref içre gâzâl-ı devlet  
Ola sayduñ senüñ ey şîr-i neyistân-ı kerem

-c\*-  
(30a)

- 1 İki yıl üç ay ola bir kişi ma'zûl geze  
Senesi geçmeyene hat vire sultân-ı kerem
- 2 Vâki' hâli n'îçün 'arzdan i'râz ideler  
Hâşa bu vaz'a rızâ göstere erkân-ı kerem
- 3 Bu 'amel şer'e uyar mı ve yahûd lâıyk mı  
Bize fetvâ vir eyâ müfti-i devrân-ı kerem

-d-  
(30a)

- 1 İşigüñ dâr-ı şifâsına irişdi Vecdî  
Buyur ol haste-dilüñ derdine dermân-ı kerem
- 2 Yeridür tayy ola şimden girü tûmâr-ı kelâm  
Toldı ebyât ile çün defter ü dîvân-ı kerem
- 3 'Aded-i beyt-i kasîdem ola maksûduma dâll  
Dirhem i'tâ ide her birine ol kân-ı kerem
- 4 Hâfız u hâmi ola körpe budaklarını Hakk  
Bâr u berle pür ola cümle ol agsân-ı kerem

\* Manzume sayfanın üst kenarında yer almaktadır. Manzumenin sol kenarında "Kaşide-i mezbûre virildükde üç yıl müderris olup yigirmi beş beyt medrese yigirmi beş olmak ricâ olunmuşdur." şeklinde bir bilgi yer almaktadır.

1b. geçmeyene: olmayana.

4 Beyit, sayfanın sağ kenarında yer almaktadır.

-12\*-  
(48b-49a)

*Fe'ilâtün Mefâ'ilün Fe'ilün*

- |    |  |
|----|--|
| 1  | A benüm devletüm a sultânüm<br>Gamla ölsem kime düşer kanum      |
| 2  | Bilürüm hoşdur ıstıbâr-ı cemîl<br>Kalmadı lîk sabra dermânüm     |
| 3  | Câna kâr itdi firkât-i evlâd<br>Sanma kim mâl ü câha hayrânüm    |
| 4  | Kaldum ortada zâr ü ser-gerdân<br>Bundadur cism ü andadur cânüm  |
| 5  | Kâm-yâb oldu cümleten ihvân<br>Ben n'îçün böyle zâr ü giryânüm   |
| 6  | Baňa eltâf-ı bî-kıyâs eyle<br>Söyle kim gıpta ide ihvânüm        |
| 7  | Gayra sârî olup cenâbuñdan<br>İster ise bu lutfi akrânüm         |
| 8  | Buyur anlara sen 'umûm üzre<br>Vecdi'ye hâsdur bu ihsânüm        |
| 9  | Dirler ise eger ki ne tercîh<br>Yokdurur fî'l-hakîka rüchânüm    |
| 10 | Hâşe li'llâh ki fazl itdüm da'vâ<br>Yâ diyem anlar ile yek-sânüm |
| 11 | Direm ammâ baňa kıyâs olmaz<br>Çünkü lutfuñ ile şâzdur şânüm     |
| 12 | Cümleden kemterüm cenâbuñda<br>Bilürüm ben kemâl-i noksânüm      |

---

\* “Bu ebyât dahi Zekeriyyâ Efendi'ye virilmiştir.”

- 13 Eylerüm cürme i'tirâf tamâm  
Pâkdür fehm ü 'akl ü iz'ânüm
- 14 Hasta gönlüm şifâ umar senden  
A benüm hikmet ile Lokmân'um
- 15 Hâl ü kâl ile dir tapuñ dâ'im  
Benden ey Vecdi lutf u ihsânüm

-13-  
(55b-56a)

*Fe'ilâtün Mefâ'ilün Fe'ilün*

- 1 Nushı gûş eyle pendi fehm it hem  
Çekmeyem dir iseñ elem-i dirhem
- 2 Saña mahzâ garaz 'inâyetdür  
Senüñ ile çün olmuşuz hem-dem
- 3 Meclis-i ehl-i ma'rifet olsa  
Gelseler bir yere benî âdem
- 4 Pişeñ olsun tecâhülü'l-'ârif  
Zinhâr açmagıl ma'ârifem
- 5 Çok bilen çok hatâ ider çünkim  
Saña yegdür ki olasın epsem
- 6 İltizâm eylemişdürür ihvân  
Seni sözüñle itmegi mülzem
- 7 Biri râhat biri cerâhatdur  
Kelimât-ı nedânem ü dânem
- 8 Diñler iseñ sözüm eger yârâ  
Rahm idüp zahmuña uram merhem
- 9 'Arab'uñ birine su'âl itdüm  
'Ârif imiş eyitdi lâ-a'lem
- 10 İki şahsa dahı cevâb itdüm  
Biri Rûmî idi birisi 'Acem

- 11 'Acem eydür kulagum işitmez  
'Özr-i mâ-râ kabûl kûn ki kerem
- 12 Sözi anuñla eyleyince tamâm  
Rûmî'ye söyledüm didi bilmem
- 13 Girü Rûmî'ye eyledüm ibrâm  
Didüm ey yâr-ı 'âlim-i 'âlem
- 14 Dilimüz bir diyârımız birdür  
Senüñ ile münâsebet muhkem
- 15 N'ola bir dem musâhabet itseñ  
Birbirimizle oluben hem-dem
- 16 Gül şen ol gülşen içre gül gibi gül  
Goncaveş nite olasın ebkem
- 17 Şerh-i hâl oldu reşh-i bâla sebeb  
Gel berü idelüm izâle-i gam
- 18 Söz ile niçe gussa zâ'il olur  
Söz ile niçe dil olur hurrem
- 19 Bir degül kadr-ı nâtık u sâmit  
Oldı nutk ile âdemî ekrem
- 20 Fazl-ı 'ilm ü kelâm oldu delîl  
Buyurur Hak ve 'alleme Âdem
- 21 Didi kim böyle eyledi ta'lîm  
Mekteb-i dehrde bana h'âcem
- 22 Tanımak mevsukı yerine geçer  
Herkes anı bilür degül mübhem
- 23 Bir dil iki kulak anuñçündür  
Bir diyüp iki dinleye âdem
- 24 Söze ragbet kanı zamân içre  
Fark olunur mı echel ü a'lem
- 25 Ne diyem diyü fikr-i evlâdur  
Söyleyüp çekmedünse vehm ü elem



- 26 Söz gümüşdür velî sükût altun  
Saña altun olur gümüşden ehem
- 27 Kafese söz ile girer bülbül  
Sebeb-i gam olur aña bu nagam
- 28 Mahbes içinde tû'tiyi gördüm  
Söz belâdur didüm itdi ne'am
- 29 Hâsılı 'âlemüñ bilen hâlin  
Didi bilmem dimekdedür 'âlem
- 30 Çünkü ahvâl böyledür Vecdî  
*Fe-tedârek te'emmel u f'efhem*

-14\*-  
(66a)

**Ebyât-ı kasîde-i nâ-tamâm**

*Mef'ûlû Fâ'ilâtün Mef'ûlû Fâ'ilâtün*

- 1 Bu lutf ile göreydi zât-ı murâd-bahşuñ  
Bâb-ı mürüvvetüñde halka olaydı Hâtem
- 2 Nutkuñ hevâsı birle cûş itse bahr-ı ihsân  
Emvâc-ı lutfâ nisbet bir nem degül yedi yem
- 3 Ey 'umdesi vülâtuñ v'ey zübde-i kudâtuñ  
Evsâf-ı pâk-i zâtuñ add idemez hiç âdem
- 4 Medhüñde hayret aldı ben bendeyi selefden  
Sen zât-ı pâke kimüñ vasfını nisbet idem
- 5 Dârâ vü Husrev adın ańsam eger hatâdur  
Medhüñde ben kemîne hiç bilmezem ne diyem
- 6 Hiç saña benzeyeni bulımadum selefde  
Gelmiş degül nazîrüñ dünyâya Allah a'lem
- 7 Ey serv hoş-hırâm ol ser-keşlik itme râm ol  
Devletle müstedâm ol biñ 'izz ile mükerrerem

\* Kıta nazım biçimine uyan bu manzumeyi şair na-tamam bir kasidenin beyitleri olarak belirttiği için bu kısma almayı uygun bulduk.

- 8 Sende olan Süleymân mührine reşk idenüñ  
Başına seng-i mihnet yagsun olup kaddi ham
- 9 Çekme gamuñ cihânuñ hem gussasın zamânuñ  
Hıfzında ol Hudâ'nuñ görme kazâ-yı mübrem
- 10 Midhat degül du'âdur zîrâ gönül ziyâsı  
Ne eksilür ne artar medh ideler dem-â-dem
- 11 Vecdî çü bildüñ oldur dürr-i bihâr-ı midhat  
Elfâz-ı âbdâruñ ol bahre katre-i şeb-nem

-15\*-  
(100b)

*Me'ûlû Fâ'ilâtü Me'fâ'ilü Fâ'ilün*

- 1 Yâ ma'dene'l-mekârimi yâ menba'a'l-himem  
Ente'llezî tevaffaka bi'l-lutfi ve'l-kerem
- 2 Kapuñ güşâd u tapuñı şâd eylesün Hudâ  
Kılsuñ revâ murâduñı her neyse bîş ü kem
- 3 Şükr eylegil bu ni'mete kim itdi Hak seni  
Kâdî-ı 'asker-i şeh-i Rûm u 'Arab 'Acem
- 4 Ehl-i kazâ iken 'ulemâ itdiler gazâ  
Erbâb-ı 'ilm oldı kamu sâhibu'l-'alem
- 5 Her gün tavâf-ı kûyuñ ider zümre-i kirâm  
Çetr-i sa'âdet oldı saña beyt-i muhterem
- 6 Dinse 'aceb mi hams-i mübârek benânuña  
Keff-i vasî-i pür-keremüñ pençe-i himem
- 7 Vecdî du'âcı bendeñi zâr itme zînhâr  
Dime iderse bülbül-i bî-dil ne gam nagam
- 8 'Arz idegeldi hâlin i'râz eyleme  
Gûş-ı keremle diñle sözüm gör ki ne direm

\* "Belğırad'da kâdî-'askere virilmişdür."

- 9 Akçe dükendi kırmızıdan kalmadı nişân  
Yaş yirine dökerse revâ dürr dû-didem
- 10 Çâha düşürdi devr-i felek hubb-ı câh ile  
Aglarsa n'ola *huz bi-yedîh* dem-be-dem
- 11 Allâh için esirge kazâ kıl murâdumı  
Hâcet yok imtihâna bilindi çü keyf ü kem
- 12 Zerrât-ı hâkı göge çıkardı yed-i sabâ  
Kıldı hebâ hevâ vü heves hâk ber-serem
- 13 Ürgüb kazâsını ya Plevne kazâsını  
Lutf eylegil du'â ile tâ kim dönem gidem
- 14 'Ömrini devletini mezîd eylesün Hudâ  
Sıhhatde sâbit ola kamu hep hadem haşem

-16-  
(30a-31a)

**Kasîde be-nâm-ı Yûsuf Paşa-i Budinî**

*Fe'ilâtün Mefâ'ilün Fe'ilün*

- 1 Hamdu li'llâh ahâli-i îmân  
İtdiler kâfirün işini yaman
- 2 Şükrü li'llâh ki 'asker-i İslâm  
Sındılar kâfiri idüp tâlân
- 3 Nasr-ı Hak'dur irişdi Budin'e  
Hıfz u hazr itdi dînimüz Deyyân
- 4 Mu'cizât-ı Muhammedîdür bu  
Bu degül kâr-ı tîr u tîg u sinân
- 5 Bu 'amel gâlibâ ricâl işidür  
İdemez bu işi za'îf insân
- 6 Alış oğlu virişdür anuñçün  
Buyuruldı *kemâ tedînu tudân*

- 7 Niçe geldi Budin'e ol bî-dîn  
İdelüm birbirin 'ayân u beyân
- 8 Nedâj oğlu didükleri mel'ûn  
Niçe biñ kelb ile idüp tugyân
- 9 Biñ gurûr ile ol gürûh-ı kerîh  
Çayıra 'âzim oldılar ol ân
- 10 Pür-silâh u giyimlü 'asker idi  
Kimisi atlu idi kimi yayan
- 11 Haber olunca cünd-i İslâm'a  
Geldi toldı guzât ile meydân
- 12 Evvel irdi kanat büküp bir kavm  
Kendüler şâhin atlaru balaban
- 13 Öñine düşdi 'asker-i dînüñ  
Serv-i serdâr zümre-i mîrân
- 14 Ya'ni begler begisi Budin'üñ  
Mîr Yûsuf-nazîr-i Mısr-ı cihân
- 15 Kerr ü ferr ü şükûh u şevket ile  
Tûg öñinde elinde tîg-i bürân
- 16 Hayl-i bî-hadle hazret-i paşa  
Geldi vü girdi bahre Nîl-revân
- 17 Sındı kâfir o dem bi-'avni'llâh  
Şöyle kim bakmadı kıçına kaçan
- 18 Yaya çignendi at ayagında  
Atlu itdi firâra sarf-ı 'inân
- 19 Göricek gâziler bu bayramı  
Kesdiler zevk u şevk ile kurbân
- 20 N'ola kurbâna yaramazlar ise  
Deñediler kılıçların merdân
- 21 Sandı kâfir kopan kıyâmetdür

<sup>21</sup> Sayfanın sağ kenarında "Kopan vâkı' ası mukaddemâ vâkı' olmışdur" şeklinde bir bilgi yer almaktadır.

- Hak budur kim kıyâmet idi Kopan
- 22 Bir tabanca dokındı küffâra  
Oldılar haşre deñlü ser-gerdân
- 23 Niçe baş oynadı o meydânda  
Ser u tîg oldu gûy ile çevgân
- 24 Açılup geldi gül gibi ol dem  
Gonca-i kalb-i mü'minân-ı cihân
- 25 Almadı kimse bir pula biñ baş  
Kelleler oldu hâk ile yek-sân
- 26 Ne tuna baksañ idi ol demde  
Akar idi su yerine kara kan
- 27 Kimse hayyen halâs bulmadı  
Meger ol demde hayye gibi yılan
- 28 Vecdiyâ sözi ihtisâr eyle  
Kıssa hoşdur ki tez bula pâyân
- 29 El açup sıdk ile du'â eyle  
Diye âmîn o demde ins ile cân
- 30 Dâ'imâ gâlib ola cündü'llâh  
Ola maglûb 'asker-i şeytân
- 31 Pâdşâh-ı cihân Murâd Hân'ıñ  
İde memdûd sâyesin Yezdân
- 32 Koç budagın bağışlasın Allâh  
Nahl-i bâg-ı kerem Muhammed Hân
- 33 Olalar devlet ü sa'âdetde  
Vüzerâ vü ekâbir-i erkân
- 34 Siyyemâ Yûsuf-ı 'azîz-vücûd  
Virmesün gam mekâ'id-i ihvân

- 35 İde Allâh mu'ammer evlâdın  
Ola her biri pehlevân-ı cihân
- 36 Cân u dilden bugün diyen âmîn  
Bula yârın belâdan emn ü emân

-17\*-  
(7a)

*Mef'ûlû Fâ'ilâtü Mefâ'ilü Fâ'ilün*

- 1 Vardum işigine o şehûñ dürlü dâ ile  
Minnet Hudâ'ya oldı rücû'um devâ ile
- 2 Kuvvet za'îf ü za'f kavî oldugın bilüp  
Virdi kuvâyâ kuvvet ü kudret gıdâ ile
- 3 Dil teşne oldugını bilüp hasta göñlimüz  
İşrâb itdi şerbet-i lutfın safâ ile
- 4 'Arz itdi ke's-i şerbet-i perr-i siyâvşân  
Lutf itdi şîşeler tolu hep hindibâ ile
- 5 Sundı ele tebessümle gül şarâbını  
Dil goncasını açdı yine bu hevâ ile
- 6 Babalığ itdi ogul otı şerbetin virüp  
Zevkın ide ogul balınuñ biñ vefâ ile
- 7 Mahdûm-zâdeler k'ismi birinüñ Halîl'dür  
Olsun hemîşe neşv ü nemâda du'â ile
- 8 Biri dahı semiyy-i Halîl-i Celîl'dür  
Tutsun Hudâ semîsi gibi ihtimâ ile
- 9 Teskîn kıldı hâsılı sûz u güdâzumı  
Sîr-âb idüp şarâb-ı usûl-i kelâ ile
- 10 Halkı latîf ü hulkı şerîf ü nazîfdür  
'Âr eylemez karîn olur ol şeh gedâ ile

\* "Çakırcılar Kâtibi merhûm Mehmed Çelebi bu hakir hasta iken eşribe-i mütenevvî'a irsâl itdükte."

- 11 Kilk-i keremle safha-i dil yazıcıdur ol  
Kim vasf ider anı kalem-i kem-edâ ile
- 12 Biñ sihr ider kelâm-ı şerîfinde lutf ile  
‘Aklın alur muhâtabının nüktehâ ile
- 13 Meşhûrdur mürüvvet ile hüsn-i hulk ile  
Mezkûrdur sehâ vü vefâ vü ‘atâ ile
- 14 Yâ Rab yârini Ahmed-i muhtâr eyleyüp  
Yarın karîn eyle anı Murtazâ ile
- 15 Vecdî mükerrer it o şehûñ şükri şekkerin  
Kim bâl-ı pür-belâ ki devâdur şifâ ile

-18\*-  
(27b)

*Mefâ’ilün Mefâ’ilün Fe’ûlün*

- 1 Tûrâb-ı pâye ey şâh-ı yegâne  
Diyem sûz-ı derûnı yane yane
- 2 Fakîr ü müstmend ü nâ-tüvânem  
Zahîr u dest-gîr ol nâ-tüvâne
- 3 Tapuñ müşkil-güşâsıdur cihânuñ  
Kapuña müşkilüm geldüm beyâna
- 4 Kefe müftîsidür el-ân ‘ammüm  
Dimiş hâlûmi hân-ı nîk-şâne
- 5 Şefâ’at-nâme virüp şefkat itmiş  
Ola rahmet yazana okıyana
- 6 Ben ol bî-kavsüm okdur nâme-i hân  
Atıldı ok gibi düşdi miyâne

\* “Merhûm ‘amm-i amimu’ş-şiyem ‘Abdu’r-rahmân Efendi Kefe müftisi iken hân hazretlerinden nâme-i şefâ’at irsâl itdüklerinde merhûm Feridün Ağa’ya virilmişdür. (Rahimehumu’llâhi ta’âlâ rahmeten vâsi’aten)”

- 7 Ne perri var ne ferri var ne peykân  
Hemânâ ok gibi olur revâne
- 8 Nişân yirindedür murg-ı murâdum  
Elümde tîr u kudret yok kemâne
- 9 Eger bâzûlaruñ pertâb iderse  
Bulısar menzilin irer nişâne
- 10 Göge agdı hümâveş murg-ı mansıb  
İdindi yüce yerde âşyâne
- 11 Unutdı 'ilmini şeh-bâz-ı mansıb  
Anuñçün gelmez oldı okıyana
- 12 İlâhî ol şehi iki cihânda  
Mukârin eyle 'izz-i câvidâne
- 13 İşigüñe yüzüm sürmek murâdum  
Yüzüñ görmek garaz hâne bahâne

-19\*-  
(60a)

*Mefâ'ilün Mefâ'ilün Fe'ülün*

- 1 Tûrâb-ı bâba ey şâh-ı yegâne  
Diyem sûz-ı derûnı yane yane
- 2 Fakîr ü müstmend ü nâ-tüvânem  
Zahîr ü dest-gîr ol nâ-tüvâne
- 3 Cihân mülkin ser-â-ser kısmet itdüñ  
'Adâlet birle cümle mâlikâne
- 4 Bülend-ahtersin ey şâh-ı kevâkib  
Basarsañ n'ola fark-ı ferkadâna
- 5 Cihân emrinde itdüñ ihtimâmı  
Fesâd ırmeye tâ kevn ü mekâna

\* "Muharrir-i vilâyet olan Süheylî Beg'e sınır-nâme ricâsıyla virilmişdür." Kasidenin başı ve sonu bir önceki manzume ile aynıdır.



- 6 Pederden kaldı bir vîrâne çiftlik  
Ki olur bûm-ı şûma âşyâne
- 7 Der ü dîvârı varmışdur harâbe  
Hemânâ kaldı ancak âstâne
- 8 Hudûdî cümle mümtâz u mu'ayyen  
Dikilmiş taşlar olmuş nişâne
- 9 Kalem sehv ile icmâl itmiş ammâ  
Mufasssal yazmamış levh-i beyâna
- 10 Kemîn-i hîleden hayl-i eşirrâ  
Zuhûr itdi vü başladı ziyâna
- 11 Çeküp çayır çayır almak dilerler  
Niçe tarlayı okuyup fesâne
- 12 Niyâz oldur cenâb-ı hazretüñden  
Ki tafsîl ola kalmaya bahâne
- 13 İlâhî ol şehi iki cihânda  
Mukârin eyle 'izz-i câvidâne
- 14 İşigüñe yüzüm sürmek murâdum  
Yüzüñ görmek garaz hâne bahâne

-20\*-  
(46a)

*Fe'ilâtün Mefâ'ilün Fe'ilün*

- 1 Hamd ü şükr ol kerîm ü vehhâba  
Ki ire lutfi şeyh ile şâba
- 2 Şerh olınsa kitâb-ı cûdı eger  
Sıgmaya harfî fasl ile bâba
- 3 Siyyemâ câmi'-i cihân içre  
Halk düşmüş iken teb tâba

---

\* "Zekeriyyâ Efendi Hazretlerine virilmiştir."

- 4 'Ulemâ sınıfınuñ nizâmı içün  
Muktedâ itdi cümle erbâba
- 5 Zekerıyyâ Efendi Hazretini  
Dest-i lutfı geçürdi mihrâba
- 6 Şükre kasd eyleyüp o şâh-ı şekûr  
Himmeti kavsin aldı kullâba
- 7 'Ulemâya idüp ri'âyetler  
İltifât üzre oldı ahbâba
- 8 Arz-ı şer'-i nebî bi-hamdi'llâh  
Döndi 'adl ile 'ahd-i ashâba
- 9 İbtizâl itmeden halâs olduk  
Der-i çâvuş u bâb-ı bevvâba
- 10 Kapsı pâkdür nekâ'isden  
Yaraşur yüz sürerseñ ol bâba
- 11 'Ameli hikmete muvâfıkdur  
Gerçi nâzır dükel suturlâba
- 12 Vecdiyâ saña lutfı kâfîdür  
Eyleme tekye gayrı esbâba
- 13 Gel hıyâm-ı du'âya eyle kıyâm  
El uzatma tınâb-ı ıtınâba
- 14 Tapusı şâd ola kapsı güşâd  
Minnet oldur cenâb-ı tevvâba
- 15 'Unsur-ı pâki ber-devâm olsun  
Tâ mizâc ola hâk ile âba

-21\* -  
(66b)

*Mefâ'ilün Mefâ'ilün Fe'ûlün*

- |    |  |
|----|--|
| 1  | Bi-hamdi'llâh kim geldüñ Peçuy'a<br>Sanasın teşne-diller irdi suya   |
| 2  | Zihî dârü'l-garrâ ser-hadd-i İslâm<br>Makarr olmuş guzât-ı ceng-cûya |
| 3  | Civârındadur Eflâtûn-ı hikmet<br>Degül mahfî kiçi ile uluya          |
| 4  | Zamân-ı sayfda 'âlem dimâgı<br>Garîk olur bahâr-ı misk-i bûya        |
| 5  | İçi memlûdurur begler agalar<br>Taşı me'vâ ricâl-ı hûb-hûya          |
| 6  | Varurlar koç yigitler rûz-ı meydân<br>Koyun tuza varur gibi 'adûya   |
| 7  | Çıkarlar çarkaya çün nerre-i şîr<br>Bular rûbeh gibi urmaz pusuya    |
| 8  | İderler her gice 'ayş-ı İlâhî<br>Giderler her zamân bir dürlü toya   |
| 9  | Kışın kâşânelerde 'ayş iderler<br>Yazın varurlar ol sûya bu sûya     |
| 10 | Mey-i mihr ü mahabbet nûş iderler<br>Bu bezmüñ hâceti yokdur toluya  |
| 11 | Hevâ vü söz ü sazı diñlemezler<br>Meger kûyında ra'nâlık okıya       |
| 12 | Bular biri biriyle yek-cihetdür<br>Anuñçün virmediler yüz dü-rûya    |

---

\* "Peçuy sûr-ı pür-sürûrına dâhil oldukda vâki' olmuşdur."

- 13 Biri birine bağışlasın Allâh  
Virilsün Vecdiyâ 'izzet kamuya

-22\*-  
(92b-93a)

*Mefâ'ilün Mefâ'ilün Fe'ülün*

- 1 Hezârân hamd Rabbi'l-'âlemîne  
Ki biñden soñra nusret kıldı dîne
- 2 Buyurdi va'd idüp nasrun min-Allâh  
Yazup nasr âyetin nas râyetine
- 3 Risâlet hazretine sad tahiyyât  
'Alem gönderdi Batha'dan bu dîne
- 4 Semiyy-i Yûsuf u serdâr-ı dîndâr  
Seniyy-i sünni-yi [?] sâhib-sekîne
- 5 Vezîr-i a'zam-ı sultân Muhammed  
Re'is oldı Muhammed ümmetine
- 6 'Alemdâr-ı resûl oldı anuñçün  
Livâ'u'l-hamd almışdur eline
- 7 Halîfe eyledi sultân-ı İslâm  
Gazâ tîgini bağlayup beline
- 8 Alup Yanık Hisârı'n ehl-i nâruñ  
'Aceb od saldı küffaruñ içine
- 9 Sefâ'ın aldı içi pür-defâ'ın  
Ki deñdi biñ hazîne bir harîne
- 10 Vücûd-ı cûd-bahşı biñ başında  
Olupdur elf-ni'me mü'minîne
- 11 Bulandı halk hakka buñ deminde  
Îlâhî sen bulın anuñ buñına [?]

\* "Serdâr-ı âli-mikdâr Sinân Paşa hazretlerine virilmişdür."

- 12 Kral-ı Peç'le pîç-â-pîç oldı  
Yaraşur niçe urursa pöçine
- 13 Kırup küffârı kardı yire kanın  
Yakar hınnâ biner hıng-ı zemîne
- 14 Sinânın dikdi bitdi meslemî[?] sîb  
Salup ayva Kızılelma içine
- 15 Gören tîrini cân atar kubûra  
Kemânın seyr iden urur kemîne
- 16 Senüñdür her kaçan ise ko mârân  
'Azâb itsün 'adû-yı mâr-ı dîne
- 17 Mu'âvindür gürûh-ı pür-şükûha  
Mukârîn 'asker-i nusret-karîne
- 18 Mücâvirdür misâfir matbahında  
Konanlar tekyesine tek yesin e
- 19 Nedür derdi 'adû-yı hâksâruñ  
Kimüñle ceng ider toprak başına
- 20 Degülken kal'a kam' u kal'a kâbil  
El urduñ sen niçe hısn-ı hasîne
- 21 Gazâya kandırup hayl-ı guzâtı  
Üşürdüñ mûr u zenbûr engübîne
- 22 Çıkar küffâra karşı koç yigitler  
Sanasın tuz virürlerdi koyuna
- 23 Şehâdet diyü cân virür bahâdır  
Bahâdur hak bu 'ömr-i nâzenîne
- 24 Açar cennet kapusın darb-zenler  
Olur hâdî gürûh-ı hâlidîne
- 25 Tolar ser-kâseler şehd-i şehâdet  
O dem kim balyimez topı tokına

---

19 Bu beytin yer aldığı sayfanın sol kenarında aşağıdaki beyit vardır:

*Hişâr üstine kim toprak sürildi  
Şaçıldı düşmenüñ toprak başına*

- 26 Gelüp her kûşeden ahsente okur  
Üşürler her taraftan âferîne
- 27 Zebûn itdi sefer Vecdî kuluñı  
Mecâlî kalmadı âh u enîne
- 28 Nezel hidmetlerini itdi hâlâ  
Üzül dime nazar kıl hidmetine
- 29 Vahîdî nüzl-i sâbıkdan idüp ekl  
Yazılmış idi bâkî zimmetine
- 30 Dimiş kaldı re'âyâ zimmetinde  
Yalandur bu 'ayân Hak hazretine
- 31 Kuşanduguñ kılıç Hakk için olsun  
Aramaz kes ki hak neyse biline
- 32 Dilerseñ vâkıf olmak sıdk u kizbe  
Nazar kıl cânibinüñ hüccetine
- 33 Sakîm ü müstakîm ol iki dâ'î  
Buyur kim varalar yirlü yirine
- 34 Virüp Vecdî'ye yine Dubniçe[yi]  
Vahîdî dahı varsın Rudnik'ine
- 35 Benüm hâşâ ki hakkum ola zâyî'  
Çün irdüm hâkimînüñ ahkemine
- 36 Buyurmuş ehl-i hak *el-hakku ya'lû*  
Ne zarr el-hak nazar şer'-i mübîne
- 37 Üzilmez hak kayurmaz incelürse  
Gelür dikkat belî hablü'l-metîne
- 38 İlâhî egri yolın togrı göster  
O şâh-ı kâm-yâb u kâm-bîne
- 39 Muvâfık ola tedbîrine takdîr  
Muvaffak ola her işüñ yegine

---

32 Beyit, sayfanın sağ kenarında yer almaktadır.

38 Bu beyit ve sonraki üç beyit sayfanın sol kenarında yer almaktadır.

- 40 Ola ser-sebz o serv-i bâg-ı devlet  
Hudâ kuvvet vire koç budagina
- 41 Delîl olur gürûh-ı hâlidîne  
Virür yol hizb u hayl-i hâlidîne

-23-  
(102b)

*Mefâ'ilün Mefâ'ilün Mefâ'ilün Mefâ'ilün*

- 1 Sipâs-ı bî-kıyâs u şükr ü minnet Hak ta'âlâ'ya  
Ki kalb-i pâk-i şâhı mâ'il itti gazv-ı gazâya
- 2 Niçe hân belki hâkân-ı cihân-ı dîn ü devletdür  
Ebu'l-feth-i Girây Hân'ı olupdur vâsfına gâye
- 3 Mücâhid fî-sebîlî'llâh u sultânü'l-guzât oldur  
O virdi ru'b-ı kalb erbâb-ı Lât-ı hayl-i 'Uzzâ'ya
- 4 Gazâlar itdi İslâm 'askerine reh-nümâ oldı  
Güzel hizmetler itdi gitdi emr-i dîn-i a'lâya
- 5 Biñinden yüz çevirmez 'arsa-i heybetde a'dânuñ  
Semend-i himmeti depretse salar niçe âlâya
- 6 Okındı âyet-i nasruñ min-Allâh sag ile soldan  
Tokındı her taraftan top-ı himmet kalb-i a'dâya
- 7 Yanuñca 'asker-i İslâm öñüñce bunca biñ a'lâm  
Yüri fırsat senüñdür kıl tevekkül Hak ta'âlâ'ya
- 8 Şehâ çîn-i cebînüñ düşmen-i dîni cebân eyler  
Yeter Tatar-ı gamzeñ kâfiri târâc u yagmaya
- 9 Kral ihâm ider çünkim kraluñ nâm-ı nâ-pâki  
Kırup alduñ bi-hamdi'llâh budur bâ'is bu gavgâya
- 10 Dikildi râyet-i İslâm sîb-i meslemî bitdi  
Salup ayvayı ehl-i nâra gitdüñ Kızılelma'ya
- 11 Ezelden Erdel oğlu âstânuñda bir erzeldür  
Anuñçün şeh adın añup getürmezlerdi ortaya

- 12 Hayât âbın diler şehd-i şehâdet tatludur gâyet  
Niçe sabr eylesün hayrân olanlar böyle helvâya
- 13 Bu fursatlar bu nusretler senüñ ihsân-ı lutfuñdur  
'Azîmet eyledüñ hiç bakmaduñ sermâya germâya
- 14 Muhammed Hân-ı sâni saña sâni oldı sultânım  
Şeh-i 'âlem senâñ ide yeter bu dîn ü dünyâya
- 15 Du'â-i devlete meşgûl dâ'idür kuluñ Vecdî  
Nazar olsa revâdur dâ'imâ a'lâdan ednâya
- 16 Uguruñ açık ü 'azmüñ mübârek ola sultânım  
Hudâ feth u zaferler sevk ide bî-hadd ü bî-gâye

-24\*-  
(93b-94a)

*Mef'ûlû Fâ'ilâtün Mef'ûlû Fâ'ilâtün*

- 1 Güldi yüzi cihanuñ dünyâyı tutdı şâdî  
Serdâr kıldı Allâh ol hân-ı hoş-nihâdî
- 2 Paşa-yı şâh-ı ekrem ya'nî vezîr-i a'zam  
Serdârlık müsellemler yok kimsenüñ 'inâdî
- 3 'Âdil-dil ü dil-âver ferr-i hüdaya mazhar  
'Anâ ile musavver nâmında ferr ü hâdî
- 4 Ol şâh-ı nîk-fercâm açdı gazâyâ a'lâm  
İtdi cihâdî i'lâm saldı niçe münâdî
- 5 Akın işitdi akdî Tatar-ı seyl-reftâr  
Mevc urdı bahr-i âdem gark oldı deşt ü vâdî
- 6 Dîn-i Muhammedî'de farz-ı kifâye iken  
Ol farz-ı 'ayn kıldı cehd eyleyüp cihâdî
- 7 Aldı 'Acem diyârın târâc kıldı varın  
Allâh virürse yârın bu da bulur güşâdî
- 8 Şâh oğlını getürdi Sultân Murâd Hân'a

\* ""'Âli-ma'delet serdâr-ı 'âli-mikdâr Ferhâd Paşa-yı kâmkâr hazretlerine i'dâd olınmışdur,  
İnşâ'allâhu ta'âlâ."

7a. 'Acem: Yemen.



- Şimdi kırâbı kırub almakdurur murâdı
- 9 Şol deñlũ reng virdi A'câm'a tîg-ı tîzi  
Kızıl başını şâhuñ kara kana boyadı
- 10 Tebrîz kavminüñ çün tebzîrin itdi ihsâs  
Kesdi serin ser-â-ser hiç birisin komadı
- 11 Eflak'ı itdi teshîr Bogdan'ı kıldı ta'mîr  
Ol mîr-i nîk-tedbîr feth itdi bu bilâdı
- 12 Sen şâh içün safâsın fehm itdi rûzgâruñ  
Raks üzre seyr idenler sahrâda gird-bâdı
- 13 Râhver ü revişler tapuñda Husrevâne  
Kapuñda olan işler âyîn-i Keykubâdî
- 14 Emrũne halk-ı 'alem râm olsa tañ mı şâhâ  
Sen hükmi-i şer'e itdüñ cân ile inkiyâdı
- 15 Kalb ile kâlb ile sa'y itdi gice gündüz  
Bu fitne ümmet içre tâ bulmaya temâdî
- 16 Vecdî du'âya başla 'arz eyle kâl ü hâlũñ  
Ma'lûm ola metâlib gâyet bula mebâdî
- 17 Kâdîları kazâya ugratdı kâdî-'asker  
El-hâsılı tutupdur kevn 'âlemin fesâdı
- 18 Kimisin itdi tebdîl kimin bilâ-sebeb 'azl  
Rencîde eylemişdür bu vech ile 'ibâdı
- 19 Ma'mûre-i memâlik gâyet harâba vardı  
Ma'mûr kılmaz illâ sen şâhuñ 'adl u dâdı
- 20 Virilmez oldı kat'a 'ilm ü kemâla ragbet  
Kim okısun kitâbı kim kılsun ictihâdı

---

11 Beyit sayfa kenarında yer almaktadır.

19 Beyit sayfa kenarında yer almaktadır.

20 Beyit sayfa kenarında yer almaktadır.

- 21 Sadr-ı sa'âdet üzre bâkî kalursa bir dem  
'Âlem varur fenâya olur fesâda bâdî
- 22 'Abd-i kemîne dahı Dubniçe kâdısı iken  
Virmiş Peçuy kazâsın olmuş cefâya hâdî
- 23 Bir 'abd-i muhlisüñdür tapuñ kapuñ sebebdür  
Allâh diyü geldi Hakk'adur istinâdı
- 24 İslâm 'askerinüñ nüzlin tedârük itdüm  
Kıldum berâtum ihrâc kurımadı midâdı
- 25 Hidmet idi murâdum kırdı kolum kanadum  
Bir 'abd-i nâ-mûrâdum sen ver kolı kanadı
- 26 Serdâr-ı mü'minîndür sâlâr-ı müslimîndür  
Mi'mâr-ı dâr-ı dîndür ma'mûr ola me'âdı
- 27 'Azmüñ ola mübârek nasr ide Hak tebârek  
Mesrûr olup ahibbâ makhûr ola e'âdî
- 28 Devletde dâ'im olsun 'ömr ile kâ'im olsun  
İslâm haymesinüñ hâlâ budur i'mâdı
- 29 Olsun du'â mükerrer dilde senâ mukarrer  
Allâh ide mu'ammer dâ'im ola yâdı
- 30 Ya Rab be-hakk-ı evtâd evlâd u cümle ahfâd  
Devletde ola dîl-şâdî ....

---

28 Beyit, sayfanın sol kenarında yer almaktadır; a. Devletde: 'İzzetde.

29 Beyit, sayfanın sol kenarında yer almaktadır.

30 Beyit, sayfanın sol kenarında yer almaktadır. Beytin ikinci mısra'ında kelime eksiktir.

-25\*-  
(95b-96a)

*Müstefîlün Fe'ûlün Müstefîlün Fe'ûlün*

- 1      Güldi yüzi cihânuñ dünyâyı tutdı şâdî  
Serdâr kıldı Allâh ol hân-ı hoş-nihâdî
- 2      Paşa-yı şâh-ı ekrem ya'nî vezîr-i a'zam  
Serdârlık müselleme yok kimsenin 'inâdî
- 3      Serdâr-ı ehl-i îmân sırdâr-ı zıll-ı rahmân  
Hem-nâm-ı mâh-ı Ken'an ya'nî Şerîf adı
- 4      Kâr-ı bed oldı 'âtıl hak geldi gitdi bâtil  
Olsun hemîşe zâ'il şol iş ki yok sedâdî
- 5      Geldi o sâhib-evrâd halk oldı cümle dil-şâd  
Gitdiyse n'ola Ferhâd bu 'ayn-ı ferr u hâdî
- 6      Ol şâh-ı nîk-fercâm açdı gazâyâ a'lâm  
İtdi cihâdî i'lâm saldı niçe münâdî
- 7      Akın işitdi akdî Tatar-ı seyl-reftâr  
Mevc urdı bahr-i âdem gark oldı deşt ü vâdî
- 8      Aldı Yanık Hisârı'n târâc kıldı varın  
Allâh virürse yârın bu da bulur güşâdî
- 9      Şer'-i Muhammedîde farz-ı kifâye iken  
Ol farz [-ı 'ayn] bildi kendüye bu cihâdî
- 10      Eflak'ı itdi teshîr Bogdan'ı kıldı ta'mîr  
Ol mîr-i nîk-tedbîr feth eyledi bilâdî
- 11      Açdı Yemen diyârın yümn itdi iştiâhârın  
Kesr eyleyüp 'adûyı feth itdi Halku'l-vâd'ı
- 12      Kalb ile kâlîb ile sa'y itdi gice gündüz  
Bu fitne ümmet içre tâ bulmaya temâdî

---

\* "Serdâr-ı zafer-şî'âr Sinân Paşa-yı kâmkâra virilmiştir." Bu manzumenin bazı mısra ve beyitleri bir önceki kasideyle ortaktır.

- 13 Râh u rev ü revîşler tapuñda Husrevâne  
Kapuñda olan işler âyîn-i Keykubâdî
- 14 Şol deñlü reng virdi A'câm'a tîg-ı tîzüñ  
Kızıl başını şâhuñ kara kana boyadı
- 15 Sen şâh içün safâsın fehîm itdi rûzgâruñ  
Raks üzre seyr idenler sahrâda gird-bâdî
- 16 Emrûñe cümle 'âlem münkâd olursa tañ mı  
Sen hükm-i şer'e kılduñ cân ile inkıyâdî
- 17 Ma'mûre-yi memâlik gâyet harâba vardı  
Ta'mîr kılmaz illâ sen şâhuñ 'adl u dâdî
- 18 Vecdî du'âya başla 'arz eyle hâl ü kâlin  
Ma'lûm olup metâlib gâyet bula mebâdî
- 19 Devletde dâ'im olsun 'izzetde kâ'im olsun  
İslâm haymesinüñ hâlâ budur 'imâdî
- 20 Kâdîları kazâya ugratdı kâzî-'asker  
El-hâsılı tutupdur kevn 'âlemin fesâdî
- 21 Kimisin itdi tebdîl kimin bilâ-sebebe 'azl  
Rencîde eylemişdür bu vech ile 'ibâdî
- 22 'Abd-i kemîne dahı Dubniçe kâdısı iken  
Virmiş Peçuy kazâsın olmuş cefâya hâdî
- 23 Sadr-ı sa'âdet üzre bâkî kalursa bir dem  
'Âlem varur fenâya olur fesâda bâdî
- 24 Göstermez oldı aslâ 'ilm ü kemâle ragbet  
Kim okısun kitâbı kim kılsun ictihâdî
- 25 İslâm 'askerinüñ nüzlin tedârük itdüm  
Kıldım berâtüm ihrâc kurımadı midâdî
- 26 Hidmet idi murâdum kırdı kolum kanâdum  
Bir abd-i nâ-murâdum sen vir kolı kanadı
- 27 Olsun du'â mükerrer dilde senâ mukarrer  
Allâh ide mu'ammer dâ'im ola eyâdî

- 28 Serdâr-ı müslimîndür sâlâr-ı mü'minîndür  
Mi'mâr-ı dâr-ı dîndür ma'mûr ola me'âdî
- 29 'Azmûñ ola mübârek nasr ide Hak tebârek  
Mesrûr olup ahibbâ makhûr ola e'âdî

-26-  
(94b-95a)

*Mefâ'ilün Mefâ'ilün Mefâ'ilün Mefâ'ilün*

- 1 Aradık rûz u şeb bir âftâb-ı 'âlem-ârâyı  
Bi-hamdi'llâh ki bulduk ol mehi arayı arayı
- 2 Şitâdan olmuş idük nâ-gehân bir hüsrev-i hâver  
Tulû' itdi Mesîhâ gibi ihyâ kıldı mevtâyı
- 3 Nisâr-ı şâh için açdı felek gencînesin saçdı  
Nukûd-ı sîme gark itdi toyurdu ehl-i dünyâyı
- 4 Ser-â-ser yeryüzini çarh-ı atlas eyledi tezyîn  
Degül berf ayagına döşedi sîmin dibâyı
- 5 Beşâretler dil-i erkâna a'yânuñ gözi aydın  
Ki kuhl-i hâk-i pâyı rûşen itdi çeşm-i dünyâyı
- 6 Ne ni'metdür cülûs-ı hazret-i Sultân Muhammed Hân  
Niçe bir zevke irişdi halk unuttı gayrı yagmayı
- 7 Kabâ-yı saltanat boyınca biçilmiş libâsıdur  
Mübârek eylesün Hak tâc u taht-ı behcet-efzâyı
- 8 Libâs-ı pâdşâha bir kad-i bâlâya lâyık kim  
Giyürdi hil'at-i 'adli tonatdı efkar u bâyı
- 9 'Aceb sâhib-nazar kân-ı güher bir pâdşâhdur kim  
İder yâkût-ı ahmer bir nazârda seng-i hârâyı
- 10 Cemâl-i bâ-kemâlin gör eger görmek murâduñsa  
Kemâl-i kudret ü sun'-ı cenâb-ı Hak ta'âlâyı
- 11 Kadi ra'nâ ruhı zîbâ mehâsin müctemî' olmuş  
Ser-â-pâ ahsen-i takvîmdür seyr it bu sîmâyı

- 12 Hat u hâl ü ruh-ı âl u dehân u çeşm u ebru leb  
'Aceb cem' eylemiş vechüñ şehâ esmâ-i hüsnâyı
- 13 Dinilmez vâsf-ı refâtârı gider serv-i hırâmânı  
Şeker-rîz olsa güftârı ko tûtî-i şeker-hâyı
- 14 Edâ-yı dil-peżîr ile kelâm-ı rûh-bahşımı  
İşidenler ferâmûş itdi enfâs-ı Mesîhâ'yı
- 15 Nedür nazm-ı dürer-bârı veyâ nesr-i le'âlîsi  
Gelüp görsün Nizâmî nazm-ı mürvârîd-inşâyı
- 16 Hat-ı anber-feşânın görse Abdullâh ile Yâkût  
Biri 'abd-i mekâtib birisi olurdu sevdâyı
- 17 Huzûrında dahı bir nesne yok ismiyle ma'lûmı  
Meger itmişdür üstâd-ı ezel ta'lîm-i esmâyı
- 18 Ne dir üslûb u âyîn-i cihân-bânı eger görse  
Bu o dirdi selâtin-i cihân dârât-ı dârâyı
- 19 'Arûsunı felek hem bezm-i sultânî nedür görsün  
Getür sultân Hüseyin-i Baykara-yı meclis-ârâyı
- 20 Şecâ'atde añılmaz oldu adı Rüstem-i Zâl'üñ  
'Adâletde unutturdu Enûşîrvân-ı kisrâyı
- 21 Tabanca yimedi kimse meger üstâd elinden def  
Şehâ zâr itmediler devr-i'adlûñde meger nâyı
- 22 Semend-i dil-pesende şeh-süvârüm ger süvâr olsa  
Burakâsâ felek-fersâ olur gör 'arş-peymâyı
- 23 Şikâra salsa şâhînin o şeh-bâz-ı ser-efrâzum  
Alur minkâr-ı 'ukâbı kapar simûrg u 'ankâyı
- 24 Eger baş egmez ise hân-ı Özbek âstânına  
Virür ednâ gulamuña Semerkand u Buhârâ'yı
- 25 Saña 'asker kılıç çekmek ne lâzım .....  
Şu'â-i seyf-i meslûluñ helâk eyler hod a'dâyı

- 26 Alup etfâl-ı küffârı esîr-i ehl-i İslâm it  
Diyâr-ı küfri feth eyle mesâcîd kıl kilisâyı
- 27 Ne kudretdür ki serdârı kılur a'dâsını berdâr  
Alup dâr u diyârın tar ider başına dünyâyı
- 28 Sinân Paşa-yı a'zâm 'avn-ı Hak ile varup aldı  
Kral-ı bed-fi'âlûñ kal'asın kırdı .....
- 29 'Înâyet... birle kökinden kazmak isterseñ  
'Adû-yı dîne irsâl it şehâ Ferhâd Paşa'yı
- 30 Varup togrıca Egri'yi alasun seyf-i kâtı'la  
Çekesün ehl-i zimmet itsün cümle....
- 31 Halîlâsâ girür şevk ile yanar âteşe korkmaz  
Bahâdır bir kuluñdur kullan İbrâhîm Paşa'yı
- 32 ..... şâh-ı levlâke vezîr-i sâhib-edâdur ki  
Sipâriş kıl ki pâk eyle umûr-ı dîn u dünyâyı
- 33 Vekîl-i saltanatdur hem Halîl-i dîn u devletdür  
Ser-efrâz eyle şânın bir saf-ârâ Âsaf-ârâyı
- 34 .....  
Frengistân'a gönder varsın alsun Kızılelma'yı
- 35 Hasan Paşa-yı kâmil kim vezîr-i nîk-re'yündür  
İder hüsn-i tedârûkle helâk a'dâ-yı .....
- 36 Müşîr-i dil-peziründür şehâ sem'-i kabûle ger  
İderseñ gûşvâre yiridür lû'lü-yi lâlâyı
- 37 Sikender'dür cenâb-ı şîr-i Yezdân'a Hudâ kılmış  
Gazanfer-fer aga-yı bâb-ı devlet bir nikû-râyı

---

28, 29, 30, 32, 34 numaralı beyitlerde sayfa kenarları kesik olduğu için, kelime veya mısralar eksik ya da okunaksızdır..

- 38 Sarây-ı pür-sürûnı hûr u gılmâna mekân olmuş  
Hudâ kılsun muhalled bu makâm-ı cennetâsâyı
- 39 Kapansun kapular a'dâ-yı dîn ü devletüñ dâ'im  
Güşâde eylesün Mevlâ bu dergâh-ı mu'allâyı
- 40 Ahâlî gamdan ölmüşdi 'ulûmı eyledi ihyâ  
İmâm-ı 'asr Gazzâlî gelüp görsün bu ihyâyı
- 41 Şehâ erbâb-ı hâsiyyet zamânında şeref bulsun  
Ser-efrâz it edîb-i kâmilî mümtâz mollâyı
- 42 Gelüp ders okusun Seyyid bu Sa'dü'd-dîn-i sâîden  
Cevâbın alsun ögrensün imâm üslûb-ı fetvâyı
- 43 Ne mümkün vâsf-ı bâkîsi ki her nev' ile .....  
Yine ta'rîf olunmaz çünki terk it medh u itrâyı
- 44 Gel ey bî-çâre gamdan saña mahlas yog idi hamd it  
Ki bulduñ bir şeh-i 'âlî-cenâb u behcet-efzâyı
- 45 Metâ-ı himmete endâze olmaz çok döküp ölçme  
Ma'ârifden revâcı var iken 'arz eyle kâlâyı
- 46 Saña el virdi devlet düş-ı .....  
Kapusı maksem-i erzâkdur al pâyeden pâyı
- 47 Eger tab'-ı hümayûn-ı şehen-şâha muvâfıksa  
Aña beglerbegilik vir kuluñ [sen] eyle tuğrâyı [?]
- 48 Kadîmî bir emekdâr-ı der-i devlet-medâruñdur  
Şehâ nâm u nişân ile buyur tuğrâ-yı garrâyı
- 49 Mürebbî-i ahâlisüñ sezâ-yı terbiyet kıl kim  
Nedür reng ü halâvet sözde görsünler mürebbâyı
- 50 Sakîmi müstakîmi bil vir ehline emânâtı  
Sakın bâr-ı emânetden tefekkür kıl .....

---

43, 46 ve 50. beyitlerde sayfa kenarları kesildiği için kelime eksiktir.  
47b. eyle tuğrâyı: taleb eyle.



- 51 Hilâf-ı *şâvirûhunne umûr* hâtır-nişân olsun (?)  
Saña lâzımdur emr-i saltanatda kâr-fermâyî
- 52 Gerek vassâf-ı hazret ol yine vassâfında .....  
Du'â-yı devlete başla gider beyhûde da'vâyı
- 53 Şeb ü rûzı şeh-i gerdûn-cenâbuñ kadr u 'îd olsun  
Meh ü hurşîd seyrân eyledükçe çarh-ı mînâyı
- 54 Hemîşe kâm-bahş u kâm-dâr u kâm-rân olsun  
Murâdınca alup ders-i menâsıb mülk-i Dârâ'yı
- 55 Hudâ kılsun halîfe dâr-ı fezâ-yı hilâfetde  
Okur mâdâm huffâz âyet-i innâ ce'alnâyı
- 56 Nihâl-ı kâmeti rûy-ı zemîne şâhlar salsun  
Berûmend eylesün yâr-ı Hudâ bu gül-i.....
- 57 Gül-i nev-resleri gelsün açılsun bâg-ı 'işretde  
Seher bülbül şükûfte buldığınca verd-i ra'nâyı

-27-  
(96b-97a)

**Ender-cülûs-ı Sultân Muhammed Hân Eyyâde'llâhu ta'âlâ saltanehu**

*Mefâ'ilün Mefâ'ilün Mefâ'ilün Mefâ'ilün*

- 1 Cülûs itdi yine Sultân Muhammed Hân-ı 'Osmânî  
Cihâna müjde olsun mürde-diller buldılar cânı
- 2 Muhammed nâm-ı pâkî Mustafâ'sı sâ'ir ihvânuñ  
Hakîk-i saltanat oldur anuñdur hakk-ı hâkânî
- 3 Benân-ı pâkine alup hilâfet hâtemi ol şeh  
Kırup dîvân-ı dehri kurdı dîvân-ı Süleymân'ı

---

52 Sayfa kenarı kesildiği için kelime eksik.

56 Sayfa kenarı kesildiği için kelime eksik.

- 4 Yedi kulle melâz olsa ma'âzallâh halâs olmaz  
Yed-i 'adli bulur her kande ise zâlim ü cânî
- 5 İrişdi feyz-i sübhânî ki 'Adlî eyledüñ mahlas  
Saña ilhâm olındı tavr u üslûb-ı cihân-bânî
- 6 Şitâda ol kadar eltâf-ı şettâ eyledüñ halka  
Bahâristâna döndi lutf ile kahr-ı zemistânî
- 7 Kirâma çok kerem kıldıñ husûsâ şeyh-i İslâm'a  
Sevindürdi bu vaz'-ı dil-pesendüñ ehl-i î mânî
- 8 Yem-i in'âm u ihsânûñla 'âlem şöyle gark oldı  
Hicâb idüp yüzine kef tutar bahr ey kerem kânî
- 9 Açup niçe hazîne çok hazîne nezl-i mâl itdüñ  
Kemâline irişdüñ nisâb-ı lutf u ihsanî
- 10 Sözüñüz yok nu'âmâyâ yüzüñüz yok temânnâyâ  
Kerem bî-hadd ü bî-gâye 'atânûñ var mı pâyanî
- 11 Velî tuyılmaz ihsâna husûsâ ola şâhâne  
Belâdur hırs insâna tama'dur âdemüñ şânî
- 12 Dükenmez derdimüz çokdur dahı hem-derdimüz yokdur  
Saña 'arz itmeyedür hâlî gayrı şâhimuz kanı
- 13 Buyurmuşdur Resûlu'llâh ki es-sultânı zıllu'llâh  
Kapuñ me'vâ-yı mazlûmân tapuñdur zıll-ı Yezdânî
- 14 Seni kılmışdur Allâh nâzır-ı dîn nâsır-ı devlet  
Muhammed ümmetinüñ hâliyâ sensin nigh-bânî
- 15 Rikâb-ı şâha kullar ruk'alarla 'arz-ı hâl itmek  
Olupdur tâ ezelden 'âdet-i sâdât-ı sultânî
- 16 Husûsan şâ'ir-i sâhir bulınca ola mı sâbir  
Cenâb-ı pâdşâhî gibi sultân-ı sühan-dânî
- 17 Bilüp hâlî hisâb eyle musâb ol ihtisâb eyle  
Rahîm ol kâm-yâb eyle esirge 'abd-ı rahmânî
- 18 Yed-i agyâr ile şâhâ Yanık gibi hisâr alduñ  
Alursın nev'-i himmet sarf iderseñ kâfiristânî

- 19 Yüzi suyu ile tursun yanuñda hançer ü tıguñ  
Sinân'ın gönder ok gibi alur Eflak u Bogdan'ı
- 20 'Adû evvel nazarda tu'me-i top u tûfeng oldı  
Açup agzını şîrûñ tîg-i tîzin kaldı yelmânı
- 21 Sipârîş itdûñ ümmet emrin İbrâhîm Paşa'ya  
Odur sadr-ı vezâretde şehâ sâni-i bî- sâni
- 22 Hasan Paşa kuluñ hüsn-i tedârûkle muvaffakdur  
Vezâret birle kılduñ Rûm ilinüñ mîr-i mîrânı
- 23 Budin gâzîleriyle kıl havâle hayl-i küffâra  
Ne ceng eyler kilâb ile gör ol şîr-i neyistânî
- 24 Meded devletlü sultânım dahı bir .... mi kıldı  
Bizi 'ayb itme söylersek eger çi oldı evrânî
- 25 Gör ecdâd-ı 'izâmuñda vü âbâ-i kirâmuñda  
Kime virmişdürür Allâh bu erkânı bu a'yânı
- 26 Senüñ eyyâm-ı 'adlûñde senüñ hengâm-ı lutfuñda  
Revâ mı kullana kâfir esîr ide müselmânı
- 27 İrişdi fakr ile fâka galâ yayıldı âfâka  
Re'âyâ kaldı bî-tâka kim eksün bâg u bostânı
- 28 Sekâmet istikâmet istemezler niçe yıllardur  
'Adâlet hod nenüñ aşî yenür mi kim sorar anı
- 29 İç illerde efâdıl ehl-i 'ilme i'tibâr itmez  
Uç illerde nite kim gözlemezler merd-i meydânı
- 30 Kazâya ugramışlardur kudâta iltifât ile  
Katı derd ehlidür bunlar bulara eyle dermânı
- 31 Velî Vecdî kuluñ bu zümrede gâyet zelîl oldı  
Yedi ayda iki üç kerre ma'zûl itdiler anı

-28-  
(97b)

*Fe'ilâtün Mefâ'ilün Fe'ilün*

- 1 Oldugiyçün kazânuñ adı yedi  
Hâtif-i gayb bir latîfe didi
- 2 Bir yıl u dört ay içre Dubniçe'nüñ  
Yedi oldu kuzâtınuñ 'adedi
- 3 Nüzül olupdur kimisine nâzil  
Her birinüñ karışdı kâra yedi
- 4 Buldı fırsat kimisi sürsata  
Ne girerse eline anı yedi
- 5 Mansıb elden ele irişmiş iken  
Diyemez kimse bu yedi yemedi
- 6 Yedilerden dahı olursa eger  
Yine kâdınıñ olur adı yedi
- 7 Pâdişâhuñ vezîr-i a'zamısın  
Sen görürsin cemî'-i nîk ü bedi
- 8 Beni gayrı kapuya gönderme  
Meded Allâh için sen it mededi
- 9 Kâdi-'asker efendi n'eyleyeyin  
Vâki'-i hâli togrı söylemedi
- 10 Var iken bir yılum u beş ayum  
Az u çokdan zamânı var dimedi
- 11 Mansıbı gayra virdüñ didiler  
Gel berü vir hisâbuñı Vecdî
- 12 Aglayup inleyüp figân itdüm  
Merhamet eyleyüp esirgemedi
- 13 Bunı hâşâ revâ göre 'adlün  
Böyle yazmaz kitâb-ı şer'-i hadî

- 14 Senüñ ile sefer idenler hep  
Kimse mahrûm kalmadı ebedî
- 15 ‘Ahd-i ‘adlünde hiç lâyük mî  
Ber-murâd olmayup kala Vecdî
- 16 Müfti-i şark u garb sensin sen  
Şehr-i şer’üñ emîn ü mu’temedî
- 17 Kâmetüñdür ‘imâd-ı câmi’-i dîn  
Kalemüñ dâr-ı ‘alemüñ âmedi
- 18 Sâdr-ı pâküñ hızânetü’l-fetvâ  
Sen idersin bu kâra vaz’-ı yedî

-29\*-  
(98b-99b)

*Mefâ’ilün Mefâ’ilün Mefâ’ilün Mefâ’ilün*

- 1 Cülûs itdi yine Sultân Muhammed Hân-ı ‘Osmânî  
Cihâna müjde olsun mürde-diller buldılar cânı
- 2 Muhammed nâm-ı pâki Mustafâ’sı sâ’ir ihvânuñ  
Hakîk-i saltanat oldur anuñdur hakk-ı hâkânî
- 3 Benân-ı pâküñe alup hilâfet hâtemi ol şeh  
Kırup divân-ı dehri kurdı divân-ı Süleymân’ı
- 4 Yedi kulle melâz olsa ma’âza’llâh halâs olmaz  
Yed-i ‘adli bulur her kande ise zâlim ü cânî
- 5 İrişdi feyz-i sübhânî ki ‘Adlî eyledüñ mahlas  
Saña ilhâm olındı tavr u üslûb-ı cihân-bânî
- 6 Şitâda ol kadar eltâf-ı şettâ eyledüñ halka  
Bahâristâna döndi lutf ile kahr-ı zemistânî

---

\* Bu kasidenin bazı beyitleri 27 numaralı manzumeyle aynıdır.  
3b. Kırup divân-ı dehri: Kırup her div-i dehri *sahh*.

- 7 Muhammed seniyyi Mustafâ ahibbâ ider hâlâ  
Zihî kâdî'l-kudât 'adli-i mahz lutf-ı Rabbânî
- 8 Kirâma çok kerem kıldıñ husûsâ şeyh-i İslâm'a  
Sevindürdi bu vaz'-ı dîl-pesendüñ ehl-i îmânî
- 9 Yem-i in'âm u ihsânûñla 'âlem şöyle gark oldu  
Hicâb idüp yüzine kef tutar bahr ey kerem kânî
- 10 Açup niçe hazîne çok hazîne bezl-i mâl itdüñ  
Kemâline irişdüñ nisâb-ı lutf u ihsanî
- 11 Esâsın üstüvâr itdüñ şehâ erkân-ı İslâm'ıñ  
Görüp dünyâ mühimmâtın kayırduñ dîn-i deyyânî
- 12 'Acem'de Bû-Hanîfe mezhebini eyledüñ sâbit  
Livâ-i sürhüñ oldu lâle-i hamrâ-i Nu'mânî
- 13 Kenâr-ı âb-ı Rûkn-âbâd'ı Sünnîler kılup âbâd  
Musallâ itdiler gül-geşt ü gülzâr u gülîstânî
- 14 Şehâ Yanık Hisârı'n top-ı ejder-peyker almışdur  
Yiyüp magzını küffârüñ 'azâb itsün ko mârânî
- 15 Hisâr-ı üstüvâr-ı ehl-i nârı nâr ile alduñ  
Şerâr-ı nâr ile eşrârı kıldıñ recm-i şeytânî
- 16 'Adû evvel nazarda tu'me-i top u tûfeng oldu  
Açup agzını tîrûñ tîg-ı tîzüñ kaldı yelmânî
- 17 Yüzi suyu ile tursun yanuñda hançer ü tîgüñ  
Sinân'ın gönder ok gibi alur Eflak u Bogdân'ı
- 18 Sipâriş itdüñ ümmet emrin İbrâhîm Paşa'ya  
Odur sadr-ı vezâretde şehâ sâni-i bî-sanî
- 19 Hasan Paşa kuluñ hüsn-i tedârûkle muvaffakdur  
Vezâret birle kıldıñ mülk-i Rûm'ıñ mîr-i mîrânî

---

7 Beyit, sayfanın sağ kenarında yer almaktadır.

- 20 Vezîr-i a'zam-ı dîrîn Sinânu'l- milleti ve'd-dîn  
O pîrûñ kim tutar yerini mugmer ide Hak anı
- 21 Budur şâhâ kelâm-ı hak Hudâ'dur gâlib-i mutlak  
Kuluñ işi sımak sınımak budur 'âdât-ı Rabbânî
- 22 Budin gâzîleri birle Vidin'de kırdı küffârı  
Kilâb ile 'aceb ceng itdi ol şîr-i neyistânî
- 23 E'âlî vü efâzıl hep murâda oldılar vâsıl  
Güzel kullanduñ el-hâsıl kamu erkân u a'yânı
- 24 Gerek mîr ü gerek monlâ dimezler emrüñe lâ lâ  
Husûsan hazret-i lâla görür hakk üzre dîvânı
- 25 Sözüümüz yok nu'âmâya yüzümüz yok temânnâya  
Kerem bî-hadd ü bî-gâye 'atânuñ var mı pâyânı
- 26 Velî toyılmaz ihsâna husûsâ ola şâhâne  
Belâdur hırs insâna tama'dur âdemüñ şanı
- 27 Dükenmez derdimüz çokdur bizüm hem-derdimüz yokdur  
Saña 'arz itmesek ahvâlî gayrı şâhımız kanı
- 28 Buyurmuşdur Resûlu'llah ki *es-sultânü zıll'ullâh*  
Kapuñ me'vâ-yı mazlûmân tapuñdur zıll-ı yezdânî
- 29 Seni kılmışdur Allâh nâzır-ı dîn nâsır-ı devlet  
Muhammed ümmetinüñ hâliyâ sensin nigeş-bânı
- 30 Rikâb-ı şâha kullar ruk'alarla 'arz-ı hâl itmek  
Olupdur tâ ezelden 'âdet-i sâdât-ı sultânî
- 31 Husûsâ şâ'ir-i sâhir bulınca olamaz sâbir  
Cenâb-ı pâdşâhî gibi sultân-ı sühan-dânı
- 32 Hudâ çün kıl u kâl itdi 'asâ emrin su'âl itdi  
Hemân-dem 'arz-ı hâl itdi görüñ Mûsâ-yı 'İmrân'ı
- 33 Bilüp hâlî hisâb eyle müsâb ol ihtisâb eyle  
Rahîm ol kâm-yâb eyle esirge 'abd-ı rahmânı

---

20 Beyit, sayfanın sağ kenarında yer almaktadır.

21 Beyit, sayfanın sağ kenarında yer almaktadır.

- 34 Meded devletlü sultânüm hezârân derdimüz vardır  
Bizi 'ayb itme söylersek egerçi oldu oranı
- 35 Senün eyyâm-ı 'adlün'de senün 'ahdün'de 'asruñda  
Revâ mı kullana kâfir esir ide müselmânı
- 36 Şehâ erbâb-ı devlet bâb-ı rüşvet itdiler peydâ  
Yıkup devletlü başuñçün yed-i 'adlünle yap anı
- 37 İrişdi fakr ile fâka galâ yayıldı âfâka  
Re'âyâ kaldı bî-tâka kim eksün bâg u bostânı
- 38 İç illerde efâdıl ehl-i 'ilme i'tibâr itmez  
Uç illerde nite kim gözlemezler merd-i meydânı
- 39 Sekâmet istikâmet istemezler niçe yıllardur  
'Adâlet hod nenün aşı yenür mı kim sorar anı
- 40 Kazâya ugramışlardur kudâta iltifât ile  
Katı derd ehlidür bunlar bulara eyle dermânı
- 41 Velî Vecdî kuluñ bu zümrede gâyet zelîl oldu  
Yedi ayda iki üç kerre ma'zûl itdiler anı
- 42 Fakîr ü bî-mecâl oldu 'aceb şûrîde-hâl oldu  
Eli lahme irişürse direm bulmaz ala nânı
- 43 Der-i devletde Dubniçe kazâsın virdiler evvel  
Buyurdılar ilet serdâr-ı 'âlî-şâna fermânı
- 44 Gehi bahr u gehi berde ne bellü gökde ne yirde  
Yanık gibi seferlerde yanup yakıldı büryânı
- 45 Tek ü pûlar idüp anda mukarrer-nâmeler aldum  
Mü'ekked ola sandum eyledüm envâ'-ı pûyânı
- 46 Bir aydan soñra tebdîl itdiler Rudnik kazâsına  
Beligrad'a sefer itdüm bırakdum beyt-i ahzânı
- 47 Niçe günler varup yeldim yine tekrâr alup geldüm  
Nüzûl hizmetleri buyruldı geldi hükm-i hâkânî

---

41 Sayfanın sol kenarında "Yedi ay içre üç kez râst-ı ma'zûl oldum" ifadesi yer almaktadır.



- 48 Olurken kendü hâlinde du'â hem iştigâlinde  
Dahi hizmet hilâlinde irişdi şerr-i şeytânî
- 49 Yine bu fâniyi Bâkî Efendi eylemiş tebdîl  
Peçuy kadılığın virmiş hudâ kılsun anı fânî
- 50 O da buldı fenâ el-hamdu li'llâh 'ahd-i 'adlûnde  
Niçe bâkî olur fânî idenler ehl-i 'irfânî
- 51 Muhassal bu yidi ayda sekiz gün olmadum mansûb  
Atarlar kâdî-'askerler yabana bî-kes olanı
- 52 Temâşâ bundadur şâhâ iki kerre berât itdüm  
Birisî pâdşâhumdan biri Sultân Murâd Hânî
- 53 Yine hâlâ varup Eflak u Bogdan'a sefer kıldum  
Mukarrer-nâme birle virdiler tigrâ-yı hâkânî
- 54 Ara yirde bu deñlü mâl u eyyâm eyledüm zâyî'  
Buyur hengâm-ı 'adlûnde edâ itsünler ezmânî
- 55 Husûsâ müddet üç yıldur avân-ı 'adl-ı şâhîde  
Beni mahrûm idüp hâşâ revâ göre bu hırmânî
- 56 Nüzûl kaldı müşevveş şât sürsata katı fursat  
Bulup nüvvâb ruhsat itdiler alân u tâlânî
- 57 Der-i devletde hâlâ ittisâlüm infisâl üzre  
Buyur kânûn-ı 'adlûn ne yazar bu derde dermânî
- 58 Baña geçdükleri nakşî işitse deng ola Erjeng  
Baña virdikleri rengi niçe tasvîr ider Mânî
- 59 Bu sözler kim yazıldı tıbk-ı vâkî' hakk-ı nâsî'dür  
Egerçi şâ'ire 'ayb olmaya söylerse yalanı

---

51b. Atarlar kâdî-'askerler yabana bi-kes olanı: Atarlarmış yabana pâdîşâhum bi-kes olanı *sahh.*

57 Bu beyit ve sonraki dört beyit sayfanın sol kenarında yer almaktadır.

59a. tıbk-ı vâkî': emr-i şâbit *sahh.*

- 60      Şikâyet eyleyüp tazyî'-i evkât eyleme Vecdî  
         Du'â-i devlet-i sultân-ı 'adle sarf kıl anı
- 61      Penâh-ı mülk ü millet pâdşâh-ı dîn u devletdür  
         Hudâ yavuz nazardan saklasun ol yüce sultânı

## MESNEVİLER

-1\* -  
(9b)

*Fe'ilâtün Fe'ilâtün Fe'ilün*

- 1 Eyledüm ser-te-ser âfâkı seyr  
Bulmadum Türk ile tiryâkide hayr
- 2 Türk'i terk eyle yûri 'âlemde  
Hem-dem idinme anı bir demde
- 3 Mey içüp yir ise beng ü tiryâk  
Anı terk eyle velev kâne ehâk
- 4 Olma tiryâkiye yoldaş u refik  
Yokdur anuñla müdâvâta tarîk
- 5 Giciyûk har gibi har har kaşunur  
Cümle tırnakları elde aşınur
- 6 Hokka-i berşe urur barmagı  
Yog iken kaşınacak tırnagı
- 7 Âteş-i berş ile bagrı yanık  
Nerede yürise uyur uyanık
- 8 İdicek câna yubûset te'sîr  
Az zamân içre olur derdi kesîr
- 9 Huşk-leb kalur o bî-çâre o dem  
Ter düşer şöyle bulutdan kapa nem
- 10 Barmagı mebla'-ı tiryâke döner  
Kâmeti çenber-i eflâke döner
- 11 Cân-ı şîrîni satar şehde virür  
Kelle-i şekkere baş ortaya kor

---

\* "Aşhâb-ı tiryâk ve edrâb-ı Etrâk-ı mühmel ü nâ-pâk seyyiü'l-hulk müezziyü'l-halk olduklarıdır."

- 12 Subh olup irse gıdâsına zamân  
Esner av isteyen it gibi hemân
- 13 Çîn seher kalkmayup yatur uyur  
Yimez ise uş uş işte ölüyor
- 14 Geliser başına bunca nekebât  
Habbesi yok ki ala habb-i nebât
- 15 İçi micmer gibi pür-âteş ü ac  
Füls-i ahmer gözedür ol muhtâc
- 16 Nûş-ı câm itmese cânı tarılır  
Tudagı kurur tâs tâs yarılır
- 17 Halk ile turmaz ider ceng ü cidâl  
Tarılır kendüye dîvâne-misâl
- 18 Olur olmaz yire ol dîvâne  
Bî-huzûr olsa gerek yârâne
- 19 Od taşı idüğü olınca 'ayân  
Çakmaga ister anı pîr ü cüvân
- 20 Çakıcak âteşi hiddetle yanar  
Beñzi sararur u kibrite döner
- 21 Niçe yanmaya o miskîn par par  
Kendüsi sûhte sarugı kocar
- 22 Didüğüm hâlet-i keyfîyyetidür  
Tab'ınun gâyet ile vüs'atidür
- 23 Kengerî olsa ne'ûzu bi'llâh  
İzine basma yüzine itme nigâh
- 24 Añlasañ kengeri götür kohuyı  
Ya'n kim san'at idin sen bu hûyı
- 25 Gadab u hiddet ile ol ebter  
Kendüyi âteş-i sûzâna atar

---

12 Beyit, sayfanın sağ kenarında yer almaktadır.

- 26 N'ola çatlar ise mânend-i fişek  
Agzı otludurur hem-çü tüfek
- 27 Neye magrûr ola tiryâki zarîf  
Neye mesrûr ola bengî-i harîf
- 28 Birisi kibr ile şeytâna döner  
Birisi ekl ile hayvâna döner
- 29 Ol ise keyf ile dîvâne sefîh  
Bu ise hırs il hayvâna şebîh
- 30 Yâ İlâhî bize vir insâfî  
Eylegil ya'ni bulardan sâfî
- 31 Ne üzerine ise hilkatimüz  
Hokka-i cismde keyfiyyetimüz
- 32 Bizi ol vaz' ile sâbit-kadem it  
Kalma eksiklüğümüze kerem it
- 33 Halet-i keyf ile söz söyletme  
Söyleyenleri dahı diñletme

-2\*-  
(10b)

*Fâ'ilâtün Fâ'ilâtün Fâ'ilün*

- 1 Eylemez 'aklı olan iftâr-ı beng  
Dâmeni tozdan sakınur ehl-i neng
- 2 'Akl çerisini ider târ-mâr  
Dide-i cânı kör ider ol gubâr
- 3 Olmuş iken âb-ı revânuñ turu  
İtme bir avuç toz ile kara su

\* Manzumeden önce şöyle bir ifade yer almaktadır: “*Erbâb-ı beng târik-i nâm ü neng olup hâlet-i keyf ile keyfe mâ'ttefak makâle idüp vesvâs-ı hannâs ile bâtıl hayâle düşüp kendüleri mahzen-i esrâr-ı İlâhî ve matla'-ı envâr-ı nâ-mütenâhi şandıklarıdır.*”

- 4 Kim ki bu töhmetle ola müttehem  
'Asker-i 'aklını ider münhezem

-3\* -  
(24b)

*Fe'ilâtün Mefâ'ilün Fe'ilün*

- 1 Hamdu li'llâh ki virdi ol 'allâm  
'Ulemâ hayline senûñle nizâm
- 2 Şükrü li'llâh ki kıldı ol sübhân  
'Alem-i 'ilm ile seni sultân
- 3 Fuzalâ içre nâmdâr itdi  
Cümleye merci' ü medâr itdi
- 4 Oldı cünd-i kirâm-ı zû'l-ikrâm  
Hükmüñe hep mutî' ü emrûñe râm
- 5 Şeh-i İslâm'a kâdı-'askersin  
'İlm ü fazl ile mîr-i mih-tersin

-4\*\* -  
(31a-32a)

*Fe'ilâtün Mefâ'ilün Fe'ilün*

- 1 H'âce-i pâdşâh-ı zıllu'llâh  
Ber-heme halk şod 'Atâu'llâh
- 2 Hamdu li'llâh çi hoş mukâriñ şod  
Bâ-'atâ-yı İlâh zıll-ı İlâh
- 3 Hâk-i pâ-y-ı şerîfe sultânüm  
Derd ile aglayayın ahvâlüm

\* "Bu dahi 'İvâz Efendi'ye virilmiştir."

\*\* "Sultân Selim h'âcesi merhûm 'Atâu'llâh Efendi Hazretlerine virilmiştir."

2 Mesnevi nazım şekliyle yazılan manzumenin bu beytinde kafiye problemi vardır.

- 4      Derdmendüm devâ ricâ iderin  
‘İlletüm var şifâ ricâ iderin
- 5      Baña senden irişmese çâre  
Kalurum tâ ölince bi-çâre
- 6      Bir yetîmüm pederden ayrıldum  
Şefkat it gör nelerden ayrıldum
- 7      Sâhil-i bahr-i gamda âvâre  
Sadef oldu baña hazef-pâre
- 8      Şiddet-i rûzgâr-ı nâ-hemvâr  
Keşti-yi sabruma komadı karâr
- 9      Mülk-i ‘ukbâya rihlet itdi peder  
Aglayu kaldı derd ile mâder
- 10     Dagılup gitdi hep sığâr u kibâr  
*Leyse fî’ d-dâri gayrûnâ deyyâr*
- 11     Ben de kaldum bu künc-i mihnetde  
Dâr-ı gurbet dîyâr-ı kürbetde
- 12     Elde mâlum u dilde kâlüm yok  
Gam ile hüzn ile melâlüm çok
- 13     Giryeden gözlerümde kalmadı nem  
Beni aglatma yokdurur kimsem
- 14     Sıgayup dest-i lutf ile başımı  
Âstîn-i keremle sil yaşımı
- 15     Bend-i gamda koma halâs eyle  
Lutf-ı ‘âm eyle ‘abd-ı hâs eyle
- 16     Câh uma çâha düşdüm it mededi  
Koma bu çâh içinde huz bi-yedi
- 17     Zâhir egerçi yok gözümde ‘amâ  
Olur ammâ garîb *ke’l-a’ mâ*
- 18     Ben fakîr eyledükde ‘azm-i tarîk  
Lutf u ihsânun olmış idi refîk

- 19 Yolum azdum baña hidâyet kıl  
Lutfuñı yoldaş it 'inâyet kıl
- 20 Gerçi çokdur bu kulda cürm ü günâh  
Umarum irişe 'atâu'llâh
- 21 Kuluñ oğlu kuluñdurur Vecdî  
Kul idi kapuña eb-i Vecdî
- 22 Eylemiş hürmet 'ammûmuz merhûm  
Rahmet-i Hak'dan olmaya mahrûm
- 23 Dünyeden anlar irtihâl itdi  
İrs ile bize intikâl itdi
- 24 İstedüm derdüme tabîb-i şefîk  
Seni sevk itdi sâyik-i tevîk
- 25 Çâre kıl baña hoş mizâc eyle  
Şerbet-i cûd ile 'ilâc eyle
- 26 Hıdmetüñden egerçi kim dûrum  
Kereme nisbet olsa ma'zûrum
- 27 Devlet ü 'izzetüñe şükrâne  
Nazar eyle şehâ garîbâne
- 28 Keremüñ halk-ı 'âleme maksûm  
Ne içün ben kuluñ olam mahrûm
- 29 Hâkdan katresin sakınmaz mîg  
Eylemez şems şu'lesini dirîg
- 30 Sen sehâb-ı kerem kuluñdur hâk  
Katre-i mâ dirîg ola hâşâk
- 31 'Âlemi nûr ile güneş toylar  
Eksik olmaz ziyâsı zerre kadar
- 32 Harc olınsa hazâ'in-i ihsân  
Bir direm naksa olmaya imkân
- 33 Geldi kapuña yüz süre Vecdî  
Bir nazar eyle derdi var derdi



- 34 Gerçi niçe hatâ ile geldi  
Lîk yüz biñ du'â ile geldi
- 35 Sahn u sıhhatde hurrem ü handân  
İde Hak hânedanuñ âbâdân
- 36 Emrüne râm ola ins ü melek  
Döne kutb-ı murâduñ üzre felek
- 37 'Ömr ü devlet hemîşe dâ'im bâd  
Bi'n-nebiyyi ve âlihi'l-emcâd

-5-  
(33a)

*Fe'ilâtün Fe'ilâtün Fe'ilün*

- 1 Lâzım olursa ola hâzır baş  
Gözümün yaşı vü bagırdagı baş
- 2 İkisi dahı çarha kâbildür  
Biri mecrûh u biri sâ'ildür

-6\* -  
(35b)

*Mefâ'ilün Mefâ'ilün Fe'ûlün*

- 1 Kerem lutf eyle tut ma'zûr ey yâr  
Geçer hûra n'ola hûr ise havvâr
- 2 Garaz budur idevüz âşinâlık  
Bilür Hâlık n'ola bilmezse balık

---

\* "Bu hakir İbra'il kâdisti iken ekâbirden birine havvâr irsâl olunup dimişdür."

-7-  
(44a)

*Fe'ilâtün Fe'ilâtün Fe'ilün*

- 1 Ne revâ sen ki vuzû itmeyesin  
Yüz yuyup yüzi sulu olmayasın
- 2 Ne kadar mâla olursañ mâlik  
'Âkıbet cümleten olur hâlik
- 3 Bu söze şâhid olur bî-şübhe  
*Küllü şey' hâlikun illâ veche*

-8-  
(44a)

**Ebyât-ı Fenâ-simât**

*Fe'ilâtün Fe'ilâtün Fe'ilün*

- 1 Gelüñüz zıkr idelüm Mevlâ'yı  
Gelüñüz fikr idelüm 'ukbâyı
- 2 Dilde zikrine mekân eyleyelüm  
Cân gibi anı nihân eyleyelüm
- 3 Gündüz ü gicede tâ'ât idelüm  
Ya'ni beş kerre münâcât idelüm
- 4 Farz olupdur bize beş vakt namâz  
Kılalum eyleyelüm 'arz-ı niyâz
- 5 Dil ü cân ile 'akîbe's-salâvât  
Virelüm rûh-ı resûle salâvât
- 6 Saña hıdmet ide it insâfı  
Mâ-i cârî gibi pâk u sâfı

---

1 Beyit, sayfanın sol kenarında yer almaktadır.

-9\*-  
(45b-46b)

*Mefâ'ilün Mefâ'ilün Fe'ûlün*

- |    |   |
|----|---|
| 1  | Benüm devletlü sultânüm efendüm<br>Esirge merhamet kıl derdmendüm       |
| 2  | Getürdüm bir yere bunca makâli<br>Yalan yañlış didüm bu hasb-i hâli     |
| 3  | Murâdum bu idi kim tâ bu hîle<br>Murâda irmege ola vesile               |
| 4  | Ola tâli' müsâ'id baht meymûn<br>Çıka hakkumda bir hatt-ı hümayûn       |
| 5  | Burayı arz idüp 'akl-ı selîme<br>Sülûk itdüm tarîk-i müstakîme          |
| 6  | Hired didi baña ey merd-i ahmak<br>Ne kâr-ı bü'l-'acebdür hat çıkarmak  |
| 7  | Koyup ism-i şerîfini Îlâh'uhn<br>Hatâdur nâmın aınmak pâdşâhuñ          |
| 8  | N'îçün sübhânı kor sultân añarsın<br>N'îçün hannân dimezsün hân añarsın |
| 9  | Didüm bundan garaz hüsn-i edebdür<br>'Atâ-yı Hakk'a sultân bir sebebdür |
| 10 | Didi Hak virdügi esbâbı n'itdün<br>Muhassal togrı söz bu egri gitdün    |
| 11 | Sebeb hod saña ta'yîn oldı Hak'dan<br>Yakîni koyup istersin ırakdan     |
| 12 | O dem zıkr itdi baña yahşi aduñ<br>Eyitdi ger ola sultân murâduñ        |

---

\* "Zekeriyyâ Efendi hazretlerine virilmiştir."  
9a. edebdür: talebdür *sahh.*

- 13 Yüri ol şâha var sun 'arz-ı hâlûñ  
Bilür ol hasb-i hâlûñ kadr-i kâlûñ
- 14 Cihâna 'ilm ile sultân u hândur  
İki vech ile sultân-ı cihândur
- 15 Biri bu anda var 'ilm-i İlâhî  
Biri kâ'im-makâm-ı pâdşâhî
- 16 Hatı hatt-ı hümâyûn emr-i meymûn  
Kabûl ile olur her hat hümâyûn
- 17 Anuñ hattında olmaz ise mise  
Olur emr-i müneccez her ne ise
- 18 O hayru'n-nâsda çokdur menâfî'  
Niçe tasnîfi var dârına nâfî'
- 19 Yapupdur bir güzel darü'l-hadîsi  
Okurlar anda tefsîr ü hadîsî
- 20 Getürmişdür aña bir hoş muhaddis  
Getürmez mislini bu dehr-i hâdis
- 21 O Hızr-ı vaktiden gören hadîsi  
Hades ehliyse de olur hadîsi
- 22 Kemâle sarf idüp leyl u nehârı  
Okur anda niçe Müslim Buhârî
- 23 Görinür câmlardan şems-i berrâk  
Meşârik san ider envârın işrâk
- 24 Okurlar eyleyüp zikr ile tesbîh  
Meşârik gündüzün gice mesâbîh
- 25 Yanar kandîl ü göynür şem'-i kâfûr  
Zihî meclis k'olur nûrun 'alâ-nûr
- 26 Sudûr itmüşdür andan niçe hayrât  
Olupdur bâni'-i dâr müberrât
- 27 Varup hacc-ı şerîfe giydi ihrâm  
Kemâlin buldı anda rûkn-i İslâm

- 28 Bolupdur imtiyâzı çok şerefden  
Bu fazlı fazladur ekser selefden
- 29 Okur te'lîf ü taznîfin ahâli  
El üstünde tutarlar hep mevâli
- 30 Budur a'cûbe-i sun'-ı İlâhî  
Konupdur başına devlet külâhı
- 31 Kapusı melce' ü me'vâ-yı ümmet  
Tapusı biñ başında elf-ni'met
- 32 Budur Seyyid'le Sa'dü'd-dîn'e vâris  
Budur mîsdâk-ı *'azzeznâ bi-sâlis*
- 33 Buña nisbet olınsa Taşkendi  
Bu cevher olur u ol taş kendi
- 34 Mezâsı ile tolmışdur medâris  
Temâmet-i sahn olupdur pür-nefâyis
- 35 Kelâmı sırrına olmaga vâkıf  
Tavakkuflar ider sâhib-mevâkıf
- 36 Sözi derkinde 'âciz 'akl-ı evvel  
Belî zâhir degül sırr-ı mü'evvel
- 37 Hudâ virmişdür aña niçe hâlât  
Olupdur câmi'-i cümle kemâlât
- 38 Saf-ı ashâb-ı fazla muktedâdur  
İmâm-ı A'zam eydürsem revâdur
- 39 Tahallus itmege çün oldı Meylî  
N'ola nazm ile nesr olsa tufeylî
- 40 Kitâb-ı midhatı gelmez tamâma  
*Ve lev kulnâ ile 'l-yevmi'l-kıyâme*

---

30, 31 ve 32. beyitler sayfanın sağ kenarında yer almaktadır.

39 Sayfanın sağ kenarında “mahlaş-ı şerifleri dahi Meyli'dür” ifadesi yer almaktadır.

- 41 Bu sözi işidüp pîr-i hıreddin  
Rücu' itdüm o dem nîk ile bedden
- 42 Kelâmın gördüm anuñ 'âkilâne  
Dür-i pendini takdum gûş-ı cânâ
- 43 Göñül hoş gördi cân ile bu fâlı  
Getürdüm hâk-i pâye 'arz-ı hâli
- 44 Degül bundan garaz ikdâm u ibrâm  
Murâd ancak hemân inhâ vü i'lâm
- 45 Ümîdüm bu ki 'aybum ola mestûr  
Ola her ne kusûr itdümse ma'zûr
- 46 Kerem fehmi itse mevlâsında bende  
Olur küstâh ider yanında hande
- 47 Gözetmez oldu sen şâhuñ rızâsın  
Kuluñ Vecdî meger ister kazâsın
- 48 Yüri şimden girü kıl kasr-ı kıssa  
Alasın kıssadan tâ sen de hisse
- 49 Du'â-i devletine iştigâl it  
Senâ vü şükr ile kat'-ı makâl it
- 50 İlâhî 'izzetini dâ'im eyle  
'Îmâd-ı dîndür sen kâ'im eyle
- 51 Bi-hakk-ı evliyâ vü cümle evtâd  
Ola sıhhatde bâ-evlâd ü ahfâd
- 52 Hafîz ol siyyemâ ol zât-ı pâki  
Semiyy-i hazret-i Yahyâ-i bâkî
- 53 Mu'în ol şeyh-i hükkâm-ı enâma  
İrişdür cümlesin 'ayş-ı temâma
- 54 Bi-hakk-ı sûre-i tâhâ vü yâsîn  
Ecibnâ Rabbenâ âmîn âmiñ

-10\* -  
(58b)

*Fe'ilâtün Mefâ'ilün Fe'ilün*

- 1 Hâk-i pâk-i şerîfe sultânüm  
Bilmezem niçe bildürem hâlüm
- 2 Kılmam kem lisân ise ebkem  
İyü hâlüm kanı kamu hep kem
- 3 Şerh-i hâl ile reşh-i bâl idemem  
Hasm-ı bed-hâh ile cidâl idemem
- 4 Varurum meclis-i sa'âdetüñe  
Diyemem hasb-ı hâli hazretüñe
- 5 Kalurum ol zamân muhân u mehîn  
Dilüm agzumda lâ-yekâdu yubîn
- 6 Dolmuş iken gönül melâletle  
Dil teselli bulur bu hâletle
- 7 Eylerüm hamd kim Hudâ-i 'alîm  
Kavlini kıldı hem kelâm-ı Kelîm
- 8 İderüm şükr kim bu şe'n-i hüsn  
Bendeyi itdi hem zebân-ı hüsn
- 9 Çün maraz itdi pey-rev-i Mûsâ  
Kalem aldum elüme şekl-i 'asâ
- 10 Eyledüm hasb-ı hâlümü tahrîr  
Kâle kudret çü vermedi takdîr
- 11 Bu iki şeh şefi' olup tapuña  
Geldüm ey h'âce-i zamân kapuña
- 12 İşümi itdi nahs tâli'-i bed  
Yetiş ey necm-i sa'd ile meded

---

\* H'âce-i Şâh-ı zıll-ı İlâh Sa'du'llâh Efendi hazretlerine virilmiştir; Sayfanın sağ kenarında "Kelîmu'llâh hazretlerinin rütte-i lisâna ibtilâsı meşhûr ve hazret-i İmâm Hasan zahm-ı mezbûr mübtelâsı olduğu mahallinde mezkûrdur." şeklinde bir bilgi vardır.

- 13 Ne yere varayın kapuñ var iken  
Kime yalvarayın tapuñ var iken
- 14 Cümle ashâb-ı devletüñ şânı  
Saña ma'lûm ey kerem kânı
- 15 Gerçi çokdur ekâbir ü erkân  
Cevher-i lutf u cûda yokdur kân
- 16 Bulınmaz dünyâda makâl ehli  
Bir senüñ gibi kâl ü hâl ehli
- 17 İstedüm derdüme tabîb-i şefîk  
Seni sevk itdi sâ'ik-i tevîk

-11-  
(59a)

*Fe'ilâtün Fe'ilâtün Fe'ilâtün Fe'ilün*

- 1 Ol şeh-i pür-kereme cân u gönüldür müştâk  
Hoş zamân içre ire vasl-ı Hudâ-yı hallâk
- 2 Ey hoş ân rûzî ki ez-eltâf-ı rabbü'l-'âlemîn  
Vasl-ı tû rûzî şevved va'llâhu hayru'r-râzıkîñ

-12-  
(88b)

**Der-beyân-ı 'izz-i 'uzlet ve fîrûg-ı ferâgat**

*Mef'ûlû Fâ'ilâtün Mef'ûlû Fâ'ilâtün*

- 1 Târîh binden aşdı üşdi fiten cihâne  
Artup fesâdı kevnüñ naks irdi bahr u kâne
- 2 Bâzâra çıkma h'âcem basma kadem dükâne  
Yiter melâz u melce bu beyt-i nâzikâne
- 3 Zevk-ı derûn çü dârî bîrûn me-rev zi-hâne  
Uzlet hoş'est dâ'im hâssâ der-în zamâne

---

1 Sayfanın sol kenarında yer almaktadır.



## TARİH KİT'ALARI

-1-  
(2b)

### Târîh-i Feth-i Egri

*Mef'ûlû Mefâ'ilûn Fe'ûlûn*

- 1 Çarh itdi hilâli hançer-i zer  
Aldı ele tîg-i tîzi Mirrîh
- 2 Kasd itdi 'adû-yı dîne dünyâ  
Geh nîze idüp şihâbı geh sîh
- 3 Hâkân-ı cihân Hân Muhammed  
Düşmen başına urup niçe mîh
- 4 Egri'yi alup taburı bozdı  
Tutdı şecer-i şecâ'ati bih
- 5 Vecdî bu fütûh-ı rûh-bahşâ  
Zî-feth u fütûh didi târîh  
**Sene-1005**

-2\* -  
(102a)

### Târîh-i feth-i Egri ve perakende-şoden-i tabur

*Mef'ûlû Mefâ'ilûn Fe'ûlûn*

- 1 Çarh itdi hilâli hançer-i zer  
Aldı ele tîg-ı tîzi Mirrîh
- 2 Kasd itdi 'adû-yı dîne dünyâ  
Geh nîze idüb şihâbı geh sîh
- 3 Kakdı başına felek 'adûnuñ  
Takri' ile niçe niçe biñ mih

---

\* Manzume üstteki ile benzerlik göstermektedir.

- 4 Al oldu kral-ı bed-fi'âle  
Açık boyanır çok olsa zırnîh
- 5 Seyreylesün bu bâğı bâğî  
Tutmaz şecer-i şeca'âtı pîh
- 6 Egri alınub tabur bozuldu  
Zî feth ü fütûh düşdi târîh

-3-  
(2b)

*Fâ'ilâtün Fâ'ilâtün Fâ'ilâtün Fâ'ilün*

- 1 Kahramân-hey'et Ferîdûn-şevket İskender-sıfat  
Pâdşâh-ı bahr u ber sultân-ı 'âdil saf-şiken
- 2 Cânib-i küffâra geldi 'asker-i İslâm ile  
Leşker-i a'dâyı kıldı münhezim ol tîg-zen
- 3 Top-ı kahr ile fenâ virdi kralıñ mülkine  
Çanına od tıkdı küffârıñ sadâ-yı darb-zen
- 4 Sadr-ı a'zam bir vezîr-i ehl-i rây ikdâm ile  
Kıldı Egri kal'asın kal' itdi kalmadı beden
- 5 Her vezîr-i bî-nazîr etrâfın alup kal'anıñ  
Tîşe-i darb ile yıkdılar misâl-i kûh-ken
- 6 Yüz sürüp pâ-yı semendine kıral-ı bed-fi'âl  
Özr-h'âh olup öñinde boynına takdı resen
- 7 Hakk'a çok şükr eyleyüp dâ'i didi târîhini  
Aldı Egri Kal'ası'n Sultân Muhammed Nemçe'den

---

4 Beyit, sayfanın sol kenarında yer almaktadır.

6 Bu beytin altında aşağıdaki beyit yer almaktadır:

*Vecdi taburuñ bozıldığına  
Zî feth ü fütûh didi târîh*

Yine aynı beytin sol kenarında “Bozdu taburı çü Hân Muhammed” mısra'ı yer almaktadır.

## MUSAMMATLAR

## MURABBA

-1\*-

33b

*Müstef'ilün Müstef'ilün Müstef'ilün Müstef'ilün*

- 1 Bagrum kebâb oldu benüm gözyaşı akdı mül gibi  
Pür-hûn surâhî gibi dil söyler zebân gul gul gibi  
Hâtır perîşân târ-mâr sünbül gibi kâkûl gibi  
Ağlayayın bülbül gibi hiç gülmeyeyin gül gibi
- 2 Câm-ı şarâb-ı 'aşk ile sekrân olayın varayın  
Su gibi sahrâya düşüp giryân olayın varayın  
Bagrum delindi nâyveş nâlân olayın varayın  
Ağlayayın bülbül gibi hiç gülmeyeyin gül gibi
- 3 'Aşka olayın âşinâ bilişlerümi yâd idüp  
Her gice her gün her seher yüz nâle biñ feryâd idüp  
Evvel bahâr olursa da âhir hazânı yâd idüp  
Ağlayayın bülbül gibi hiç gülmeyeyin gül gibi

---

\* "Vâlidem merhûm vefât itdükde."

3c. Evvel bahâr olursa da âhir hazânı yâd idüp: Evvel bahâr olursa da Vecdi hazânı yâd idüp ağlayayın *sahh*.

## TAHMÎS

-1\*-

(32b)

## Gazel-i merhûm Sultân Süleymân Hân tahmîs-i Vecdî-i nâ-tûvân

*Mefâ'ilün Mefâ'ilün Mefâ'ilün Mefâ'ilün*

- 1 Gelüp nev-rûz-ı sultânî çemende şeh-r-yâr olsa  
Giyüp la'l efserin lâle emîr-i tâcdâr olsa  
Akup her sûya eşküm seyli kanlu cûybâr olsa  
Zümür-rûd nat' döşense zemîne nev-bahâr olsa  
Gülistân seyrine varsam bile ancak nigâr olsa
- 2 Çemende sündis-i ahdar döşense dehr bâgına  
Şeh-i gül gelse konsa lâle-i alûn otagına  
İrişse bûy-ı ezhar-ı bahârı cân dimâgına  
Akup cûlar yüzün sürse dem-â-dem serv ayagına  
Açıl-sa her taraf güller kamu kuşlar hezâr olsa
- 3 Seherden bâga 'azm itsem bile ol mihr-i tâbende  
Ben efgân eylesem bülbül gibi ol gül gibi hande  
Terahhum eyleyüp şâhum dise hâlûn nedür bende  
Disem dil derdini bir bir oturup sahn-ı gülşende  
Derûn-ı dilde her ne var açıl-sa âşkâr olsa
- 4 Niçe bir rûze-i hier ile olam cânuma câbir  
İrişsem 'îd-i vasla olsa eyyâm-ı firâk âhir  
Diseler vaktidür şimden girü gel bezme ol hâzır  
Neşât esbâbını cümle müheyyâ itseler bir bir  
Gehî nûş eylesem bâde gehî bûs u kenâr olsa
- 5 Bahâr irişse Vecdî gelse dehrûn zevki eyyâmı  
Gül-i ra'nâ açıl-sa bülbülün kalmasa ârâmı  
Müheyyâ olsa meclis görse sâkî-i gül-endâmı  
Mukarrer tevbeyi sıdı Muhibbî nûş idüp câmı  
Şu gön-lümden geçen gibi baña bir gül-'izâr olsa

\* "Üç bendi, vâlid-i merhûmuñdur. Der-kenâr olan iki bendin bu fakir-i kesirü't-takşir üslûb-ı tek-milde zamm eyledüm."

-2-  
(42a)

**Gazel-i merhûm ‘Ubeydî Çelebi Tahmîs-i Vecdî-i Pür-Hayret**

*Mef’ûlû Fâ’ilâtü Mefâ’ilü Fâ’ilün*

- 1 Mülk-i cihânun âhiri bildüm harâb imiş  
Me’vâsı mîr u şâh u gedânuñ türâb imiş  
Ma’nî yüzinde devlet-i dünyâ ‘itâb imiş  
Mansıb didükleri elem ü ıztırâb imiş  
Cân-ı ‘azîz-i ‘ârife ‘ayn-ı ‘azâb imiş
- 2 Kosa ‘adâlet itmegiçün herbiri işin  
Sarf itse dâda cümleten etvâr ü cünbişin  
Döndürse seyle girye ile gözleri yaşın  
Zâlimlerüñ söyindüremez zulmi âteşin  
Kâdilerüñ bu derd ile bagrı kebâb imiş
- 3 Halka medâr u merci’ olup sözi diñlenür  
Tenfîz-i hükm-i şer’-i şerîf ile añlanur  
El tarlıgı gider gibi bir hâlet el virür  
Bir iki mankır ellerine gerçi kim girür  
Çekdikleri belâlar evet bî-hisâb imiş
- 4 Alur eline hükmîni şâh-ı yegânenüñ  
Eydür ki hayli za’fı var imiş hizânenüñ  
Hâlin soramaz âteş-i zulm ile yananuñ  
‘Örfî musalâh ile kuzât-ı zamânenüñ  
Ahvâl-i âhiretleri gâyet harâb imiş
- 5 Benden nasîhat ister iseñ diñle Vecdiyâ  
Hırs itme eyle şey’-i kalîl ile iktifâ  
Olmaz kanâ’at eylemeden özge kîmiyâ  
Sözün muhassalın diyeyin mi ‘Ubeydiyâ  
‘Uzlet iden kimesne şeh-i kâm-yâb imiş

-3\*-  
(61a)

**Gazel ü Tahmis-i Vecdî**

*Fe'ilâtün Fe'ilâtün Fe'ilâtün Fe'ilün*

- 1 Dir iseñ olmayasın dünyede zâr ü mehcûr  
Nûr-ı pâk-i ehadiyyetten ire kalbüñe nûr  
Gezme sahrâ vü beyâbânı misâl-i zenbûr  
Künc-i vahdetde dilâ sâkin olup eyle huzûr  
Bûmveş çıkma sakın başuñâ üşer vahş u tuyûr
- 2 Her kişi gitse gerek kûy-ı fenânuñ rehine  
Ol sühâ gibi urup çarh-ı bekânuñ mehine  
Armaganuñ ne ola ol iki 'âlem şehine  
Turmayup gitmedeyüz makbere menzilgehine  
Yolumuz râh-ı fenâ yoldaşımız ehl-i kubûr
- 3 'Ömr pâyâna irişdi niçe bir tûl-ı emel  
Sa'y kıl eyleyigör mûcib-i 'ilm ile 'amel  
Uyma şeytâna hüdâ yolunu gözle berü gel  
Bizi ugrulayuben yire gömer düzd-i ecel  
İletür zîr-i zemîne nite kim dâneği mûr
- 4 Niçe bir dâr-ı fenâda çekesin hicrânı  
'Âzim-i râh-ı bekâ ol koy a bu vîrânı  
İntibâh üzre olup aç gözüñ uyar cânı  
Ol ki gafletdedürür ölmüş anuñ akrânı  
Beñzer ol yolcuya kim gitdi refiki ol uyur
- 5 Yâr dîdârını görmek diler iseñ yârin  
Sarf kıl yolına gel nakd-i vücûduñ varın  
Râygân bulmak olur mı kişi hîç dildârın  
Vecdi her kûyma varan göremez dîdârın  
Çok kişi hacc ider ü degme biri görmez nûr

---

\* "Gazel ü tahmisüñ üç bendi vâlid-i merhûmuñdur. Râbi' ü hâmis bendleri bu fakir-i keşirü't-taksir üslûb-ı tekmilde zamm itdüm. Egerçi edâda kusûr mukarrerdür lâkin maktûr bu mikdâr olmağın ihtiyar olındı."

## MUHAMMES

-1-  
(98a)

*Fe'ilâtün Mefâ'ilün Fe'ilün*

- 1 Dimezem lâf urup filânam ben  
'Abd-i bî-nâm u bî-nişânam ben  
Dâ'i-i muhlis-i nihânam ben  
Bende-i zâr u nâ-tüvânânam ben  
Küşte-i müşte-i sinânam ben
- 2 Baña zulm-ı 'azîm olmışdur  
Gûş-ı hûş-ı zamâne tolmuşdur  
İden itdi o dahı bulmuşdur  
..... ben  
Küşte-i müşte-i sinânam ben
- 3 Kavl u fi'li lecâc idi lec idi  
Kârı vü râyı cümleten kec idi  
Hak budur kim sinân-ı mu'vec idi  
Hâl-i edâ ..... ben  
Küşte-i müşte-i sinânam ben
- 4 Vüzerâ-[y1] 'izâmuñ a'zamısın  
Vükelâ-[y1] kirâmuñ ekremisin  
Yer yüzinde 'ibâduñ erhamısın  
Merhamet eyle nâ-tüvânânam ben  
Küşte-i müşte-i sinânam ben
- 5 Hâlümi sormadın ferâg itme  
Gayrı kâr itmege yarag itme  
Ulı söyler mi diyü lâg itme  
Şâ'ir-i sâhirü'l-beyânânam ben  
Küşte-i müşte-i sinânam ben

---

2d. Okunaksız.

3d. Okunaksız.

- 6 Beni bî-tâkat eyledi fâka  
Kalmadı dâne kim takam fâka  
Sefer itdüm Macar u Eflak'a  
Hak bilür müstehak-ı nânam ben  
Küşte-i müşte-i sinânam ben
- 7 İhtiyâr idi gerçi kim sende  
İhtiyârı yog idi nefsinde  
Baña ittiklerin bulasın da  
*Gayr ez-în du'â ne-dânem ben*  
Küşte-i müşte-i sinânam ben
- 8 'Ulemâ vü kudâtı sevmez idi  
Sulehâ görse yüzi gülmez idi  
Uranı bir marazlı olmaz idi  
Öldi dirler niçe inanam ben  
Küşte-i müşte-i sinânam ben
- 9 İllere hayr satmayup ahmak  
Dâ'im iderdi başuña toprak  
Koydı başına dest-ı kudret Hak  
Yahşi miyüm yahûd yamanam ben  
Küşte-i müşte-i sinânam ben
- 10 Gazî kişi idi hâcî bile idi  
'Ameli mekr u şerr ü hîle idi  
Arnavud'da 'abes kabîle idi  
Bilmezem âh niçe yanam ben  
Küşte-i müşte-i sinânam ben
- 11 İrtişâda yog idi mânendi  
Meger olursa ola ferzendi  
Cümle kârı degül hıredmendî  
Kanın içmekle niçe kanam ben  
Küşte-i müşte-i sinânam ben

---

10b. 'Ameli mekr u şerr ü hîle idi: Her habâşet ki ola bile idi *sahh*.

11 Bu bend, aynı zamanda 1b'de sayfanın sağ kenarında yer almaktadır.



## MÜSEDDDES

-1\*-  
(42b)

*Meḥ'ûlû Fâ'ilâtü Mefâ'ilû Fâ'ilûn*

- 1 Seyr itdüm esb-i fikret ile dehr-i pür-gamı  
Gördüm hezâr sûret ile deyr-i a'zamı  
Gûş eyledüm havâdis -i Havvâ vü Âdem'i  
Bildüm tamâm vâkı'a-yı fahr-ı 'âlemi  
Her-kes be-kadr-i h'îş giriftâr-ı mihnet'est  
Kes-râ ne-dâde-end berât-ı müsellemlî
- 2 Olsañ serîr ü 'izz ü sa'âdetde pâdşâh  
Dâ'im yanuçâ ins ü perî yürise sipâh  
Her ne olursañ ol olısar âhirüñ tebâh  
Hikmet debîri yazdı bu beyti sipihre âh  
Her-kes be-kadr-i h'îş giriftâr-ı mihnet'est  
Kes-râ ne-dâde-end berât-ı müsellemlî
- 3 Hiç kimse râm eyleyemez çerh-i ser-keşi  
Dâ'im hilâf-ı âdemiyan üzredür işi  
Anuñ içün gam üzre durur erkek ü dişi  
Vardur cihânda her kişinüñ bir teşvîşi  
Her-kes be-kadr-i h'îş giriftâr-ı mihnet'est  
Kes-râ ne-dâde-end berât-ı müsellemlî
- 4 Tıfl-ı sagîr iken salınup mehd-i pür-gama  
İtdüñ nüzûl işbu ribât-ı mu'azzama  
Sehm-i gam irdi irsile âdemden âdeme  
Kim geldi gitti zevk u safâ birle 'âleme  
Her-kes be-kadr-i h'îş giriftâr-ı mihnet'est  
Kes-râ ne-dâde-end berât-ı müsellemlî
- 5 Vecdî te'âkub üzre dūrūr devlet ile let  
Her tehniyetlerüñ olısar soñı ta'zîyet  
Şükr eyle ko şikâyeti var dâbirüñ gözet  
Bu beyt-i cân-fezâ saña yetmez mi tesliyet  
Her-kes be-kadr-i h'îş giriftâr-ı mihnet'est  
Kes-râ ne-dâde-end berât-ı müsellemlî

\* Manzumeden önce şu ifadeler yer almaktadır: “Beyne'l-cumhür müsellemlî ü meşhûr olan beyt-i rüşenî dâr-ı deycür şanup Vecdî-i pür- kusûr şu'le-i kanâdil-i Rûmî'yi pür-nûr ve şu'â-i şem'-i kâfûr ile ziyâ virdigidür. **Mısrâ'**: *Be-mâh-tâb çi hâcet şeb-i tecelli-râ.*”

-2\*-  
(61b)

*Fâ'ilâtün Fâ'ilâtün Fâ'ilâtün Fâ'ilün*

- 1 Sen saçı Leylâ'ya dil gitdükçe Mecnûn olmada  
Âh-ı şeb-dîz olmada gözyaşı gül-gûn olmada  
Fitne-i hâl ü hatuñla tab' meftûn olmada  
Hamdu li'llah vird-i 'aşkuñ bir iken on olmada  
Şevk-ı mihrüñ 'aşk-ı zülfüñ hergiz efzûn olmada  
Tâli'üm sa'd olmada bahtum hümâyûn olmada
- 2 Tîg-ı hecrüñ bu dil-i sad-çâki dâ'im dilmede  
Hâr-ı sahrâ-yı gamuñ dâmân-ı câna ilmede  
Düzd-i gamzeñ dirhem-i eşk-i revânı silmede  
Devlet-i 'aşkuñda hubb-ı mâ-sivâ eksilmede  
Şevk-i mihrüñ 'aşk-ı zülfüñ her gün efzûn olmada  
Tâli'üm sa'd olmada bahtum hümâyûn olmada
- 3 Sen meh-i nâ-mihr içün çarh eyledi kaddüm hilâl  
Tâkatüm tâk oldı gâyet bî-mecâlüm bî-mecâl  
Hâlümi şerh itmek içün eyler olsam kıl u kâl  
Hırz-ı cân vird-i zebândur işbu beyt-i hasb-i hâl  
Şevk-ı mihrüñ 'aşk-ı zülfüñ her gün efzûn olmada  
Tâli'üm sa'd olmada bahtum hümâyûn olmada

\* Sayfanın sol kenarında Vecdî'nin oğlu tarafından bu manzumeye sonradan ilave edilmiş iki bend yer almaktadır: “Şatırdâ olan üç bend vâlidüm Vecdî Efendi merhûmuñdur. Nâ-tamâmca kalmak ile şekl-i itmâmda kuşûr u küsûr ile bi-kaderi't-takat bu üslûb oldı.”

*Cevrüñ efzûn eyledüñ hüsnüñe idüp ittikâ  
Oldı her şeb-tâ-seher kârüm benüm hüzn ü bükâ  
Minnet Allâh'a yine yok dilde aşlâ iştikâ  
Taht-ı 'aşkuñ baña câ bâlin-i şevkuñ müttekâ  
Şevk-ı mihrüñ 'aşk-ı zülfüñ her gün efzûn olmada  
Tâli'üm sa'd olmada bahtum hümâyûn olmada*

*Vecdiyâ gâhi ider ol şüh cevır ile cefâ  
Hâlüme rahm idüp ider gâh mihr ile vefâ  
Dil-rübâlarda bu 'âdet geh vefâ gâhi cefâ  
Günde biñ cevır ü sitem görsem ne hâletdür şehâ  
Şevk-ı mihrüñ 'aşk-ı zülfüñ her gün efzûn olmada  
Tâli'üm sa'd olmada bahtum hümâyûn olmada*

-3\*-  
(86b)

*Fe'ilâtün Mefâ'ilün Fe'ilün*

- 1 Ubşurû ubşurû 'ibâda'llâh  
Buldı peyk-i du'â icâbete râh  
Zâhir oldı zahîr u zahr u penâh  
Bâhir oldı kemâl-ı sun'-ı İlâh  
Geçdi sadr-ı sa'âdete ol şâh  
Oldı kâdî'l-kudât-ı zıllu'llâh
- 2 İtdi dîvân o sâhibü't-temkîn  
Aldı hakkın tamâm mekân u mekîn  
Zîb ü zîver bulup zamân u zemîn  
Yeñilendi 'avâlim-i dîrîn  
Biñ başında belî müceddid-i dîn  
Oldı kâdî'l-kudât-ı zıllu'llâh
- 3 Hak budur kim o deyyini deyyân  
Sun'-ı pâkinde eyledi ihsân  
Vüzerâ vü ekâbir-i erkân  
Küberâ-i ehâli-i dîvân  
Didiler cümle idüp istihsân  
Buldı kâdî'l-kudâtı zıllu'llâh
- 4 Şeynden şe'n-i pâki itdi firâr  
'Ayb kapusın eyledi dîvâr  
Komadı zerre vaz'-ı nâ-hemvâr  
Hamd-i bî-had Hudâ'ya şükr-i hezâr  
Ol 'Ömer-ma'delet Şüreyh-âsâr  
Oldı kâdî'l-kudât-ı zıllu'llâh
- 5 Vecdiyâ diyelüm mübârek bâd  
Tapusı şâd ola kapusı güşâd  
İttifâk üzredür du'âda 'ibâd  
Sadr-ı dîvân-ı dîn bî-tû me-bâd  
Li'llâhi'l-hamd kim o nîk-nihâd  
Oldı kâdî'l-kudât-ı zıllu'llâh

---

\* "Kâdî'l-kudât Şun'ullâh Efendi Hazretlerine virilmiştir (sellemehu'llâhi ta'âlâ)."

## GAZELLER

-1\*-  
(14b)

*Mefâ'ilün Mefâ'ilün Mefâ'ilün Mefâ'ilün*

- 1 Mehâdîm-i cihân mahdûmısın 'âlem saña lâ lâ  
N'ola ben de kul olsam âstanuñda dime lâ lâ
- 2 Senâ-h'ân u du'âcılar kapuñda gerçi kim çokdur  
Hulûs-ı kalb ile bu bende müstesnâdurur illâ
- 3 Du'â dürrini 'arz ider kuluñ esdâf-ı kalbûñden  
Ümîd oldur ki makbûl ola işbu lü'lü'-i lâ lâ
- 4 Göñül hoş-hâl idi mâzîde hüsn-i iltifâtuñla  
Velî gam itdi istikbâl elemde gamdadur hâlâ
- 5 Çü beyne'l-işbâ'eyn imiş kulûb-ı mü'minîn Vecdî  
Du'â eyle o şeh kalbin saña mâ'il ide Mevlâ

-2\*\*-  
(94a)

*Fe'ûlün Fe'ûlün Fe'ûlün Fe'ûl*

- 1 Zamâne cefâ itmiş el-hak saña  
Beligrad'ı virmişler aylık saña
- 2 Kazâya rızâdur efendüm garaz  
Ve illâ yüce yirler elyâk saña
- 3 Havâle havâlîde hâzır nevâle  
Semendre hak ola mülhâk saña
- 4 Saña bir sözüm vardur iki gözüm  
Baña iltifât eyleyüp baksaña

\* "H'âce-zâde Mehmed Efendi'ye virilmiştir."

\*\* Na-tamam gazel; "Müntehi Efendi Belğrad ve Semendre kâdısı oldukça"

- 5 Ola sıhhat üzre mehâdim ü hâdim  
Teyemmüm teberrük vire hak saña

-3\*-  
(33b)

*Fâ'ilâtün Fâ'ilâtün Fâ'ilâtün Fâ'ilün*

- 1 Şehri pür-nûr itdi gerçi bedr-i enver baklava  
Salmadı pertev baña mihr-i münevver baklava
- 2 Sanmañuz anı kevâkib zeyn olup bâdâm ile  
Safha-i eflâk olupdur sanki yek-ser baklava
- 3 Hasretinden bülbülâsâ aglarisem tañ degül  
Verd-i terdür gülşen-i matbahda biter baklava
- 4 Yılda bir kez yirse iller baklavayı ben fakîr  
Yimemişdür pâdşâhum niçe yıllar baklava
- 5 İştihâ ile semâya eyler isem bir nazâr  
Görinür gözüme mihr ü meh iki ter baklava
- 6 Bal u yag ihsân idüñ zîrâ elümüz yufkadur  
İdelüm el bir idüp ey nîk-mahzar baklava
- 7 Dostuñ merfû'-kadr ü düşmenüñ meksûr ola  
Feth-i bâb it padişâhum iderüz cer baklava
- 8 Gündüzün sâ'im gice kâ'im olan üftâdeler  
Hazretüñden bu gice ey şeh umarlar baklava

---

\* Na-tamam gazel; "Bundan akdem bu hakir Hıyrabolı'da müderris iken medrese kavmine baklava ile virilmişdür."

-4-  
(64a)

*Fâ'ilâtün Fâ'ilâtün Fâ'ilâtün Fâ'ilün*

- 1 Firkate düşdüm nasîbim olmadı vasl-ı habîb  
Gice gündüz zâr olup n'ola dirisem yâ nasîb
- 2 Vâ'izüñ erbâb-ı 'aşka ta'nını gûş eyleyüp  
Boynunu urmaga ihzâr itdi şemşîrin hatîb
- 3 Şerbet ile olıma sevda-yı 'uşşâka 'ilâc  
Gel bu mâlhulyâyı terk eyle kerem kıl ey tabîb
- 4 Terk-i iklîm-i Hoten idüp hatâ mı eyledi  
'Âşık-ı miskînüñ oldı nâfe-i miskîn garîb
- 5 Vecdi-i şûrîde ko kûyuñda efgân eylesün  
Gülsitâna çok şeref virür sadâ-yı 'andelîb

-5\*-  
(37a)

*Mefâ'ilün Fe'ilâtün Mefâ'ilün Fe'ilün*

- 1 Huseyn-hulk Hasan-hüsn ü Murtazâ-himmet [?]  
'Ömer-hisâl u Ebû Bekr-hâl u Mustafâ-tal'at
- 2 Emîr-i nîk-nihâd u dilîr-i hoş-tedbîr  
Firişte-hûy u melek-menzilet felek rif'at
- 3 Fakîr ü bî-kes ü bî-çâreye mu'in ü zahîr  
Garîbe rahm idici derdmende pür-şefkat
- 4 Cemâli gül gibi handân u gün gibi tâbân  
Güler beñizlü vü hoş sözli lutfi bî-minnet
- 5 Beyân olınmaya evsâfı Vecdiyâ o şehûñ  
Sa'âdetüni mezîd ide hazret-i 'izzet

---

\* “Atâu'llâh Efendi Kethudâsı Hüseyin Kethudâ'ya virilmiştir.”

-6-  
(42a)

*Fâ'ilâtün Fâ'ilâtün Fâ'ilâtün Fâ'ilün*

- 1 Râstdur şimdi kazâ mahsûli vü harc bir at  
Fazlasından ehl-i tedbîr ancak idünür berât
- 2 Pîrlerden birine didüm ne tedbîr eylesem  
Didi ogul kâni' ol lâzım mı bunca mühmelât
- 3 Didüm icrâ-yı kazâ olmaz tecemmül olmasa  
Didi yetmez mi katâr-ı zenb ü cünd-i seyyi'ât
- 4 Yarıcuñ Allâh umar kulluk öpilmek ister el  
Gâfil olma yarıcuñ Allâh dimez peyk-i memât
- 5 Vecdiyâ ahle'l-mecâlis çünki ahlâhâdurur  
İhtiyâr-ı 'uzlet ile budur asl-ı tayyibât

-7-  
(10b)

*Fâ'ilâtün Fâ'ilâtün Fâ'ilâtün Fâ'ilün*

- 1 Kimi mâlın bezl ider kimisi çerb oğlan virür  
Kâdılar gayretle oldı mansıb içün cân virür
- 2 Tâlib olur câha câhil cehlîni izhâr ider  
Bilmez ol miskîn sanur mansıb aña şân virür
- 3 'Azl ile ölmüş kişiyi nasb ile ihyâ ider  
Gûyiyâ 'Îsâ-nefesdür kâzı-'asker cân virür
- 4 Bir dilim etmek dilersin biñ kapu seyr eyleyüp  
Cevr ile yerler etüñi sen sanursın nân virür
- 5 Hubb-ı câhile devâsız derde düşdüñ Vecdiyâ  
Derde dermân ide ol kim derdlere dermân virür

---

5 Sayfanın sol kenarında yer alan bu beytin sonunda "'Ayş-ı ergaddur ğaraz n'eyler yanuñda ergadât" mısra'ı yer almaktadır.

-8\*-  
(12b)

*Mef'ûlû Fâ'ilâtü Mefâ'ilü Fâ'ilün*

- 1 Ey şâh-ı 'adl bendeñe himmet zamânıdur  
'Abd-i hakîr ü bî-kese şefkat zamânıdur
- 2 Tapuñ du'âcısı vü kapuñ bendesi geçer  
Redd eyleme kuluñı 'inâyet zamânıdur
- 3 Bu çâresiz garîbe bu 'abd-i bî-kese  
Gâyet mu'âvenet demi nusret zamânıdur
- 4 Kâzî-i 'asker-i şeh-i Rûm u 'Arab Acem  
Hazretlerine zerre işâret zamânıdur
- 5 Var işigine agla niyâz eyle Vecdiyâ  
Dakk eyle bâb-ı himmeti dikkat zamânıdur

-9-  
(28a)

*Mef'ûlû Mefâ'ilü Mefâ'ilü Fe'ûlün*

- 1 Sad-pâre ciger zahmını bir pâre disünler  
Bî-çâre gönül derdine bir çâre disünler
- 2 Şâyed ki helâk ola işidüp o nigâruñ  
Uşşâka vefâ itdüğün agyâra disünler
- 3 Gül gitdi ferâg 'arza kılur bülbül-i bî-dil  
Evsâf-ı hezârı dil-i pür-zâre disünler
- 4 Gül 'ahdi geçüp devr çün ol gonca-femüñdür  
Şimden girü gül-ruhları gül-nâre disünler

---

\* "Erbâb-ı devletden birine virilmişdür." Manzumenin altında "Şakik-ı şakik u refik-ı refik u şiddik-ı şiddik Muhammed Hilmi Efendi hizmetlerinüñ hayr du'aları" şeklinde bir ifade; manzumenin sol kenarında da "Fenâ dârına girdüm revzeninden çok bekâ gördüm" mısra'ı bulunmaktadır.



- 5 ‘Arz idemedi râz-ı dil-i zârını Vecdî  
Ney nâlem ile hem-dem olup yâre disünler

-10\*-  
(34b)

*Fe’ilâtün Fe’ilâtün Fe’ilâtün Fe’ilün*

- 1 Dem-be-dem dîdelerüm kim hat-ı hûbâna bakar  
Ya’ni kim iki gözüm âyet-i Kur’ân’a bakar
- 2 ‘Akl u fikri tagılup hâtırı mecmû’ olmaz  
Her kimüñ kim gözi ol zülf-i perîşâna bakar
- 3 Görinen her gice mâh-ı nev ü encüm sanmañ  
Göz kulag oldı felek pes meh-i tâbâna bakar
- 4 Görinür ‘âlem-i bâlâda kevâkib mânend  
Çarh-ı sad dîde bu şeb sen meh-i tâbâna bakar
- 5 Bahs ider ‘âşık-ı bî-bâk u rakîb-i nâ-pâk  
Fi’l-mesel cenge çıkar şîr ile meydâna bakar
- 6 Vecdiyâ gâv-ı ‘alaf-hâr dirisem lâyık  
Ol ki la’lini koyup çeşme-i hayvâna bakar

-11\*\*-  
(37b)

*Müstef’ilün Müstef’ilün Müstef’ilün Müstef’ilün*

- 1 Cân u cihânuñ cânısın sen câna sıhhat yaraşur  
‘Âşıkларуñ cânânısın cânâna sıhhat yaraşur
- 2 Sıhhat selâmet üzre ol devlet sa’âdet üzre ol  
‘İzzet siyâdet üzre ol sen hâna sıhhat yaraşur

\* “Hayrabolı’da Şıgır Hayreddin dimekle ma’rûf [okunaksız] dinmişdür.”

3 Beyit, sayfanın sağ kenarında yer almaktadır.

\*\* “Merhûm Baba Efendi’ye virilmişdür.”

- 3 İklîm-i cûduñ hânısın şehri sehâ hâkânısın  
Mısr-ı kerem sultânısın sultâna sıhhat yaraşur
- 4 Cem' oldı erbâb-ı du'â okındı ahzâb-ı senâ  
Cümle didiler ol şeh-i devrâna sıhhat yaraşur
- 5 El-hamdu li'llâh Vecdiyâ savuldu ol şehden kazâ  
Sıhhatde olsun dâ'imâ ol şâha sıhhat yaraşur

-12-  
(38a)

*Mef'ûlü Fâ'ilâtü Mefâ'ilü Fâ'ilün*

- 1 Şol dem ki dehr bâgını zeyn eyleye bahâr  
Biñ nagme ide bülbül ü kıla hezâr zâr
- 2 Baş koyuben o serv-kadûñ hâk-i pâyına  
Hûnin yaşum yüz üzre idem kanlu cûy-bâr
- 3 Koyar seher külâh-ı güle jâle beyzasın  
Gâ'ib kılur müşa'bid-i hûşîd-i şu'ledâr
- 4 Tolı gül-âb ile göricek gonca câmını  
Nûş itdi çekdi teşne imiş mihr-i tâbdâr
- 5 Sevdâ-yı zülfüñ ireli Vecdî fütâdenüñ  
Çok kıl u kâle kudreti yok 'aklı târ-mâr

-13-  
(38a)

*Mefâ'ilün Mefâ'ilün Mefâ'ilün Mefâ'ilün*

- 1 Gözümden ol perî-rû gâ'ib ü göñlüm hayâl ohşar  
Nite kim hasret-i Leylâ ile Mecnûn gazâl ohşar
- 2 Sen ol meh-pâre-i burc-ı letâfetsin ki devründe  
Kamer eksikli bendeñ âftâb ise zevâl ohşar
- 3 Yanınca şâh-ı destûrı sürinüp pây-mâl iken  
N'îçün ol âfet-i devrân elinde dest-mâl ohşar

- 4 Gözüñ aç ‘ibret ile bir nazar kıl kabr-i Mecnûn’a  
Seg-i Leylâ için her lâlesi pür-hûn sıfâl ohşar
- 5 Hatuñ vasfını tahrîr itse Vecdî safha-i dilde  
Elifler kâmetuñ iş’âr ider her nokta hâl ohşar

**-14-  
(38a)**

*Mef’ûlû Fâilâtün Mef’ûlû Fâilâtün*

- 1 ‘Aşkuñ şarâbın anlar nûş eyleyüp içerler  
Kûyuña cân atarlar öz kendüden geçerler
- 2 Ol kim temerrüd idüp şeyhe mürîd olmaz  
Etfâla beñzediler kim h’âceden kaçarlar
- 3 Yollar emîn degüldür kuttâ’ı vardur anuñ  
Bu kârvânı h’âcem böyle kesüp biçerler
- 4 Feryâd kıl ceresvâr dir kendüzüñe ‘akluñ  
Bir kârvândasın kim añsız konup göçerler
- 5 Ahvâl-i uhrevîñi Vecdî tedârük eyle  
Aç gözüñi nazar kıl yohsa gözüñ açarlar

**-15-  
(59a)**

*Mefâ’ilün Mefâ’ilün Mefâ’ilün Mefâ’ilün*

- 1 Gel ey hâlüm soran ‘aşk ile başdan derd-i serden sor  
Ne yaşlar dökdüğün bu yolda çeşmüm eşk-i terden sor
- 2 Kara vü ag ne gördüm ise disün gice vü gündüz  
Hilâle döndüğüm mihrüñle şems ile kamerden sor
- 3 Neye meyl itdüm ise ratb u yâbis bahr ile berde  
Neden hazz almışum ‘aşkuñdan ayru husk u terden sor

- 4 Sifâl-i kûy-ı yâri başa aldum belde bend-i şevk  
Bugün sultân-ı 'âşk oldum baña tâc ü kemerden sor
- 5 Hesâbın kendin it Vecdî hesâba olmadın hâzır  
Kirâmen kâtibîni gör n'eyimiş hayr ü şerden sor

-16\*-  
(61b)

*Fe'ilâtün Fe'ilâtün Fe'ilâtün Fe'ilün*

- 1 Ne gam ey dost hatâdan ki Hudâ 'âfidür  
Cürm ü 'isyânımuza rahmeti hod vâfidür
- 2 Kûy-ı yâre sular akıtsa n'ola dîde-i ter  
Dirhem-i eşk-i revânum çün aña kâfidür
- 3 Bûse çün olmadı redd ile buyur bâri cevâb  
K'o cevâbuñ dahı ben haste-dile şâfidür
- 4 Kendüyi haddüñe beñzetme gülüñ haddi degül  
Bülbülüñdür bu haber bu söz anuñ lâfidur
- 5 Sûfi'-i sâ'im ile bezme tekeddür gelmez  
Vecdiyâ hem-demimüz şimdi hele Sâfi'dür

-17-  
(62b)

*Fâ'ilâtün Fâ'ilâtün Fâ'ilâtün Fâ'ilün*

- 1 Gün gibi ol mâh-peyker kim nihân olmak diler  
Eşküm âsâ katre-i eşküm 'ayân olmak diler
- 2 Tâze tâze dâg urup şevk-i ruhuñla sîneye  
'Âşık-ı şûride-diller gülsitân olmak diler
- 3 Sîne-i fânûs hayâlinde uyandı şem'-i şevk  
Çâr-sûy-ı 'aşka göñlüm pâsbân olmak diler

---

\* "Şâfi Çelebi-nâm şâ'ire irsâl olunmışdır."

- 4 İtmeye tâ sen şehi rencide tâb-ı âftâb  
Dûd-ı âhum lâciverdî sâyebân olmak diler
- 5 Vecdi-i dil-haste ol serv-i revâna meyl idüp  
Nahl-i kaddi hasretinden bâgbâñ olmak diler

-18\*-  
(63b)

*Mefâ'ilün Mefâ'ilün Mefâ'ilün Mefâ'ilün*

- 1 Garîbüz biz bu yerlerde garîb ahvâlimüz vardur  
Ne ashâb u ne ahbâb u ne hayrû'l-âlimüz vardur
- 2 Bu gönülüm Ka'besini yap Halîl'üm çünkü egnümde  
Libâs-ı Ka'be gibi köhne kara şâlimuz vardur
- 3 Ma'ârif dürleri mahzûn yatur dükkân-ı sînemde  
Na nazma iktidârüm var ne bir dellâlimuz vardur
- 4 Lisân-ı hâl entakdur zebâñ-ı kâlden çünkü  
Efendi kalma kâlûme göre ne hâlimüz vardur
- 5 Lisân-ı cism ile gerçi kelâma iktidârüm yok  
Zebân-ı hâme ile böyle kıl ü kâlimüz vardur

-19\*-  
(66a)

*Fe'ilâtün Mefâ'ilün Fe'ilün*

- 1 Ey emîr-i kebîr-i pür-tedbîr  
V'ey dilîr ü şecî' ü düşmen-gîr
- 2 Sensin ol pehlivân-ı 'âlem kim  
Oldı a'dâ yanußında hor u hakîr
- 3 Mîr-i sâhib-livâ idüp Allâh  
Kıldı şer'e seni mu'în ü zahîr

\* Na-tamam gazel.

\*\* "Peçuy begi Mehmed Bey sicill ü hüccetde nev'-i mükâbere itdükde irsâl olındı."

- 4 'Arz-ı hâl itmek isterüm tapuña  
Bilmezem niçe ideyin tasvîr
- 5 Kâdılar hâli beglere ma'lûm  
Hâcet olmaz ki olına takrîr
- 6 Bunlaruñ kârıdur kâğıd satmak  
Ne ise vâkı'ât idüp tahrîr
- 7 Kim sicil itdürür kimi hüccet  
Yazar ahvâlî neyse anda debîr
- 8 Aña da i'tibâr olunmayıcak  
Kim alur kim satar nedür tedbîr

-20\*-  
(100a)

*Fe'ûlün Fe'ûlün Fe'ûlün Fe'ûlün (Fe'ûl)*

- 1 Aga-yı sarây-ı şeh-i bahr u ber  
Ola devlet ile mu'ammer muzaffer
- 2 Meh-i 'izzeti arta günden güne  
Cihânı cemâli günü ide enver
- 3 Aga devletüñ topı göge aga  
Tuta yiryüzün nâm-ı pâk-i gazanfer
- 4 Kimine iderseñ bu halkuñ kerem  
Kemîne kuluñdur bu Vecdî-i kemter
- 5 Elinde hediiye du'â-nâmesi  
Dilinde senâ âyetin kılmış ez-ber

---

\* "Kapu Ağası Ğazanfer Ağa'ya virilmiştir."

-21\*-  
(35a)

*Mef'ûlû Fâ'ilâtü Mefâ'ilü Fâ'ilün*

- 1 Ashâb u âle nâme yazup hayr-ı âlimüz  
Bilmek murâd eylemiş etvâr u hâlimüz
- 2 Yazmış kenâr-ı nâmeye bir şi'r-i âb-dâr  
Def' itdi sîne sûzını oldı zülâlimüz
- 3 Yüz biñ senâ o kâdir ü Mennân'a hâliyâ  
Sıhhatde 'âfiyetdedür ehl u 'ıyâlimüz
- 4 Mevkûfdur du'âsına her ân u her zamân  
Masrûfdur senâsına mâh ile sâlimüz

-22-  
(41a)

*Mefâ'ilün Mefâ'ilün Mefâ'ilün Mefâ'ilün*

- 1 Gözüñ aç zâhidâ gammâz-ı 'ayn itme basîrüz biz  
Fenâ fennin bilür 'ilm-i ledünnîden habîrüz biz
- 2 Cihândan munfasıl olduk işimüz muttasıl hûdur  
Felek tahtında sultânum şeh-i rûşen-zamîrüz biz
- 3 Mukayyed olalı zencîr-i şevk ile ten-i zerdüm  
Peleng-i dehr zîr-i pençemüzdür nerre-şîrüz biz
- 4 Olup gavvâs-ı bahr-i ma'rifet dürr ü güher bulduk  
Murassa' nazma kâdir olmuşuz sanma fakîrüz biz
- 5 Şeh-i 'aşka kul olup Vecdiyâ biz 'aklı berk itdük  
Göñül mülkine mâlik pâdşâh-ı bî-vezîrüz biz

\* Na-tamam gazel; "Merhûm Nihâdi Muhammed Çelebi ki dayı-zâdemüzdür anlara yazılmışdır."

4 Beyit, sayfanın sol kenarında yer almaktadır.

-23-  
(61a)

*Fâ'ilâtün Fâ'ilâtün Fâ'ilâtün Fâ'ilün*

- 1 Ey felek şâd eyle bir dem bu dil-i gamnâkimüz  
Yohsa seyle virdi dehri dîde-i nemnâkimüz
- 2 Bu harâret kim olur sayf içre şemsün sanmañuz  
Od urur tennûr-ı çarha âh-ı âteşnâkimüz
- 3 Mâr-ı gam çokdan helâk eylerdi bizi ey tabîb  
Zehrini def' etmek içün olmasa tiryâkimüz
- 4 Hamdu li'llâh devlet-i 'aşkuñda câna pâkdür  
Sûret-i agyârdan âyîne-i idrâkimüz
- 5 Vecdiyâ çünkim refik olmışdur Allâhu's-samed  
Bu tarîk-i 'aşk içinde yok ehadden bâkimiz

-24\*-  
(62a)

*Mef'ûlû Fâ'ilâtü Mef'ûlû Fâ'ilün*

- 1 Ey hâk-i pâyı dîdede kuhl ü 'abîrimüz  
Âsân u eyser oldı [senüñle] 'asîrimüz
- 2 Tatar-ı gussa gâret iderdi sen olmasañ  
Serdâr u ser-firâz emîr-i dilîrimüz
- 3 Bezl ideli kabîlemüze h'ân-ı ni'metin  
Mu'tâd lutfuñ oldı sagîr ü kebîrimüz
- 4 Biñ bir adı hakı çün İlâh'uñ sen olmasañ  
İrmezdi bunca mertebeye biñde birimüz
- 5 Lâzım degül ki Vecdî diye hâli tapuña  
Ma'lûm-ı hazret oldı çü mâ-fî'z-zamîrimüz

---

\* "Baba Efendi merhûma virilmişdür."



-25\*-  
(66b)

*Fe'ilâtün Fe'ilâtün Fe'ilâtün Fe'ilün*

- 1 Halkı hulkuñla esîr eylemiş iken sen beg  
Saña ser-keşlik iden n'îçün ider bilmen beg
- 2 Yanuña alduñ Elif-zâde kuluñı çünkim  
Lâyık oldur ola nâm-ı hasenüñ ahsen beg
- 3 Ümerâ içre bu ser-hadde kanı sencileyin  
Şöyle tapusı güzel böyle kapusı şen beg
- 4 Bir senüñ gibi kanı ehl-i vegâ mîr-i dilîr  
Rûz-ı rezm içre neberd idici merd-efken beg
- 5 Havf-ı tîguñ ile zırh-pûş oluben hayl-i 'adû  
Başına migfer ü egnine giyer cevşen beg
- 6 Egri serdârına egri nazaruñ kâfidür  
Tîr lâzım degül ol kelbe yeter seg-zen beg
- 7 Vecdiyâ çün didiler Türkidedür gâfil baş  
Gördi ceng âletini anuñîçün erken beg

-26-  
(86a)

*Mef'ûlü Fâ'ilâtü Mefâ'ilü Fâ'ilün*

- 1 Şehr-i vücûda hâkim iken şehr-yâr-ı 'ömr  
Hâşâ harâba yüz tuta dâr u diyâr-ı 'ömr
- 2 Kandur zülâl-i lütfuñ ile teşne-dilleri  
Nehr-i cesedde câri iken cûy-bâr -ı 'ömr
- 3 Mûlar agardı nahl-i beden oldu pür bahâr  
Sâlih 'ameller işle k'odur berg ü bâr-ı 'ömr

---

\* "Sigetvar Sancağı begi **Hasan Beg** Elif-zâde demekle ma'rûf kimesneyi yanına aldukda düşildi."

5 Beyit, sayfanın sağ kenarında yer almaktadır.

- 4      Terk eyle nevm-i gafleti ol her seher seher  
Mümted ola dir iseñ eger kim nehâr-ı 'ömr
- 5      Vecdî ribât-ı 'âleme herkes konar göçer  
Nâm-ı nikû kalur soñına yâdgâr-ı 'ömr

-27-  
(35a)

*Fe'ilâtün Mefâ'ilün Fe'ilün*

- 1      Olmış iken gam-ı müjeñle 'alîl  
Leyse kalbi ilâ sivâke yemîl
- 2      Şol harâmîdürür müjeñ cânâ  
Muttasıl kârı oldu kat'-ı sünbül
- 3      'Âşıkâ birdürür cefâ vü vefâ  
Küllü şey'in mine'l-halîl celîl
- 4      Vâsf-ı zülf ü ruhuña olmaya had  
Gice gündüz ger eyleyem tafsîl
- 5      Nergisüñ fikrin ideli Vecdî  
Uyumaz giceler şikeste 'alîl

-28-  
(38b)

*Fe'ilâtün Mefâ'ilün Fe'ilün*

- 1      Gûş-ı cânâ sadâ yiter gulgul  
Ne çalar mutrib ü ne öter bülbül
- 2      Düşeli dîdeme lebûñ 'aksi  
Çesm-i pür-hûnum oldu sâgar-ı mül
- 3      Geldi sevdâ-yı hâl u zülfüñ ile  
Çinden nâfe Hind'den sünbül

---

1b. Ne çalar mutrib ü ne öter bülbül: Çalmasun mutrib ötmesin bülbül *sahh.*

- 4 Dehenüñ nâ-şükufte gonçe-i nâz  
İki yanında ruhların gül gül
- 5 Tutdı âfâkı ‘âşık u ma’şûk  
Vecdiyâ nite kim gül ü bülbül

-29 -  
(88a)

*Fe’ilâtün Mefâ’ilün Fe’ilün*

- 1 Müddet-i ‘azlüm olmanın bir yıl  
Baña virildi mansıb-ı Bera’il
- 2 Döndi seyl-i sirişk Ceyhûn’a  
Her tuna sâ’il oldı nite ki Nîl
- 3 Hamr-ı hayretle gördiler mestüm  
Didiler baña emr idüp bir ayıl
- 4 İmtihân emr olunca Mûsâ’ya  
Yüregi burdı turdı yürece yıl
- 5 Gadr idüp kaçdı oğlanum didügi  
Halâyık kaçduğına oldı delîl
- 6 Ak sakalın boyarmış miskîn  
Nûrî zulmâta eyleyüp tebdîl
- 7 Dayf-ı şeyhûhete hakâret idüp  
Yüz karasını eyledi tahsîl
- 8 Kişi kendüye virdügi rengi  
El bir eyleyüp idemez gibi il
- 9 Hak’un *ya’mâ ve yesamm* emri  
Çeker imiş harîs gözine mîl
- 10 Kâdı-’asker efendi Vecdî’ye  
Virüp İbra’il’i didi bir yıl

-30\*-  
(8b)

*Mefâ'ilün Mefâ'ilün Mefâ'ilün Mefâ'ilün*

- 1 Bütün 'âlem elümden çıkdı sandum yâri incitdüm  
Göñül mülkin nice ma'mûr idem mi'mârı incitdüm
- 2 Rızâsın gözleyüp emrine tâbî' olmak isterken  
Bed-ahvâl ile hayfâ şâh-ı nîk-etvârı incitdüm
- 3 Hilâf-ı muktezâsın ıztırâren iltizâm itdüm  
Emîn eyle Hudâ[yâ] tab'-ı defterdârı incitdüm
- 4 Umar idüm dil-âverlik idem meydân-ı hizmetde  
Kazâ-yı gör bu leşgergâhda serdârı incitdüm
- 5 Hatâ şâh-ı kerem yanında Bürhân-ı 'atâdur çün  
Hatâdur Vecdiyâ sakın dime dildârı incitdüm

-31-  
(38b)

*Mefâ'ilün Mefâ'ilün Mefâ'ilün Mefâ'ilün*

- 1 Göñül pervânesine ruhlaruñ şem'in tolandurdum  
Anı ben 'âkıbet ol şem'-i tâbânda dölendürdüm
- 2 Uyurmuş ol yüzi gül bilmedüm itdüm hezâr efgân  
Dirîg ol çeşm-i nergis h'âba varmışken uyandurdum
- 3 Yürek yaguñ eritdüm 'aşk odıyla ey ruhı şem'üm  
Fitîl-i cism-i pür-sûzı senüñçün gice yandurdum
- 4 Leb-i âb-ı hayâtın bu dil-i pür-cûşa 'arz itdüm  
Dirîgâ eşk-i pür hûn sâf olmuşken bulandurdum
- 5 Dimiş çözdükde benden zülfi bendi ol saçı Leylâ  
Dil-i Mecnûn-ı Vecdî'yi kemendinden boşandurdum

---

\* "Defterdâr Bürhân Efendi'ye virilmişdür."

-32\* -  
(59a)

*Mef'ûlû Fâ'ilâtü Mefâ'ilü Fâ'ilün*

- 1 Dil derdini huzûra takrîre gelmişüm  
Mâ-fi'z-zamîri sen şehe ta'bîre gelmişüm
- 2 Ten-i hâkini sirişkle tahrîr eyledüm  
Ben bu fenâ sarâyını ta'mîre gelmişüm
- 3 'Aşkuñ vilâyetin dimez defter ü kalem  
Kilk-i müjemle ben anı tahrîre gelmişüm
- 4 Kâlû belâda safha-i cân üzre nakş olan  
'Aşk âyetini şevk ile tefsîre gelmişüm
- 5 Vecdî sühâ cenâb-ı şerîfüñ Süheyl'dür  
Mîhr uma tîre göñlümi tenvîre gelmişüm

-33\*\* -  
(60a-60b)

*Mefâ'ilün Mefâ'ilün Mefâ'ilün Mefâ'ilün*

- 1 Yazarsın gerçi sahrâ vü yabana ey şeh-i ekrem  
Göñüller yazmadur kasduñ velî ey kâtib-i 'âlem
- 2 Temîz itdüñ cihânı ref'-i ibhâm eyleyüp ey şeh  
Memâlik cümle mahdûd oldu aslâ kalmadı müphem
- 3 Eline niçe mazlûmuñ çü virdüñ hâcet-i kâtı'  
Kesildi onca gavgalar eşirrâ oldılar mülzem

\* "Merhûm Süheyl Bey ki Cümcüme Mehmed Çelebi dimekle ma'rûfdur. Filibe'ye vilâyet tahririne geldükde virildi."

\*\* "Süheylî Beg'e yazılmışdur."

- 4 Nizâm u intizâmında cihânun ihtimâm itdün  
Esâsın üstüvâr itdün binâsın eyledün muhkem
- 5 Menâkıb zât-ı pâkûnde degüldür kâbil-i takrîr  
Du'âya iştigâl eyle sözi kes Vecdiyâ epsem

-34\*-  
(63a)

*Mefâ'ilün Mefâ'ilün Mefâ'ilün Mefâ'ilün*

- 1 Göñül ferrâşına müjgân-ı cârû su seper çeşmüm  
Serîr-i sine sultânı seni ola umar çeşmüm
- 2 Sabâ hiç zerre gerd almaz reh-i dil-dârdan zîrâ  
Hebâ olan eser yelden deyü tahmîr ider çeşmüm
- 3 Göñül mülkinde sen şâhuñ hayâlin eyleyüp tasvîr  
Saf-ı müjgân ile cânâ aña karşu çıkar çeşmüm
- 4 Ciger büryân olup dil kan dolupdur 'ayş u nûş içün  
Getürmişdür hayâl-i yâr öñine mâ-hazar çeşmüm
- 5 Ayaguñ topragı hakkı baş üstinde yerün vardur  
Saña manzar olam diyü kapag açar kapar çeşmüm

-35\*\*-  
(12a)

*Mefâ'ilün Mefâ'ilün Mefâ'ilün Mefâ'ilün*

- 1 Tulû' itdün sa'âdet matla'ından mihr-i enversin  
Cihânun zulmetin ref' eyledün mâh-ı münevversin
- 2 Kırân itdi tapuñla şâh-ı 'âlem ber-murâd oldı  
Sa'âdet kevkebi dürrî-i devlet nîk-âhretsın

\* Na-tamam gazel.

\*\* "Pâdşâhımız Sultân Murâd Hân H'âcesi Sa'dullâh Efendi Hazretlerine virilmişdür."

- 3 Nuhûset ref' olup 'âlem şeref buldı kudûmüñle  
Felek takvîmine nâmuñ yazıldı sa'd-i ekbersin
- 4 Mekîn-i sadr-ı kadr olduñ bi-hamdi'llâhi ve'l-minnet  
Mekânuñ efser-i devlet latîf u pâk-gevhersin
- 5 Du'â-i devletüñ cümle enâma lâzım u lâzib  
Hümâ-yı fikret-i sultân-ı dînüñ perine fersin
- 6 Hudâya şükr ü minnetler irişdüñ bu deme Vecdî  
Kapusı kullarındansın velî gâyetde kemtersin
- 7 Sarây-ı sıhhat içre sâkin ol bâ-hâdim ü mahdûm  
Ola fi'l-hâl hâsıl her ne kim Allâh'dan istersin

-36-  
(34b)

*Fe'ilâtün Mefâ'ilün Fe'ilün*

- 1 İşigüñ şâhum ihtiyâr iderin  
Kuluñ olmaga iftihâr iderin
- 2 Harc idüp sîm-i eşkümi yoluña  
Ya'ni nem var ise nisâr iderin
- 3 Kül idüp cismi nâr-ı şevküñle  
Cümleten yoluña gubâr iderin
- 4 Âstânuñda bendeñ olmagıçün  
Niçe müddetdür intizâr iderin
- 5 Boynı bağlı esîrünüñ şâhum  
Dir iseñ itce i'tibâr iderin

-37-  
(34b)

*Fe'ilâtün Fe'ilâtün Fe'ilâtün Fe'ilün*

- 1 Çekmede bâr-ı gam-ı dil-beri hammâlüm ben  
Elif-i kaddi gam ile бүkilüp dâlüm ben
- 2 Perini yakdı ise şem'e n'ola pervâne  
Bir peri 'aşkı ile münkesirü'l-bâlüm ben
- 3 Nasb-ı nefis eylemişem ref'-i emel eylemege  
Sanma bu tekyede bir cerr ider âbdâlüm ben
- 4 Vâdi-i 'aşkda cânâ göricek dîvârũñ  
Göñlüm akdı saña sular gibi meyyâlüm ben
- 5 Vecdiyâ bülbül idüm fasl-ı hazân itdi hamûş  
Hâlümü 'arz idemem gonca-sıfat lâlüm ben

-38\*-  
(37a)

*Mefâ'ilün Mefâ'ilün Mefâ'ilün Mefâ'ilün*

- 1 Nazîrũñ görmemiş ins ü perî bilmem ne cânsın sen  
Bulınmaz dünyede mislũñ meger hûr-ı cinânsın sen
- 2 Bu cism-i pür-letâfetle bugün sen cân-ı 'âlemsin  
Anuñçün dîdeden cân gibi her demde nihânsın sen
- 3 Serîr-i behcet üzre Husrev ü Şîrîn-dehenler çok  
Ser-âmed serv-kâmet Ahmed-i nâzük-miyânsın sen
- 4 Çenâr u 'ar'ar u şimşâd tursunlar ayag üzre  
Hırâm it gülşen içre sũ-be-sũ serv-i revânsın sen
- 5 Salın ey serv-i bustân-ı safâ ser-sebz ü serdâr ol  
Nihâl-i bâg-ı 'âlem nahl-i gülzâr-ı cihânsın sen

---

\* Na-tamam gazel.



-39\* -  
(43a)

*Fe'ilâtün Fe'ilâtün Fe'ilâtün Fe'ilün*

- 1 Zahmine çünkü 'ilâc idemedi mat'ûnuñ  
Yuf tabîbe dahı hâssiyyetine dârûnuñ
- 2 Gel emek çekme bunuñ zehrine panzehir olmaz  
Buna te'sîri yok afyon ile eftîmûnuñ
- 3 Bû 'Alî olsañ eger bulmıyasın aña şifâ  
Şer'e uymaz bilürüz mes'elesin Kânûn'uß
- 4 Çünkü eyyâm-ı vebâda yemesi nâfi'dür  
Korkarın dirhemi dînâra çıkar afyonuñ
- 5 Vecdiyâ şeş-perile gelmeye çâvûş-ı ecel  
Almak olurdu elinden meçigüñ tâ'ûnuñ

-40-  
(59b)

*Mefâ'ilün Fe'ilâtün Mefâ'ilün Fe'ilün*

- 1 Dilüm kanı ki şerh ide hâlümden  
Zebân-ı hâme meger söyleye melâlümden
- 2 Cenâb-ı bâb-ı sa'âdet-me'âbuña geldüm  
Beyân-ı hâl idemem killet-i makâlümden
- 3 Sınuk zücâce-i kalbüm akar gözümden yaş  
Niçe hikâyet idem bilmem infi'âlümden
- 4 Ne çâre n'eyliyeyin kim yolumı bağladı âh  
Yaraşur aglar isem dilde i'tikâlümden
- 5 Du'â'-yı devlete meşgûl bendedür Vecdî  
Kalem makâle gelüp disün iştigâlümden

---

\* "Eyyâm-ı vebâ ve hengâm-ı 'inâda dinilmişdür"

-41\*-  
(63a)

*Fâ'ilâtün Fâ'ilâtün Fâ'ilâtün Fâ'ilün*

- 1 Nûr ugurladığı mâhuñ olıcak günde 'ayân  
Yakdı encüm meş'alini pâsbân-ı âsmân
- 2 Çevresin devr eyleyüp hayl-ı nûcûm itmiş hüçûm  
Nûr uğırlarken tutılmış galibâ mâh-ı cihân
- 3 Egri toğan ibtidâ soñra niçe toğrı olur  
Çâr-deh-i şebde hemân bedr ayını eyler 'ayân
- 4 Beñzedüp gün yüzüne özini telbîs eylemiş  
Alnuma tamga urılup oldı tezvîre nişân
- 5 Dürlü eşkâle girüp her şeb ider dünyâyı geşt  
İylüğe gezmez giceyle seyr ider gündüz nihân
- 6 Yâ olup kavs-i kuzeh oldı şihâb aña sihâm  
Yagdı ok bârân-sıfât meh kaldı şöyle der-miyân
- 7 Yüz karasıyla tutulup bildi noksâna tamâm  
Vecdiyâ eksüklü itmiş encüm-i nahsa kırân

-42-  
(63a)

*Fâ'ilâtün Fâ'ilâtün Fâ'ilâtün Fâ'ilün*

- 1 Gayrlarla itdi çün ol şûh u şengül sohbetin  
Eşk-i hûnîn ile itdüm ben dahı mül sohbetin
- 2 'Andelîbâsâ n'ola kalsam hezârân zâr ile  
Gonce-i kalbüm açılmaz kim idem gül sohbetin
- 3 Zülfün evtârını âhum ile itdüm târ-mâr  
Bâddur gûyâ perîşân itdi sünbül sohbetin

---

\* "Gazel-i nâ-tamâm diyü vâlid-i merhûm üç beyt idüp soñra fakir şekl-i itmâmnda birkaç beyt zamm eyledüm."

- 4 Gonca gibi teng-dil olma gele ey gül ecel  
‘Azm-i gülzâr eyleyüp seyreyle bülbül sohbetin
- 5 Vecdiyâ’akluñ çü gitdi gitsün ırak gelmesün  
N’eyler erbâb-ı fenâ sâhib-tecemmül sohbetin

-43-  
(63b)

*Mef’ûlû Fâ’ilâtü Mefâ’ilü Fâ’ilün*

- 1 Sanmañ zamâne içre beni duhter isterin  
Kırnakş [?] bir nigâr-ı perî-peyker isterin
- 2 Âyât-ı hüsnini yüzine baka okıyup  
Vird-i du’â-yı devletini ez-ber isterin
- 3 Yasdandığum hemîşe budur âstânunı  
Za’fum var istinâd idecek bir yer isterin
- 4 Ger ben garîbe cennet-i kûyuñ ola nasîb  
Uçmaga oklaruñ yine bâl u per isterin
- 5 Zünnâr-ı ‘aşkı bilüme aldum kemer gibi  
Vecdî sıfâl-ı yâri sere efser isterin

-44\*-  
(63b)

*Mefâ’ilün Mefâ’ilün Mefâ’ilün Mefâ’ilün*

- 1 Sülûk itdüm tarîk-i ‘ilme ammâ bî-delîlüm ben  
Yolın azup beyâbânda kalan ibn-i sebîlüm ben
- 2 Benüm gibi niçe bîmâra tîmâr eyleyen sensin  
Kapuñ dâru’s-şifâsından devâ uman ‘alîlüm ben
- 3 Efendi dühn-i himmetle uyandırsañ çerâğuñdur  
Yanup küllî kül olup sanki bî-revgan fitîlüm ben

---

\* “Merhûm Baba Efendi’ye virilmişdür.”

- 4 Hadîs-i Mustafâ'da *men 'aref kelle lisânu*dur  
Kemâl-i 'aczin idrâk eyleyen merd-i kelîlüm ben
- 5 Ribât-ı âstân-ı hazret-i Baba Efendi'ye  
N'ola mihmân olursam Vecdiyâ ibn-i sebîlüm ben

-45-  
(64a)

*Mefâ'ilün Fe'ilâtün Mefâ'ilün Fe'ilün*

- 1 Firâk-ı hasret ile başımı şarâb itdüñ  
Nedâmet âteşine bagrumı kebâb itdüñ
- 2 İki taş aldum ele durma kendümi dögerin  
Ögindi sanma beni şekl-i âsiyâb itdüñ
- 3 Göñül harâbına mi'mârveş görinmüş iken  
Çü yapmaduñ dili n'îçün Ya'kub harâb itdüñ
- 4 Ne bende cürm ü kabâhat ne sende zerre hatâ  
O yok bu yok ne içün bizden ictinâb itdüñ
- 5 Bu Vecdi haste-dili dûzah-ı gam içre koyup  
O bî-günâha n'îçün yok yere azâb itdüñ

-46-  
(67a)

*Fe'ilâtün Fe'ilâtün Fe'ilâtün Fe'ilün*

- 1 Göreñ envâr-ı kerâmâtını vech-i hüsnüñ  
Yüzini yirlere düşürdi meh-i şu'le-zenüñ
- 2 Kana gark eyleyicek seng-i beyâbâmı yaşum  
Kıymeti kalmadı 'âlemde 'akîk-i Yemen'üñ
- 3 Meh mukâbil ola mı gün gibi vech-i hüsne  
Yüzine kir mi gele adı mı çıka lekenüñ

- 4 Dem-i vuslatda araya girüben mânî' olur  
Gör bize geçdügi nâzikliğini pîrehenüñ
- 5 Cism-i pür-dâguma dil-ber nazar idüp didi kim  
Top-ı gam yaralamış Vecdî hisâr-ı bedenüñ

**-47-**  
**(67a)**

*Mef'ûlü Mefâ'ilü Mefâ'ilü Fe'ûlün*

- 1 Râhuñdan alup topragumı cismi kül iden  
Pâ-mâlûñ idüpdür senüñ ey şâh ezelden
- 2 Bir görme yüzün 'âşık ile ehl-i riyânuñ  
Zîrâ zer-i hâlis dahı yegdür 'ameliden
- 3 'Aşkuñ odı ile tutuşam çıka 'alevler  
Her kim göre sanur bir ışıkdur 'alevîden
- 4 Mecnûn başına vahş u tuyûr üşdügi bu kim  
Uslı haber almaga gelmedilerdi deliden
- 5 Vecdî yüzüñ üstinde olan hâle dir ashâb  
Cebheñde görüp lem'a-i nûr-ı nebevîden

**-48-**  
**(89a)**

*Mefâ'ilün Mefâ'ilün Mefâ'ilün Mefâ'ilün*

- 1 Sonı âh anca şâhuñ âhiri güldür selâtinüñ  
Anuñçün hânesin hâk itdi devr ol hân-ı hâkinüñ
- 2 'Adalet-nâmeler yazsun 'utârid safhâ-i çarha  
Bilinsün emr u nehyi tâ ki ol şâhen-şeh-i dînüñ
- 3 Hat-ı meymûn-ı sultân nesh olup ceffe'l-kalem dendi  
Mu'allak itdi dünyâ itdiler şükrin bu şâdînüñ

- 4 Çeküp âzâr-ı hârı aglama ey bülbül-i pür-zâr  
Sorar Sultân Muhammed hâlini şâkî vü bâkînüñ
- 5 Hudâya şükr ü minnetler du'alar müstecâb oldu  
Sözi diñlendi her 'abdüñ 'ale'l-husûs Vecdî'nüñ

-49\*-  
(26a)

*Mef'ûlü Fâ'ilâtü Mefâ'ilü Fâ'ilün*

- 1 Ey tapusı kerîm ü kapusı cenâb-ı 'afv  
Dil-hasteyüm günâh ile lutf it cevâb-ı 'afv
- 2 Geldi kapuña yüz süriyü 'abd-i rû-siyâh  
Yüz karasını yumak için ister âb-ı 'afv
- 3 Rûz şumâr olinca der-i tevbe be-sâzdur  
Mekşûfdur kıyâmete deñlü kitâb-ı 'afv
- 4 Merdûd n'ichün ola bu bendeñ günâh ile  
Mesdûd hod degül der-i devlet-me'âb-ı 'afv
- 5 Ma'zûr tut kusûrımızı kazm-ı gayz kıl  
Ol Hakk için ki andan umar şeyh u şâb 'afv

-50-  
(37a)

*Fâ'ilâtün Fâ'ilâtün Fâ'ilâtün Fâ'ilün*

- 1 Hatt-ı 'anber-fâma eyler zülf-i hoş bu ser-fürû  
Mushaf okur itdi Hindû-yı siyeh-rû ser-fürû
- 2 Serv-i şimşâd u sanavber olmasunlar ser-firâz  
İtdürür çün sidreye ol kadd-i dil-cû ser-fürû
- 3 Şeh-süvârüm sayd idüp kayd eylegil firkâtüñle  
Atuñ ayagın öpüp kalmazsa âhû ser-fürû

\* "Aşhâb-ı devletden birine virilmişdür."; Na-tamam gazel.

- 4 Zâhidi cennet ricâsıdur murâkıb eyleyen  
Fikr-i Hak'dur itdüren 'ukbâda kamu ser-fürû
- 5 Vecdi'nün cân u dili fermânuñâ münkâd olup  
Cümleten râm oldu cismi itdi her mû ser-fürû

-51-  
(62b)

*Fe'ilâtün Fe'ilâtün Fe'ilâtün Fe'ilün*

- 1 Gaflet uyhusundasın 'âlem-i rü'yâdur bu  
Kara düşler mi görürsün niçe gavgadur bu
- 2 Vâ'iz-i şehîr bugün zevk-ı cinânı ki añar  
Nakdûr sanma anı va'de-i ferdâdur bu
- 3 Dil virüp ol güle bülbül gibi zâr olma sakın  
Niçe yüz pâresi var bir gül-i ra'nâdur bu
- 4 Hevesin zülf-i nigâr ile abes yaş dökme  
Kendüñi zâyî' idersin kurı sevdâdur bu
- 5 Yâ İlâhî bi-hak-ı leyl ü duhâ zulmet ü nûr  
Vecdi'nün yüzünü ag it yüzi karadur bu

-52-  
(63a)

*Mefâ'ilün Mefâ'ilün Mefâ'ilün Mefâ'ilün*

- 1 Ser-i kûyında cânânuñ dimeñ gûy-ı hacerdür bu  
Cefâ çevgânına üftâde olmuş top-ı serdür bu
- 2 Uyarma âh ile nâz uyhusından nergis-i mestin  
Dilâ bî-dâr iden la'net bulur şol fitnelerdür bu
- 3 Kapuñda bağlama cânâ rakîb-i har-mizâcî kim  
Görenler dimesünler bu ne derdür yâ ne hardur bu
- 4 Yaraşur gûşvâre olsa gûş-ı yâre bu nazmum  
Kulaklar istimâ' itmiş degül bir nev-güherdür bu

- 5 Aç 'ibret dîdesin Vecdî çü düşdün 'âlem-i 'aşka  
'Ubûr itme sakın gafletle râh-ı pür-'iberdür bu

-53-  
(6b)

*Fâ'ilâtün Fâ'ilâtün Fâ'ilâtün Fâ'ilün*

- 1 Sen şehi çünki karîn itdi dil-i nâ-şâda  
Her dem âbâd ola dirsem n'ola Karîn-âbâd'a
- 2 Nemle hidmet ideyin nemle-i nâ-çizem ben  
Sen Süleymân haberi niçe yazam inşâda
- 3 Ref'-i ibhâm idüben eyledün iklîmi temîz  
Komaduñ emr-i müşevveş ebedî dünyâda
- 4 Garazuñ kil-k-i kerem birle gönül yazmakdur  
Seyr iden gerçi berîd-i kalemün sahrâda
- 5 Vecdî-i dâ'î senün medhüne âgâz idicek  
Tarañ-ı hâtîfden anâ geldi sadâ irşâda

-54-  
(9a)

*Fe'ilâtün Fe'ilâtün Fe'ilâtün Fe'ilün*

- 1 Nâle dönmiş tenimün cânibi itdüm hâme  
Tâ görem nice yazar yâre muhabbet-nâme
- 2 Cur'a-i la'l-i leb-i dil-beri irhâf eyler  
Baş egerse n'ola bezm içre surâhî câme
- 3 Kûyına varsam üşer itleri gavgalar ider  
Şükür Allâh'a ki irdüm hele bu hengâme
- 4 Meyl ider zülfüne dil haddüñi pür hat göricek  
Rûm'da fitne görüp râh ile baglar Şâm'a
- 5 Vasla ol mûy-miyân va'd idicek Vecdî'nün  
Câmı bir kılca kalur irmek için ahşama



-55\* -  
(26b)

*Mef'ûlû Fâ'ilâtü Mefâ'ilü Fâ'ilün*

- 1 Sûfî oturma bûm gibi künc-i dârda  
Feth eyle bâb-ı halveti fasl-ı bahârda
- 2 Geşt eyle deşt-i 'âlemi bâd-ı sabâ gibi  
Sag u esen olam dir iseñ rûzgârda
- 3 'Ömrüñ akar su gibi geçer eylemez karâr  
Seyr it hayâtuñ âbını var cûy-bârda
- 4 Gül câmi'ine cem' ola cümle-i tuyûr  
Bûlbûl ezâna başladı her şâhsârda
- 5 Gül-çehre dil-rübâlar ile yâr-ı gâr olup  
Bûs u kenâra sa'y idelüm bir kenârda

-56-  
(34a)

*Mefâ'ilün Mefâ'ilün Mefâ'ilün Mefâ'ilün*

- 1 Zâmîründen geçerdî dil dir idüm ol perî-şâne  
Tagıldı 'aklüm ugradukda ol zülf-i perîşâne
- 2 Yiridür fitne-i Ye'cûc irişüp Rûm'a yayılsa  
Tagıtdı zülfini bâd ile el bir eyleyüp şâne
- 3 Her ahker gonca olmuş her zebâna bir gül-i handân  
Şitâda seyr-i gülşen ister iseñ işte kâşâne
- 4 Tütalum cevruñe cânâ tahammül ide 'âşıklar  
Sen insâf eyle bi'llâhi düşer mi elden ol şâne
- 5 Niçe kân Vecdiyâ bir demde biñ la'l eyleye peydâ  
İki gözüm nazar kılsa dü-çeşm-i gevher-efşâne

---

\* Na-tamam gazel.

-57-  
(37b)

*Fe'ilâtün Mefâ'ilün Fe'ilün*

- 1 Kudretüm yokdur itmege hareke  
Ger yetişmez ise ebû'l-bereke
- 2 Ol perî bu hüsn-i sûretle  
Ne beşer görse beñzedür melege
- 3 Tâlib-i mansıb olma ey câhil  
Câme-i devlet üzre koma leke
- 4 Olmasaydı eger hisâr-ı beden  
Top-ı âhum ugramadı feleke
- 5 Hamdu li'llâh ki geldi bir mikdâr  
Şi'ri inşâda Vecdiyâ meleke

-58\*-  
(38b)

*Fe'ilâtün Mefâ'ilün Fe'ilün*

- 1 Ey gönül 'âşıkâne âh eyle  
Aglâ vü inle âh u vâh eyle
- 2 Da'vi-yi mâtemüñ idüp isbât  
Âh ile vâhuñı güvâh eyle
- 3 Niçe bir h'âb âb-ı eşk ile  
Nevm-i gâfletden intibâh eyle
- 4 Kara çul giy başuñda destâruñ  
Dûde-i âh ile siyâh eyle
- 5 Çeşme-i çeşmi akıdup Vecdî  
Havz-ı dünyâyı pür-miyâh eyle

---

5 Sayfanın sol kenarında yer almaktadır.

\* "Eşnâ-i ta'ziyetde yazılmışdır."

-59\* -  
(45a)

*Mefâ'ilün Mefâ'ilün Mefâ'ilün Mefâ'ilün*

- 1      Giyersin kırmızı câme libâs-ı erguvân üzre  
Helâk eylersin 'uşşâkı idersin katı kan üzre
- 2      Meger sultânı-ı magrib şark ili fethin buyurmuşdur  
Atılmış top-ı mihr ü meh kevâkib hep kırân üzre
- 3      Zirihlerdür girihler migfer-i sîmin habâbıdur  
Sabâ rezm âletin resm eylemiş âb-ı revân üzre
- 4      Göyindürdün 'Acem mülkin söyindürdün ocagın hem  
Yalın kılıç havâle itdün Âzerbaycan üzre
- 5      Kırmızı lâleler şâh üzre sahralarda zeyn olmuş  
Dikilmiş sürh-serler kellesi sandum sinân üzre
- 6      Gözin açdurmadı gerd-i sipâhuñ nat'-ı 'âlemde  
Yeter böyle belâ at sürme şâh-ı İsfahân üzre
- 7      'Acem mülketleri zîr-i nigîn-i hükmün olmuşdur  
Elünde oynadursın hâtemâsâ bir benân üzre
- 8      Taşırgatma kuluñ şâh-ı Refâvız karşıña turmaz  
Yeter çîn-i cebînün çekme 'asker bir cebân üzre
- 9      'Acem serdârı tîrün korhusından uyhuya varmaz  
Meger kim baş koya bir kez kemîn içre kemân üzre
- 10     Nizâm-ı mülk ü millet sâye-i Hak Hân Murâd ol kim  
Senâ vü 'izzeti vâcibdürür pîr ü cüvân üzre
- 11     Saña lâzım du'â-i şâh-ı dîn-perverdür ey Vecdî  
İcâbetler hudâvend-i zemîn ü âsmân üzre

---

\* "İşbu gâzel kaşide-i sâbıka (1. kaside) ile virilmek üzere dinmişdür."\*

-60\* -  
(60b)

*Mefâ'ilün Mefâ'ilün Mefâ'ilün Mefâ'ilün*

- 1 Senûñ hâlis du'âcuñdur şehâ Vecdî-i gam-dîde  
El açup dergeh-i Hakk'a olupdur bu temennîde
- 2 Yücelsün yıldızuñ günden güne devletlû sultânüm  
Meh-i nev gibi olsun mansıb u 'ömrüñ terakkîde
- 3 Saña yavuz sananuñ mihr-i 'izzine zevâl irsün  
Meh-i dîrîneveş kadir günü olsun tedennîde
- 4 Meseldür kurd tokuz tolanur çün toydugı yeri  
Kapuñ tokuz tolanursa yaraşur bu kerem-dîde
- 5 Sarây-ı sıhhat içre sâkin ol bâ-hâdim ü mahdûm  
Huzûr-ı kalb ile şâhum olasın şevk u şâdîde
- 6 E'âlî de esâlif de bilür ahlâf ü eslâfı  
Nazîrûñ görmemiş sordum bu pîr-i çarh-ı sad-dîde

-61-  
(60b)

*Fâ'ilâtün Fâ'ilâtün Fâ'ilâtün Fâ'ilün*

- 1 Dürlü terkîbatı dehrüñ hokka-i eflâkde  
Zehrdür ammâ görünür sûret-i tiryâkde
- 2 Yile vir âh eyleyüp ber-bâd kıl hâk-i tenüñ  
Seyle vir bâğ ü cûduñ dîde-i nemnâkde
- 3 Gözleme a'lâ vü esfel hâlûñe meşgûl olup  
Niçeler zîr ü zeber yatur çü zîr-i hâkde
- 4 Pâre pâre eyledüm kendi elümle kendümi  
'Arz için derd-i derûnum bu der-i sad-çâkde
- 5 Vecdiyâ âlâyış-i dehri görüp meyl eyleyüp  
Gel koma jeng ü keder âyine-i idrâkde

---

\* "Süheylî Beg'e yazılmıştır."

-62-  
(64a)

*Fâ'ilâtün Fâ'ilâtün Fâ'ilâtün Fâ'ilün*

- 1 Cân göziyle nâzırız yârün gözine kaşına  
Nakş seyrinden garaz tahsîndür nakkâşına
- 2 Tuymasun taşlar gubâr-ı râh-ı cânân olduğuñ  
Kişi esrârın dimek olmaz begüm yoldaşına
- 3 Kıl tevekkül iste rızkuñ kâsimu'l-erzâkdan  
Kûşe-i bî-tûşeñe gökden su yaga aş ine
- 4 Seng-i kûy-ı yâre yasdanmak dilermiş seg rakîb  
Hâceti makbûl olup taşlar dokına başına
- 5 Vecdiyâ var bâde-i 'aşk-ı İlâhî nûş kıl  
Bir ayagın nûş iden sultân olurmuş başına

-63\*-  
(103a)

*Mefâ'ilün Mefâ'ilün Mefâ'ilün Mefâ'ilün*

- 1 Ne var şâhum süvâr olsañ gazâya esb-i himmetle  
Derûnı ehl-i İslâm'ıñ yanupdur nâr-ı gayretle
- 2 Safâ câmını nûş itmek kolaydur bezm-i 'âlemde  
Ekâbir rezme gelsünler buyursınlar sa'âdetle
- 3 Sabâ-reftâr Tatarî ki gûyâ seyl yudar sandı  
Sipeh-sâlâr olan kimse koyup kendi zarâfetle
- 4 'Arûs-ı mülki düşmenler tasarruf itmek isterler  
Gelün merdâne ceng eyleñ kalursız soñ hacâetle
- 5 Tekâsül eyleyüp cümle ferâmuş itdüñüz rezmi  
Umûr-ı mülk müşkildür olur mı hiç sa'âdetle

---

\* Na-tamam gazel.

- 6      Mevâlî cümle cem' olup n'îçün Hak'dan nükûl itdi  
Mezâlim def'in itmezler n'ola yarın kıyâmetle
- 7      Esîri düşmen-i dinüñ 'ıyâli ehl-i İslâm'uña  
Dirilmekten ölüm yegdür kalursañ böyle mihnetle
- 8      Emânlık mülketi gitdi yamanlığı koman elden  
Bize bu sırrı bir 'ârif 'ayân itdi kerâmetle

-64\* -  
(3b)

*Fe'ilâtün Mefâ'ilün Fe'ilün*

- 1      Oldugiyçün kazânuñ adı yedi  
Hâtif-i gayb bir latîfe didi
- 2      Bir yıl u dört ay içre Dubniçe'nüñ  
Yedi oldu kuzâtınuñ 'adedi
- 3      Kimisine nüzûl olup nâzil  
Her birinüñ karışdı kâra yedi
- 4      Buldı fırsat kimisi sürsata  
Yedine ne girerse anı yedi
- 5      Vire lâyık mı 'ahd-ı 'adlünde  
Cümlesinüñ hisâbını Vecdî

-65\*\* -  
(9a)

*Mefâ'ilün Mefâ'ilün Fe'ülün*

- 1      Sa'âdetlü başuñ görmeye acı  
Meger tasdi'-i ehl-i ihtiyâcı
- 2      Devâ itmek fakîrûñ hâcetini  
Hakîkâtde deger 'âlem harâcı

\* "Dubniçe kazâsında bir yıl dört ayda yedi kâdı cem' oldukda."; Manzumenin çoğu beyti 28 numaralı kaside ile aynıdır.

\*\* Na-tamam gazel.

- 3 Bu ma'nâdan o sâhib-hüsn-i ahlâk  
Fütüvvetle idiser ibtihâcı
- 4 Dimişler 'izz-i dünyâ derd-i serdür  
Kerem lutf u mürüvetde 'ilâcı
- 5 Kerem kıl fursatı fevt itme sarf it  
Var iken dirhem-i cûduñ revâcı

-66\* -  
(32a)

*Mef'ûlû Fâ'ilâtü Mefâ'ilü Fâ'ilün*

- 1 Toldı gubâr-ı râhuñ ile sîne hânesi  
Cismüm berîdürür ola okuñ nişânesi
- 2 Zâl-i cihâna meyl ide mi murg-ı ehl-i dil  
Zülf ile hâl imiş turalum dâm u dânesi
- 3 Bilün hayâlin eyleyemez fikr-i mû-şikâf  
Yok dikkatinde kıl kadar aslâ bahânesi
- 4 Gözden çıkarsa la'l-i Bedahşan nem eksile  
Vecdî güherle toptoludur dil hızânesi

-67\*\* -  
(41a-41b)

*Mefâ'ilün Mefâ'ilün Mefâ'ilün Mefâ'ilün*

- 1 Riyâzet ehli za'f irdükde baglar karına taşı  
Meded ey seng-dil sen ben za'ifüñ ol karındaşı
- 2 Letâfet gülşeninde kâmetüñe nisbet alçakdur  
Eger serv-i hırâmânüñ irürse göklere başı
- 3 Hat-ı seng-i mezârın mı okurlar yohsa Ferhâd'uñ  
Bulanlar mekteb-i 'aşk içre ey h'âce sebakdaşı

\* Manzume sayfanın sol kenarında yer almaktadır.

\*\* "Gazel-i muhayyel"

- 4 Añılmaz gussa-i Ferhâd okınmaz kıssa-i Mecnûn  
Bugünden Nûh tûfânın baturdı gözlerüm yaşı
- 5 Sebîl-i 'aşkda râz-ı derûnuñ çıkmasun taşa  
Er öldür sırrını setr eyleye tuymaya yoldaşı
- 6 O serv ayagina îsâra Vecdî râh-ı gülşende  
Çenârûñ dâne-i şeb-nemle pürdür dest-i dür-pâşı

-68\*-  
(41b)

*Müstef'ilün Müstef'ilün Müstef'ilün Fâ'ilün*

- 1 Ey hâkim-i şer'-i resûl hükmüñde eyle dikkati  
Fasl-ı husûmet eyleyüp gel açma bâb-ı rüşveti
- 2 'İlmüñle 'âmil olup ol iki cihânda sûdmend  
Okımada vü yazmada çekdük bu deñlü zahmeti
- 3 Hâkim olanda bil bunı gâlib gerek rûy-ı celâl  
Lutfın görüp yüz bulmaya yanında her bir nekbetî
- 4 Bir sâ'at 'adlûñ yegdürür bir yılca tâ'atden velî  
İcrâ-yı hükm-i şer' idüp itseñ hulûs-ı niyyeti
- 5 Kusdur şu kes kim zulm idüp 'âkil ola mâl-ı yetîm  
Haddini bildür şâribe muhzırlar ursunlar leti
- 6 Farûk-ı Hakk u bâtıl ol eyle 'adâlet çün 'Ömer  
'Adlûñ ziyâsı yayılup def' ola zulmüñ zulmeti
- 7 İtme hedâyâyı kabûl kâh ise de kûh olur ol  
Eyle kanâ'at sâbir ol rüşvetle bulma şöhreti

4 Beyit, sayfanın sağ kenarında yer almaktadır.

\* "Bu fakir u hakir hâkim ü kâdi olduğum mehâkimde mücelledât-ı sicillât zahrına yazılan ebyâtdur."



- 8 Sakın şuhûd-ı zûrdan lutf idüp eyle ihtimâm  
Kizb ehli gülmez sûrete görse bu deñlü dikkati
- 9 Bunca nesâyih kim anı zikr eyledi Vecdî za'îf  
Her kim tutarsa dünyede 'ukbâda görmez şiddeti

-69\*-  
(43b)

*Mefâ'ilün Mefâ'ilün Mefâ'ilün Mefâ'ilün*

- 1 Nüzûl itdi siyâdet hânına bir hânımız geldi  
Cülûs itdi sa'âdet sadrına hâkânımız geldi
- 2 Peçuy bir kâlib-ı bî-rûha düşmişdi bi-hamdi'llâh  
Hayât irdi kudûmüñle yeñiden cânımız geldi
- 3 Bizi hay tut diyü korkutmasın şimden girü düşmen  
'Adûdan derdimüz gitdi bizüm dermânımız geldi
- 4 Kirâmuñ 'âdetidür dâ'imâ ikrâm-ı zayf itmek  
Ahibbâ hâzır olsun hidmete mihmânımız geldi
- 5 Du'â cevherlerin Vecdî nisâr it ma'den-i dilden  
Söz añlar nükte-fehm eyler ma'ârif kânımız geldi

-70\*\*-  
(55a)

*Fe'ilâtün Mefâ'ilün Fe'ilün*

- 1 Dem-i zevk u safâ bedîd oldu  
Geldi 'âlem şeneldi 'îd oldu
- 2 Gıydi dünyâ libâsı gûn-â-gûn  
Köhne eşyâ kamu cedîd oldu

9 Beyit, sayfanın sağ kenarında yer almaktadır.

\* "Peçuy kâdisi iken Kapudânzâde Mahmud Beg mir-livâ olup geldükde dinilmişdür."

\*\* Mive-i bostân-ı kerem Bostan-zâde-i kerimü's-şiyem hazretlerine virilmişdür.

- 3 Yeñilendi benüm dahı derdüm  
Bulmadı hiffeti şedîd oldu
- 4 Ya'ni Vecdî kuluña va'd-ı kerîm  
Uzadı on güne ba'id oldu

-71-  
(59b)

*Mefâ'ilün Mefâ'ilün Mefâ'ilün Mefâ'ilün*

- 1 Ne kara günlere kaldık görüñ ahvâl-i devrânı  
Giceler seyr ider diyü tutarlar mâh-ı tâbânı
- 2 Salarlar bî-günâhı iftirâlar birle zindâna  
Refâhiyyetde 'izzetde sa'âdetde yüzer cânı
- 3 'Azîzi Mısr-ı hüsnüñ atılaldan zulm ile çâha  
Añılmaz Yûsuf'a ihvânınıñ cevri-i firâvânı
- 4 Niçe bozulmasın nazm-ı cihân kim zümre-i hükkâm  
Kodılar şer' ü kânûnı ararlar kan ile kanı
- 5 Yeter kan agla ey Vecdî nisâr it dirhem-i eşki  
Meseldür söylenür dilde yumazlar kan ile kanı

-72-  
(62a)

*Mefâ'ilün Fe'ilâtün Mefâ'ilün Fe'ilün*

- 1 Dökildi ayaga gözyaşı çün şarâb gibi  
'Aceb mi merdüm-i çeşmüm ola habâb gibi
- 2 Meger ki gayr ile bezmüñ işitdi 'âşıklar  
Sinân-ı gayrete sancıldılar kebâb gibi
- 3 Beni za'îf görüp ey rakîb ölür dime kim  
Uçurma kara haber üstüme gurâb gibi

---

4 Manzumenin yanında sayfanın sağ kenarında aşağıdaki beyit yer almıştır:  
*Korkarım yâ zuhûr idüp ondan*  
*Lâhik-i va'd olup va'id oldu*

- 4 Kaçan ki düldül-i nâz üzre şeh-süvâr olasın  
Yüzüme bas ayagunu öpem rikâb gibi
- 5 Görindi âyine-i dilde Vecdiyâ hat-ı yâr  
Sahife-i dili nakş eyledi kitâb gibi

-73\* -  
(65b)

*Fe'ilâtün Mefâ'ilün Fe'ilün*

- 1 Hem-dem it câna zıkr-i Mevlâ'yı  
Mahrem it dilde fikr-i 'ukbâyı
- 2 Mürşid-i kâmile olup yoldaş  
Gâret it dilde hubb-ı dünyâyı
- 3 Tîr-i mihnet çü bagruñı deldi  
Egri bak dehre nite kim nâyî
- 4 Hak müyesser kılursa eyliyelüm  
Seyr-i İstanbul u Kalata'yı
- 5 Dide-i câna Vecdiyâ çekelüm  
Hâk-i pâ-yı Rızâyî Baba'yı

-74\*\* -  
(95b)

*Müstef'ilün Müstef'ilün Müstef'ilün Müstef'ilün*

- 1 Zenden ibâdur dâ'imâ erbâb-ı tecrîdün işi  
'Ârif nazar kılmaz zene almaz dehânına dışı
- 2 Vecd ü fenâdur cünbişi terk ü tecrîddürür işi  
Vecdî nazar kılmaz zene almaz dehânına dışı

\* "Baba Efendi merhûm ki mahlası Rızâyî'dür, İstanbul'a müşerref oldukda virilmiştir."

\*\* "Bu ebyât hokkâ-i dehândan kürre-i dendâni müşa'bid-i devrân pinhân itdügine ta'rîzdür."; Sayfanın sağ kenarında yer almaktadır.

- 3 Gâyet tecerrüd üzredür evzâ' u tavr ü cünbişi  
Dimek ta'accüb olmasa Vecdî'nüñ agzında dîşi
- 4 Agzında dendân kalmamış Vecdî mücerred bir kişi  
Söner tecerrüd ehlini dâ'im firâr eyler dîşi

## NAZİRELER (GAZEL)\*

-1\*\*-

(3b)

*Fe'ilâtün Fe'ilâtün Fe'ilâtün Fe'ilün*

- 1 'Arza kıldum yine etvâr-ı perîşânımı ben  
Gama virdüm meded ol yâr-ı perîşânımı ben
- 2 Nazmuma mâ'il olup nesre tutar sem'-i kabûl  
Sözle teshîr iderin şâh-ı sühan-dânımı ben
- 3 Yâr-ı cân gitdi vü bir yanum 'amelden kaldı  
Niçe tahrîk ideyin rûhum o bir yanımı ben
- 4 Penbe-i dâğ ile kutnî-i 'inâyet giydüm  
'Aşk ile bu çöle koydum ten-i 'uryânımı ben
- 5 Vecdiyâ göze görünmez bu gün ol cism-i latîf  
Lîk seyrümde güzel seyr iderüm cânımı ben

\* Nazirelerin başında "Nazire-i Vecdi, Nazire-i Vecdi-i Hakir, Nazire-i Vecdi'l-Hakir, Vecdi'l-Hakir, Nazire, Vecdi'l-Hakir, Nazire-i Diğer li-Vecdi-i Ahkar" ibareleri vardır.

\*\* 'Azizi'nin aşağıdaki matla ile başlayan gazeline naziredir:

*Gördüm âgyâr ile ol gonce-i hândânımı ben  
Çâk idersem n'ola gül gibi giribânımı ben*

5 Beyit, sayfa altında aşağıdaki şekilde tekrar yazılmıştır:

*Vecdiyâ gerçi görünmez göze ol cism-i latîf  
Lik seyrümde güzel seyr iderüm cânımı ben*

-2\*-  
(4a)

*Mefâ'ilün Fe'ilâtün Mefâ'ilün Fe'ilün*

- 1 O gonce şevkine tutdı cihân yüzün zâruñ  
Hezâr-ı giryec-gerisin gönül bu gülzâruñ
- 2 Ne yerde bellü mekânun ne gökde sâkinsin  
Hümâ gibi meger oldı gönül hevâdâruñ
- 3 Şişüp kabardugı bu rûzgâr el virdi  
Habâb-ı câm-ı mey oldı senün hevâdâruñ
- 4 Sirişk-i didemi gör süz-ı sîneme nazar it  
Hurûş u cûşını seyr eyle âb ile nâruñ
- 5 Fenâya mâ'il olur Yeñice tâzeleri  
Letâfet üzredür âb u hevâsı Vardâr'un
- 6 N'ola medâr-ı murâd üzre dönmese Vecdî  
Tokına çarhına âhuñ sipihr-i devvâruñ

-3\*\*-  
(4b)

*Me'ülü Fâ'ilâtü Me'ülü Fâ'ilün*

- 1 Başımı egme başımı bükme disem eger  
Tutmaz sözüm o nahl-i dil-ârâ eger bükür
- 2 Bensiz iş itme diyü niyâz idüp aglasam  
İşitmeze urur sözüm ol şûh u şiveger
- 3 Kâz-ı elemle kâle-i ten pâre pâredür  
Hayyât-ı gam uzun kısa dimez keser biçer

---

\* Kerim Çelebi'nin aşağıdaki matla ile başlayan gazeline naziredir:

*Ne tez boyandı dilâ reng-i âle ruhsâruñ  
Boyacı küpi midür yohsa çeşm-i hün-bâruñ*

2 Beyit, sayfanın sol kenarında yer almaktadır.

\*\* Kerim Çelebi'nin aşağıdaki matla ile başlayan gazeline naziredir:

*Dülbendi burma yaşsıca şar dir isem eger  
Ol cevri-pişe sözümü tutmaz burar şarar*

- 4 Tedrîs-i gaybı añlasa ger h'âce-i hîred  
Âgâh olurdu tîr-i kazâdan kader meder [?]
- 5 Sikkînsiz bogazlana miskîn âdemî  
Vecdî cihânda müşkil iş olmaz kazâ kader

-4\*-

(4b)

*Fâ'ilâtûn Fâ'ilâtûn Fâ'ilâtûn Fâ'ilûn*

- 1 Söylemez ol gonçe-leb cânâne söyleñ söylesün  
Nâz ile ben bülbül-i bî-câne söyleñ söylesün
- 2 Gussa-i Ashâb-ı Kehf'üñ kıssasın şerh itmege  
Ağız açan gâr-ı bî-pâyâne söyleñ söylesün
- 3 Çeşm-i pür-nem hâlini itsün hikâyet cânlar  
Sözümü germ-âbe-i sûzâne söyleñ söylesün
- 4 Dâmen-i pâkîze-i Yûsuf neden çâk olduğın  
Mehd içinde tıfl-i bî-dermâne söyleñ söylesün
- 5 Kimsenüñ ol şâha yok güftâre Vecdî kudreti  
'Arz-ı hâl-i 'âşıkı hoş-h'âne söyleñ söylesün

---

\* Baba Efendî'nin aşağıdaki matla ile başlayan gazeline naziredir:  
*İstediür dil ol tabib-i cânâ söyleñ söylesün*  
*Söz ırdâ-yı rûhdur insâna söyleñ söylesün*

-5\*-

(6b)

*Mefâ'ilün Mefâ'ilün Mefâ'ilün Mefâ'ilün*

- 1 Añılsa keyf-i kem-bahtuñ iden bilsem ne câhildür  
Ya kahve hakkına yañlış kelâm iden ne bâtıldur
- 2 Dilâ hürmetle tut kesr itme sakın 'arz-ı fincânı  
Oñat sor dikkat it kim câm-ı sahbâya mu'âdildür
- 3 Nice böndür o kim ider dem-â-dem kısr-ı dîn cengin  
Lebîb olan leb-i dil-ber gibi bu lûbbe mâ'ildür
- 4 Egerçi kahvenüñ zemmin ider meclis-i şeyh-i şer  
Velî halvetde olıcak o da ma'kûle kâ'ildür
- 5 'Acebdür Vecdîyâ her vech ile medhûl iken zâhid  
Bize dahl ider ammâ kendü de mebhasda dâhildür

-6\*\*-

(7a)

*Fâ'ilâtün Fâ'ilâtün Fâ'ilâtün Fâ'ilün*

- 1 Dâm-ı dünyâya tutulmaz bu dil-i şeh-bâzımız  
Nüh felek bâmındadır zîrâ bizüm pervâzımız
- 2 Çokdan el çekdük bu gün aza kanâ'at eyledük  
Hamdu li'llâh dehr-i dûna çok degüldür azımız
- 3 Nâsıb-ı râyât-ı 'aşkuz râfi-i tûg-ı gamuz  
Lâ vü len dinmez bize tevhîd-i Hakk'a câzimüz
- 4 Şânımız şirket kabûl itmez ferîd-i 'âlemüz  
Mâlik-i mülk-i belâyuz yokdurur enbâzımız

---

\* Sultân Selim'in aşağıdaki matla ile başlayan gazeline naziredir:

*Mekinet olmasa bir kimse dirler aña 'akildür**Veli bu kavı ile 'âmil olan bi-'akı u câhildür*

\*\* Kıyâsi Efendi'nin aşağıdaki matla ile başlayan gazeline naziredir:

*Tâ felek farkında cevân eyler ol şeh-bâzımız**Okuyagelmez irişmez gûşına âvâzımız*



- 5 Rîsmân-ı zülfini görince dil olur revân  
Cân atar görse ecel mehden bizüm cân-bâzımız
- 6 Vecdi-i miskîn nice dürlü ta'addîler görür  
Yâ gelüp ol şâha eydürse kapûnda lâzımız

-7\*-

(8a)

*Fe'ilâtün Fe'ilâtün Fe'ilâtün Fe'ilün*

- 1 Heves-i mansıb ile dilde bu sevdâ niçe bir  
İntizâr ile geçe 'ömrümüz âyâ niçe bir
- 2 İrtişâ bâbını feth eyleye hükkâm-ı zamân  
Gele envâ'-ı tuhaf dürlü hedâyâ niçe bir
- 3 Cehele câha irişe 'ulemâ câha düşe  
Bulmaya sâhibini zîrle bâlâ niçe bir
- 4 Beyyine dehr fenâsı buna lâzım mı şuhûd  
Sâbit olmaga mecâl olmadı da'vâ niçe bir
- 5 Böyledür hâl-i cihân böyledür etvâr-ı zamân  
Vecdiyâ şükre şurû' eyle bu şekvâ niçe bir

---

5 Beyit sayfanın sağ kenarında yer almaktadır.

\* Baba Efendi'nin aşağıdaki matla ile başlayan gazeline naziredir:

*Pîr olduk heves-i şâhid-i ra'nâ niçe bir  
Söze ter düşmeyelüm bu kurî sevdâ niçe bir*

-8\*-  
(8a)

*Mef'ûlü Fâ'ilâtü Mefâ'ilü Fâ'ilün*

- 1 Sîmîn kalem elinde o şeh zer-nişân çeker  
Tugrâ-yı hükm-i Husrev-i gîtî-sitân çeker
- 2 Ol yâdur ol ki 'âleme ahkâm okın atar  
Ancak o kavsi sende olan bâzuvân çeker
- 3 Ol kavsi kimse sencileyin çekmek istese  
Kolu sınar eli kesilür çok ziyân çeker
- 4 Hükm-i şerîf-i şâh görünür siper misâl  
Şol dem ki hâme düşmeni diye sinân çeker
- 5 Vecdî cihâna geldi niçe şâh-ı nâmdâr  
Ol şâh gibi gelmedi nâm u nişân çeker

-9\*\*-  
(8b)

*Fâ'ilâtün Fâ'ilâtün Fâ'ilâtün Fâ'ilün*

- 1 Gerd ü gilden pâkdür yollar hevâlar mu'tedil  
Serv-i nâzum seyr-i bâğ itsün hevâlar mu'tedil
- 2 Hayy olup dünyâ salâh irdi mizâc-ı 'âleme  
Begler 'adl üzre bi-hamdi'llâh agalar mu'tedil

---

\* Şemsî Paşa'nın (*Feridûn Beg Merhûm nişancı iken Şemsî Paşa dimişdür*) aşağıdaki matla ile başlayan gazeline naziredir:

*Bâğuñ cihânda mihnetini bâğbân çeker  
'Âlem gâmını nite ki şâh-ı cihân çeker*

\*\* Mahmûd Beg'in aşağıdaki matla ile başlayan gazeline naziredir (*Serem Şancağı Begi Balta-zâde Mahmûd Beg dimişdür*):

*Kışt-i gülzâr üzredür bâd-ı şabâlar mu'tedil  
Kâmet-i servüñ hırâm itsün hevâlar mu'tedil*

- 3 Şu'lelendür sen dem-â-dem ehl-i derdün âteşin  
Mutribâ nâleñ neyinden kıl nevâlar mu'tedil
- 4 Olsa lâyıkdur serem bâg-ı İrem gibi latîf  
Kim senün gibi gelür mîr-i livâlar mu'tedil
- 5 Vecdiyâ bu şi'r-i şekker-çâşnî bulmaz nazîr  
Gerçi eyler tûti-i tab'ıñ edâlar mu'tedil

-10\*-  
(34a)

*Mefâ'ilün Mefâ'ilün Mefâ'ilün Mefâ'ilün*

- 1 Libâs-ı 'aşkuñı mülkiyyete biñ cânla ben giydüm  
Palâs-ı cismi ikrâh itdiler 'âriyyeten giydüm
- 2 Meseldür söylenür dillerde oddan pîrehendür 'aşk  
Hevâ-yı 'aşka düşdüm ya'ni oddan pîrehen giydüm
- 3 Dilâ mecnûn-ı 'aşkum sanmagıl abdâl-ı 'uryânım  
Büründüm şâl-ı şevk-ı yâre şol dem câna ten giydüm
- 4 Görenler penbe-i dâgum sanurlar hırka-pûş oldum  
Ne bilsünler melâmet cübbesidür penbeden giydüm
- 5 Giyürdi dest-i kudret darb ile ten câmesin Vecdî  
Kabâ-yı ıztırârdür ne sen giydün ne ben giydüm

---

\* Yeşil-zâde Rızâyî (Baba Efendi)'nin aşağıdaki matlalı gazeline nazire olarak söylenmiştir:  
*Îrâdet hırkasını tâ ki pîr-i 'aşkdan giydüm*  
*Urup tâc u kabâ terkîn 'abâdan pîrehen giydüm*

-11\*-  
(36b)

*Fâ'ilâtün Fâ'ilâtün Fâ'ilâtün Fâ'ilün*

- 1 Eyledi bülbül tazallüm hande kıldı gül güle  
Añlayup derdini aglar şimdi bülbül bülbüle
- 2 Birbirinden reşk idüp zülfüne öykündüklerin  
'Ukdeler izhâr ide başladı sünbül sünbüle
- 3 Her ne dem ol zülf-i misk-efşâna şâne tolaşur  
Gösterür saç yolmasın tavrını kâkül kâküle
- 4 Vakt-i gül zerrîn kadehle gel benefşe içelüm  
Remzin eyler sâkiyâ mânend-i bülbül bülbüle
- 5 Gül yüzün şevkine Vecdî inledi bülbül gibi  
Güm güm ötdi âsmân düşdi zemîne gulgule

-12\*\*-  
(36b)

*Fâ'ilâtün Fâ'ilâtün Fâ'ilâtün Fâ'ilün*

- 1 Bülbül ü pervâne 'âşık olmadın şem' ü güle  
Murg-ı dil şeydâ idi sen verd-i şüh u şengüle
- 2 Bâgda zülf-i nigârûñ kıl u kâli olmasa  
Böyle pîç-â-pîç olup girmezdi sünbül sünbüle
- 3 Sûk-ı 'âlemde metâ'-ı şevk u şâdî sevk idüp  
Gulgul itdi şîşe-i mey didi kulkul bülbüle

---

\* Hayâlî Beg'in aşağıdaki matla ile başlayan gazeline naziredir:

*'Arızuñ vasf eylerken gülşen içre gül güle  
Şöyle keşret oldı kim söylerdi bülbül bülbüle*

\*\* Aynı matla ile başlayan gazele yazılmış diğerk bir naziredir; Murg-ı dil şeydâ idi sen verd-i şüh u şengüle: Bende olmuşdı gönül ol şâh-ı şüh u şengüle *Sahh*.

- 4 Atı ayagın öper üftâdeler Kanber-mîsâl  
Ol ‘Alî-sîret kaçan nâz ile binse düldüle
- 5 Âstân-ı âsmânâsâ-yı yâre Vecdîyâ  
Sa’y kıl mümkün sühâya seyr-i burc-ı sünbüle

-13\*-

(43a)

*Mefâ’ilün Mefâ’ilün Mefâ’ilün Mefâ’ilün*

- 1 Dem-i gül çün degül bâkî demidür nûş ola müller  
Yürüt ayagı ey sâkî nedür bunca te’emmüller
- 2 Tenâvül idelüm gel mül ola tâ ruhlaruñ gül gül  
Dil-i zâr eylesün gulgul ötetursın ko bülbüller
- 3 Bu gülzâruñ fenâsın ‘arz iderler kâl u hâl ile  
Aña efgân ider bülbül anuñçün bulunur güller
- 4 Hayâl-i hâl-i rûyuñla meger kim cânib-i Rûm’a  
Gelüp terk itdi dâr-ı çîni fülfüller karanfiller
- 5 Yaşı gül-gûnını şeb-dîz-i âh ile koşup Vecdî  
Alupdur ‘arsa-yı mihr ü mahabbet içre öndüller

---

\* Mecdi Efendi’nin,

*Muhabbet âteşinden kim şererdür bâgda güller*

*Anuñ hâkisterinden âferide oldı bülbüller* matlahı gazeline naziredir.

-14\* -  
(43b)

*Fe'ûlün Fe'ûlün Fe'ûlün Fe'ûlün*

- 1 Şehâ şe'n-i pâküñ getürdi cihâne  
N'îçün yok zamânda vefâdan nişâne
- 2 Niçe kâdir olur zebân u kalemler  
Kemâlât-ı zâtuñ 'ayân u beyâna
- 3 Mukarrer mükerrer 'atâlar sehâlar  
Biri ehl-i fazla biri nükte-dâna
- 4 İrerdi kaçan vefâñ olmasa ger  
Cefâ tıgı câna bıçak üstüh'âne
- 5 İşigüñe geldi ider 'arz-ı hâlin  
Nazar kıl şehâ Vecdi-i nâ-tüvâne

-15\*\* -  
(44a)

*Fe'ilâtün Fe'ilâtün Fe'ilâtün Fe'ilün*

- 1 Saltanat-pîşesinüñ yine kagan aslanı  
Oladı bir gözi âhû-yı Hoten cânânı
- 2 Gördiler la'li ider şehd u şeker bâzârın  
Açdılar sük-ı dil u cânda aña dükkânı
- 3 Ol perî-nakş geçüp la'l ile itdi teshîr  
Hazret-i Şâh Selîm İbn-i Süleymân Hân'ı

---

\* Hâce-zâde Muhammed Çelebi Efendi'nin,  
*Çü yokdur zamânda vefâdan nişâne*

*Ne lâzım gönül mâ'il olmak cihâne* matlalı gazeline naziredir.

\*\* Şemsi Paşa'nın (Merhum Sultân Selim, bir bakkâl cüvânını içerüye aldıkda Şemsi Paşa dimişdür):

*Şehre bakkâl imiş aldık yine bir cânânı*

*Kef-i dest ile döğinsün yürüsün mizânı* matla'lı gazeline naziredir.

- 4 Satdı ol Yûsuf-ı gül-çehreyi bilmezlik ile  
Sîne-kûb olsa n'ola taşlar ile mîzânî
- 5 Vecdiyâ virmiş aña hazret-i Hak rûz-ı ezel  
Ni'met-i hidmet-i şâhı şeref-i imânı

-16\*-

(88b)

*Mefâ'ilün Mefâ'ilün Mefâ'ilün Mefâ'ilün*

- 1 Turur hançer kemerde tîg-ı tîz-i dil-rübâ sarkar  
İner yollar keser beller basar sag u sola sarkar
- 2 Ümîd-i pâ-y-bûs idüp dilerin şâhdan destûr  
Anuñçün şâh destûruñ yanuñda dâ'imâ sarkar
- 3 O hûnî dil-beruñ çağı mukarrer kan ola câgı  
Nacagın bir yaña asmış bıçağı bir yaña sarkar
- 4 Başında taylesân u elde sübha mülhidi bekler  
Her a'zâsından ehl-i zerkûñ el-hâsıl riyâ sarkar
- 5 Şu kim gavvâs-ı bahr-i ma'rifetdür ser-fürû eyler  
Dür-i ma'nâya tâlib bahre talup Vecdiyâ sarkar

---

\* Pâdşâh-ı 'âlem-penâh ağalarından Dervîş Ağa-nam kimesnenüñdür)  
'İzâruñ üzre kim peyveste ol zülf-i dü-tâ şarkar  
İner yollar başar cân u dile ey bi-vefâ şarkar matla'lı gazeline naziredir.

## KIT'ALAR-NAZMLAR-RUBAÎLER

## KIT'ALAR\*

-1\*\* -  
(9a)

*Fe'ilâtün Mefâ'ilün Fe'ilün*

- 1 Elem ü 'azl u şiddet-i gurbet  
Beni çokdan çıkardı benlikden
- 2 Gussa vü gam beni helâk itdi  
İrmasun Hakk tapuñı şenlikden
- 3 Harca sürildi cübbe vü destâr  
Habbe yok Hak bilür kefenlikden
- 4 Merhamet kıl 'azîz başuñ içün  
Ben kuluñı ayırma Menlik'den
- 5 Gül umarken nasîbüm eyleme har  
Bülbülüm kıl rehâ dikenlikden

-2\*\*\* -  
(11a)

*Mefâ'ilün Mefâ'ilün Fe'ülün*

- 1 Bi-hamdi'llâh zamân-ı devletüñde  
Temîz-i ehl ü nâ-ehl olunurken
- 2 Bu emr-i müşkili kime soralum  
Serîr-i fazlda sen otururken

\* Kıtalar yazma nüshadaki sıraya göre dizilmiştir.

\*\* "Menlik kadılığı ricâsında kazasker 'Abdu'r-rahmân Efendi merhûma virildi."

\*\*\* "Ehli Çelebi, Gelibolu kazâsına tâlib olup bu kıt'a 'İvâz Efendiye virilmişdür."



- 3 Gelibolu'da nâ-ehlûñ kazâsı  
‘Aceb câ’iz midür Ehlî tururken

-3-  
(11a)

*Fâ’ilâtün Fâ’ilâtün Fâ’ilâtün Fâ’ilün*

- 1 Nevm-i gafletden gözüñ bî-dâr özüñ hüşyâr it  
Niçe bir hayrân olursun vâkıf-ı esrâr iken
- 2 Emr-i müstagrib görüp dimezsün ‘akluñ yâr iken  
Kâzı-’asker n’eylesün hatt-ı hümâyûn var iken

-4-  
(11a)

*Mef’ûlü Mefâ’ilü Mefâ’ilü Fe’ûlün*

- 1 Tevfik-i Hudâ olmaz ise evvel ü âhir  
Hall eyleyemez şübhemiz Eşbâh u Nezâ’ir
- 2 İrişdi hidâyât-ı Hudâ evvel u âhir  
Tevfikdürür şübhesiz Eşbâh u Nezâ’ir
- 3 Şibh-i dürer-i fikhdurur evvel ü âhir  
Hall-i şebah-i şübhede Eşbâh u Nezâ’ir
- 4 Misl ü şebahi nâdir iken evvel ü âhir  
Kimdür bu kitâba diye Eşbâh u Nezâ’ir
- 5 Erdi dem-i subh oldu şeb-i şübhemiz âhir  
Gün gibi tulû’ ideli Eşbâh u Nezâ’ir

-5\*-  
(11a)

*Mefâ'ilün Mefâ'ilün Fe'ülün*

- |   |   |
|---|---|
| 1 | Zamânuñda eyâ Fârûk-haslet<br>Revâdur fark olına ehl ü nâ-ehl |
| 2 | Gelibolı kazâsından o ma'tûh<br>Gerekür 'azl olına bilâ-mehl  |
| 4 | Velî ol matlaba tâlib aransa<br>Kuzât içinde Ehlî'dür aña ehl |

-6\*\*-  
(11a)

*Fe'ilâtün Mefâ'ilün Fe'ilün*

- |   |   |
|---|---|
| 1 | Gelibolı efendisi hâlâ<br>'Ateh ehli sefih ü ümmîdür    |
| 2 | Anası hubbı ile fahr eyler<br>Babası gibi ya'ni 'âmîdür |

-7\*\*\*-  
(11a)

*Mefâ'ilün Mefâ'ilün Fe'ülün*

- |   |  |
|---|--|
| 1 | Ekâbir bî-temîz oldu anuñçün<br>Bir oldu yanlarında ehl ü nâ-ehl |
| 2 | Çıkardılar kamu nâ-ehli başa<br>Ayakda kodılar Ehlî zihî cehl    |

---

\* Kıt'a, sayfanın sol kenarında yer almaktadır.

\*\* Kıt'a, sayfanın sol kenarında yer almaktadır.

\*\*\* Kıt'a, sayfanın sol kenarında yer almaktadır.

-8\*-  
(11b)

*Mefâ'ilün Fe'ilâtün Mefâ'ilün Fe'ilün*

- 1 Kişi düşünde ata binicek murâda irer  
Dedüklerine binâ'en muhibb-i hâlis-hubb
- 2 O şeh-süvâr murâdâtın eyledüm irsâl  
Ümîd odur ki murâd atına irüşe binüb

-9\*\*-  
(12b)

*Fe'ilâtün Fe'ilâtün Fe'ilâtün Fe'ilün*

- 1 Tekye-i şehre konıcak gönül abdâlı didi  
Hânkâh-ı gama geldüñ be deli tek ye tek iç
- 2 Suyı ıssı kumı pirinç balığı tehmtenî  
Âftâb âteş ü tencîre zemîn-şûr u Meriç

-10\*\*\*-  
(12b)

*Fe'ilâtün Fe'ilâtün Fe'ilün*

- 1 Hazret-i kâdı vü nâ'ib kâtib  
Cümlesiñ Ahmed idüp lutf-ı vedûd
- 2 Bu üç Ahmed'le bulup 'izz u şeref  
Muhkemüñ oldı Makâm-ı Mahmûd

---

\* “Beglerden birine berât irsâl olunup dinildi.”

\*\* “Gâyet-i harî-ı şayfda Filibe yaylağından nüzül eyleyüp Meriç kenârında dinildi.”

\*\*\* “‘Ammi-zâde Efendi’nün ve nâ'ib ü kâtibün cümlesinün ismi Ahmed olup yazılmışdur.”

-11\*-  
(14a)

*Mef'ûlü Fâ'ilâtü Mefâ'ilü Fâ'ilün*

- 1 Devr içre şimdi ehl-i kerem murtazâsıdur  
Olsa elinde hâme n'ola zül-fikâr-ı şer'
- 2 'Adli yemiyle garka varupdur diyâr-ı cev  
Lutfi nemiyle tâze vü ter sebzezâr-ı şer'
- 3 Bî-kes garîbe işigidür melce' ü melâz  
Mazlûma bâb-ı 'adli olupdur hisâr-ı şer'
- 4 Zât-ı latîfi câmi'-i fazl u kemâldür  
Kadd-i bülendine n'ola dirsem menâr-ı şer'
- 5 Hâşâ ki bende medhûne lâyık kelâm ola  
Ey şâh-ı pür-mekârim v'ey kâmkâr-ı şer'
- 6 Bu devr-i cevkrâr ile vardur husûmetüm  
Dâ'im hilâfım üzre döner ey medâr-ı şer'
- 7 Vecdî kapuña aglayu geldi zamâned  
'Adl ile dâd kıl aña ey şeh-r-yâr-ı şer'
- 8 Kûyuñda gûy-ı bî-ser ü pâdur rubûde kıl  
Çevgân-ı lutf u cûd ile ey şeh-süvar-ı şer'
- 9 Turdukça devr-i devlet ile ol sebât  
Sahrâ-yı sıhhat içre eyâ kühsâr-ı şer'

---

\* Manzumenin yer aldığı sayfanın sol kenarında aşağıdaki bilgi yer almaktadır:  
"İşbu kaşide Merhûm 'İvâz Efendi'ye dahi virilmiş idi. Merhûm okıyup tamâm itdükde bunda  
adum sanum yoğ anca yohsa vezne girmez mi dedükde, sultânım 'ivaz hibeden soñra olur,  
hibe eyleñ 'ivaz aluñ diyüp bu beyt zamm olunmuşdur.

*Eslâf-ı şâlihine halef'itdi Hakk anı  
Bu cümleden 'İvâz'durur ol nâmdâr-ı şer'"*

-12\*-  
(14b)

*Fe'ilâtün Mefâ'ilün Fe'ilün*

- 1 Bu meseldür ki atla adam  
Zabt olur bi'l-licâm ve'l-ikrâr
- 2 Merd-i kâzib ne turfe hayvândur  
Ne dili söz tutar ne başı yular
- 3 Âdemîyem dir iseñ ey kâzib  
Sözün üstine tut sebât u karâr
- 4 Dönme katır gibi biner zürefâ  
Sakaluñ eyleyüp licâm u yular

-13-  
(14b)

*Fe'ilâtün Mefâ'ilün Fe'ilün*

- 1 Merd me'hûzdur cevâb ile  
Yedilür at gibi licâmından
- 2 Merd-i kâzib ne turfe hayvândur  
Ahze kâbil degül kelâmından

-14-  
(14b)

*Fe'ilâtün Mefâ'ilün Fe'ilün*

- 1 Yedilür at gibi licâmından  
Merd-i nikû-makâl u sıdk-encâm
- 2 Merd-i kâzib garîb hayvândur  
K'anı zabt idemez licâm-ı kelâm

---

\* İkrârda ber-karâr olan merd-i 'âli-mikdâr ile merd-i kezûb-ı kizbu'l-himâr arasında beyân-ı hâlât ider ebyâtdur ki (*el-mer'u me'hûzun bi-ikrârihi*) kelime-i câmi'asından me'hûzdur.

-15\*-  
(14b)

*Mefâ'ilün Mefâ'ilün Fe'ülün*

- 1 Du'âmuz budurur şâm u sehergâh  
Kemâl-i dîn ü devlet vire İlâh
- 2 Zevâlün isteyenler zâ'il olsun  
Eger mihr ise de yog ola çün mâh

-16-  
(15a)

*Fe'ilâtün Mefâ'ilün Fe'ilün*

- 1 Dîde-i rûzgâr-dîdelerüm  
Niçe biñ mâh u sâl görmışdür
- 2 Her biri anca dem sürüp anuñ  
Agarup niçe yaş geçürmişdür

-17-  
(15a)

*Fe'ilâtün Mefâ'ilün Fe'ilün*

- 1 Murg-ı zeyreksün ey dil-i dâna  
Tavr-ı şeh-bâzı ihtiyâr eyle
- 2 Kût-ı yevmîyeñi şikâr idüben  
Yüri bir kûşede karâr eyle

---

\* “Kemâlu'd-din Efendi'ye [virilmişdür].”

-18-  
(26b)

*Fe'ilâtün Mefâ'ilün Fe'ilün*

- 1 Küşt-gîr-i felekle tutma güreş  
Çokdurur hîlesi sakın anuñ
- 2 Niçe biñ pehlivânı çaldı yire  
Gelmedi arkası yire anuñ

-19-  
(27b)

*Fe'ilâtün Fe'ilâtün Fe'ilâtün Fe'ilün*

- 1 Kâr-ı hayra hareket eyleyen ehl-i keremüñ  
Kademine zer ü dürr ü güher îsâr gerek
- 2 Hak virür ecr ü 'ivaz halk neye kâdirdür  
Dür güher yog ise bârî hele dînâr gerek

-20-  
(30a)

*Fe'ûlün Fe'ûlün Fe'ûlün Fe'ûlün Fe'ûl*

- 1 Siyâdet gülistânınuñ serv-i ser-sebzezin  
N'ola Hızr gibi ola nisbetüñ hazretle
- 2 Riyâz-ı Rızâ'yı makâm eyleye Hak saña  
Cemâlin müyesser ide irgürüp vuslata

---

2 Sayfanın sol kenarında "Merhûm Baba Efendi Yeşil-zâde demekle ma'rûfdur mahlaşı Rızâyî'dür" şeklinde bir açıklama yer almaktadır.

-21\* -  
(32b)

*Mefâ'ilün Fe'ilâtün Mefâ'ilün Fe'ilün*

- 1 Görün 'adâletini Rûmili efendisinün  
Hemişe nâm-ı nîkû semtine olur râgıb
- 2 Filorina dir iken kapusunda tâlibler  
Yine teveccühi Vecdî fakîredür gâlib
- 3 Sa'âdet ile Hudâ dâyim ide devletde  
Harâbe dilleri yapmaga oldurur tâlib

-22-  
(33b)

*Fe'ilâtün Fe'ilâtün Fe'ilâtün Fe'ilün*

- 1 Sanma zâhid beni sen mest-i şarâb-ı engûr  
Mest-i 'aşk olalı bi'llâh unuttum üzümü
- 2 Yâr ışığında 'aceb Vecdî ne arar dimeñüz  
Dostlar yâre kıluram dem olur kendüzimi

-23\*\* -  
(35a)

*Fe'ilâtün Mefâ'ilün Fe'ilün*

- 1 Misli ol şeh ile Vecdî'nün  
Bulınur 'andelîb ile gülde
- 2 'Aşkî cânda cenânda şevkı  
Medhi dilde senâsı gönülde

---

\* "Kara Çelebizâde Hüsâm Çelebi Efendi'den Florina kâzâsın istiyüp virilmişdür."

\*\* Sayfanın üst kenarında yer almaktadır.



-24\* -  
(35a)

*Fâ'ilâtün Fâ'ilâtün Fâ'ilâtün Fâ'ilün*

- 1 Külbe-i ahzânumı reşk-i gülistan eyle gel  
Gonca-i kalbüm açılmaz ıztırâbum var benüm
- 2 Sîne sûzân u ciger büryân u gözyaşı revân  
Hem ocagum hem kebâbum hem şarâbum var benüm

-25\*\* -  
(35a)

*Fe'ilâtün Mefâ'ilün Fe'ilün*

- 1 Bu du'â üzredür ahibbâ kim  
'İzz u kadre karîn ola başuñ
- 2 Sefer ile hizada sultânüm  
Hızr u İlyâs ola yoldaşuñ

-26\*\*\* -  
(35b)

*Fe'ilâtün Fe'ilâtün Fe'ilâtün Fe'ilün*

- 1 Merdüm-i dîdelerüm kaldı hicâb altında  
Yaş döküp ağlayamaz hâl-ı dili iki gözüm
- 2 Oñmaduk sen yûri k'özüne koruk dime kim  
Keremüñ kermiñi gördüm katı oñmışdur üzüm

---

\* “İhvândan birine irsâl olındı.”

\*\* “Hızr Çavuş’a yazılmışdur”; sayfanın sol kenarında yer almaktadır.

\*\*\* Sayfanın sağ kenarında yer almaktadır.

-27-  
(36a)

**Li-vâhid mine'z-zurafâ**

*Fe'ilâtün Mefâ'ilün Fe'ilün*

- 1 Şevk ile niçeler kızıl kor iken  
Kun-i dil-berle penbeveş oynar
- 2 Bu mesel turfedür ki eydürler  
Od ile penbenüñ ne oyunu var

-28\*-  
(36a)

*Fâ'ilâtün Fâ'ilâtün Fâ'ilâtün Fâ'ilün*

- 1 Ey şerîfü'l-kavm v'ey müfti-i 'âlem lutf idüp  
Tatlu sözlerle sorarsuñ acıyup ahvâlimüz
- 2 Himmetüñle ni'metüñle hâlimüz hoşdur tamâm  
Hamdu li'llâh kim mübârek düşdi gayet fâlimuz
- 3 Şart-ı ülfet terk-i külfetdür buyurmışlar kirâm  
Ol sebebdan 'arz kılduk bî-tekellüf hâlimüz
- 4 Râvî şöyle nakl ider 'Avret Hisârı balını  
Sandı 'asîle hadîsi nakl olunur balımız
- 5 Lâ'übâlîlik ider gâhî gehî bal ballanur  
Bal ister Vecdiyâ bu bâl-i pür-belbâlimüz

---

\* "Selânîk müftisi Ahmed Efendi hazretlerine 'Avret Hisârı 'aselin getürdüklerinde yazılmışdur."

-29\* -  
(37b)

*Fe'ilâtün Mefâ'ilün Fe'ilün*

- 1 Kâ'im ol kudretün yetiştükce  
Dostlar hıdmetinde hâme gibi
- 2 Göñli levhini yaz garîbelerün  
Safha-i vechi durma nâme gibi
- 3 Seng-i cevri ile urup ürkütme  
Ohşa dil murgını hamâme gibi
- 4 Burma sarma fakîri çalma yere  
Başlar üzre el 'imâme gibi
- 5 Hâsılı Vecdi-i du'â-gûyuñ  
Halin aklar saña gamâme gibi

-30-  
(47b)

*Mefâ'ilün Mefâ'ilün Fe'ülün*

- 1 Ezelden sehmi 'azl olmuşdur anuñ  
Nasîbi nasbdan ancak nasabdur
- 2 Vidin kâdılgın matlab idinmiş  
Bu hâl üzre durur çok rûz u şebdür
- 3 N'ola tedbîr iderse 'abd-i küstâh  
Olacak iş yine takdîr-i Rab'dür
- 4 Senüñdür emr sultânım senüñdür  
Tehâlükdür taleb terk-i edebdür
- 5 Senüñ gibi kerîmüñ hazretiñde  
Taleb hırmân hizlâna sebebdür

---

\* "Küttâbdan birine yazılmışdır."

3 Sayfanın sağ kenarında "Olupdur tâlib-i mechûl-ı mutlak" mısra'ı yer almaktadır.

- 6 Kulı küstâh olur şâh-ı kerîmüñ  
Edeb oldur olurlarsa 'acebdür
- 7 Saña nâz eyler ebnâ-i zamâne  
Cenâbuñ lutf ile anlara âbdur
- 8 Bularuñ 'özü-h'âhı yine sensin  
Bular muztardur erbâb-ı erebdür
- 9 Tevekkül kıl yüri Allâh'a Vecdî  
Bilürsün gayrı iş mahz-ı ta'abdur

-31\*-  
(48b)

*Mefâ'ilün Fe'ilâtün Mefâ'ilün Fe'ilâtün*

- 1 Tu râh-ı gülşen-i ma'nâ meger ne-mî-dânî  
Be-künc-i külhan-ı sûret girifteî ârâm
- 2 Tarîk-i gülşen-i ma'nâ meger ne-mî-dânî  
Ki der-harâbe-i sûret girifteî ârâm
- 3 Mahall-i künc-i ma'ânî meger ki mî-dânî  
Ki der-harâbe-i sûret girifteî ârâm

-32\*\* -  
(49a-49b)

*Fe'ilâtün Mefâ'ilün Fe'ilün*

- 1 Hâk-i pâyüñe Vecdî-i muhlis  
Rûy-mâl ile 'arz-ı hâl eyler
- 2 İşigüñe yüzini sürme ile  
Hâk-i râhuñla iktihâl eyler
- 3 Lutfuña i'timâd idüp miskîn  
İşbu vech ile kıl ü kâl eyler

\* Sayfanın sol kenarında yer almaktadır.

\*\* Zekerîyyâ Efendi hazretlerine 'arz-ı hâldür.

- 4 Niçe eyyâmdur ki sultânun  
Bu kula lutf ile makâl eyler
- 5 Her gören bendeñi sürûrumdan  
Min'ab olmuş diyü hayâl eyler
- 6 Ne kazâ olduğunu bilmezler  
Her kişi niçe ihtimâl eyler
- 7 Böyle lutf 'azîmet olmuş iken  
Ne ola bu işi muhâl eyler
- 8 Sebeb-i butû' u bâ'is-i te'hîr  
N'eydügin kimler intikâl eyler
- 9 'Abd-i dâ'idür 'an-samîmi'l-bâl  
Her ne emr olsa imtisâl eyler
- 10 Lutf-ı va'd u kemâl-i tahsînüñ  
Gerçi def'-i gam ü melâl eyler
- 11 Lîk 'ahd-i 'adâletüñde şehâ  
Niçe bir add-i mâh u sâl eyler
- 12 Çok zamândur kitâb-ı medhin okur  
Neyl ü ihsâna anı fâl eyler
- 13 Söylemek istedikçe ahvâlin  
Kerem ü lutfuñ anı lâl eyler
- 14 Dubniçe mansıbına tâlib olup  
Taleb-i lutf ile nevâl eyler
- 15 Muntazırdur cevâb-ı şâfiye  
Sâ'il-i lutfdur su'âl eyler

-33-  
(56b)

**Kıt'a ber-sebîl-i icmâl**

*Fe'ilâtün Mefâ'ilün Fe'ilün*

- 1 Bir degül kadr-i 'ârif ü 'âmî  
Âdem 'ilmiyle olısar âdem
- 2 Olıcak bir su'âl meclisde  
Anı 'âlim olan olur ekrem
- 3 Lîk bir kâr-dân ü kâr-âmûz  
Böyle tahkîk idüp didi bir dem
- 4 Kâdı müftî müderris olmayıcak  
Kişi bilmem demekde der-'âlem

-34\*-  
(57a-57b)

*Fe'ilâtün Mefâ'ilün Fe'ilün*

- 1 Hazreti Âdemoglı Hâbil'i  
Kardaşı Kâbil eyledi maktûl
- 2 Ol mücâzât için kavâbil-i dem  
Hâbilî diyü oldılar ma'zûl
- 3 Yohsa bu tavr o şe'n-i pür-kereme  
Degül isnâd olunması ma'kûl
- 4 Hak budur kim o kalb ü kâlıbdan  
Kerem ü 'adl ü dâd idi me'mûl
- 5 Meger ebnâ-i dehrûñ ibrâmı  
Ol ebu'l-lutfê virdi nev'-i zühûl

\* Bu hakir Peçuy kâdısı iken Hâbili nâmına ma'zûl itdüklerinde erbâb-ı devlete virilmişdür. Sayfanın sağ kenarında “Ol ‘aşrda kâdı-’asker Bostân-zâde Efendi idi. Aşıl hitâb anlaradır.” şeklinde bir açıklama yer almaktadır.

- 6 Niçe doysun galîz-ı ebrâma  
Kişi lutf üzre olıcak mecbûl
- 7 Ol süvâr-ı reh-i hüdâya dirîg  
Meslek oldu tarîka-ı medhûl
- 8 Tarz-ı monlâ garîb tarz idi  
Ey dirîgâ ki olmadı ma'mûl
- 9 'Ulemâ hayli pâ-y-mâl oldu  
Galebe itdi fâzıla mefzûl
- 10 Müstevî oldu 'ârif ü 'âmî  
Birdür ashâb-ı fazl ü ehl-i fuzûl
- 11 Künc-i 'uzletde 'âdil ü 'âlim  
Sadr-ı 'izzetde her zalûm u cehûl
- 12 İltiyâm eylemez sahîhe sakîm  
'Ârife merhabâ dimez ma'lûl
- 13 Müddet üç yıl iken üç ay oldu  
Kande bulsun efendiler mahsûl
- 14 Harc-ı râh u berâtı kurtarımaz  
Kişi her ne kadar olursa ekûl
- 15 Hâtı gitdi kazâ vü tedrîsüñ  
Ne işe olalum 'aceb meşgûl
- 16 Zen-i dehrüñ bu mekr ü hîlesine  
Mütehâyirdür 'ukûl-ı fuhûl
- 17 Haşe li'llâh kim ola râzı  
Bu haber bulsa şem'-i şâha vusûl
- 18 Hamdu li'llâh mülûk-ı 'Osmânî  
Eylemezler tarîk-i Hak'dan 'udûl
- 19 Vüzerâ'-i 'izâm-ı sultânî  
Kim bulardur nizâm-i dehre usûl
- 20 Vükelâ-i kirâm-ı hâkânî  
Yirlü yirindedür kamu sag u sol

- 21 Mîr-i mîrân-ı mülket-i Rûm'uñ  
Şeh katında sözi karîn-i kabûl
- 22 H'âce-i pâdşâh-ı zıll'ullâh  
H'ân-ı ihsânı 'âleme mebzûl
- 23 Şeyh-i İslâm müfti-i 'âlem  
Re'yi ahvat sözi özi makbûl
- 24 Bu kirâm-ı 'izâm-ı zevi'l-ikrâm  
Oldılar her bir bu hâle melûl
- 25 Lîk dest-i sipihri bî-ser ü pâ  
Bâb-ı evfâh-ı halka urdı kufûl
- 26 Şeh-süvârân-ı 'arsa-i 'âlem  
İtdiler menzil-i sükûta nüzûl
- 27 Ne cevâb olısar 'aceb yarın  
Hak cenâbından olıcak mes'ûl
- 28 Kâli hâl ile Vecdiyâ epsem  
Kıssa ma'lûmdur degûl mechûl
- 29 Yüri yüz tut cenâb-ı rahmâna  
Kula rahm idici efendidür ol
- 30 Cân u dilden du'â senâ eyle  
Tâ olunca 'ibâdete mevsûl
- 31 Bu mahalde meded disün âmîn  
Kanı bir agızı du'âlî kul

---

25 Beyit, sayfanın sol kenarında aşağıdaki beyit yer almaktadır:

*Niçe bir dehr-i dîn u bi-ser ü pâ  
Bâb-ı evfâh-ı halka ura kufûl*



-35\* -  
(57b)

*Fe'ilâtün Mefâ'ilün Fe'ilün*

- 1 Kâdı-'asker efendi sultânım  
Fukarânuñ yüzine bakmaz hîç
- 2 Söz güherdür velîkin ol güheri  
Ele alıp kulaga takmaz hîç
- 3 Bir çakım kav olur yavuzlansa  
Bir söyünmiş çerâğ yakmaz hîç
- 4 Yaş döküp teşne-diller aglasalar  
Nehr ider cûy-ı lutfi akmaz hîç
- 5 'Ayn-ı 'avlüñle nâzır olmaz iseñ  
Nazar-ı merhamet bırakmaz hîç

-36\*\* -  
(59a)

*Fe'ilâtün Fe'ilâtün Fe'ilâtün Fe'ilün*

- 1 Ol şeh-i pür-kereme cân u gönüldür müştâk  
Hoş zamân içre ire vasl-ı Hudâ-yı Hallâk
- 2 Ey hoş ân rûzî ki ez-eltâf-ı Rabbü'l-'âlemîn  
Vasl-ı tû rûzî şevêd va'llâhu hayru'r-râzıkîn

---

\* Manzumenin başındaki “Bu ğazel dahi ol mahalde (bkz. bir önceki kıtanın yazılış sebebi) vâki’ olmuştur.” ifadesine rağmen matla ve mahlas beyitleri bulunmayan manzumeyi bu kısma almayı uygun gördük.

\*\* Sayfanın sol kenarında yer almaktadır.

-37-  
(59b)

*Fe'ilâtün Fe'ilâtün Fe'ilâtün Fe'ilün*

- 1 Ger hünermend zi-evbâş cefâ mî-bîned  
Tâ dil-i h'îş ne-y-âzâred ü der-hem ne-şevêd
- 2 Seng-i bed-gevher eger kâse-i zerrîn şikened  
Kıymet-i seng ne-y-efzâyed ü zer kem ne-şevêd

-38\* -  
(59b)

**Tercüme-i Ü:**

*Fe'ilâtün Mefâ'ilün Fe'ilün*

- 1 'Âlime zulm iderse bir câhil  
'Âlimüñ kadrine hâlel gelmez
- 2 Sısa zer-kâseyi eger kim seng  
Kadr-i seng artuben zer eksilmez

-39-  
(65a)

*Fe'ilâtün Mefâ'ilün Fe'ilün*

- 1 Hükemâ ittifâk idüp dirler  
Çarh-ı pîrî esîr-i hummâdur
- 2 Müte'âkıb olur bu sayf u şitâ  
Biri üşütme biri ısıtmadur

---

\* Bir önceki Farsça manzumenin tercümesi.

-40\* -  
(65a)

*Fe'ilâtün Mefâ'ilün Fe'ilün*

- 1 Sıhhat-ı recl içün bu kavm-i 'alîl  
Eylediler du'â-yı bî-pâyân
- 2 Kim du'â itdi kim didi âmîn  
El yüze urdı cümle pîr ü cüvân
- 3 Eylediler ne geldi hep elden  
Umaruz müstecâb ide sübhân

-41-  
(65a)

*Fe'ilâtün Mefâ'ilün Fe'ilün*

- 1 Câhilüñ 'âlim ile mikdârın  
Bilmege ister iseñ ey 'âkıl
- 2 Ura mîzân-ı 'akla ikisin  
Gör berâber mi nâkıs u kâmil

-42-  
(65a)

*Mef'ûlü Fâ'ilâtün Mef'ûlü Fâ'ilâtün*

- 1 Lutfi hatîr-i Hak'dur tahrîr-i nâdir olduñ  
Hattun irişmiş iken tahrîre kâdir olduñ
- 2 Cem' eyleyüp her fende mâhir olduñ  
Kimüñle bahs iderseñ anı tonadur olduñ

---

\* "Merhûm Baba Efendi nikris marazına mübtelâ olup dinildi."

-43-  
(65a)

**Ebyât fî'ş-şikâyet-i'l-kâ'inât**

*Fâ'ilâtün Fâ'ilâtün Fâ'ilâtün Fâ'ilün*

- 1 Mâh-ı nev gûyâ kemân ü penbedür ebr-i beyâz  
Niçe biñ Hallâc'ı ber-dâr eylemiş ber-dârsın
- 2 Dürseler defterün tayy-ı siclveş 'âkıbet  
Kabza-i hükm-i İlâhî içre bir tûmârsın
- 3 Gözleründen her seher şeb-nem dökersin ey felek  
Halk-ı 'âlem senden aglar sen neden aglarsın

-44-  
(65b)

**İ'tizâr-nâme-i nâmedür**

*Mefâ'ilün Mefâ'ilün Fe'ilün*

- 1 Kusûr-nâme ma'zûr ola şâhum  
Midâd-ı hâme toñardı sovkdan
- 2 Niçe ıssı sovk görmişler aydur  
Bu kış olmamış idi katı çokdan
- 3 Şitânuñ şiddetinden çıkmayup halk  
Cihâmı seyr iderlerdi kovukdan

-45\*-  
(65b)

*Fe'ilâtün Fe'ilâtün Fe'ilâtün Fe'ilün*

- 1 Sem'e irişdi haber kim o re'isü's-sıbyân  
Dür-i nâ-süfte ile silk-i cevâhir olmuş
- 2 Tâb-ı tebden ruh-ı rengîni 'arak-rîz olup  
Veyahûd âbiledür havf ile zâhir olmuş

-46-  
(67a)

*Mefâ'ilün Fe'ilâtün Mefâ'ilün Fe'ilün*

- 1 Dürûb-ı seng-i havâdisle şîşe-i hâtır  
Şikest iken yine kalbümde inkisârım yok
- 2 Hezâr derdi bir iken hezâr zâr ile  
Hezâr derde giriftâr-ı âh u zârım yok

-47-  
(67a)

*Fe'ilâtün Mefâ'ilün Fe'ilün*

- 1 Hak budur kim safâ irer câna  
Dostlarla olan mu'âmeleden
- 2 İştîyâk-ı telâk müşkildür  
Kalbe râhat gelür mürâseleden

---

\* “Bir Gül-i handân ya'ni bir tâze cüvân çiçek çıkardukda dinmişdür.”

-48-  
(67b-68a)

*Fe'ilâtün Mefâ'ilün Fe'ilün*

- 1 Şâh-ı nev-rûz idüp bu rûz bürûz<sup>22</sup>  
Oldı dînüñ 'adûsı bi-tâkat
- 2 Münhezim oldı gıtdı cünd-i şitâ  
Geldi ceyş-i rebî'-i pür-savlet
- 3 Hükemâ ittifâk idüp didiler  
Berş ü mesr ekl olınsa bu sâ'at
- 4 Eser-i keyf ilâ-tamâmü'l-'âm  
Olmaya kim be-hükm-i hâsiyyet
- 5 Ne kadar ehl-i 'âr ise 'ârif  
Cerr-i keyfe ider bu gün cür'et
- 6 Gâlibâ bu cihetden itmişdür  
Taleb-i mesri ol şerîf-sıfat
- 7 Lîk gâyet hicâba düşdüm ben  
Kesret-i haclete sebep killet
- 8 Hakk'a ma'lûm hokkada olanı  
Hakk u 'adl üzre eyledüm kısmet
- 9 Nazm-ı Muhyî hayât-ı nev virdi  
Hamd u şükr ü Hudâ'ya çok minnet
- 10 Añsızın vâsıl-ı sürûr oldum  
Müterakkab degüldi bu ni'met
- 11 Şâdılık sûretini gösterdi  
Geldi âyîne-i dile safvet

<sup>22</sup> Muhyî'nin aşağıdaki matla ile başlayan manzumesine cevaben yazılmıştır. (Cevab ez-cenâb-ı hakir-i pür-takşir; Bu hakir Peçuy kadısı iken Muhyi-nâm şâ'ir dimişdür)

*Biñ niyâz ile hâk-i pâye bugün  
Budurur 'arz-ı 'abd-i bi-tâkat*

- 12 B ylece lutf iderse ahy n   
Zi-saf  ol Mesih-m hiyyet
- 13 Vecdiy  olalım S leym n   
 art-ı  lfet iz le-i k lfet

-49-  
(68a-68b)

*Fe'ilat n Mef 'il n Fe'il n*

- 1 Hak budur kim 'az m ni'metd r<sup>23</sup>  
Hasta iken ki i  if  bulmak
- 2 Siyyem  p rlikde gurbetde  
Ta'n-ı ta' ndan hal s olmak
- 3 V cib oldu hak m-i lem-yezele  
D 'im    kr ile sen  k lmak
- 4 Sevdigine bel  vir r All h  
G r ne  ekdi hab b-i hazret-i Hak
- 5 Ye ni ba dan cih na geld   sen  
Sa na oldu hay t-ı nev-m lhak
- 6 Maraz ile su u  ba ı landı  
Lutf u c d itdi v hib-i mutlak
- 7 Giden  demler  ne rahmet ola  
Kalana sahn-ı sıhhat ola turak
- 8 Ger i kim mevt tuhfe-i Hak'dur  
S hhat amm  lat fd r el-hak
- 9 D rl  d rl  bel da olsa ki i  
C n vir r sıhhate kalınca ramak
- 10 D nye zind ndur M selm n'    
Habsden ho  deg l mid r   kmak

<sup>23</sup> " stanbul'da merh m H fız-z de Efendi mat' n oldukda dinmi d r."

- 11 Mevt olupdur velîk şart-ı hurûc  
Kimse irmez bu ni'mete aylak
- 12 Ölüm olmasa kâr müşkil idi  
Erzel-i 'ömre irişüp kalmak
- 13 İttikâ idesin oturdukda  
Yürür oldukda lâzım ola tayak
- 14 Hasta olduğına ahibbânun  
Sevinürmiş 'aduvv-i dîn ahmak
- 15 Sanasın kendüsi müsellemdür  
Ebedî görmese gerek toprak
- 16 Evvelün mehd ü âhirün ola lahd  
Saña lâzım mıdur yüce çârdâk
- 17 Yerün üstinde cism yürürken  
Yerün altını eyle câna yatak
- 18 Vecdiyâ emr-i Hakk'a râzîyuz  
Hâşa kim yok diye ya dil ya tudak
- 19 Sa'y kıl nâşitât ile çıka rûh  
Yemedden nâzi'ât eliyle çomak
- 20 Mü'minüz lâ-ilâhe illâ'llâh  
Görelüm âhiret yolına yarak
- 21 Ne buyurdu ise resûlu'llâh  
Kâle bi'l-hakki ve'bi's-sevâbi natak
- 22 Ahiri hayr ola cümlemizün  
Diyelüm Tañrı bir peygamber hak



-50-  
(87b)

*Mefâ'ilün Mefâ'ilün Fe'ûlün*

- 1 Müsebbeb bir sebep dahı bir olsun  
Budur minnet der-i devlet-me'âba
- 2 Kapuñ kâfî vü tapuñ kâfil olsun  
Ki hâcet kılmaya tâ gayrı bâba

-51\*-  
(91a)

*Fe'ilâtün Mefâ'ilün Fe'ilün*

- 1 Çıkmasın hânedan du'â-gûyuñ  
Ey cihân halkına 'atâ kılıcı
- 2 Kesmege ırkını melâhidenüñ  
Eyle sâdık kuluñı du'âcı

-52\*\*-  
(92a)

*Fe'ilâtün Mefâ'ilün Fe'ilün*

- 1 Kâr-ı mâ ber-şümâ havâlet kerd  
Hamdu li'llâh ki sâ'ik-i takdîr
- 2 Be-cenâb-ı hatîr-i pâk-zamîr  
'Arz-ı ihlâs-ı bendegi'st cedîr
- 3 Tu Süleymân-cenâb men mûrem  
Kıssa-i mûr bâ-emîr şehîr

---

\* Sayfanın üst kenarında yer almaktadır.

\*\* Sayfanın üst kenarında yer almaktadır.

- 4 Nîst ber-tab'-ı nâziket pinhân  
Nükte-i tuhfetü'l-fakîr hakîr
- 5 Kalem-i 'avf ber-hatâyem keş  
Men ne-gûyem ki 'özü-i men be-pezîr

-53\*-  
(96a)

*Mefâ'ilün Mefâ'ilün Mefâ'ilün Mefâ'ilün*

- 1 Kelâmu'llâhda nasrun min-Allâh çünki âyetdür  
Sinân Paşa bi-hamdi'llâh bir pîr-i pür-mahabetdür
- 2 'Alem gibi ser-efrâz olsa meydân içre râyetdür  
'Adûnuñ bagrını delsün Sinân-ı dîn ü devletdür

-54\*\* -  
(97a)

*Mef'ûlû Fâ'ilâtü Mefâ'ilü Fâ'ilün*

- 1 Meclisde mushaf-ı ruh-ı dildârı dün gice  
Bûs itmege teveccüh iderken rakîb-i dün
- 2 Ol gül-'izâr güldi didi lâ-yemessuhu  
Ben bûs idüp hemân didüm ille'l-mutahharûn

\* Sayfanın üst kenarında yer almaktadır.

\*\* Sayfanın sol kenarında yer almaktadır.

-55-  
(97b)

*Mefâ'ilün Mefâ'ilün Mefâ'ilün Mefâ'ilün*

- 1 Fakîr ü bî-mecâl oldu 'aceb şûrîde-hâl oldu  
Eli lahme irişürse direm bulmaz ala nânı
- 2 Der-i devletde Dubniçe kazâsın virdiler ammâ  
Buyurdılar ilet serdâr-ı 'âlî-şâna fermânı
- 3 Gehî bahr u gehî berde ne bellü gökde ne yerde  
Yanık gibi seferlerde yanup yakıldı büryânı
- 4 Tek ü pûlar idüp anda mukarrer-nâmeler aldum  
Mü'ekkid ola sandum eyledüm envâ'-ı pûyânı
- 5 Bir aydan soñra tebdîl itdiler Rudnik kazâsına  
Beligrad'a sefer kıldum bırakdum beyt-i ahzânı
- 6 Muhassal bu yidi ayda sekîz gün olmadum mansûb  
Atarmış kâdı-'askerler yabana bî-kes olanı
- 7 Temâşâ bundadur şâhâ iki kerre berât itdüm  
Birisi pâdşâhumdan biri Sultân Murâd Hânî
- 8 Yine hâlâ varup Eflak u Bogdan'a sefer itdüm  
Elüme virdiler emr ile bir tugrâ-yı hâkânî
- 9 Baña itdükleri nakşı işitse deng olur Erjeng  
Baña virdükleri rengi niçe tasvîr ider Mânî
- 10 Bu sözler kim yazıldı tıbk-ı vâki' hakk-ı nâsi'dür  
Egerçi şâ'ire 'ayb olmaya söylerse yalanı

-56-  
(103a)

*Mef'ûlû Fâ'ilâtün Mef'ûlû Fâ'ilâtün*

- 1 Ey şâh-ı heft-kışver diñle sözünü yek-ser  
Serdâr olan bu halka şîr-i jiyân gerekdür
- 2 Etmekçi aşçı başçı yemişçi iş bitürmez  
Hâtem-kef-i direm-bahş sâhib-kerem gerekdür

## NAZMLAR\*

-1\*\*-  
(6a)

*Mefâ'ilün Mefâ'ilün Fe'ülün*

- 1 Bi-hamd'illâh irişdi rûz-ı pîrûz  
Açup geldi livâ sultân-ı nev-rûz
- 2 Ahibbâ mesr umarlar hazretûnden  
Muhassal şimdi budur sırr-ı mermûz

-2\*\*\*-  
(9a)

*Mef'ûlü Fâ'ilâtü Mefâ'ilü Fâ'ilün*

- 1 Erbâb-ı hall u 'akd iken a'yân-ı rûzgâr  
Hall itdiler menâsıbı hep 'akdûñ adı var
- 2 Tebdîl ile kuzât-ı zamânı berîd idüp  
'Ahd itdiler ki göstereler ayda bir diyâr

-3-  
(12a)

*Mef'ûlü Fâ'ilâtü Mefâ'ilü Fâ'ilün*

- 1 İtdi tulû' devlet ile âftâb-ı sa'd  
Virdi cihâne nûr u ziyâ mâh-tâb-ı sa'd
- 2 Her kim kırân iderse tapuñla sa'id olur  
Kapuñ tavâfin eyler umar şeyh u şâb sa'd

\* Nazmlar yazmada nüshadaki sıralarına göre dizilmiştir.

\*\* Manzumenin başlığı "Der İltimâs-ı Meşr"dir.

\*\*\* Manzume sayfanın sol kenarında yer almaktadır. Manzumenin altında "İnşâf u 'adl ile nazar eyleñ bu nüshaya" ibaresi yer almaktadır.

- 3 Her gün tavâf-ı kûyuñ ıder zümre-i kirâm  
Dirler kapuña bâb-ı sa'âdet-me'âb-ı sa'd

-4\* -  
(12b)

*Fe'ilâtün Fe'ilâtün Fe'ilâtün Fe'ilün*

- 1 'İlm ile hayr-ı halef olduguñ için selef  
Kevkeb-i bahtuñ irişdi bugün evc-i şeref  
2 Sende mevcûddur devlet ile fazl u kemâl  
İrdi şânuñla şehâ Üç Şeref üç şeref

-5\*\* -  
(12b)

*Fe'ilâtün Mefâ'ilün Fe'ilün*

- 1 Merhamet kıl hemîşe dervîşe  
Kim bulara du'âdur endîşe  
2 Müstecâbu'd-du'â ola şâyed  
Çün bilürsin tehî degül mîşe

-6\*\*\* -  
(12b)

*Fe'ilâtün Mefâ'ilün Fe'ilün*

- 1 Nâz senden hakîrden zârî  
Bozmayalum efendi bâzârı  
2 Oldı dükkân-ı cân u dil târâc  
Böyle midür Tatar Bâzârı

3b. me'âb-ı sa'd: kitâb-ı sa'd.

\* "Fahru'l 'ulemâ Zeyrek-zâde Efendi Üç Şeref müderrisi iken yazılmışdır."

\*\* "Kemâlü'd-din Efendi Hazretlerine Derviş-nâm kimesneye şefa'ât-nâmedür."

\*\*\* "Ammi-zâde Ahmed Efendüm hazretleri Tatar Bâzârı kâdısı iken yazıldı."

-7\*-  
(14a)

*Fe'ilâtün Mefâ'ilün Fe'ilün*

- 1 Sensin ol serv-i bûstân-ı vakâr  
Kâmetüñ şâhsâr-ı tûbâvâr
- 2 Berg-i 'ayş-ı cihân o şâhdadur  
Oldı 'âlem anuñla ber-h'ûr-dâr

-8\*\* -  
(14a)

*Mefâ'ilün Fe'ilâtün Mefâ'ilün Fe'ilün*

- 1 'Azîz başuñ içün ey şeh-i huçeste-hisâl  
Bu bende cânibini lutfuñ itmesün ihmâl
- 2 Yeridür eyler isem hasb-i hâlümü tafsîl  
Velîkin ecme-i hâlât odur idem icmâl

-9-  
(26a)

*Mefâ'ilün Mefâ'ilün Fe'ülün*

- 1 Beni redd eyleme şâhum kapuñdan  
Şafâ'at isteyü geldüm tapuñdan
- 2 Kuluñ hasta kapuñ dârü's-şifâdur  
Devâ umar bu hasta hazretüñden

---

\* "Bostân-zâde Efendiye virilmiştir."

\*\* "Bu dahi anlara (Bostan-zâde Efendi'ye) virilmüştür."

-10\*-  
(26b)

*Fe'ilâtün Mefâ'ilün Fe'ilün*

- 1 Kapuñ oldı sened tapuñ mesned  
Vecdi-i bî-kese eben-'an-ced
- 2 Kapuñ ide küşâd u tapuñ şâd  
Dilerüm ol İlâh-ı hayy u samed

-11-  
(27a)

*Mefâ'ilün Mefâ'ilün Fe'ûlün*

- 1 Bu nat'-ı bî-bekâ vü bâ-fenâda  
Mürûr itdükçe şâh ile piyâde
- 2 Süvâr ol devlet ü ikbâl atına  
Ruh-ı düşmen bize olsun fütâde

-12-  
(27a)

*Mefâ'ilün Fe'ilâtün Mefâ'ilün Fe'ilün*

- 1 Nedür bu cûd u sehâ yâ ne bu 'atâ-yı garîb  
Keremle yâd olına 'abd-i pür-hatâ-yı garîb
- 2 Belâ velâya mı döndi nedür bu lutf u kerem  
Bu pür-belâya andan irdi bu velâ-yı garîb
- 3 Belâ deminde velâ yazdı kâtib-i kudret  
İrişdi lutf u nevâle bu mübtelâ-yı garîb

---

\* "Baba Efendi merhûma virilmiştir."



-13\* -  
(28a)

*Fâ'ilâtün Fâ'ilâtün Fâ'ilâtün Fâ'ilün*

- 1 Gül gibi hâr ile hem-demdür çün ol dildârimuz  
Tañ mı bülbül gibi artarsa figân u zârımız
- 2 'Aşkuña didük belî vü yokdur inkâra mecâl  
Çün elest ilinde alındı bizüm ikrârımız
- 3 Özge bâzâr itmişüz bâzâr-ı 'aşk-ı yârda  
Almışız yokluk metâ'ın cümle virüp varımız

-14\*\* -  
(32a)

*Fâ'ilâtün Fâ'ilâtün Fâ'ilâtün Fâ'ilün*

- 1 Mülk-i tende sadre geçdi hükm idüp sultân-ı berş  
Yıkıldılar mey-hâneyi vü yapıldılar dükkân-ı berş
- 2 Hokka açıldukda sakın dime Hind otın yimen  
Gör ne cevherler çıkar çünkim açıldı kân-ı berş
- 3 Geh sürûr it gâh gam çek bende-i maglûbısın  
İttibâ' it hükmüne çün böyledür fermân-ı berş

-15\*\*\* -  
(32b)

*Mefâ'ilün Mefâ'ilün Mefâ'ilün Mefâ'ilün*

- 1 Safâyîle tulû' iden bu iki matla'-ı garrâ  
Bulınmaz arasañ maşrıkda magribde buña hem-tâ
- 2 Eger Râci'-i rüchân olsa vezince müyesserdür  
Ki biri matla'-ı mehdür biri mihr-i cihân-ârâ

\* Manzume sayfanın sol kenarında yer almaktadır.

\*\* "Merhûm Sultân Süleyman Hân hamre yasağ idüp revâc-ı tiryâkde."

\*\*\* "Filibe'de Râci' ve Şafâyi-nâm şâirler iki matla' diyüp rüchânı su'âl itdüklerinde."

-16\*-  
(35a)

*Fe'ilâtün Mefâ'ilün Fe'ilün*

- 1 Şükrini iller itmeyince kazâ  
Medh dillerle niçe ola edâ
- 2 Cümle ağız bir eyleyüp diyelüm  
Sadr-ı devletde dâ'im ide Hudâ

-17-  
(35a)

*Fe'ilâtün Mefâ'ilün Fe'ilün*

- 1 Farz olınsa eger mesûbe-i karz  
Tola sahn-ı semâ vü safha-i arz
- 2 Dostlar hâcetin revâ itmek  
Olur ehl-i mürüvvet olana farz
- 3 Sîm şeş saddurur garaz hâlâ  
Bu du'â-nâme anı eyler 'arz

-18-  
(35a)

*Fe'ilâtün Mefâ'ilün Fe'ilün*

- 1 Ra'd iñler döger göge başın  
Bulut aglar döker yire yaşın
- 2 Na'ra-i 'âşıkânesi ra'duñ  
Felegi agladur yaşın yaşın

---

\* "Medhi Çelebi'ye yazılmışdur"; sayfanın üst kenarında yer almaktadır.

-19\*-  
(35b)

*Fe'ilâtün Mefâ'ilün Fe'ilün*

- 1 Seyr itdükce atla 'araba  
'Acem ü Rûm cânib-i 'Arab'a
- 2 'Arabî atlara süvâr ol sen  
Ola düşmen yanuñda çün 'araba

-20-  
(36a)

*Mefâ'ilün Mefâ'ilün Mefâ'ilün Mefâ'ilün*

- 1 Geçerken ehl-i sünnetden görüñ kim eyledi tугyân  
Kuşum kaldırdı baş yanında birdür 'avret u oğlan
- 2 Mübâhî bir ışıkdur koç taşagın cur'a-dân itmiş  
Veyâhûd bir kızıl başdur yatur yanında tutmak hân [?]

-21\*\*-  
(47b)

*Mefâ'ilün Fe'ilâtün Mefâ'ilün Fe'ilün*

- 1 Tapuñı itdi sebeb çün müsebbibü'l-esbâb  
Açup kapuñı buyırdı aña iyâb ü zihâb
- 2 Kapuña varur u tapuña turma yalvaruruz  
Hezâr hamd ki ni'me'l-cenâb ü ni'me'l-bâb
- 3 Harâbe dilleri ta'mîr eyledüñ ta'cîl  
Benüm de gönîlüm evini keremle yap yab yab

---

\* "At 'arabası ricâsında yazılmışdır."

\*\* "Zekeriyyâ Efendi'ye virilmişdür."

-22\* -  
(59a)

*Fâ'ilâtün Fâ'ilâtün Fâ'ilâtün Fâ'ilâtün*

- 1 İki bağlan bele gayret kuşagın şimşirveş  
Dil uzadup agız açma kimseye gel tırveş
- 2 Ey kemân-ebrû atarsan gayra tîr-i gamzeñi  
Zahm-ı tîrûñ sîne sahnında yatur zih-gîrveş

-23-  
(62b)

*Fe'ilâtün Fe'ilâtün Fe'ilâtün Fe'ilün*

- 1 Kızмага başlamış iken cemerâtıyla henüz  
Kızlanup pîrezen-i dehr ider berd-i 'acûz
- 2 Ahker-i necm ile germ olmadı tennûr-ı felek  
Kızdıra şu'le-i mihr ile meger harr-ı temmûz
- 3 Şöyle toñmışdurur 'âlem umarum sayf içre  
Bûstânlarda bulına güne karşı karpuz

-24\*\* -  
(65a)

*Mef'ûlü Mef'ûlün Mef'ûlü Mef'ûlün*

- 1 Râh-ı 'ademe anlar yârân ile gitmişler  
Cennetde tena'umçün ihvân ile gitmişler
- 2 Mü'minler idüğine bürhân ile gitmişler  
Ol iki birâderler îmân ile gitmişler

---

\* Sayfanın üst kenarında yer almaktadır.

\*\* "İstanbul'da Filibe'den Ali Çelebi ve İbrâhim Çelebi-nâm birâderler İmân Çelebi lakablu bir kimesne ile vefât itdükde."

-25-  
(66a)

**Fî-vasf-ı tekye-i Peçuy**

*Fe'ilâtün Mefâ'ilün Fe'ilün*

- 1 Kapısı dâ'imâ yapılmaz hîç  
Kim gelürse konar dimez er ü geç
- 2 Özge me'kel garîb meşrebdür  
Ni'metin tek ye suların tek iç

-26\*-  
(81a)

*Fe'ilâtün Mefâ'ilün Fe'ilün*

- 1 Ki baş üzre olup 'amâme gibi  
Ohşadum elde geh hamâme gibi
- 2 Okıyup sürdüm anı yüze göze  
Şâhdan bendesine nâme gibi

-27\*\* -  
(88b)

*Mefâ'ilün Mefâ'ilün Fe'ülün*

- 1 Zuhûra geldi eşrât-ı kıyâmet  
Tamâm oldu ikâmet gel kıyam et
- 2 Tutupdur 'arbede çün 'arz-ı Rûm'ı  
'Arab'da var makâmuñ Mısr u Şâm et

\* "Elkâb-nâme"; Sayfanın üst kenarında yer almaktadır.

\*\* Sayfanın sol kenarında yer almaktadır.

-28\*-  
(95b)

*Mefâ'ilün Mefâ'ilün Mefâ'ilün Mefâ'ilün*

- 1 Kamu müşkillerüñ her demde âsân ola sultânüm  
Ahibbâ şâdmân a'dâ hirâsân ola sultânüm
- 2 Kuluñ Vecdî'ye eltâfuñ firâvân ola sultânüm  
İşüñ dâ'im kerem in'âm u ihsân ola sultânüm

-29\*\*-  
(95b)

*Mefâ'ilün Mefâ'ilün Mefâ'ilün Mefâ'ilün*

- 1 Niçe bi-keslere feryâd-res olup bu dünyâda  
İrersin Hızrveş İlyâs iderken zâr u feryâda
- 2 Aduñ Hızr olmagın imdâd idesin biliş ü yada  
'Aceb zâhirdürür te'sîri esmânuñ müsemâmâda

-30-  
(97a)

*Mefâ'ilün Mefâ'ilün Fe'ülün*

- 1 Kerem kıl gel be-gâyet sakla mâlı  
Ki zîrâ mâlı gâyet saklamalı
- 2 Kemâl u fazl olupdur gerçi mergûb  
Kemâlüñ dahı mâl oldı me'âli

\* "Hızr-dem Hızr-kerem Hızr-şiyem sultânüm"

\*\* "Hızr Efendi tarafına irsâl olunmuşdur."

-31\*-  
(102a)

*Mefâ'ilün Mefâ'ilün Mefâ'ilün Mefâ'ilün*

- 1 Dil-i vîrânı ma'mûr itmeye lutfuñ yeter mi'mâr  
Harâbe vardı dâr-ı dil fenâ buldı der ü dîvâr
- 2 Yapılsun devletüñde mahkeme muhkem binâ olsun  
Şerî'at hânesi vîrâne olup gülmesün küffâr

---

\* “Plevne’de mahkeme evin ta’mirde Mihaloğlu ‘Ali Bey’e yazılmışdır.”

RUBÂÎ

(97a)

*Meḥḥûlû Meḥḥ'îlûn Meḥḥ'îlûn Fa'*

- 1 Kes vâkıf-ı gamzehâ-yı fettâneş nîst  
Der-şehr dili nîst ki kurbâneş nîst
- 2 İn turfe ki hûn-ı 'âlemî rîhte est  
Yek-dest-i tazallumî be-dâmâneş nîst



## MATLALAR-MÜFREDLER\*

### MATLALAR

-1\*\*-

(11b)

Vülâtüñ ecderiyüm ben kudâtuñ efkeregi  
Zamânuñ eñ eyüsi kâ'inâtuñ eñ geregi

-2 -

(11b)

Dîdede oldı hayâl-i hâl-i cânân merdümek  
Sanki bir mehd içre yatur tev'emân iki bebek

-3-

(11b)

Vasla şâd olımazam kim senetü'l-vasli sinetün  
Hicre giryân olurun kim sinetü'l-hecri senetün

-4-

(11b)

Sîne-i pür-dâga urdum yine mihnet sengini  
Gel gör ey şîrîn-dehen dag ile taşuñ cengini

-5-

(11b)

Merdüm belâda 'âlemi 'âlim gezer turur  
Sadr-ı safâda câhil oturur potur yatur

-6 -

(11b)

Merdüm belâ-yı 'aşk ile hayrân gezer turur  
Her nâzenîni der-bagal eyler potur yatur

\* Matlaların çoğu, yazma nüshanın sayfa kenarlarında yer almaktadır.

\*\* "Merhûm Kâdi Eñgerek Efendi hakkındadır."

-7-

(11b)

Bâlîn-i sengdür ki dildârı yastanur  
Billâh revâ midur o kapuda potur yatur

-8-

(11b)

Merdüm revâ mı setr-i gamda döner turur  
Bâlîn-i zer-keşe tayanur her potur yatur

-9-

(11b)

Didüm nigâre her gice kapuñda kim yatur  
Nâz ile güldi didi ki birkaç potur yatur

-10-

(11b)

O hâna hizmet itmek cânâ minnet  
O hâna hizmetidür 'ayn-ı 'izzet

-11-

(11b)

'Âşık mısın baña didi didim ki öyleyin  
Bir bûse 'ahd itdi didi gel öp öyleyin

-12-

(11b)

Ol şeh-i pür-girihe cân ü gönüldür müştâk  
Hoş zamân içre vire vasl Hudâ-yı Hallâk

-13\*-

(12b)

Ey şâh-ı 'adl bendeñe himmet zamânıdur  
'Abd-i hakîr ü bî-kese şefkat zamânıdur

---

\* "Bu ebyât Zeyrek-zâde Efendi tarafından Sultân Selim Hâna virilmiştir."

-14\*-

(12b)

Nâ'ib-i şer'-i nebiyy-i 'Arabî  
Kâtib-i mahkeme Ahmed Çelebi

-15-

(12b)

Hayl-ı huddâm-ı kirâma olunur 'arz-ı selâm  
Siyyemâ Yûsuf Ağâ'ya çok tahiyyat çok peyâm

-16-

(14b)

Başum üzre halka-i dūd-ı siyâh eksük degül  
Kelle sag olsun cihânda bir külâh eksük degül

-17-

(14b)

Hazz-ı ni'met n'idüğün bilmek dilerseñ aca sor  
Kadr-i sîm ü zer nedür fehm itmege muhtâca sor

-18-

(15a)

Alınma kâle hâlûñ gör ko ne dirse disün 'âlem  
Cihân-gîr olsa kâbildür zebân-gîr olımañ âdem

-19-

(15a)

Bi'llâh ey dîde benüm 'aynumı kande gördün  
O kadar yaş geçirdüñ bu kadar dem sürdüñ

-20-

(15a)

Bir gürg-i merdüm-h'âr imiş yermiş ger erkek ger dişi  
Aldanmayalum hîledür rûbâh-ı dehrüñ gerdişi

---

\* Beytin sonunda "hidmetlerine tahiyyât ve's-selâm" ibaresi yer almaktadır.

-21-

(15a)

Mâluñı kılma telef yok yire isrâf eyleme  
Eyleyüp göt ginlgin el tarlıgından aglama

-22-

(15a)

La'lini bûs idüp olsam ol şeker-lebden cüdâ  
Sanurum kim cân-ı şîrîn oldı kâlîbdan cüdâ

-23-

(15a)

Gerçi bir bagrı delinmiş 'âşık-ı şûrîdeyin  
Senden ey ney nâlem artukdur hele neysem neyin

-24-

(15a)

Dilin sordum didüm ne nesnecükdür  
Didi palûze ya'nî peltecükdür

-25-

(15a)

Dil-i bî-sabr ider zârî vü çeşm-i eşk-[fe]şân aglar  
'Acebdür hâl-i 'âlem olan aglar olmayan aglar

-26\*-

(17a)

Egerçi ol iki şehler şehîd-i Kerbelâ oldı  
Fîrâkı cânlara ammâ belâ üzre belâ oldı

-27-

(24a)

Şöyle hazz alur gönül câm-ı şarâb-ı nâbdan  
Almaya dil-teşneler ol hazzı şûrb-i âbdan

---

\* Beyit, sayfanın alt kenarındadır, beytin başında "Fi'l-Hasaneyn" ibaresi bulunmaktadır.

-28-

(24a)

Âlâyiş-i cihâna meyl itmedüm sanursuñ  
Ey gâfil aç gözüñi gâyetde aldanursuñ

-29-

(24a)

Yogurup eşk ile hâk-i teni tahmîr itdüm  
Hâne-i 'aşkı ben ol hâk ile ta'mîr itdüm

-30-

(25b)

Bu gülşen içre gülveş gül sen ol açıl gel ey pür-gam  
Saña söyler fem-i gonca saña gül-bâng ider her dem

-31-

(25b)

Bu 'abd-i nâ-murâdı nâme-i lutfuñla yâd eyle  
Göñül tıflını şâhum gonca-i zanbakla şâd eyle

-32-

(25b)

Gelüp gül câmi'ine vakti fevt itme diyü her dem  
Menâr-ı şâhda bülbül gibi gül bâng ider dem dem

-33-

(26a)

Hasta bendeñ tapuñ tabîb-i şefîk  
Seni sevk itdi sâ'ik-i tevîk

-34-

(26a)

Serzenişden hazz alur yâri der-âgûş isteyen  
Darb-ı nîşe kâ'il olur lezzet-i nûş isteyen

-35-

(26a)

Cerîme birle toldı çerm ü cirmüm oldı 'ayn-ı cürm  
N'olur ben mücrimüñ hâli olursa cürme göre cirm

-36\*-  
(26b)

Devlet-me'âb 'izzet-nisâb zât-ı sa'âdet-intisâb  
İhyâ-i dîn ü şer' iden Yahyâ Efendi-i kâm-yâb

-37-  
(26b)

Hamd ü senâ vü şükr idegör ko şikâyeti  
Çokdur gamuñ hikâyeti yokdur nihâyeti

-38-  
(27a)

Dermânda olmayum dir iseñ dâ'imâ eger  
Bir derdmend derdine dermânda olıgör

-39-  
(27a)

Âh idüp dil-hasteler derd-i dile dermân arar  
Gör tabîb-i hâzıkı tîmâra bir bîmâr arar

-40-  
(27a)

Didi gören yüzüñi hat-ı müşk-bâr ile  
Âyînedür ki ola mücellâ gubâr ile

-41-  
(30a)

Cihân zulm-ı firâvân itdi şâhum 'adl u dâd eyle  
Kuluñ Vecdî du'â-gûyuñ esirge ber-murâd eyle

-42-  
(33b)

'Ömr ü devlet ber-devâm kadr u izzet ber-mezîd  
Her giceñ kadr u berât ü her günüñ nev-rûz u 'îd

---

\* Bu beytin altında "Ahbâbuñ ihyâ ide Hakk a'dâsını ide türâb" mısra'ı yer almaktadır.

-43-

(34a)

Ey diyen hâlûñ nedür mehcûr-ı kûy-ı yârdan  
Bûlbûlûñ hâlî n'ola dûr olıcak gülzârdan

-44-

(34a)

Hayâl-i hâl-i ruhuñ olsa dîdeden hâlî  
Göñül şu murga döner ki ola dâneden hâlî

-45-

(34a)

Özümdür ibni âdem âdem-i insân  
İşim zenb ü gücüm 'isyân u nisyân

-46-

(35b)

Şubân u hûb gördüñ körpe kuzı koynın istersin  
Sakın ey gürg-i nefsum berre yemezsin bere yersin

-47-

(35b)

La'le beñzer sîb-i ra'nâlar fedâ itdüñ bize  
Hak ta'âlâ dürr ü cevherler 'atâ itsün size

-48-

(37a)

Bülend mertebesin lîk göñlüñ alçakda  
Güneş gibi özi 'âlî ziyâsı toprakda

-49-

(37b)

Cigereddür okuñ o dem söyinsün  
Ne et yansun begüm ne şiş göyünsün

-50-

(37b)

Sâkî 'arakla yandı ciger nite kim kebâb  
Kan derledüm içince meded bir kadeh şarâb

-51-

(37b)

İverüz görmege yüzüñi şitâb  
Toga ay âftâb-ı 'âlem-tâb

-52-

(37b)

Şevkum olmaz âftâbum setr iderse gündüzin  
Hâne-i dil rûşen olmaz görse biñ kez meh yüzün

-53-

(37b)

Şarâb-ı erguvân nûş it ki bu devrân degül bâkî  
*Edir ke'sen ve nâvîlhâ elâ yâ eyyühe's-sâkî*

-54-

(38a)

Çünkü ol serv-i revân tutdı gülistân yolların  
Bâd-ı âhum pâk iderse n'ola bustân yolların

-55-

(38a)

İtsün hezârân zârlar kılsun tebessüm gonceler  
Ârî meseldür söylenür bülbüller aglar gül güler

-56-

(38a)

Kadûñ yâdına sînemde elif çeksem nihâl ohşar  
Hatuñ vasfını tahrîr eylesem her nokta hâl ohşar

-57-

(38b)

Sen lebi şîrîn içün Ferhâd'dür dirler baña  
Kûh-ı mihnet kazmada üstâd dirler baña



-58-

(38b)

Geldi bir nâme virdi kara haber  
Ki vefât eylemiş o cân peder

-59-

(38b)

Dide giryân u dil perîşân-hâl  
Hâne-i cânda gussa mâl-â mâl

-60-

(38b)

Şular ki virmediler râh işigüñe râh  
Hümü'llezîne yesuddüne 'an-sebîli'llâh

-61-

(49a)

Dimeñ kenîz zere düşdi kaldı ayakda  
Gulâm Yûsuf-ı Mısırî gibi satılmakta

-62-

(49a)

Felek yüz virse kendün görme zinhâr  
Bu bir âyinedür biñ sûratı var

-63-

(55a)

Mekîn-i sâdr-ı kadr idüm mekânım şimdi künc itme  
Beni aglatma ahhâb içre a'dâya gülünç itme

-64-

(59b)

Husûf ile kûsûf irse 'aceb mi mihr ile mâha  
O iki cânı cânî gibi tutup saldılar çâha

-65-

(61b)

Sad çâk-i belâ var ten-i pür dâg arasında  
Vâdîler olupdur her iki tag arasında

-66\*-

(62a)

Şiddet-i tag-ı belâdur n'idelüm n'eyleyelüm  
Kabrovası'na varınca ne çekersek çekelüm

-67-

(64b)

Rûzgâr 'arz eyledükde baña senden infisâl  
İztırâba düşdi cân san itdi tenden infisâl

-68-

(64b)

Gözyaşın sarf eyledükçe girye eyler dem-be-dem  
Her kişi harcından aglar bir 'aceb demdür bu dem

-69-

(64b)

Güneşden nûr ugurlamış şehâ ol meh dinen ebter  
Eyü nesne içün gezmez giceyle seyr iden ekser

-70-

(64b)

Günden ugurlamış ol meh didükleri ugru  
Togdukda egri toğan soñra ola mı togru

-71-

(64b)

Sanma devr-i la'l-i dil-berde olan teb-hâledür  
Câm-ı mey üzre habâb u verd-i terde jâledür

---

\* "Cebel-i Balkan 'ubür olup Kabrova-nâm karyeye varıldukda dinilmişdür."

-72\*-

(64b)

Gonce-i kalbüm açılup sevinürdi cânum  
Yüzüme bir güle baksa o gül-i handânüm

-73-

(64b)

Cân dîd ki der-nergis-i tû huft fitenhâ  
Goftâ ki men eykâza la'ane'llâhu 'aleyhâ

-74-

(65a)

Sakın bu çarh-ı kec-revden ki saña geçmesün bir rev  
Kücâ Leylî kücâ Mecnûn kücâ Şîrîn u Keyhusrev

-75\*\* -

(65b)

Sanmañuz anı çiçek ahabâba virmeñ ıztırâb  
'Ârızî âbına ârızdur habâb-ı bî-hisâb

-76-

(88b)

Gelür cân agzuma gamla hayât ancak kalur lebde  
Huzûrum yok fütûrum çok muhassal kalb u kâlîbda

-77-

(95a)

Medhi cânum başum üzre ol mehüñ  
Âb-ı rûyîdur o 'âlî-dergehüñ

---

\* Filibe'de Gül-i handân-nâm cüvân hakkında dinmişdür. Sayfanın sağ kenarında yer almaktadır.

\*\* "Filibe'de Gül-i handân-nâm cüvân hakkında dinmişdür."

-78\*-

(95a)

Hazret-i Hızr nebî gibi cenânda cânım  
Vecdi'nün hayretine Hızr iriş sultânım

-79-

(95a)

Be-hakk-ı hazret-i Mûsâ Kâzım  
Bula itdüklerin Mûsâ zâlim

-80-

(95a)

Dest-i devrândan yidüm bi-vech ra'nâ stilleler  
Kaldum ayaklarda sultânım neler gördüm neler

-81-

(95a)

Elde mâlum dilde kâlüm kalmadı  
Zerrece aslâ mecâlüm kalmadı

-82-

(96a)

Kusûr-ı nâme ma'zûr ola ey şâh  
Ki dünyâ içre yañılmaz bir Allâh

-83\*\* -

(96a)

Ža'if ü müznib ü hem nâ-tüvânem  
'Adûnuñ çeşmine lîkin sinânem

-84-

(96a)

Sakınurken yazılır anca mahzûr  
Kusûr-nâme şâhum ola ma'zûr

---

\* Hızr Efendi hazretlerine yazılmışdır. Sayfanın alt kenarında yer almaktadır.

\*\* "Mühr-i Sinân Paşa"

-85\*-

(96a)

Dâred heme-dem ümmîd-i sa'dî  
Pür mazhar-ı lâ-nebiyye bâ'dî

-86\*\* -

(96a)

Yâ şâfi'a kull 'âciz u miskîn  
İşfâ li-Muhammed bin Sa'du'd-dîn

-87-

(97a)

Hîç ele mâl-ı yetîm ile mey almalu degül  
Ger birin al diseler saña mey al mâlı degül

-88-

(97a)

Mey ile mâl-ı yetîmi ele almalu degül  
Ele almalu olunca meyi almalı degül

-89\*\*\* -

(97a)

Biñ on iki recebi on sekizi bulam had  
Pâdşâh oldu geçüp tahtına Sultân Ahmed

-90\*\*\*\* -

(102b)

Devrden cevır görüp halka şikâyet müşkil  
Havf-ı tasdî'-i kirâm olsa hikâyet müşkil

---

\* "Mühr-i H'âce Efendi"

\*\* "Mühr-i H'âce-zâde Mehmed Çelebi"

\*\*\* "Târih-i cülûs-ı Sultân Ahmed"

\*\*\*\* Sayfanın alt kenarında yer alan bu beytin yanında şu ifade vardır: "Hükkâm-ı memâlik-i hücec-i sicillât ü küttâb defâtir-i hasenât u hayrât Nüvvâb-ı fezâ'il-meâb efendiler erkâm-ı 'anber-fâm gibi hoş-büy selâm u aklâm-ı mu'ciz-nizâm gibi peyâm-ı pür-ihtirâm 'arz olunur."

## MÜFREDLER\*

-1\*\*-

(11b)

Garîbüm merdüm-i çeşmümdür ancak acır u aglar  
Ölürsem şu'le-i âhumdan ayruk bir yanarum yok

-2-

(12b)

Kâdı-ı şehri-i şer' hazretine  
'Arz olunur hezâr bâr selâm

-3-

(13a)

Sâfi-dil ol çü şemşîr kat' eyle mâ-sivâyı  
Çalış huzûr-ı Hakk'a varmagiçün yaraklan

-4-

(15a)

Başum üstinde degirmen yüriye çarh gibi  
Ben niçe fikr-i dakik ile cihânda ögünem

-5-

(15a)

Hem-demüz biz figân ile ney ile  
Dem ü lahmüz kebâb ile müdâm

-6-

(24a)

Dâne-i eşküm saçup yüz yirde sürdüm yüz yire  
Hirmen-i 'ömri savurdum hâsılum oldu hebâ

---

\*Müfredlerin pek çoğu yazma nüshanın sayfa kenarlarında yer almaktadır.

\*\* Aynı müfred 15a'da da yer almaktadır. Buradaki beyitte 2. mısradaki yanarum kelimesi niyâzum şeklindedir.

-7\*-

(28b)

Çeler sahrâ-yı ‘âlemde şikârı  
Tutanlar elde şâhîn gibi altun

-8-

(32b)

Mîm agzuñ lâm zülfüñ ya kaşuñı göricek  
İhtiyârum gitdi elden anlara meyl eyledüm

-9-

(37b)

Tevâzu’ sâhibi olup yüzi yerde gerek âdem  
Eger ‘izzetle gün gibi irerse göklere başı

-10-

(38a)

Felekde görinen encüm degüldür tîr-i âhumla  
Tokuz tâsını bu çarhuñ delüp gırbâle döndürdüm

-11-

(38a)

Çıkmadı gözden hayâlûñ her yaña itdüm nazar  
Dil-berâ hercâyisin her câda olursın ‘ayân

-12-

(38a)

Câmi’-i ‘aşka olupdur kâmet-i ‘âşık menâr  
Dest ü ser mîl ü medâr u dil mü’ezzin âh ezân

-13\*\*-

(46a)

Sorarsañ hâl-i Vecdi-i garîbi  
Gam ile muztarib pür-tâb u tebdür

\* “Lübb-i Emr-i Meymün: Hatt-ı hümayûn-ı sultânî ki nazir-i emr-i hümayûn-ı hâkânîdür.  
Hüsn-i te’şiri birle kulüb-ı ahrân esir itmîşdür.”

\*\* “Bu ebyât dahi Zekerîyyâ Efendi’ye virilmişdür.”

-14-

(64a)

Seyr-i didâr itdüğün bi-hûde sanmañ 'âşıkın  
Nakş seyrinden garaz tahsindür nakkâşına

-15-

(64b)

Gözini açup kaparsın mürğ-ı cânı sanurum  
Bir siyeh şâhin süzilüp bâl ü per açup kapar

-16-

(64b)

Delüp Ferhâd bagrını neye döndürdi kühsâruñ  
Añılsa nâm-ı Şîrîn Bî-sütûn içre figân gitmez

-17-

(64b)

'Âşık-ı şûrîde dûr olsa diyâr-ı yârdan  
Cennet olsa hazz alınmaz sohbet-i agyârdan

-18-

(64b)

Râzıyum rüyuñ ırakdan görmege  
Zî-sa'âdet ger olursa an-karîb

-19-

(66a)

Degül encüm görinenler felekde tîr-i âhumla  
Tokuz tâsını bu çerhüñ delüp gırbâle döndürdüm

-20-

(101a)

İnne'l-kirâme izâ mâ eshelû üzkirû  
Men kâne bi'l-fehmi fi'l-menzili'l-hüsn

-21-

(102b)

Hufte ber-sincâb-ı şâhî nâzenînî-râ çi gam  
Ger zi-hâr u hâre sâzed pister ü bâlîn-i garîb



**MUAMMALAR\*****-1-****(32b)****Mu'ammâ-i Selmân**

Kasd itdi i'lâm itmege nâm-ı latîfin ol nigâr  
Virüp selâm andan didi hayfâ ki gitdi togrı mâr

**-2-****(32b)****Mu'ammâ-i Beytî**

Sordum adını lutf ile didi yâr  
Leyse fi'd-dâr gayrenâ deyyâr

**-3-****(32b)****Mu'ammâ-i râh**

Surâhî başını kes lâleveş hûnı feşân olsun  
Ayagı al ele sâkî müdâm anda nihân olsun

**-4-****(62a)****Mu'ammâ be-ism-i nâzır**

Görenler kâmet-i mevzûn-ı yâri  
Diyeler servveş olsun nazarda

---

\* İlk üç mu'amma sayfanın sağ kenarında yer almaktadır.





## MENSUR (MANZUM-MENSUR) METİNLER

-1-  
(5a)

## Kütahya'da Müderrisinden Birisine Virilen 'Arz Sûretidür

'Atebe-i 'aliyye-i 'adâlet-penâh ve südde-i seniyye-i sa'âdet-destgâh "*lâ-zâle mahmiyyen fî-zilli mâlikihî el-mahvûf bi-'avârifi'l-meliki'l-ilâh*" turâbına 'arz-ı dâ'i-i bi-iştibâh oldur ki nefis-i Kütahya'da medfûn olup zühd ü takvâ ile ma'rûf merhûm Monlâ 'Abdu'l-vâcid 'aleyhi rahmetü'l- meliki'l-vâhid evlâdından olup elli akçe ile bi'l-fi'l merhûm Germiyanoglu Medresesinde müderris olan râfi'-i rakk-ı rıkk Mevlânâ 'Alî dâ'îyyeleri ziver-i 'ilm ile ârâste ve hilye-i hilm ile pîrâste sâlih ü mütedeyyin ve hüsn-i hâli beyyin, akrânı beyninde fâ'ik İçil medârisine lâayık olup fî'l-hakîka merâsim-i tadrîsi ke-mâ yenbagî râ'î ve zümre-i tâlibini ifâdeye sâ'î olduğundan mâ'adâ mukaddemen kirâren ve mirâren elli akçe medreselerde takvâ ile fetvâyı cem' itmiş her vech ile müstehakk-ı 'âtıfet-i pâdşâhî bir pîr-i rûşen-zamîr dâ'ileridür ve bunun emsâli dâ'ilerine ri'âyet olunmak kânûn-ı şehenşâhî olmanın hâlâ mutasarrıf olduğu medresesi İçil hükmi ile ibkâ buyurılıp gâ'ile-i 'azlden masûn olmak ricâsına vâkî-i hâl 'atebe-i 'âlem-penâha 'arz olındı, bâkî fermân der-i 'adâlet-unvâna menûtdur.

-2-  
(13a-19b)

[Mesnevî]:

*Fe'ilâtün Mefâ'ilün Fe'ilün*

- 1 Söyle ey 'andelîb-i gülşen-i râz  
Sûz-ı 'aşk ile kıl söze âgâz
- 2 İsm ile bir iki harf edâ eyle  
Fî'le ism ile ibtidâ eyle
- 3 İbtidâ fî'l-hakîka ism ister  
Kenz-i mahfidürür tılsım ister

- 4 Besmele ‘asker-i kelâma emîr  
Hamdeledür aña vezîr-i kebîr
- 5 Sühan iklimine odur sultân  
Tutdı ‘unvân ile ‘aceb divân
- 6 Oldı sâ’ir sözi kafâdarı  
Hamdeledür anuñ livâdarı
- 7 Muntazam oluben cünûd-ı sûtûr  
Saf saf ol pâdşâha karşı turur
- 8 ‘Askere reh-ber olmasa server  
Olmaya bâb-ı remze feth u zafer
- 9 Olsa halk içre muktedâ vü imâm  
Ol cemâ’at bulur nizâm-ı tamâm

“*Hayru fâtihati’l-keîâm, fâtihatu hayri’l-keîâm*” peyâm-ı sa’âdet-encâmıyle ‘âmil ve feth-i bâb-ı medh-i fâtihâ-i ‘izzet-fâ’iha ve devlet-râ’iha idüp hüsn-i hâtime bulan kirâm-ı lâzımı’l-ikrâm ve lâzibü’l-ihtirâm zümresine dâhil olup kârî vü debîr sagîr ü kebîr himmeti iksîr-te’sîr ve nazarı nazır-nazîr bir şe’n-kerîm ü cevvd ve ‘inâyet-i’tiyâd rûh fâtihâ fâtihâ diyü du’â ile yâd ve hâtır-ı fâtır u gamgînini şâd itmek ümîdine Vecdî-i garîb u mahzûn ol bâbda bir iki mısra’-ı nâ-mevzûn inşâ vü inşâd ider el-hak ümîd-i vâsık ve ricâ-i sâdık budur ki rûz-ı cezâda mîzân-ı mesûbâtta mevzû’ ve mevzûn ve bâ’is-i merâtib-i gûn-â-gûn ola âmîn bi-hakki Muhammedi’l-emîn “*Küllü emrin zî-bâlin lem yûbde’ bi-hamdi’llâhi fehüve akta*” haber-i maktû’u’l-eseri hasebince bu kâ’im-i vasf-ı fâtihâ-i ‘izzet-hâtime ve devlet-i dâ’ime beyânındadır. [Mesnevî]:

#### Evsâf-ı cemîle-i hamdele-i celîle

*Müfte’ilün Müfte’ilün Fâ’ilün*

- 1 Hamd kıl Allâh’a ki arta ni’am  
Hamd ile olur çü kişi muhterem
- 2 Levh-i cenânda anı mestûr kıl  
Bâg-ı cinânda niçe biñ hûr kıl

- 3 Eyleme hamd itmede bugün kusûr  
Tâ ki müyesser ola yarın kusûr
- 4 Hamd livâsın elüñe al bu dem  
Yarın olam dir iseñ mîrû'l-'alem
- 5 Sûre-i hamdi yûri vird it dile  
Sıdk ile ihlâs ile biñ derd ile
- 6 Mün'imüñ añ ni'metin insâfa gel  
Ref'-i bedî eyle hoş evsâfa gel
- 7 Hamd sözün söyle yûri muttasıl  
Añla nedür sırr-ı "tecerred tesil"
- 8 Zerre gibi mihr-i cihâna iriş  
Katre gibi bahr-ı revâna giriş
- 9 Asla dürüş fer' ile bâzârı ko  
Yâr ile yâr ol yûri agyârı ko

## [Mesnevî]:

*Müfte'ilün Müfte'ilün Fâ'ilün*

- 1 Bi'smi'llâhi'r-rahmâni'r-rahîm  
Hâdi-i cûyân-ı reh-i müstakîm
- 2 Bi'smi'llâhi'r-rahmâni'r-rahîm  
Evvel-i her sûre-i 'ilm-i hakîm
- 3 Bi'smillâhi'r-rahmâni'r-rahîm  
Hallisnâ 'an-nekebâtı'r-racîm
- 4 Bi'smi'llâhi'r-rahmâni'r-rahîm  
Serv-i ser-efrâz-ı riyâz-ı na'îm
- 5 Bi'smi'llâhi'r-rahmâni'r-rahîm  
Tûba-yı cennât-ı kelâm-ı kadîm
- 6 Bulsa 'aceb mi bu şecer dâ'imâ  
Ma'na zülâli ile neşv ü nemâ
- 7 Feth u zamm u noktaları âşkâr  
Zihî şecer pür-semer ü pür-bahâr

- 8 Mîveleridür o nihâlün havâs  
Nef' bulur anuñ ile 'âm u hâs
- 9 Hattı ara ger ola zer târ-mâr  
Hûb olur çün şecer-i pür-bahâr
- 10 Hak yolına gidene budur refik  
Yoluña refik ol ola ni'me't-tarîk
- 11 Bu dil-i mahzûnı ider tesliye  
Besmele vü hamdele vü tasliye

Kâle'n-Nebîyyü's-sâhibü'l-kevser: "*Küllü emrin zî-bâlin lem yûbde' bi-bi'smillâh fe-hüve ebter*" Tâ'ir-i emr-i zî-bâl hem-cenâh-ı hü mâ-yı besmele-i îzed-i müte'âl ve hem-pervâz-ı şeh-bâz-ı hamdele-i hazret-i zü'l-celâl ve'l-efdâl ve dem-sâz-ı bülbül-i hoş-âvâz-ı tasliye-i salvele-i nebiyyi kerîmü'l-hisâl olup hevâ-yı tecevvüzi itmese tecâvüz hakikatde zî-bâl olmaz belki murg-ı bismil gibi şûrîde-hâl olup gurâb-ı garîb-i şikeste-per-misâl hareket ü tayerâna mecâl bulmaz. [Mesnevî]:

**Hikâyet-i şîrîn-rivâyet der-fezâ'il-i besmele-i mükەرreme\***

*Müfte'ilün Müfte'ilün Fâ'ilün*

- 1 Hazret-i Mûsâ o şeh-i enbiyâ  
Bir maraza olmuş idi mübtelâ
- 2 Ol kadar itdi maraz anı za'îf  
Gitti kamu kuvvet u kaldı nahîf
- 3 Didi fülân ot saña nâfi'dür ol  
Var anı ekl eyle ki dâfi'dür ol
- 4 Emrin efendisiniñ ol 'abd-i hâs  
Tutdı vü buldı marazından halâs
- 5 Bir niçe gün buldı ifâkat-ı tâm  
Yine marîz oldu o şâh-ı benâm

\* Bu manzumenin 1 ve 2. beyitleri 13b'de yer almaktadır.

- 6 Dahı varup yidi ol otdan hemân  
Bulmadı ammâ marazından emân
- 7 Didi ki yâ Rabbi buyurduñ devâ  
Ol otı kim yidüm idi evvelâ
- 8 Yiyicek oldum anı buldum şifâ  
Hasta idim derdüme oldu devâ
- 9 Soñra yedükde niçün itmez 'ilâc  
Bulmuş idi râhat añunla mizâc
- 10 Girü ol otdur yedigüm bî-gümân  
Bunda ne sır vardurur eyle 'ayân
- 11 İrdi aña hazret-i Hak'dan nidâ  
Ey ki diler derdine otdan devâ
- 12 Sen anı bilmez misin ey merd-i dîn  
Semm-i helâhildürür 'âlem hemîn
- 13 Anlara tiryâkdürür besmele  
Anlara tiryâkdürür hamdele
- 14 Her ne yir isen yi anı ism ile  
Her ne dir isen di anı ism ile
- 15 Ol otı kim yimiş idüñ evvelâ  
Nâmumı yâd eyledüñ oldu devâ
- 16 Soñra otı yimede noksân idüp  
İsmümi zikr itmede nisyân idüp
- 17 Nâmum añup yemiş olayduñ otı  
Görmez idüñ za'f ile bu mihneti
- 18 Hazret-i Hak'dan olıcak bu 'itâb  
Hâtır-ı pâkine gelüp ıztırâb
- 19 Besmelenüñ 'izzetini añladı  
Kendü hatâsını biraz tañladı
- 20 Aglayuben inleyüben zâr zâr  
Eyledi bu vech ile çok i'tizâr



- 21 Didi ki yâ Rabbi hatâ bendedür  
Şükr aña kim lutf u ‘atâ sendedür
- 22 Derd bir iken ikiye ugradum  
Tîg-i hicâb ile cîger togradum
- 23 Eyle tamâm lutf ile noksânımı  
Mahv kıl ol sehv ile nisyânımı
- 24 Besmele yüzi suyuna ol İlâh  
‘Afv idüp komadı aslâ günâh
- 25 Buncılayın hâssa ey zuhr-ı nâs  
Besmelede bî-’aded ü bî-kıyâs
- 26 Hâssası ‘âleme günden ‘ayân  
Ol ki ‘ayân ola ne hâcet beyân

[Müstezâd]:

**Zikru temcîd-i Melik-i Mecîd ve Münâcât-ı Kadî’l-hâcât**

*Mef’ûlû Mefâ’îlû Mefâ’îlû Fe’ûlûn*  
*Mef’ûlû Fe’ûlûn (Fe’ûl)*

- 1 Ey hâlık-ı ‘âlem senüñ emrûñdedür eşyâ  
V’ey fâ’il-i mâ-şâ
- 2 Hikmetlerüññüñ sırrına hayrândurur ârâ  
Kande ola ifşâ
- 3 Tâ mazharını bula celâlünle cemâlün  
Virdün anuñ içün
- 4 A’dâña sakar dostlara cennet-i me’vâ  
Gülşen-i a’lâ
- 5 Bir kimse haberdâr degül cümle sen itdün  
Ey kâtib-i kudret
- 6 Hikmet kalemi birle ezel hattını inşâ  
Mahv ola hâşâ

**Gazel-i Mümtâz der-Tevhîd-i Melîk-i Vâhid-i bî-Enbâz***Fâ'ilâtün Fâ'ilâtün Fâ'ilâtün Fâ'ilün*

- 1 Levha-i îcâda kudret kilki yazmadan elif  
Zâtuñ bir añlayup tevhîde oldum mu'terif
- 2 'Âlem-i ervâhda tevhîde ikrâr itdi halk  
Soñra inkâr itdiler oldı mesâ'il muhtelif
- 3 Kubbe-i eflâk sâbûn topına dönse n'ola  
Şa'şa'yile çünki hürşîd oldı sâbûn ile lif
- 4 Hâne-i dilde hayâl-i hûblar tutdı karâr  
Beñzedi Ashâb-ı Kehf'e gar içinde mu'tekif
- 5 Vecdiyâ tevhîd-i Hakk iş'âr ider her bir giyâh  
Zât-ı pâküñ birleyüp kaldırdı barmak çün elif

**[Kasîde]:**

**Mükâleme bi'llâh u mu'âmele vü mucâmele ma'allâh mütevekkilen 'alâ'llâh u mütevessilen bi-nebiya'llâh**

*Mefâ'ilün Mefâ'ilün Fe'ûlün*

- 1 Baña zulm itdi nefsi-zâlim Allâh  
Saña aglayu geldüm hâlüm Allâh
- 2 Ne lâzım kul kapuñda kâle gelmek  
Bilürsün hâlimüz ey 'âlim Allâh
- 3 Bizi 'aşkuñ adı yaksun kül itsün  
Yanalum cümleten yanalum Allâh
- 4 Özüñ birdür Muhammed'dür resûlüñ  
Budur dînüm budur îmânum Allâh
- 5 Ricâmuz budurur yarınki günde  
Bu dîn üzre koyar Deyyân'um Allâh
- 6 Ayırma bizi lutf it Mustafâ'dan  
Budur minnet saña Mennân'um Allâh
- 7 Eger 'aşkuñ gönülde yâr olursa  
Kamu terk eylerüm yârânüm Allâh

- 8 Sarây-ı sîne hâlîdür senüñçün  
Umarum olasın mihmânum Allâh
- 9 Revân it hükmüñi mülk-i bedende  
Serîr-i sîne sultânüm Allâh
- 10 Vücûd iklimine emmâre nefsüm  
Beter hükm itdi yiter hânüm Allâh
- 11 Benüm her derdüme dermân olurdu  
Olaydı derdüñe dermânüm Allâh
- 12 Beni benlik belâsından halâs it  
Belürsiz eyle ad u sanum Allâh
- 13 Özüñ özler yüzüñ gözler dil ü cân  
Bu vech ile geçer eyyâmüm Allâh
- 14 Sırât üzre geçerken al elümi  
Ayagum kaymadan kıl sâlim Allâh
- 15 Rızâñ ister gice gündüz ‘ibâduñ  
Kim olur sâ’im u kim kâ’im Allâh
- 16 Niçe aka su gibi gördüğine  
Benüm bu hâtır-ı meyyâlüm Allâh

**Ta’rîf-i seyyidü’l-Murselîn ve tavsîf-i hatemü’n-nebiyyîn ve ‘acz u kusûr izhâr ile  
‘arz-ı i’tizârdur. Allâhümme salli ‘aleyhi ve ‘alâ-âlihi**

Medh-i resûl ve na’t-ı nebî husûsan hüsn-i evsâf-ı Muhammed-i ‘Arabî ‘amel-i  
ahmak ü emel-i gabî olmaduğı ashâb-ı zekâ ve erbâb-ı fitne hafî ve habî degüldür.  
Lâ-cerem esrâr-ı usûle vusûl bulan ebrâr ve ahyâr dâ’ire-i gûyendegiden firâr ve  
tınmamak mûsıkî yerine geçer makâmında karâr idüp **Beyt:**

Çünkü sükût ister imiş bu makâm  
‘Arz-ı salat eyleyelüm ve’s-selâm

diyü hubb-ı resûli dilde izmâr ve izhâr-ı ‘acz u kusûr ile ikrâr ve ‘arz-ı i’tizâr  
eyleyüp **Beyt:**

Fehm-i râzeş nekunem û 'Arabî men 'Acemî  
Lâf-ı 'aşkeş çi zenem û Kureşî men Habeşî

buyurmuşlardur, lâkin kıssa-i pîre-zen-i Yûsuf-ı Ken'ân hâtır-ı fâtıra halecân idüp  
mücerred saff-ı vâsıfânda bulunmak sebeb-i 'inâyet-i ehadî ve bâ'is-i şefa'ât-i  
Ahmedî olmak ricâsıyla **Beyt:**

Rişte-i cân u dili 'arz idüp itdüm talebi  
Tâ olam müşteri-i Yûsuf-ı Ken'ân nebî

muhassal-ı merâm cevâhir-i kelâm-ı mümkünü'l-intizâmdan hasebî'l-makdûr  
manzûm ve mensûr güftâr-ı muhtâr dahı olmasa ihtiyâr olunur; zirâ bûte-i sanâ'at-ı  
sıyâgat-ı kelâmı kâl olan ehl-i hâle pûşide vü mahfî degüldür ki zerkâr-ı bedkârûñ  
'amel-i nâ-hem-vârı sîm-i sâf u zeheb-i mühezzebûñ 'aynına reyn ü 'ayb virmez ve  
vassâf-ı hulûs-ittisâfuñ kelimât-ı sakîme ve ibârât-ı 'akîmesinden mevsûf ma'rûfu'l-  
evsâfuñ 'uluvv-ı şânına şeyn ü rayb irmez. "*İnn 'allâhe lâ-yenzuru ilâ-suverikum velâ  
ilâ-a'mâlikum velâkin yenzuru ilâ-kulûbikum ve niyyâtikum*" haber-i kudsiyyu'l-  
eseri bu husûsa şâhid ve müzîl-i cehd-i câhiddür ve devr-i Mûsâ 'aleyhi's-selâm ve  
Tûr-ı bî-be'sâ-nâm makâmı vâki' olan münâcât-ı şubbân-ı müstagnî 'ani'l-beyân  
bu da'vâya beyyîne-i beyyinetü't-tibyândur.

Bi-hamdi'llâhi'l-meliki'l-müste'ân bu emr âsândur, mahall-i hirâsân budur  
ki ol habîb-i Hudâ Muhammed Mustafâ hazretlerinin mahall-i medh u tasliyesi  
makâm-ı istilzâzdur. Her ne vech ile itnâb olınsa mü'min-i müteşevviku'l-kalb  
tesliyet bulamaz ve akdâm-ı ikdâm tahrîk olup hink-i himmet ne tarîk ile it'âb  
kılınsa semend-i musallî\* *kemâ yenbagî* menzil alamaz zîrâ şol zât-ı semiyu's-sıfât  
ki ism-i şerîfi "*lâ ilâhe illâ'llâh Muhammedü'r-resûllullâh*" kelime-i tayyibesinde  
münderic ve kadr-i latîfleri "*men yuti'i'r-resûl fekad etâ'llâh*" ayet-i kerîmesinde  
mündemic ola. Mücerred evsâf u kemâlât-ı beşeriyye ile ittisâf insâf degüldür,  
ilzâm-ı kefare-i mu'annidîn ve ifhâm-ı fecere-i câhidîn kasd olup ve hidmet-i  
vekâlet ve hikmet-i risâlet mürsil ve mürselün ileyh beyninde kemâl-i muvâneset ve

\* Bu ifadenin geçtiği satırın yanında şu latife yer almaktadır: "Latife: Semend-i muşallî  
ta'birinde olan fâris-i meydân-ı firâset olup, mir'ât-ı kalbini gubâr-ı zarâfetle mücellâ olanlara  
hafiye degüldür."

münâsebet ve tamâm-ı mücâneset ve mümaselet iktizâ itmegin hilkat-ı tayyibeleri sûret-i beşerde olup “*ve mâ Muhammedun illâ resûl*” buyrılmışdır. “*Ve lev ce’alnâhu meleken le-ce’alnâhu recûlen ve le-lebîsnâ ‘aleyhim mâ yelbisûn*” âyet-i kerîmesi şâhid-i da’vâ ve müsbit-i müdde’âdur. Ve illâ hâşâ bu i’tikâd erbâb-ı bagy ve ‘inâduñ “*in entüm illâ beşerün mislünâ*” dedüklerine karîb bir ma’nâdur **Beyt:**

Bilmez kemâl-i zâtını anuñ meger Hudâ  
Sallû ‘ale’n-nebiyyi fakat eyyühe’l-verâ

Ol bir şâh-ı ma’delet-mâyedür ki ebnâ-yı âdemiyân mehd-i şerî’atinde râhatda ve bir şâh-bâz-ı hümâ-sâyedür ki halk-ı cihân zıll-ı tarîkatinde ilâ-mâ-şâ’allâh istirahatdadur. **Beyt:**

Yog idi gölgesi meger ki Bilâl  
Yüriyeydi yanınca sâye-misâl

Hatîb-i câmi’-i eflâk nâm-ı pâklerine hutbe-i levlâk okıyup hitâb-ı “*inneke le’alâ hulukin ‘azîm*” ile ta’zîm kılmışdır ve mu’arrif-i mecma’-i emlâk ta’rîf ü tavsîf idüp “*Ve mâ erselnâke illâ rahmeten li’l-’âlemîn*” kelime-i mübârekesiyle tekrîm ü tefhîm itmişdür. Muhassâl-ı kelâm ve mahsûl-ı merâm budur ki hîred-ı pâk u ‘akl-ı derrâk ‘uluvv-ı hakîkat-ı Muhammediyye ve sümûvv-i neşâ’et-i Ahmediyyede “*idrâkul’l-’aczi idrâkun*” mesel-i bî-misli ile ‘âmil olup zikr-i evsâfda cür’et ü cesâret sûret-i hasâretdür diyüp zımn-ı i’tizârda zikr olunan kelimât-ı midhat-gâyât ile iktifâ ve bu meslege sâlik olan ebrâr-ı zevî’l-i’tizâr eserlerine iktifâ eyleyüp bu mazmûnla gûyâ ve bu gûne nagme-serâ oldu ki

**Beyt:** Ensebu ilâ zâtihî mâ-şî’te min şerefîn  
Ve ensebu ilâ-kadrihi mâ şî’te min-’izamin

**Beyt:** Kemâlâtı bilinmez anılanılmaz şâh-ı fâ’ikdür  
Hudâ dime hemân her ne dir iseñ aña lâ’ikdür

[Nazm]:

Belege'l-'ulâ bi-kemâlihi  
Keşefe'd-dücâ bi-cemâlihi

Hasibe cemî'i hisâlihi  
Sallû 'aleyhi ve âlihi

Mi'mâr-ı ma'mûre-i dîn-i Ahmedî ve mu'ammir-i çâr-divâr-ı matmûre-i şer'-i Muhammedî ya'nî çehâr-yâr-ı güzîn rıdvânı'llâhi ta'âlâ 'aleyhim ecma'ın hazretleri diyâr-ı dilde dâr-ı mahabbetleri üstüvâr olmagla çâr u nâ-çâr meslûbu'l-ihtiyâr olup bi-kaderi'l-istitâ'e ehlü's-sünnet ve'l-cemâ'at mezhebi tertîbi üzre vâsf-ı cemîlleridür ki zikr olunur.

-3-  
(20a-24a)

**Mısrâ': Vasiyyet-nâmedür Vecdî yazıldı cümle ihvâna**

"Entakanâ'llahü'llezî entaka külle şey'in" âyet-i kerîmesi hasebince huzûr-ı Hudâ'da kıyâmet-i kübrâda her şeyin şehâdet-i muztarrası vardır ki hayy u câmid ve mukirr u câhid bu şehâdetde berâberdür şeytân-ı la'ın meclis-i zâkirîn ve mahfil-i şâkirînden firâr ider zirâ ol şehâdet-i muztarra ile zâkirüñ bi'llâh ve şâkirüñ 'alâ ni'ami'llâh olan 'ibâduñ menâfi'ine şehâdetden ibâ ve istikbâr ider diyü tahkik olunmuştur. Öyle olsa Vecdî-i nâ-şâd her kâhil ü mücâhidi ve her mutî' ü mu'annidi ve eşbâh u cevâyidi îmân ve İslâm'ına işhâd idüp bu vasiyyet-nâme-yi icâd ider.

[Kıt'a]:

*Fe'ilâtün Mefâ'ilün Fe'ilün*

- 1 Dilegüm cümleden budur yârân  
Dil-i nâ-şâdı bî-melâl idesüz
- 2 Rihlet itdükde dâr-ı dünyâdan  
Âhiret hakkını helâl idesüz
- 3 Teneşir tahtasına vaz' idicek  
Gözyaşı birle igtisâl idesüz

- 4 *Üzküru* emrine itâ'at idüp  
Zikri bi'l-hayra iştigâl idesüz
- 5 'Aybumı añmayup benüm dâ'im  
Hünerüm birle kıl u kâl idesüz
- 6 Belki igmâz idüp me'âyıbumı  
Hüner 'add eyleyüp makâl idesüz
- 7 Mü'minüm lâ-ilâhe illâ'llâh  
Bu emânetdür ihtimâl idesüz
- 8 Hem Muhammed resûl-i sâdıkdur  
Cümle emrine imtisâl idesüz
- 9 Cümleñüz bu şehâdeti yarın  
Hak huzûrında ber-kemâl idesüz
- 10 Tutasuz lutf idüp vasiyyetümi  
Kerem idüp bu kâli hâl idesüz
- 11 Ya'ni tiryâk-ı zühed ü tâ'atle  
Ejder-i nefsi bî-mecâl idesüz
- 12 Budur ümmîd cümleñüz âhir  
İşbu vech ile intikâl idesüz
- 13 Adı añıldugınca Vecdî'nün  
Rahima'llâh birle kâl idesüz

[Kasîde]:

**Rûzgâr-ı zûr-kârıñ fenâsın iş'âr ider ebyât-ı i'tibâr-gâyâtudur**

*Fe'ilâtün Mefâ'ilün Fe'ilün*

- 1 Sıhhatuñ soñ ucı sekâmetdür  
Gündüzüñ gicesi melâletdür
- 2 Her işiñ evveli ki şâdi ola  
Âhiri lâ-cerem kasâvetdür
- 3 Meclis-i bâdenüñ evâ'ili hoş  
Soñı ammâ katı nedâmetdür

- 4 Niçe hoş idi hâlet-i inzâl  
'Akebince hemân cenâbetdür
- 5 Mansıbuñ âhirinde gayy-ı 'azli  
İrişür tızcek hacâletdür
- 6 Nûh 'aleyhi's-selâm biñ bir yıl  
'Ömr sürmüş diyü rivâyetdür
- 7 Ölür oldukda aña sormışlar  
Hâl-i âlem nedür ne hâletdür
- 8 Virüp ol sâ'ile cevâb-ı savâb  
Dimiş ol sözi hoş-beşâretdür
- 9 Seni halk itmeden Hudâ-yı kerîm  
Aña ve bil garaz 'ibâdetdür
- 10 Ne kadar olur ise 'ömr medîd  
Mevte nisbet olınsa sâ'atdür
- 11 Sen misâfırsın 'âlem fânî  
İki kapılı bir 'imâretdür
- 12 Saña temlik sanmagıl dehrî  
Garaz ancak seni ziyâfetdür
- 13 Seni konuklayan kesüñ mâlın  
Saraka itme ne kabâhatdür
- 14 Tuyulur soñra mâlî alurlar  
Saña kalan hemân hacâletdür
- 15 Bir yalancı hakîmdür bu cihân  
Gerçi zâhir işi sadâkatdür
- 16 Veriser şerbeti ki zehr-âlûd  
Yine zehri anuñ halâvetdür
- 17 Dâd u lezzet ki anda hâsıldur  
Derd idüğine dâ delâletdür
- 18 Sen sanursın anı sadâkatda  
Anuñ işi saña hıyânetdür



- 19 Zâhiren itdügi ri'âyetler  
Ma'nide cümlesi hakâretdür
- 20 Seni meşgûl idüp işi anuñ  
Genc-i 'ömrüñi turma gâretdür
- 21 Keyf-i câm-ı mahabbet-i dünyâ  
Niçe keyfiyet ü ne hâletdür
- 22 Özge dâdur humârı ol câmuñ  
Dermendâ devâ kanâ'atdür
- 23 Sanma dünyâyı cây-ı râhat ola  
Dâr-ı zıllat ü diyâr-ı mihnetdür
- 24 'Acabâ añladuñ mı bildüñ mi  
*Küllî şey' hâlikun* ne âyetdür
- 25 İki rek'at namâz çifti ile  
Kıl 'amel çün garâz harâsetdür
- 26 Yüz yere sürmeden murâd nedür  
Dâne-i eşk ile zirâ'atdür
- 27 *İnneke meyyitün* didi Kur'ân  
Ol habîbe ki fahr-ı ümmetdür
- 28 *İnnehüm meyyitune* nazmını gör  
Herkesüñ mevtine şehâdetdür
- 29 Mâni' u mu'tî fi'l-hakîka odur  
Halk-ı 'âlem arada âletdür
- 30 Sanma bu sözlerüm şikâyet ola  
Vecdiyâ 'ibret al hikâyetdür

### İrtisâm-ı hikâyet-i kazâ-i mübrem ve iltizâm-ı rivâyet-i kader-i lâ-yelzem

Sebeb-i îlâf-ı âlâf-ı lâf u güzâf ve bâ'is-i iltifâf-ı kelimât-ı lâg-ı belâg ve insâf-ı ittisâf budur ki **Beyt:**

Bir dürlü olsa hâlüm itsem saña hikâyet  
Bir dürlü anca 'âlem ki şükrüñe şikâyet

*“İnne li’llâhi fi-eyyâmi dehrüküm nefehât elâ fete’arrazû lehâ”* hasebince Cenâb-ı Allâh’dan ricâ-i feyzde tevekkül ve te’emmül ve cenb-i Resûlu’llâh’dan ‘azm-i istişfâ ile tevessül olunurken nâ-gâh bi-tevfiki’llâh nefsi-i tebâha nevm-i gafletten intibâh gelüp ‘ayn-ı i’tibâr ile ‘âleme nigâh eyleyüp gördi ki mısır-ı vücûdda ‘ömr-i ‘azîz-’ömr-devvâr kat’-ı menâzil-i şebâb ve tayy-ı merâhil-i şibde berîd-i âftâb gibi sür’at ü şitâb itmekle ser-hadde gelüp şemâ’im-i memât meşâm-ı hayâta irişüp rihlet-i dâ’imelerin işmâm idüp zamân-ı tedârük mudâyakaya düşüp cevher-i ‘aklını ‘arz-ı hayret almış henüz hazâ’in-i hırs u âz-ı mâl-ı âmâl u dirhem-i hemm ve defâ’in-i tab’-ı tama’-perdâz iktinâz-ı dînâr-ı efkâr-ı dûr u dırâz ile der-hem olup kalmış bu ma’nâ dahı mukarrer buldı ki **Beyt:**

Ne semen kalur bu kâşânede ne gül ne yâsemîn  
Kişi kalmaz nesneye aldandığı kalur hemîn

Pes niyyet-i sahiha ve ‘azîmet-i sarîha kıldı ki künc-i ferâgatda genc-i kanâ’atla gınâ-i kalb tahsîl, kâr u bâr-ı mâr-ı nefsi-i emmâreyi târ-mâr u ta’tîl eyleyüp *“İllâ men etâ ileyhi bi-kalbin selîm”* mefhûmiyle rûhunu teslîm ve nefsi-i raziyyesine *“irci’î ilâ-rabbiki radiyyeten”* âyet-i marziyyesini ta’lîm u tefhîm ide lâkin bir vech ile kesrete düşmüş ve zenbûr-ı hevâ güvâre-i kalb-i âvâresine ve meges-i heves bâl-ı müşevveşü’l-me’âl u muhtellü’l-velâsına bir tarikle üşmiş ki hulâsâ mecâl muhâl **Mısra’:**

Meger hûbûb ide rîh-i ‘alâmet-i müte’âl

ve mürevvâh-ı mirvaha-i perr-i Cibrîl-i Emîn ve meges-rân-ı tevîk-i Rabb-i Celîl u Cemîl-i mu’în olup halâs bula. Bi’l-âhere bî-çâre tesliyyete bu vech ile çâre buldı ki el-hamdu li’llâhi ta’âlâ âhir-i ‘ömründe hâdim-i şer’-i Muhammedî ve hâkim-i mehâkim-i Ahmedî bulunduñ *“adlu sâ’atin hayrûn min-’ibâdeti senetin”* hadîs-i sahîhdür. Kemer-i himmeti miyân-ı hizmete muhkem bend idüp ihkâm-ı ahkâm-ı şer’de sâbit-kadem olup dakîka fevt eyleme **Beyt:**

Sa’âdet-i dârına girüp dilerseñ ‘izzet ü mecdi  
Der-i şer’-i şerifüñ halkasını hâtem it Vecdî

Kazâ efdal-ı ‘ibâdât ve ecmel-i hâlât ve ekmel-i kemâlâtdur evkâtı tevzi’ ile gâh fasl-ı husûmet ile me’cûr ve gâh vasl-ı ‘ibâdât ile mesrûr ol. **Mısrâ’**:

Geh münâcât-ı Hakk u geh tâ’ât

Gâh hâcât-ı halk için kütüb-i nâfi’âya mütâla’ât “*el-velâ’ hasbe’l-belâ*”  
buyurulmuşdur. **Li-Muharrihi** [Nazm]:

*Fe’ilâtün Mefâ’ilün Fe’ilün*

- 1 Geh vebâl ü belâ-yı bâb-ı kazâ  
Gâh şehd-i menâfi’-i irzâ
- 2 Gerçi tedrişe meyl ider ‘ulemâ  
‘Ârif olan virür kazâyâ rızâ

Mülâhaza-i hâl-i sevâb rızâ-yı kazâ-yı câna eglence ve mütâla’a-i istikbâlde teslîm ü tevekkül idüp “*tezekkür-i mâ mezâ*”<sup>1</sup> cenâne diñlence eyle **Beyt**:

Belâ çekmezse âdem bala irmez  
Melâlınden kaçanlar mâla irmez

diyü tesellî-i kalb tahsîl itmişken ahkâm-ı sultân ile mehâmm-ı hâkânîye gelen gulâm-ı hüsvânîler şer’ ve kânûna muhâlif olan teklîfden gayri meselâ tahrîr-i celebde celb için tasavvur itdikleri sûretleri Mânî-i ‘ukûl-ı fuhûl elemeler ile tasvîr idemez ve ahz için tedârük eyledikleri renkleri Erjeng kılup erbâb-ı kabûl kalemler ile tahrîr idemez. Erbâb-ı devletden vârid olan mu’âvenet-nâmelere i’tibâr olunmayup te’âvünde tehâvün olunur ise ‘ukâb-ı ‘ikâbları pençesinde ‘azl ile rence ugradup mansıb mansûbeye tahvîl yahûd mahmiyye-i kazâ bir olmaz kasaba ile tebdîl mukarrerdür. **Mısrâ’**:

Ne minnet var ‘itâb ile ‘adâya

**Mısrâ’**:

Kâdı hayrına mı olur râzı

---

1b. bal: şehd *sahh*

ekl-i cîfede muztar olan câyi' gibi tâmi' olup "*ed-darûrâtü tûbîhü'l-mahzûrât*" mukaddeme-i 'ilmiyesiyle kâr-güzârlar tervîc-i 'ameliiyesi cem' olup ibtilâ-i 'azl-i hezl-nişân ve belâ-i deyn-i şeyn-şân tefekkür ve tezekkür olınarak efendi hazretleri dahı n'ola sinnen ihtiyâr ve şe'nen bahtiyâr ise bî-ihtiyâr mâ'il ve bi'l-ıztırâr ma'kûle kâ'il olurlar. Konya'da döge söge helvâ yedirürler, didükleri kelime-i dîrînedür. Ammâ hakk budur ki bu mahalde mesel-i şîrîndür. Kelâm-ı müte'ahhirîn felsefe ile mahlût olduğu gibi ahkâm-ı şer'iyeye tekâlif-i 'örfiyye tesâvî tabakasın geçüp gâlib olmak mertebesine varmışdır. Re'âya edâ-i 'avârız u harâcda ve berâyâ kazâ-i rûsûm u bâcda ve sâ'ir halâyık harc-ı lâzimü'l-ıhrâcda gayet zahmet ve nihâyet-i harecede olmuşdur. 'Âdet-i agnâm defteri hod satılup semeni ile igtinâm 'âdet-i enâm olup ol metâ'-ı bî-intifâ' delle-i dehr u dellâle-i şehri bedende beyne'l-ahrâr ve'l-'abîd bey'-i yezîd "*fîhi mâ fîhi el-ışâretü li'l-ârîfi tekfîhi ve hazfu'l-mevsûli fî hazâ'l-mahalli makûl*" olınup harâc mertebesin bulmuşdur ve bi'l-cümle

#### Kıt'a:

- 1 Re'âyânûñ diger-gûn oldı hâlî  
Ki olmuşdur bahâ-i galle gâlî
- 2 Harâc u 'âdet-i agnâm 'avârız  
Kamu gitdi ödenmek ihtimâli

hükkâm-ı kirâm-ı zevî'l-ıkrâm ise **Beyt:**

Şu deñlü buldılar fakr ile fâka  
Bulımaz dâne bunlar taka fâka

havâss-ı kuzât 'avâm oldı, müddet ise çokdan tamâm oldı, ol cihetden 'aklı başında olanca bir cihete teveccüh eyleyüp "*fe-semme vechu'llâh*" hasebince her biri bir cihete müteveccih olup **Mısra:** Kim hatîb oldı kim imâm oldı

#### Beyt:

Kim okur aşr u kim olur cüz-h'ân  
"*Küllü hizbîn bimâ bihim ferihûn*"

[Kıt'a]:

**Ebyât-ı 'ibret-âyât fi-ihtilâlî'l-kâ'inât**

*Fe'ilâtün Mefâ'ilün Fe'ilün*

- 1 Ref' idüp müddeti menâsıbdan  
Bozulup tavr-ı 'ilm u gitdi rüsûm
- 2 Fasl olup cins-i fazl u nev'-i hüner  
Cemre-i mantıkîne döndi 'ulûm
- 3 Şâh-bâz-ı hevâ-yı ma'rifete  
Zâg-ı cehl eyledi tamâm hücûm
- 4 Cühelâ tutdı şimdi âfâkı  
'Ulemâ kaldı bî-kes ü mahrûm
- 5 Çok erâzil mülâzım eylediler  
Mâla meyl eyleyüp mevâli-i Rûm
- 6 Dâr-ı 'ilme n'ola zevâl irse  
Bâm-ı kasr-ı kemâle kondı bûm
- 7 Yaramadı kudûm-ı bî-kademi  
Ne kadem bu kadem nedür bu kudûm
- 8 Hâşiye yazsa şimdi kutbu'd-dîn  
Kimse dimez nedür bu naks u rukûm
- 9 Görse bu hâli tıfl-ı ebced-h'ân  
Diye *sübhâne rabbiye'l-kayyûm*
- 10 Mansıb almakda akçe pul viremez  
Fukarâ-i kuzât 'aceb mezmûm
- 11 Keşf-i râz itme Vecdiyâ epsem  
Açma sırrı ki sır gerek mektûm

---

4a. Cühelâ: Cehele *Sahh.*

**Gazel-i münâsib li-i'tâi'l-menâsib ilâ-gayri'l-münâsib illâ ve hüve'l-ecânibü'llezîne  
hüm yükzafüne fi-küll-i cânib**

*Mefâ'ilün Mefâ'ilün Fe'ülün*

- 1 Ecânib birle tolmışdur cevânib  
Mülâzım oldu her cüz-hân u nâ'ib
- 2 Okumak gitdi bildüñ kâfı yazmak  
Egerçi câhil olur küll-i kâtib
- 3 Dimiş bu nükteyi erbâb-ı insâf  
Kazâdur kâdî nâ'ibler nevâ'ib
- 4 Efendüm yazı bilmez yazmaz imzâ  
Havâdis-gûy ammâ hoş müsâhib
- 5 Bunı yazmaz usûl-i ehl-i 'irfân  
Ki kâdî yazmaz okımaz mekâtib
- 6 Yeter bu deñlü Vecdî hâl-i 'âlem  
'Acâyibdür garâyibdür garâyib

[**Kasîde**]:

*Fe'ilâtün Mefâ'ilün Fe'ilün*

- 1 Çâre kıl baña hoş-mizâc eyle  
Şerbet-i lutf ile 'ilâc eyle
- 2 Devlet ü 'izzetüñi râcîyüm  
Sıdk ile eskiden du'âciyum
- 3 Sadr iken yerümi künc itme  
Beni düşmenlere gülünc itme
- 4 Kapuñuñ kullarından olmuş iken  
Kullugum 'âlem içre tolmuş iken

3 Sayfanın sol kenarında yer alan bu beytin altında aşağıdaki beyit vardır:

*Bu 'aşr içre dimiş bir ehl-i inşâf  
Kazâdur kâdî nâ'ibler nevâ'ib*

- 5 Şimdi redd idüp eyleme mahrûm  
Kerem it ey mu'allim-i şeh-i Rûm
- 6 Câh uma câha düşdüm it mededi  
Koma bu câh içinde *huz bi-yedi*
- 7 Keremüñ halk-ı 'âleme maksûm  
Ne içün ben kuluñ olam mahrûm
- 8 Hâkden katresin sakınmaz mîg  
Eylemez şems şu'lesini dirîg
- 9 Sen sehâb-ı kerem kuluñdur hâk  
Katre-i mâ dirîg ola hâşâk
- 10 'Âlemi nûr ile güneş toylar  
Eksik olmaz ziyâsı zerre kadar
- 11 Harc olınsa hazâ'in-i ihsân  
Bir direm nâksa olmaya imkân
- 12 Geldi kapuña yüz süre Vecdî  
Bir nazar eyle derdi var derdi
- 13 Gerçi niçe hatâ ile geldi  
Lîk yüz biñ du'â ile geldi
- 14 Devha-i devlet ü sa'âdetsin  
Nahl-ı gülzâr-ı 'izz u rif'atsin
- 15 İrmeyüp asl u fer'a havf u hatar  
Koç budaklaruñ ola bâr-âver
- 16 Sahn-ı sıhhatde olasın şâdân  
İde hak hânedâñuñ âbâdân
- 17 'Ömr ü devlet hemîşe dâ'im bâd  
Bi'n-nebiyyi ve âlihi'l-emcâd

-4-  
(25a-25b)

**Hâfız-zâde merhûm oğlu te'ehhül itdükde yazılmışdur**

‘Arûs-ı mihr hulle-i zerrîn ve hilye-i pervîn ile mütehalliye olup nigâr-hâne-i ufukda tutuk-ı şafakdan ‘arz-ı ‘izâr itdükçe zât-ı sa’âdetmend ü mahdûm-ı ercümendleri ebkâr-ı murâdât-ı dâreyne vüsûl ile kâmkâr olalar âmîn, âyet-i kerîme-i “*fe’nkihû mâ-tâbe leküm mine’n-nîsâ*” ve “*tenâkehû tenâselû*” hadîs-i hoş-fehvâsıyla ‘amele tasaddî olunup mahdûm-ı müfahham Çelebi efendüm hizmetlerinüñ velîme-i kerîmeleri tedârük olunmış, Hakk sübhânehu ve tebârek meymûn u mübârek eyleyüp hüsn-i izdivâcları bi-’avnihi ta’âlâ mânend-i şîr ü şekker olacaktur. Ol terkîb-i latîf ve tertîb-i nazîfden me’mûl olan sülâle-i tâhir, zâhir olup “*Eş-şey’u mâ-tusannî illâ ve kad tusallisu*” [?] meselî hasebince latîfe-i subhâniye ve mevhîbe-i rahmâniye bürûzına sebep ola. Ol sûr-ı pür-sürûr h’ânına mihmân olan ihvâna gam-hânenüñ lüzûmî yazılup hammâm kıyâgını buyurılmış muhlisleri bu makûle husûslarda kıyagın degüldür. Belki cân u başa kıyagın ve senüñ nâmûs u tenüñi yerine koyagın dir. Lâkin hîdmet-i sohbetde dâmen der-miyân olup şeref-i sohbetleriyle müşerref olmaga akdâm-ı ikdâmı tahrîke mecâl muhâl oldı. Ma’lûm-ı şerîfleridür ki **Beyt**:

Ehl ü ‘iyâl sıklete meşgûl olan kişi  
Sohbet safâsın istese [arar teşevvüşi]

bâkî ne dinile ki ma’lûm-ı hazret ve mefhûm-ı tab’-ı âyîne-rütebleri olmaya.

**Kıt’a:**

*Fe’ilâtün Fe’ilâtün Fe’ilün*

- 1 Rûz-ı pür-nûr ile şeb-i deycûr  
Birisi kadr ola birisi sûr
- 2 Kûs-ı devlet dögile şâm u seher  
Tabl-ı şâdî urıla tâ dem-i sûr



meclis-i\* İrem-nazîrlerine irem ve mahfil-i\*\* pür-keremlerine girem ve cemâl-i bâ-kemâli görem ve gül-i zîbâ ve gonçe-i zî-bahâların direm diyü müştâk olan andelîb-i garîb du'â-i devlet birle terennüm ve senâ-i 'izzetleri ile tekellümdedir. **Beyt:**

Ola ey şeh kusûr-nâme ma'zûr  
Dahı zeyl-i keremle 'aybı mestûr

Eşribe-i ed'iyye-i me'lûfe, ed'iyye-i hurûfa 'ilâc olup hatm-ı hulûs birle mahtûm oldukda [**Beyt**]:

Sorarsa eger hâlüm ol yâr-ı perî-şânüm  
Cem'iyyet-i hâtır yok gayette perişânüm

Kemâlû'd-dîn Efendi mercân ile bizüm yâkût bir yerden cân virdiler. “*İnnâ li'llâhi ve innâ ileyhi râci'un*” [**Beyt**]:

Dime kim hâl-i cihân dem-be-dem olur yaramaz  
Hak ta'âlâ kulını kahr ile dâ'im kıramaz

âlem, nefsi nefsi dir. **Nazm:**

*Fe'ilâtün Mefâ'ilün Fe'ilün*

- 1 Herkesün var başında bir hevesi  
Dilemez kim çıka cihâna sesi
- 2 Böyledür şiddeti Sitanbul'uñ  
Alımaş kişi hatt ile nefesi
- 3 Eli boş olana ekâbir dir  
*În-hevâ-râ bed-în heves ne-resî*

Şahs-ı ma'hûd

---

\* meclis-i: bağ-ı.

\*\* mahfil-i: gülşen-i.

**Nazm:**

*Fe'ilâtün Mefâ'ilün Fe'ilün*

- 1 Hüsni hulk ile bulmamış behre  
Hak budur kim garîbçe çehre
- 2 'Acabâ böylece ta'assub ider  
Bir dahı gelmiş ola mı dehre

**Beyt:**

Bu gülşen içre gülveş gül sen ol açıl gel ey pür-gam  
Saña söyler fem-i gonca saña gül-bâng ider her dem

-5-

(26b)

El-hamdu li'llâhi ta'âlâ sa'âdetlü sultânüm hazretlerinüñ kerem ü merhametleri bu bendeleri hakkında ile'l-ân dirîg olmamışdur. Hayrabolı Medresesi şerefiyle müşerref idüp şart buyurdıkları İbrâhîm Kethüdâ Medresesine istihkâkâ bâ'is olmuşlardur [**Beyt**]:

Lutfuñı anıñçün istihkâk ile itmem taleb  
İ'timâdum lutfuña artukdur istihkâkdan

Sa'âdetlü sultânumdan yine ümmîd ü ricâm bu bendeyi yine medrese tarîkine delâlet buyurup 'abd-i miskîn bi-gayr-i sikkîn zebh olunmakdan hıfz buyurasız.

**Dâ'î-i muhlis ve esîrîñüz Vecdî-i pür-günâh u pür-taksîr.**

-6-  
(27a)

[Nazm]:

*Mefâ'ilün Mefâ'ilün Fe'ûlün*

- 1 Du'âlar kim ola ihlâsa makrûn\*  
Senâlar ki ola eşvâk ile meşhûn
- 2 Hezârân 'özü ile oldukda cârî  
Budur 'arz-ı hakîr-i hâksârî

Gırbal-ı elek-misâl ile hırmân-ı zemîn dakîkâsâ hezâr dikkat ile alınıp dâne-i cev u cavdâr cüst u cû olınsa bulunmaga imkân\*\* mümteni' vü muhâl idüğünde işkâl yoktur. **Beyt:**

Re'âyâya irişdi fâkr u fâka  
Bulımaz dâne bunlar taka fâka

Kendüm bu tahayyürde iken nâ-gehân bi-emr-i sübhân cevî-i hevâdan hükm-i şerîf-i sultân vürüd idüp mazmûn-ı meymûnında halkuñ kilesine bakılmayup Usturumca kazâsına Siroz kilesiyle altı yüz kile arpa tevzî' olınugelmiştir. Petriç kazâsı ol dahî tevzî'de dahıldür diyü buyurulmuş bu emr-i mukarrerdür ki ol şeh-süvârûñ esb-i fikretleri fezâ-i kazâ-i 'adâlet-iktizâlarında tengî-i sâl-ı melâl-me'âle muvâfık cevân itmiştir. Ol harekete ittıla' bu 'abd-i piyâdeye ziyâde mühim ve lâzım olmuştur. Tâ ki ol ta'lîm ile nat'-ı kazâda basîret tahsîl eyleyüp mansûbeden hazer olına. Husûs-ı mezbûrî inhâda 'acele-i 'acele tahrîk buyurıla.

\* Petriçe kâdısı iken Usturumca kâdısına yazılmışdır.

\*\* imkân: mecâl *sahh*.

-7-  
(28a)

Benüm sa'âdetlü sultânüm el-hamdu li'llâhi ta'âlâ **Beyt:**

Her ki şâh ân koned ki û gûyed  
Hayf bâşed ki cüz nikû gûyed

makâmıdasız, dürr-dendân\* u la'l-zebân ile edâ buyurılan cevher-i hurûfuñ semeni hasene-i mü'eccele-i rahmâniyyedür. Şübhe yok likîn bir mikdâr sikke-i hasene-i mu'accele irsâl olındı ma'zûr buyurasız. **Beyt:**

Tapuña biñ du'â vü niçe sikke 'arz ider Vecdî  
Kabûl it yüzine urma ki budur kîsede nakdi

-8-  
(33a)

'Âşık Efendi merhûm ile vâki' olan mu'âmelemüzdür merhûm-ı mezbûr seyyiddür

[**Beyt**]:

Lâzâlet riyâzu siyâdetihi muhadarretten bi-zülâli kemâlihi  
Mâ-dâmatü's-salat 'ale'n-nebiyyi'l-'arabiyyi ve âlihi

Merhûm-ı mezbûrdan mahlas ricâsında yazılmışdur, Bezmî nâmına mahlasdan ferâgat olup Vecdî olmamıza anlar sebep olmuştur. Lâkin tezkirelerinde yine Bezmîlikle yazmışdur. [**Beyt**]

Murg-ı câna çün olupdur bedenüm şekl-i kafes  
Yolı var itse taleb bende-i muhlis mahlas

Merhûm-ı merkûm bu hakîri tezkireye kayd itmek isteyüp ba'zı ebyât irsâl olındukda yazılmışdur. [**Nazm**]

---

\* dürr-dendân: dürr-i dehân *sahh*.

*Mefâ'ilün Mefâ'ilün Fe'ûlün*

- 1 Cünûn-ı 'aşka şâhid eşk ü âhum  
Benî dîvâna kayd it pâdşâhum
- 2 Çü bir da'vâya ola iki şâhid  
Olur makbûl 'inde'ş-şer' şâhum

**Nazm:**

*Fe'ilâtün Fe'ilâtün Fe'ilâtün Fe'ilün*

- 1 Görmedin iki gözüm ol dem ırakdan 'âşık\*  
Hazret-i Veys-i Karen gibi kulakdan 'âşık
- 2 Umarum kim gele bu da'vide ol şâha yakîn  
Şimdi mi olduğu var kişi ırakdan 'âşık
- 3 'Aşk kim ola semâ'i o kıyâsî olmaz  
Garaz 'ilm ile 'ameldür okımakdan 'âşık

-9-  
(35b)

**Latîfe:**

Bu fakîr otuz ikisinde iken Baba Efendi merhûm nesindesin diyü su'âl itdüklerinde  
kadrüsinni kadrüsinni diyü cevap virdüm. [Beyt]:

Bu kasr-ı ferah-efza çün oldı behiştâsâ\*\*  
Vecdî didi târîhini bi'llâh niçe hoş câ

\* Sayfanın sol kenarında "Merhûm-ı mezbûr ile mu'âmelemüz fi'l-vâki' ol zamânda semâ' ile olmışdur" şeklinde bir bilgi yer almaktadır.

\*\* "Merhum peder Şofya kâdısı iken bir köşk yapup târihdür."

-10-  
(35b)

**Merhûm Nihâdî Muhammed Çelebi'ye bir tepsi alma irsâlinde yazılmışdur**

Sebeb-i irsâl-i sîb-i bî-âsîb-i garîb-tertib u hâsiyyet-tartîb ü mugnî 'anî't-tabîb budur ki vakt-i şümâr-ı sîmârda 'alâmet-i hezâr ola diyü ifrâz olınan almaldur ki gayet safâ ile nihâyet-i ıstıfâda olup cenâb-ı uhuvvete ithâf u ihdâ olındı. **Mısra'**:

Yüz kızardup biñde bir alma 'atâ itdük size

-11-  
(36a)

Şâh-ı encüm-cüyûş u gedâ-yı gevher-fürûş beyninde cihet-i câmi'a ne ola dinse el-cevâp [**Mısra'**]:

Anuñ da var şâhîncisi bunuñ da var şâh incisi

-12-  
(39a-41a)

Hâsıl-ı gavgâ ve muhassal-ı şekvâ budur ki “*mâ-lâ yudrek küllühü lâ-yütrek küllehu*” kelâmı muktezâsınca çünki ‘âşık olımazsın hele bârî n’eyleyin sözi müdde’asınca ‘adl müyesser olmaz ise ihvân-ı zamâne nisbet-i i’tidâl gözlemek üslûbı meslûb degül demek ile her zâlim ve ehl-i füzûl tarîk-i ‘adlden ‘udûl üzre iken merâtîb-i zulmde kendüden ber-ter u bed-ter bir azlem-i “*haleka’llâhu ve eberreh*” nisbet özünü ‘âdil zann itmekle zulm ü zaleme ile ‘âlem toldı, temâşâ budur ki zulm ü vebâl istihlâl sûretin buldı, “*rahîma’llâhu li-nebbâşi evvel*” mesel-i bî-misli mahallinde müsta’mel oldu, bu beliyeye-i ‘uzmâyı bilüp ve bu tâtme-i kübrâyı añlayup hîred-i hurde-bîn nefsi-pür-kibr ü kîne hitâb u ‘itâb idüp eyitdi **Beyt**:

N’içün fikr eylemezsin hây zâlim  
Ki yarın niçe olur bu mezâlim

**Gazelü nefis fi-takrî'i'n-nefsi'l-hasîs (Ebyâtu nefise fi-takrî'i'n-nefsi'l-hasîse)***Fe'ilâtün Mefâ'ilün Fe'ilün*

- 1 Ellisinden ziyâdedür yaşuñ  
Munkarız oldı hep karındaşuñ
- 2 Sakal agardı göz nûr irdi tamâm  
İştigâl üzre şeyb ile başuñ
- 3 Yüri hâlûñ tedârük it miskîn  
Zenb için agla döke gör yaşuñ
- 4 Taşı başa vü baş taşa urup  
Uyma kulına nefs-i kallâşuñ

**[Nazm]:***Fâ'ilâtün Fâ'ilâtün Fâ'ilâtün Fâ'ilün*

- 1 Gırre olup 'ilme mey içer çalursın def ü ney  
Okıduñ 'ilm-i 'Arab *mâ-fî-'amelin leyse şey'*
- 2 Merd-i Rûm'um dir iseñ merdüñ nedür bu hây u hey  
Men 'Acem ferzendiyüm eydürseñ ârî tâ-be-key

El-hamdu li'llâhi ta'âlâ ebvâb-ı menâsıb-ı dünyeviyyeden hurûc emri tamâm oldı,  
merâtib-i uhreviyye 'urûcına ihtimâm zamânı geldi, ey merd-i hürde-gîr **Beyt:**

Ni'met-i dünyâ ser-â-ser hürde-gîr  
Her temâşâ kim ne-kerdî kerde-gîr

'Âlem kevn u fesâd ve neş'e-i bagy u 'anâdur, gayret-i akrân elemine tahammül itmeyüp bu deñlü cünbiş ü sa'y u kûşîş eyledüñ, yâ dâr-ı bâkiyyede "*yâ hasreten 'ale'l-'ibâd*" dinildükde hâlûñ ne olısar, mukarrerdür ki gözüñde eşk-i firâvân ve özüñde âteş-i nedâmet fûrûzân olısardur. Bu beyt-i ra'nâ mazmûnından n'ichün gâfilsin, beñzer ki 'ilm-i âhiretde câhil ve 'amelde kâhilsin. Zâhir budur ki emr-i îmânda merd-i kâmilisin. Merhûm 'Ubeydî Efendi dimişlerdür **[Beyt]:**

Olursun gayret-i akrânla ey tâlib-i mansıb  
Yâ 'ukbâda merâtib kat' iden yârânı n'eylersin

Bu derde çâre ve bu yaraya merhem-pâre tedârük eyleyüp "*el-muznibü't-ta'ib ke-men lâ-zenbe leh*" hadîs-i şerîfiyle 'âmil olup ber-sebîl-i isti'câl ber-vech-i istimrâr istigfâra iştigâl göstermek gereksin. [Beyt]:

Bi-hamdi'llâhi'l-meliki'l-gaffâr  
İnnehu li-'uyûbi'l-'ibâd settâr

**Mısra'**: Begini isyân çerisinüñ bir istigfâr sıyar.

**Nazm:**

- 1 Garîk-i bahr-i 'isyânum günâhum ya'ni evferdûr  
Rimâl-i bahr u yâ emvâc-ı deryâ dahı ekserdür
- 2 Hudâ'nuñ rahmeti bahriñe nisbet eylesem ammâ  
Güneş de zerredür deryâ da katre dahı kemterdür

Hukûku'llâh'da hâl bu yâ hukûk-ı 'ibâd ne çâre bir merhem kabûl itmez, oñılmaz yar[a]. **Mısra'**:

Umarum derdin viren Allâh dermânın vire

'Akl-ı 'amîkü'l-efkâr, tekrâr nefsi-nâ-be-kâr eyitdi ki ey bed-kâr u bed-nâm senüñ işüñ olmuş tamâm. Sende ne kalb ile münâcâta kudret ve ne kâlib ile tâ'ata kuvvet. Ammâ senüñçün sebeb-i rahmet ve bâ'is-i magfîret olacak bir hîle-i celîle ve bir latîfe-i cemîle tedârük idelüm. **Beyt:**

Berü gel kıssadan alup hisse  
Çekme olmaz yere 'abes gussa

Bilgil ü âgâh olgıl ki **Beyt:**

Bahâ ile bulamaz rahmeti imâ vü 'abîd  
Bahâne tañrısıdur hazret-i melîk ü mecîd



**Nazm (Li-muharririhî):**

*Fe'ilâtün Mefâ'ilün Fe'ilün*

- 1 Gûş kıl kavl-i hakkı ey ahmak  
Kul du'âsıyla yarlugar kulı Hak
- 2 Halkı râzı idüp du'â alıgör  
Tâ ki feyz ide vâhib-i mutlak

Rivâyet olunur ki Hakk sübhânehu ta'âlâ Mûsâ Peygamber 'aleyhi's-selâma buyurdu ki: “*Ey Mûsâ benüm katumda hâcetüñ revâ ola dirseñ baña bir agız ile du'â eyle ki ol agız ile banâ isyân itmiş olmyasın.*” Mûsâ 'aleyhi's-selâm eyitdi “*Yâ Rabb sen 'âlim u dâñ ve hayy ü tüvânâ tañrısın ben bu ma'küle agza kande kâdir olam.*” didükde “*İbâdumı ırzâ eyleyüp hayr du'âların alıgör ki anlaruñ agzıyla sen isyân ve senüñ agzuñla anlar tугyân itmediler.*” diyü buyurıldı. “*Velâ teziru vâziretun vizra uhrâ*” öyle olsa dünyâ bir mahall-i güzere ve bir ma'ber-i pür-'iberdür.

Her kişi nâmın aındururca ve bâ'is-i rahmet olurca bir hâlet itmek gerekdür.

**[Mesnevî]:**

*Mefâ'ilün Mefâ'ilün Fe'ülün*

- 1 Cihân bir şâh-râh-ı pür-'iberdür  
Eser komak bu yolda mu'teberdür
- 2 Dime âsâra bâ'is sîm ü zerdür  
Ki zîrâ söz dahı bir hoş güherdür
- 3 Hudâ kılmış seni merd-i sühanver  
Ne cevher ola sözden ola bihter
- 4 Yüri var defter eyle kıl u kâlün  
Yazup bir yire cem' it hasb-i hâlün
- 5 Ki tâ bir nemr-i himmet ola hâzır  
Sözünüñ 'aybına olmaya nâzır
- 6 Seni yâd ide ol demde du'âdan  
Bahâne ola gufrâna Hudâ'dan.

**[Beyt] Li-muharririhi:**

Du'â idüp o demde ide te'mîn  
İşidenler diye âmîn âmîn

**Nazm:**

*Fe'ilâtün Mefâ'ilün Fe'ilün*

- 1 'Âlem içinde buldı hoş 'âlem  
Nik-nâm ile hoş geçen âdem
- 2 Hayr ile yâd olınsa dünyâda  
Rûh-ı pâki safâ bulur dem dem
- 3 Sebeb-i medh cevdet-i Hâtem  
Bâ'is-i zem zemîmetü'z-zemzem

Nefs-i nâ-fercâm sultân-ı 'akl-ı lâzımu'l-ihtirâmdan bu ma'küle kelâm istimâ'  
itdükde sem'ân ve tâ'aten diyü 'arz-ı itâ'at eyleyüp kitâbete kesilmiş 'abd-i mekâtib  
gibi min-ba'd tahrîr-i kıl ü kâl ile kayd-ı kitâbete işigal gösterdi **[Beyt]**:

Garaz nakş'ist k'ez mâ bâz mâned  
Ki zîrâ âdem u 'âlem ne-mâned

**[Nazm] \*:**

*Fâ'ilâtün Fâ'ilâtün Fâ'ilâtün Fâ'ilün*

- 1 Levh-i cebheñde ne takdîr itse kassâm-ı kader  
Başa yazılan geliser nîk u bed yâ hayr u şer
- 2 Kul hatâda şeh 'atâda böyledür tavr-ı beşer  
Kul beşer âdem şaşar işler hatâdur dir beşer
- 3 Eşkin at kûh içre gâhî zor yürür ra'nâ aşar  
Gâh düzde uz yürüyem dir iken sürçer düşer

---

\* Manzume "Kıt'a-i Latife" başlığını taşımaktadır.

[Gazel]:

*Fe'ilâtün Mefâ'ilün Fe'ilün*

- 1 Dünyede ey gönül kanâ'at kıl  
Mâ-sivâdan geçüp ferâgat kıl
- 2 İki rek'at namâz çifti ile  
Gice gündüz dime hirâset kıl
- 3 Sürüben secde yirini nûr ile  
Dâne-i eşk ile zirâ'at kıl
- 4 Ümmet iseñ Muhammed'e berü gel  
Sünen-i Ahmed'i ri'âyet kıl
- 5 Mürşid-i kâmile olup yoldaş  
Hubb-ı dünyâyı dilde gâret kıl
- 6 Ey dilekler kabûl edici Hudâ  
Kulunuñ kavlini icâbet kıl
- 7 Ne kadar mücrim ise lutfuñdan  
Vecdi-i pür-günâha rahmet kıl

-13-  
(49b-53a)

**Bu mufassal 'arz-ı hâl dahı Zekeriyyâ Efendi'ye virilmiştir**

Hazret-i Yûsuf 'aleyhi's-selâmuñ kurs-ı âftâb-ı cemâline ve 'ayn-ı 'izârında müşâhed olan âb-ı nâb-ı zülâline nigerân olan zümre-i cî'ân ve tâ'ife-i 'atşân def'-i âlâm-ı cu' ve ref'-i eskâm-ı 'atş üzre rücû' itdükleri gibi sa'âdetlü sultânüm hazretlerinüñ hâk-i pâk-i pâ-y-ı iksîr-te'sîrlerine mülâzemet ü rûy-mâl ve nazar-ı nazr-nazîrlerinde ikâmet ü 'arz-ı ibtihâl iden şübân-ı 'ulemâ-i dîn-i Ahmedî ve şuyûh u pîrân-ı fuzalâ'-i şer'-i Muhammedînüñ gonçe-i kalbleri hâr-ı intizâr ile gül gibi pâre pâre ve cigerleri pergâle-i lâlevâr sihâm-ı alâm-ı rûzgârla yare yaredür, merâhim-i lehâzât-ı 'ayn-ı 'inâyetüñ dil-i zahmnâklerine eglence ve merâhim-i iltifât-ı çeşm-i 'inâyet-gâyetüñ cân-ı gamnâk u cenân-ı elemnâklerine tamâm

diñlence olup cümlesi ‘âciz ü zâr u muztaribler iken el-hamdu li’llâhi ta’âlâ lutfuñla  
‘azâbları azbe munkalib olmagla bu gûne şâkirler ve bu mazmûnla zâkirlerdür.

**Nazm:**

*Fe’ilâtün Mefâ’ilün Fe’ilün*

- 1 Nazar-ı lutf u cûd u merhametüñ  
Zahmet-i rûzgârı dâfi’dür
- 2 Hüsn-i Yûsuf-nezâresi nite kim  
Elem-i derd-i cu’ı râfi’dür

Husûsan bu tâ’ifenüñ ahkârı ve bu firkanuñ efkârı Vecdî-i pür-hayret-bendelerine  
lutf-ı firâvân ve ihsân-ı bî-pâyânları sudûr u zuhûr eyleyüp “*senetü’l-vasli sinetün ve  
sinetü’l-hecri senetün*” hasebince mülâzemetle mürûr iden **Mısra’**:

Senesi lutfuñ ile oldı sine

ve şefî’ ittihâz itdügi cenâb-ı refî’ ü bâb-ı meni’üñ [**Mısra’**]:

Varuban gelmez oldı bir sene

‘Âlem-i kevn u fesâd ve neş’e-i bagy ü ‘inâdda ıslâh içün mücâhede ve mükâbere  
bir hâlet-i zâ’ide ve mücerred ta’zîb-i hayvân-ı bilâ-fâ’idedür dimeyüp ashâb-ı kân u  
yekûn ve erbâb-ı “*fe-in kulte kultu*”-nümûn arasında her mübtedâdan haberi olana  
bed’en ri’âyet ve her sâhib-’örfî cenâb-ı bâb-ı ni’me’l-me’âblarına izâfet itmekle  
tullâb-ı ‘ilmüñ yüreklerinde karış karış yaglar bitüp şem’-i pür-lem’a-i şer’-i  
Mustafâ şeref-i intifâda iken bi-hamdi’llâhi’l-meliki’l-a’lâ [**Beyt**]:

Dühn-i himmetle buldı nûr u ziyâ

Muntafi ola şem’-i dîn hâşâ

**Nazm:**

*Mef'ûlû Fâ'ilâtü Mefâ'ilü Fâ'ilün*

- 1 İhyâ-yı 'ilm-i dîne idüp niçe ihtimâm  
Def'-i fesâd-ı 'âlem-i kevn eyledüñ tamâm
- 2 Tutduñ cihân yüzini bu gün nîk-nâm ile  
Vire cezâ vü hayr-'ivâz hayy-ı lâ-yenâm

**Nazm:**

*Fe'ilâtün Fe'ilâtün Fe'ilâtün Fe'ilün*

- 1 Dergeh-i hazret-i Hakk'a el açup şeyh ü sabî  
Cümle agız bir idüp eylediler bu talebi
- 2 Ola devletde semiyi Zekeriyâ nebî  
Bula çok 'izz ü şeref hazret-i Yahyâ Çelebî

Allahümme tekabbel hazâ'd-du'â bi-hürmeti seyyidi'l-enbiyâ gıbbe îrâdi'd-du'â ve isre îsâri's-senâ **Beyt:**

Ayaguñ tozına kim tûtiyâ-yı dîde-i cândur  
Ya kuhl-ı rûşenâ-yı nûr-bahş-ı 'ayn-ı a'yândur

'Arz-ı hâl olunmazdan akdem bu vech ile i'tizâr olunur ki

**Gazel:**

*Fe'ilâtün Mefâ'ilün Fe'ilün*

- 1 Kâşkî çâre olsa kim adam  
İtse bir harf ile edâ-yı merâm
- 2 Lîk biñ derdi bir kelâm ile  
Niçe mümkindür eylemek i'lâm
- 3 Görme misin 'asî su'âlinde  
İtdi Mûsâ tamâm bast-ı kelâm

- 4 Tatlu söylense hoşdurur el-hak  
İltizâz-ı kelâm-ı hulv-encâm
- 5 'Arz-ı hâl eyle Vecdiyâ ammâ  
Yañılup itme zinhâr ibrâm

Bu bende-i zâr u nizâr rûzgâr-ı zûr-kâruñ küşte-i müşte-i cefâsı olup 'İvâz Efendi merhûma iki yıl mülâzemet ü hezâr girye vü zârî ile Tatar Bâzâr'ı kazâsını matlab idinüp ol 'asrîñ iktizâsı hasebiyle ihvân-ı safâdan iskât-nâmeler dahı almışken hikmet-i Hudâ'dur, müyesser olmayup dehr-i cefâ-cûy u 'anâ-hûy reh-nümâ-yı cânib-i Peçuy olup şitâ-i şetütü'l-ıztırâbda sefer-i sakar-esere irtikâbla pâ-der-rikâb idüp ref'-i ahmâl ve cerr-i eskâle nasab-ı nefis olınup fevâ'id ü şedâ'id-i seferi müştehil bu gazel-i hasbü'l-hâl ber-sebîl-i isti'câl ol mahalde dinilmüşdür.

**Gazelü münâsib bi-haze'l-mahall:**

*Mefâ'ilün Fe'ilâtün Mefâ'ilün Fe'ilün*

- 1 Aransa olmaya pâyân fevâ'id-i sefere  
Yazup düketmeye nef'in eyâdi-i sefere
- 2 Sefer sakar elemin gösterür meşakkatda  
'Azâb virme kerem kıl sefer sûzın gidere
- 3 Sefer belâsı ile bilinür huzûr-ı hazar  
Belî fevâ'idi vardur şedâ'idine göre
- 4 Zamâne içre sefer gibi var mıdur mezmûm  
'Ale'l-husûs gazâlar olalı sürh-sere
- 5 N'ola çok kişi basdı velâyet üzre kadem  
Seferle irdi kerâmet efendi niçe ere
- 6 Karâr itmek ile niçe su keder buldı  
Safâya irmedi tâ akmayınca bahr ü bere
- 7 Benüm sefer didigüm iki tahtuñ arasıdur  
Kıyâs kıl n'ola hâlûñ görünce gayrı yire
- 8 Sefer belâlarına Vecdiyâ inanmaz iseñ  
Şitâda seyr ü sefer kıl gel e belâyı göre

Hâsıl-ı kelâm biñ belâ yüz cefâ ve sad âlâm niçe mümkün ola bunı i'lâm, nâle vü âh ü harc-ı râh iderüñ, dūd-ı âh oldı âsmâna derüñ. Görelüm hâlimüz n'olur giderüñ diyüp vâlih ü hayrân üftân ü hîzân fezâ-yı kazâ-yı Peçuy'a vâsıl ve ol sûr-ı pür-sürûra dâhil olup henüz a'zâya kuvvet ve fütûr-ı seferden fi'l-cümle istirahat müyesser olmamışken **Mısra'**:

Zâde-i bûstân-ı fazl ü kemâl

sellemehu'llâhu melikü'l-müte'âl hazretlerinüñ hengâm-ı emn ü emânı, ya'nî eyyâm-ı cüvânide onuncı ayda rûzgâr-ı 'anîd Peçuy kâdısı Şeh-süvâr Muhârebesi'nde şehîd oldı diyü bir haber-i ba'id 'an-fehmi'l-'abîdi peydâ idüp kâdı-ı cedîd tarafından berîd-i pür-nüvîd bedîd oldukda bendeleri dahı ber-sebîl-i isti'câl bilâ-ihmâl u imhâl ve lâ-mâl sine sahnı melâl-i mâl-â-mâl bâ'is-i azl olan cenâhı tefahhus için bast-ı cenâh-ı sefer ile der-i devlete geldükde ba'de isbâtı'l-hayât ança süsüp sökmek ile ve niçe soğuk demir dögmek ile üçinci ayda Samakov kazâsına ugrayup müzekkir-i mâ-cerâ ola diyü bu beyt-i hasbe'l-hâl bu gazel-i melâl-mâl ve bu kasîde-i pür-ihtilâl sevâd-ı devâtdan felât-ı beyâza geldi. **Beyt**:

Şehâ zamânede şimdi benüm belâ çekici  
Başumdan inmedi hergiz benüm belâ çekici

[Kıt'a]:

*Fe'ilâtün Mefâ'ilün Fe'ilün*

- 1 Samakov lafzınıñ hurde-bîni  
Fikr itdüm soğuk ile mâdur
- 2 Anda sâkin olana anuñçün  
Elde ser-mâye mâ vü sermâdur
- 3 Mâ-i mevsûlveş akar suları  
Şol zamân kim avân-ı germâdur
- 4 Derd-i berd ile münce mid olıcak  
Sanasın nefy için ölen mâdur

- 5 Âb-ı eyyâmı geldi ey Vecdî  
Toñı çözilür ola umatur
- 6 Ve eyyü na'îmin lâ-yükeddirü'd-dehr  
Mihnet-zede-râ zi-her-sû seng âyed

Hükmince dördinci ayda yerin âhere ya'ni bir hare virildi diyü

**Nazm:**

*Fe'ilâtün Mefâ'ilün Fe'ilün*

- 1 Eylemiş esb-i rehvana rükûb  
Geldi bir şahs elinde bir mektûb
- 2 Hâsılı dakk-ı bâb-ı dikkat idüb  
Oldı ahşâma dek o gün der-kûb

**Beyt:**

Salmanın anda dahı fülk-i ikâmet lenger  
Geldi takrî' iderek mitraka-i âhenger

**Kasîde'-i Mev'ûde'-i Ma'hûde**

*Mef'ûlû Fâ'ilâtü Mefâ'ilü Fâ'ilün*

- 1 Geldüm tapuña derd ile ben mübtelâ-yı 'azl  
Şâh-ı kapuñdurur der-i dâru's-şifâ-yı 'azl
- 2 Kâr itdi câna yeter cefâ vü sinân-ı cevri\*  
İrişdi üstühânuma tîg-ı belâ-yı 'azl
- 3 'Azl ile nasbı kısmet idüp kâsım-ı ezel  
Düşdi gedâ-yı bî-ser ü bî-pâya pâ-yı 'azl
- 4 Tapuñdan irüşür irüşürse şifâ-yı nasb  
Kapuñda bulunur bulırsa devâ-yı 'azl

\* Sayfanın sol kenarında "Kâr itdi câna hançer-i cevri ü sinân-ı devri" mısra'ı yer almaktadır.



- 5 Ref' eyle hâkden bu esîr-i kesîri kim  
Bir günü nasb olur ise çeker yıl u ay 'azl
- 6 Ney-nâlem ile hem-dem olur gıce subha dek  
Ağız bir eyleyüp didiler vâ y vâ 'azl
- 7 Yâ Rab esirge şerbet-i nasb it nasîbini  
Şol hastanun ki virdün aña ibtilâ-yı 'azl
- 8 Hasta varan cenâbuña sag u esen gelür  
Tapun tabîb-i hâzık u lutfun şifâ-yı 'azl
- 9 Ber-bâd olur o demde gül ü lâlehâ-yı nasb  
Şol gülşen içre kim eser bâd-ı sabâ-yı 'azl
- 10 Didüm libâs-ı fâhir-i nasb ile fahr idem  
Yiter salındı egnüme şâh-ı 'abâ-yı 'azl
- 11 Her gün tavâf-ı Ka'be-i kûyuñda sa'y ider  
Şâh-ı nevâl-i fazluñ umar her gedâ-yı 'azl
- 12 Vecdî fenâda yel gibi yelse 'aceb degül  
Bâd-ı rüsvâ kesildi vü esdi hevâ-yı 'azl
- 13 Gam kûşesinde tûşe-i sabr u karârı yok  
Miskîne mesken oldu bu mihnet-sarây-ı 'azl
- 14 Gurbet ilinde yâr ü nedîmi gam u elem  
Hem-sohbeti belâ vü sürûdî nevâ-yı 'azl
- 15 Şükre şürû' eyle du'â sazın al ele  
Yeter çalındı bezm-i şikâyetde nây-ı 'azl
- 16 Yâ Rab hayâtı mansıbına müddet olmasın\*  
İşitmesün sımâh-ı şerîfi sadâ-yı 'azl
- 17 Râyât-ı kadri zirve-i a'lâda nasb ola  
Kesr eyledükçe cünd-i sürûrî livâ-yı 'azl

Ba'de'lletiyâ ve'lleti irdük zamân-ı minhata çekdük egerçi mihneti mazâ-mâ-mazâ.  
Hamdu li'llâh kim savuldu kaza görelüm âyîne-i devrân ne sûret gösterür diyü bâb-ı

---

\* Beyit, sayfanın sağ kenarında yer almaktadır.

Resûl'ullâh'a tevessül ile cenâb-ı Allâh'a tevekkül üzre olup *inne li'llâhi fî-eyyâmi dehrüküm nefahâtun elâ fe-ta'arrazû lehâ* hasebince verâ'-i revâk-ı gaybdan tulû'-ı envâr-ı hakkâniye ve vülû'-ı lumû'-ı tebâşîr-i fazîlet-i rahmâniyyeye nâzır ü muntazır iken *ba'de 'usrin yusrâ* hükmince mir'ât-ı kâ'inâtdan sûret-i 'usr pinhân ve âyîne-i rûzgârdan dîdâr-ı yusr âşkâr ü 'ayân ve *men yetevekkel 'ala'llâhi fehüve hasbuhu* ma'nâsı nümâyân oldu ki sa'âdetlü sultânım gibi bir şâd[â]n-ı veliyyü'l-hasle ve 'aliyyü'l-menzilet ile sadr-ı 'âlî-kadr-i şer'-i nebevî müzeyyen oldu. *El-hamdu li'llâhi'llezi ezhebe 'anne'l-hazen* **Beyt:**

Geldi eyyâm-ı şevk ü gitdi mihen  
İrdük ol güne dahı sag ü esen

Bir yıl tamâm sılada olup on birinci ider ki âstâne-i 'izzet-âşyânelerine mülâzemet ve hidmet-i du'â ve senâlarına müdâvemet üzre olmuşuzdur. Tâlib-i mechûl-ı mutlak olmayalum diyü Vidin kazâsını matlab ittihâz itmiş idük nasîb gayr imiş. El-hayru mâ'htârehu'llâh. **Beyt:**

Gittiyse Vidin n'eyleye sultânım ola sag  
Lutfuñ olıcak Vecdî'ye tag üsti olur bâg

Bu 'abd-i fakîr ü hakîr gâyet zebûn ve nihâyet mertebe medyûn ve ebu'l-benât ü masabb-ı nekebât olmagla hâli diger-gündür. Elhamdu li'llâhi ta'âlâ sadr-ı 'âlî-kadr, bir senüñ gibi vücûd-ı pür-cûd gelmişken eyyâm-ı 'adl ü hengâm-ı insâfuñda lâyıık u harî neyse mercûdur ki sudûr u zuhûr eyleye. **Beyt:**

Bendeñ dimezem kim kerem eyle baña lâyıık  
Sen himmet ü lutf eyle efendi saña lâyıık

*Kul küllün ya'melu 'alâ şâkiletihi.*

**Kıt'a:**

*Mef'ûlü Mefâ'ilü Mefâ'ilü Fe'ûlün*

- 1 Vecdî-i du'â-gûy u senâ-cûyı esirge  
Bir sencileyin hazret ile haşr ola heyhât
- 2 Vir aña Nigebolı kazâsını kerem kıl  
İsterseñ eger bulmayasın ecre nihâyât

**Nazm:**

*Mefâ'ilün Mefâ'ilün Fe'ûlün*

- 1 Bu sözi bizden öñdin söylemişler  
Cihân levhine yazmış okımışlar
- 2 'Uluvv-ı himmet it bâlâyı gözle  
Sen iste virmek Allâh'ıñ dimişler

*Allâhümme lâ-mâni'a limâ a'tayte velâ mu'tıye limâ menâ'te velâ râdde limâ kadayte. Ve ufavvizu emrî ila'llâh. İnnâ'llâhe basîrun bi'l-'ibâd.*

**Nazm:**

*Fe'ilâtün Fe'ilâtün Fe'ilün*

- 1 Matbah-ı ni'met-i Hak'dur bu cihân  
Çâşnî-gîridür anuñ insân
- 2 Tâ ki a'lâdan ire sahn-ı ni'am  
Senden ednâya irişe ihsân
- 3 Eger imsâk ile buhl eyler iseñ  
İrmez ol h'ân-ı ni'amdan saña nân

-14-  
(54b-55a)

**Mu'allim-i Hudâvendigâr ya'nî hâce-i kâm-kâr-ı bahrû'l-'ulûm Sa'du'r-Rûm  
Sa'du'llâh Efendi hazretlerine**

[Nazm]:

- 1 Hâce-i pâdşâh-ı zıll-i İlâh  
'İzz-i dünyâ vü dîn Sa'du'llâh
- 2 Tavvala'llâhu 'ömre devletihi  
Emminû emminû 'ibâda'llâh

*“Allâhümme es'id sa'de'l-melik fi'l-'ardî tâli'an mâ-dâme nazîruhu fi's-semâi lâmi'an.”* Hazret-i melik-i mecîd *yüzîdu min fadlihi mâ-yeşâ ve yürîd* hasebince sa'âdetlü sultânüm hazretlerine bir vech ile mecd-i medîd ve 'izz-i mezîd müyesser ü mukadder kılmışdur ki ol sa'âdete nisbet sa'd-ı her-sâ'id *“mâ-yeteşâ'emu bihi beyne'l-'âbid”* kabîlinden olup *“es'adu em sa'idu”* mesel-i 'atîk iken makâl-ı cedîd olmuşdur belî *“Lekad sa'de'd-dünyâ bihi dâme sa'duhu”* sa'd-ı evvel ol seyyid-i 'îsâ-nefesün ism-i huçeste-resmî hurûfından istimâ' itse fi'l-mesel birî-i sinîn (?) tâze cân bulup cûyân u pûyân ve lebbeyk ü sa'deyk-gûyân, hidmet-i 'izzet-pezirlerine geleydi ve kendüyi evvel ü sâni add itmek degül belki medh-gûy ve sâni olmaga cân virüp diyeydi *“Ra'eytu su'ûden min şu'ûbin kesîretin fe-lem era sa'den kadtu misle hazâ sa'd”* Husûsan mehâdîm-i kirâm-i sa'âdet-fercâm ve devlet-i ihtirâmları her birinün gicesi kâdr ü berât günü 'id olalar devletle es'ad u su'ûd u sa'id devlet ü ikbâl u 'izz u iclâl ile dâhil-i bâb-ı sarây-ı sürûr-ı 'âmâl olup reşâkat-ı kad ve sabâhat-ı hadlerine nâzır olanlar mâ-hazâ beşeren didüklerinde vâlid-i mâcid-i pîr-i Ya'kûb-nazîrleri bî-ihyâr *“hazaren 'an-isâbeti'l-enzâr yâ beni lâ-tedhulû min-bâbin vâhidin”* tavsiyesini tezkâr u tekrâr ider ki

**Kıt'a:**

*Mef'ûlü Fâ'ilâtü Mefâ'ilü Fâ'ilün*

- 1 Ol devha-i hadîka-ı 'izz ü sa'âdetün  
Aslı vü fer'i sâbit ü nâbit ola müdâm

- 2 Serv-i riyâz-ı devlet-i 'izz ü şerefdürür  
Ser-sebz ü kâ'im ola ilâ- sâ'ati'l-kıyâm
- 3 Yâ Rabb sadr u kadri şedîd u sedîd ola  
Sa'dı mezîd ü mecdi medîd 'ömri müstedâm

Pes bu ni'met-i 'amîme ve devlet-i 'azîmenüñ şükri benüm gibi bî-çâreler derdine dermân-dih olmak idügi 'alem-i 'âlem-ârâlarına mahfî ve pûşîde olmaduğına binâ'en 'arz-ı hâle cür'et ü cesâret oldu. **Beyt:**

Esirge ol kulı ey h'âce-i haliyyü'l-bâl  
K'elinde mâl yok u dilde kâl ü tende mecâl

Hemişe mehâdim-i kirâm ve hüddâm-ı süreyyâ-intizâm ile sarây-ı âsmân mânde ve emn ü emânda olup cünûd-ı a'dâ benât-ı na's gibi perişân ve fuvûr-ı ahibbâ mecmû' ve gâlib ber-işân ola. Âmin.

*La-zâlet 'izzetuhu ve mâ berihat sa'detuhu Mâ sebete es-sa'du fî's-semâi ve nebîte es-sa'denetu fî'l-gabrâi.* **Beyt:**

Neler eyler kişiye tâli'-i bed  
Ahter-i sa'd eylemezse meded

-15-  
(58a)

El-insâf, masdaru ensafa, me'hûzun mine'n-nısf ke-enne'l-munsife el-muttasifa bi-hazihi's-sıfat yec'alu nefsehu nısfen ve'l-gayre nısfen âher, fe-yesîru ma'â zâlike'l-gayr şahsen vâhiden. Fe-yuhibbu li-gayrihi mâ-yuhibbu li-nefsihi hattâ teyessere lehu'l-'amelu bi-mazmûni'l-hadîsi's-şerîf ve huve Lâ-yu'minu ahadukum hattâ yuhibbe li-ahihi mâ-yuhibbu li-nefsihi ve yü'eyyidu haze'l-ma'nâ kavlu's-şeyh radiya'llâhu 'anh. **[Beyt]:**

Benî Âdem a'zâ-i yek-digerend  
Ki der-âferîniş zi-yek gevherend

-16-  
(69a-69b)

**Merhûm Hâfız-zâde Efendi'den bir fakîre 'imâret aşî virilmek ricâ olunup nev'-i  
müsâhale fehîm olunup yazılmışdır**

*"Lâ-zâlet vücûhu sahâyifi'ş-şerâyi' dahikaten bî-bükâ'-i aklâmihî ve mâ-berihâ  
esâsu's- şeri'ati'ş-şerîfe"* mü'essesen bî-ihkâm-i ahkâmihî tavâli'-i su'ûd u kâm-rânî  
ve ikbâl ve talâyi'-i cünûd-ı ümniyyet ü âmâlî hemîşe metâlî'-i evc-i ikbâlden tâlî' ü  
hem-vâre mecâmî'-i 'izz ü iclâlden lâmi' olmak ed'iyyesine hulûs-ı bi'llâh iştigâl  
iden dâ'i tarafından istihbâren asdâf-ı eltâf-ı dürr-feşân olup ve kân-ı mekârim ü  
a'tâf-ı zer-feşân olup kitâb-ı müstetâblarıyla yâd ve hâtır-ı hazînimüzi şâd itmîşsüz  
Hak subhânehu ve ta'âlâ hazretleri belâdan emîn idüp yemîn-i meymûnları mahall-i  
kitâb-ı emânî ola, âmîn. **Beyt:**

Ez-nazar yek-çend ger dûrîm dûr ez-dil ne'im  
Her ki yâd-ı mâ koned ez-yâd-ı û gâfil ne'im

Benüm efendüm ve benüm sultânüm sâbıkâ zarâ'at-nâmede Şihâbu'd-dîn Paşa  
merhûm 'imâretinden Hayru'd-dîn Efendi muhibbiñüz vesâtetiyle Hasan Paşa-nâm  
fakîre it'âm olunan ta'âm gam-hânede sâkin olan bende-i me'nûsa ya'nî na'l-bend  
usta Zaganos'a in'âm olma diyü cenâb-ı 'âlîlerine haylî meskenet 'arz olınmışdı,  
kesret-i velvele-i eşhâs ve vefret-i gulgule-i 'âm u hâs birle kalb-i nebîh-i âyîne-  
şebîhlerinde sûret-nümâ olmamış gibi civârda sâkin olmagla cerr-i civârî latîfesinden  
mâ'adâ fakîrû'l-hâl ve kesîrû'l-ıyâl bir derdmenddür. Zâhir budur ki ol ta'âm-ı şîrîn  
fırka-i fukarâyâ ta'yîn olınmışdır şefâ'ate hâcet yokdur minnet ü şefâ'at ile olıcak  
mâni'-i hulûs u ihlâs olur diyü 'atâ buyrılmadıysa şimdi *"ed-dâllu 'ale'l-hayri ke-  
fâ'ilih"* hasebince garaz mücerred delâletdür, eger hod kâdî evinde kışlar ve elinde  
gül gibi san'atı var diyü buyurılırsa sâhib-i hânenüñ hâli ma'lûm ve soguk demir  
dögmek ile tahsîl olunan mâluñ me'âlî mefhûmdur eger muhiblerine intisâb hatâ ve  
minnetimüz mâni'-i 'atâ ise ne diyelüm a benüm devletüm fukarâyâ mevkûf bir aş,  
hâl budur ki sâbıkâ ihsân olunan kimesne yalnız baş idi, şimdi sevk olunan fakîr iki  
eli taş altında kalmış bir hakîr-i dayyıkû'l-ma'âşdur, civârũñuzda olup her vechle  
hâline vukûf-ı şerîfiñüz olan fukarâdan bir dilim etmek dirîg itmek istimâ'

olındukda tennûr-ı sîne sûzân ve âteş-i gayret fûrûzân olup kıdr-ı hâtır mircel-i kalb-i fâtır ol kadar galeyân itdi ki **Beyt:**

‘Ârifûñ birisi alınca haber  
Didi göñlûñ senûñ aş ister

matbah-ı dehr içinde sultanum nia’muñ ‘âmm iken niçe fodula ne içün ol fakîre virmezsin bir çanak aş ile iki fodula, kimûñ aşın alıp kime virelüm dimelü degül, mahlûl-ı ta’âm olmagla cür’et olinmışdı. Huzûr-ı şerîfde ta’zîre istihkâkımız da var ise merâtib-i nâs mütefâvitedür, ta’zîr-i bi’l-ihsân dahi esnâf-ı ta’zîrden ‘add olunur, belki emzice-i kirâma nisbet ta’zîr-i şedîdden eşeddür, mürüvvet ü kerem hod ‘aliden kalmışdur, hâşâ ki ‘alî-keremden kala zamân-ı devlet ü avân-ı sa’âdetlerinde bir iki tohm ricâsı var idi, ol ricâyı kat’ içün vech-i kereme kınâ’ ola diyü imtinâ’ buyurılır ola, sâbıkan mektûb-ı şerîflerinde câr-ı pür-cevrimiz efendiye selâm olunur diyü buyurıldukda tafsîl-i ahvâl bâ’is-i vahşet olmak ihtimâldür diyü hayme-i icmâlde karâr olınup tayy-ı tınâb-ı kıl u kâl olınmak ihtiyâr olinmışdı. Yohsa ne an ki câr-ı pür-cevr-i latîfe muhîbb-i bâ-vefâya sâdık ve bu edâ-i eziyyet-mü’eddi mahalle muvâfık olam, fe-hâşâ sümme hâşâ sümme hâşâ, sûret-i vifakda ihdâs-ı nifâk iden ehdâsuñ emegi zâyî’ olmak münâsib görilmemişdi yohsa hakem-i munsıf u muttasıf bi’l-insâf huzûrında “*fe-in kulte kultu*” üslûbında kelâm tertîb olınsa câr-ı pür-cevr sehmi bi’l-küllîye üzerimizden ayrılmazsa bârî yarıya üleşürdük ola. **Beyt:**

Habîb iseñ telattuf yok mı yâra  
Tutalum düşmenüm kanı müdârâ

Tereşşuhu’l-bâl bi-şerhi’l-hâl buyurılmagın bu deñlü itnâb olındı ma’zûr buyırula .  
**Harrerehu’l-fakîr Vecdi’l-hakîrî’l-kâdî Peçuy**

-17-  
(69b-70a)

**Zeyrek-zâde Efendi Hazretlerine yazılmışdır.**

Hâk-i pâ-y-ı şerîflerine ma'rûz-ı 'abd-i za'îf budur ki **Nazm:**

*Fe'ilâtün Fe'ilâtün Fe'ilün*

- 1 Sorsa ahvâl-i bendeden sultân  
Diyersiz bî-mecâl ü bî-dermân
- 2 Haste beste şikeste-hâtırdur  
Gice gündüz du'âsı bu yek-sân
- 3 Kadem üzre ola demüñ dâ'im  
Devlet el vire bulmaya pâ-yân

İnşâ'allâh evâ'il-i şehri-zi'l-kâ'dede “*el-hareketü ma'e'l-bereke*” mefhûmına nazar, terk-i ka'de idüp hâk-i pâ-y-ı şerîflerine rûy-mâle kıyâm ile ikdâm-ı akdâm tahrîk olunmaga 'azîmet olunmuşdur. Hakk sübhânehu ve ta'âlâ ahsen vech ile müyesser eyleye. **Nazm:**

*Mefâ'ilün Mefâ'ilün Fe'ülün*

- 1 N'îçün yüz sürmeyeyin hâk-i pâye  
Benüm hod sehm-i mevrûsum bu pâye
- 2 Kuluñum gâh lutf it gâh kahr it  
Kuluñ kâbil cefâ ile vefâya
- 3 El üzre tutar isen lutf idersin  
Zihî devlet kor iseñ zir-i pâye

Bir mikdâr sîb-i eyvânî ve ayva irsâl olındı ma'zûr buyurla. **Beyt:**

Hudâyâ sîb ü ayva bitdügince bâg-ı 'âlemde  
O nahlistânı hıfz eyle meded âsîb ü ayvâdan



[Beyt]:

İlâhî zât-ı pâki defter-i ‘âlemde var olsun  
Sa’âdet yâr u devlet ber-karâr ‘izz üstüvâr olsun

**El-esîrû’l-kesîr Vecdî’l-hakîr**

Kâffe-i ashâb-ı hayrât ‘âmmе-i erbâb-ı hasenât ‘âmelehumu’llâhu ta’âlâ fi’-d-dünyâ bi’l-berekât ve yessere lehum fi’l-âhiret a’le’-d-derecât huzûr-ı şerîflerine “*ed-dâllu ‘ale’l-hayri ke-fâ’ilihi*” *hadîs-i* şerîfiyle ‘amele tasaddî iden dâ’inüñ ‘arz itdügi budur ki Peçuy sipâhîlerinden şecî’ ve dilîr ü bahâdır ve dil-âverlikde ‘âdîli nâdir ‘âdil-nâm sipâhî hıdmet-i muhâfaza-i ser-hadd-i İslâm’da iken vefât idüp müte’allikâtı fakr ü fâka ile geçinürken hikmet-i ilâhidür Kopan Vâkı’ası’nda ehl-i beyti ve bir oğlu ve iki kızı küffâr-ı hâksâra giriftâr ve cümle mâmelekleri târâc u târ-mâr olmışdur. Anlar küffâr elinde elem ü gamda bunlar gice ve gündüz ye’s ü mâtemdedür bu vâkı’a-i ‘ulyâ ve bu hâdisе-i kübrâ niçe takrîr olına ki beyân ve ne vech ile ta’bîr olına ki ‘ayân ola, hemân du’â eyleyelüm Hakk ta’alâ hazretleri ‘ibâdından dûr ve imâsından mehcûr idüp bu derdmendleri dahı ahsen-i vechle halâs birle mesrûr eyleye. Eyle olsa ol cânibden hâmil-i varaka-i niyâz olup hâk-i pâ-yı şerîflerine yüz süren her kim ise sâ’ir ‘avâm-ı nâsa kıyâs itmeyüp kitâb hükmince mahall-i sadakât ve fahr-ı [?] zekât olduklarında iştibâh olunmaya. “*İnna’llâhe lâ-yudî’u ecre’l-muhsinîn*”

***Harrerehu’l-fakîr ‘Abdu’r-rahmân eş-şehîr bi-Vecdî’l-kâdî Peçuy***

-18-  
(70a)

**‘Ammî-zâde Efendi’den terkîb-i Calinus mutâlebesinde yazılmışdur**

Dâ’î-yi kerem-me’nûs şeref-i dest ü pâ-bûs ile müşerref oldukda karîn-i Batlamyus olan hakîm Calinus tertîb itdügi terkîb-i garîb ki hokka-i abanosda mahbûsdur, bir mikdâr irsâl buyurup bu râcî gayr-ı me’yûsı tâbîb-i menhûsu’l-mizâc ve ma’kûsü’l-’ilâca muhtâc kılmayasız ki vakt-i keymûsda isti’mâl olınup sürûr-ı sıhhat ile misâl-i Keykâvus olavuz. Hemîşe bezm-i ‘âlemde kü’ûs-ı sürûr meşrûb ve kûs-ı hubûr

madrûb oldukça libâs-ı sıhhat ve selâmetle melbûs ve hıfz-ı Hakk'la mahrûs olup ser-i a'dañuz şekl-i nâkûs menkûs ola, âmîn.

***Ed'afu 'ibâdi'l-meliki'l-kuddûs Vecdî el- me'nûs bi'd-du'â***

-19-

(70b)

**Kemâlu'd-dîn Efendi'nüñ zamân-ı ibtilâsında müftî-yi zamân Bostân-zâde Efendi'ye virilmiştir.**

Devletlü ve sa'adetlü ve fukarâya merhametlü sultanum hazretlerinüñ hâk-pây-ı şerîflerine belâ-yı nihânî ve kazâ-yı nâ-gehânîye ugrayan kullarınun 'arz-ı hâli budur ki el-hamdu li'llâhi'l-meliki'l-'allâm tafsîl-i hâle vukûf-ı tâm tahsîl buyurulmuşdur, hikmet-i Hudâ'dur ol andan bu zamâna gelince her bâr 'arz-ı i'tizâr idüp hezâr zâr u sad-hezâr girye-i hezâr vâh itsem devr-i menkûsu't-tavrdan mukâbele-i 'özl-h'âhî'de “özl bed-ter ez-günâh” ile cevâb mün'akis olurdu gördüm ki fakr u fâka vü züill ü hâcet nihâyet bulup kemâle yetişdi, kemâl-i müstelzim-i zevâl olmak ümidiyle te'emmül ve Kur'ân-ı i'câz-kırâna tefe'ül olındukda “*Rabbenâ zallelnâ enfüsenâ ve in lem-tagfirlenâ ve terhemnâ le-nekûnenne mine'l-hâsirîn*” âyet-i kerîmesinüñ ma'nâsından “*ve'l-kâzîmine'l-gayze ve'l-'âfne 'ani'n-nâs*” kelime-i tayyibesinüñ fehvâsından dil-i mürdeye müjde irüşüp vâki' hâlüm bâb-ı devlet-me'âblarına 'arz olındı “*inne'l-kirâme velâ-yuhfî mekârimühüm*”, “*el-'avfu indehüm ehlâ mine'n-ni'ami*” bâkî emr ü fermân ve derde dermân yed-i kerîmelerine menûtdur .

**'Abd-i nâ-tüvân kemâl-i pür-noksân**

-20-

(70b-72a)

**Bu hakîr Uzuncaova kazâsına tâlib olup vezîr-i a'zam-ı a'zam-ı selâtîn-i 'âlem Sinân Paşa yessera 'İlâhu mâ-yüsserehu me'âden ve me'âşen hazretlerine virilmişdür**

[Nazm]:

*Mefâ'ilün Fe'ilâtün Mefâ'ilün Fe'ilün*

- 1 Didüm senâya bugün kimdürür harî vü hakîk  
İşitdi hâtif-i gaybî didi 'ale't-tahkîk
- 2 Du'â-ı şâh-ı cihânda añılsa lâyıkdur  
Vezîr-i a'zam u hem-nâm-ı Yûsuf-ı siddîk
- 3 İlâhi gülşen-i 'âlemde şâh ola bâkî  
Vezîr-i a'zamı ser-sebz ola çü serv-i 'atîk

[Beyt]:

Lâ-zâle lisânu sinânihi bi'l-hakki nâtukan  
Ve sinânu lisânihi li'l-bâtîli mâ-hahîkan

Allâhu sübhânehu ve ta'âlâ hazretlerinüñ her fi'li hikmetden dūr ve her sun'ı 'ibretden mehcūr degüldür. “*Subhâneke mâ-halakte hazâ bâtîlen*” meselâ Hakk celle ve 'alâ Yûsuf nebî-i mu'allâ hazretleri zamân-ı kaht u galâ ve avân-ı kahr u belâda hazâ'in-i arza emîn idüp 'ibâdını mazîk-ı 'anâdan halâs ile gınâ virdügi gibi sa'âdetlü sultânum hazretleri dahı bir Yûsuf-ı sâni'dür ki âhir zamân [ve] eyyâm-ı fîten ve hengâm-ı mihendür, müntehâ-yı elf sene ki mazanne-i nıkmetsdür, vücûd-ı pür-cûdları elf ni'met olup 'imâret-i dünyâ vü dîn için getirilmişdür. **Beyt** :

İdüp iylik zamânuñ eñ keminde  
Bulıduñ halk-ı Hakk'a buñ deminde

Semerât-ı sa'yi meşkûr ve mühimmât-ı cidd-i mevfûruñ ni'am-ı Hudâ gibi kâbil-i 'add ü ihsâ ve mümkin-i i'lâm u inhâ degüldür **Beyt**:

Dinmeye ger yazılsa biñ kere  
Bahrden katre şemsden zerre

Cümle-i fevâ'id ve zümre-i 'avâ'id den biri budur ki hutbe ve sikke 'alâ'im-i mülûk u selâtîn ve de'âyim-i devlet-i dünyâ ve dîn olduğundan mâ'adâ, dirhem ü dînâr bâ'is-i ta'âmül-i ehâli-yi her-diyârdur, sebep-i tahsîl-i hâcât ve bâ'is-i tekmîl-i her mühimmât olduğün mazhâr-ı kâdî'l-hâcât olup "*el-ihracât cerâhât ve'd-derâhim merâhimu ve râhat*" buyurulmuşdur. Ammâ ne fâi'de kim **Nazm**:

*Mefâ'ilün Mefâ'ilün Fe'ülün*

- 1 Zen akçe sürinmişdi kızılca  
Ricâlün kalmış idi cânı kılca
- 2 Alan satan iderlerdi cidâli  
Kalâ-yı kurşun kızıl şâhî kılınca
- 3 Bir iki akçe olsaydı yanuñda  
Niçe zahmet çeker idün bulınca
- 3 Gurûş-ı magşûş u dînâr-ı sebük-bâr  
Degüldi müşterî yanında pulca

Hâsıl-ı kelâm darb-hâne-i dünyâda sûret-i sikke ve nukûş-ı gurûş mahv olup **Mısra'**:

Sikke sûretten olmuş idi cüdâ

Sarrâf-ı fikr-i sâ'ib ve sayyâg-ı re'y-i sâkıbları sarf-ı cevâhir-i efkâr ve nakkâd-ı zihn ü vakkâdları bâligâ-mâ-bellag meblag-ı isâr ve kîse-i kiyâset ve hâzîne-i ferâsetlerinde olan dirhem-i fehm ü dînâr-ı 'akl-ı kâmilü'l-'ayâr nisâr itmekle **Nazm**:

Dirhem ü dînârdan ref' oldu şekk ü irtiyâb  
Sikkeyi mermerde kazduñ ey şeh-i 'âlî-cenâb

ve bi'l-cümle ol zât-ı nîk-sıfatuñ nihâdında hayr-niyyet ve cibilletinde istikâmet ve ma'delet ve zât-ı melek-sıfatları ümerânun 'ulemâsından ve vüzerânun fudalâsından olup 'ilm-i âlem-ârâlarıyla 'amel itmekle agrâz-ı nefsâniyyeden i'râz idüp hakk-ı sarîhe tapmışdur. "*Ve la'ane'r-râşî ve'l-mürteşî*" hadîs-i şerîfiyle 'amele tasaddî idüp revzene-i hakkı açup bâb-ı rüşvet ve ta'addîyi yapmışdur. Eyle olsa her mü'min-i munsif ü muttasîf bi-sıfatî'l-insâf ki mir'ât-ı kalbi gubâr-ı cevri ü keder-i 'tisâfdan safdur, kandîl-i kalbinde fitîle-i mahabbet işti'âlde olup bi'z-zarûrî ol

hazretüñ du'â-i devlet-i dâreynlerine iştigâl göstermek lâzım olur ve “*hazâ du'âun lâ-yuraddu li-ennehu salâhun li-esnâfi'l-beriyye şâmilun*”

-21-  
(72a-74b)

**Ba'de'l-ihâneti'l-ma'hûdeti Kemâlu'd-dîn Efendi'ye Üsküb virülüp avân-ı şâdide mübârek bâdîdür**

[Beyt]:

El-hamdu li'llâhi'l-lezi ezhebe 'annâ'l-hazen  
Gamda a'dâ kamu eviddâ şen

[Beyt]:

Her ne şâdî ki fitne zi-mâ fevt kerde-bûd  
Ân-râ be-yek latîfe edâ-kerd rûzgâr

Bâb-ı 'arz-ı fudalâ-ı 'izzet-mevsûm “*luhûmu'l-'ulemâi mesmûm*” hitâm-ı devlet-ihitâmıyile mukaffel u mahtûm ve bu tâ'ife-i gayr-ı hâ'ife min duni'llâha düşmen olan meş'ûm 'âmme-i milel katlarında merdûd u meştûm olup “*innemâ yahşâllâhe min-'ibâdihî'l-'ulemâ*” âyet-i kerîmesi ““alem-i 'ilmi i'lâ ve i'lân u i'lâm ve'l-'ulemâ'u verâsetü'l-enbiyâ”” hadîs-i şerîfî ref'-i râyât-ı fukahâ-i 'âlem-nizâm kılmışdur. El-hamdu li'llâhi ta'âlâ 'ulemâya mes'ele ma'lûm ve ehl-i 'irfâna kaziyye mefhûmdur. “*Ve emmâ bi-ni'meti rabbike fe-haddis*”, ““*asâ en tekrehu şey'en ve huve hayrun lekum*” hasebince hayyât-ı ezel bu zümre-i hayru'n-nâsuñ libâs-ı 'ırz u nâmûs ve câme-i vakâr-ı 'izzet-me'nûslarını teedîd kasd idüp “enzelne'l-hadîd fehvâsından gâfîl bir şahs-ı 'anîd-i rûyîn-pençe eline virmekle rence kılmış idi. “*Îzâ ahibba'llâhu ibtelâhu*” bu da'vâya güvâh-ı bî-iştibâhdur **Beyt**:

Cihân ni'metlerin ni'met bilürler hâle vâkıflar  
Dürüst añlar şikest-i kâse-i Mecnûn'ı 'ârifler

Bu fitne-i 'uzmâ li-hikmetin ve bu tâmme-i kübrâ li-maslahatin birkaç gün mütemâdi olmagla bâdi olan hâkim-i sâkımü'l-mizâc bu cerâhat oñılmaz sanup ve bâ'is olan felâsife-i sefeh-ımtizâc bu hark iltiyâm bulmaz zann idüp ol li'âm-ı bed-

fercâm zümre-i kirâm-ı sa'âdet-irtisâma harf atup tururlardı ve harîfleri olan hasîs ki celîs-i iblis-i pür-telbîsdür. Ta'rîf ü tavsîf kasd ile tahrîf-i mesel idüp okurlardı "*cerehâtu'l-lisâni lehâ iltiyâmun u velâ-yeltâmu mâ-cerahe's-sinân*" **Beyt:**

Bu devri dâ'im ola sanan esfehü'l-enâm  
Görsün felekde niçe olur hark u iltiyâm

Ricâlu'llâh hezâr giryê ve sad-hezâr âh ile "*Em-men yu'cibu'l-muztarre izâ deâhu*" mertebesine fâ'iz ve her biri derece-i ye's-i pür-be'se düşüp "*metâ nasru'llâh*" demek katlarında câ'iz iken nâ-gâh **Beyt:**

Gayretu'llâh bahri itdi hurûş  
Geldi irişdi Hızr-ı hadrâ-pûş

Fi'l-hâl sımâh-ı ricâl "*el-hakku ya'lû*" sadâsıyla mâl-â-mâl\* olup hubûb-ı riyâhî lâ tey'esû min ravhi'llâh tervîh-i ervâh-ı 'ibâdu'llâh idüp etraf-ı semâda envâr-ı "*ucûbû da'vete'd-da'i izâ de'ânî*" zâhir ve eknâf-ı gabrâda âsâr-ı "*inne nasra'allâhi karîb*" bâhir olup dest-ber-bâlâ-yı dest hasebince pençe-gîr-i "*yedu'llâhi fevka eydîhim*" ol zeber-dest-i zîr-dest-âzâruñ pençesin burdı ve küşt-gîr-i "*inne batşe rabbike le-şedîd*" ve zûr-kâr-ı "*yuslehu'l-hadîdu bi'l-hadîd*" ol gaddâr-ı rûzgâruñ arkasını yire getürdi ya'ni niçe getürdiyse eyle götürdü "*el-hamdu li'llâhi'llezi hallasanâ 'anî's-şiddeti ve'l-be'sâ*". "*Ve li'llâhu darru men kâle li-küllî Fir'avn Mûsâ*" **Beyt:**

Fitne bâzârı oldı çün 'âtıl  
Geldi Hak gitse yiridür bâtl

Şeytanet sâhibi olup mercûm yine Âdem mükerrem ü merhûm ol zamân-ı mesâ'ib-nişân ve ol avân-ı meta'ib-'unvânda muhân olan ihvân bi-hamdi'llâhi'l-meliki'l-mennân her biri bir murâd ile ber-murâd u dil-şâd olup cenâb-ı 'izzet-me'âb-ı vâlâ-nisâbları dahı mahmiye-i Üsküb-i cennet-üslûp "*sukiyet bi'l-mâ'i'l-meskûb ve humiyet 'anî's-sülûb ve'l-'uyûb*" ile teşrîf ü taltîf olınmışlar, gerçi şe'n-i şerîfleri mansıb ile teşrîfden efzûndur. Hak sübhânehu ve ta'alâ mübârek u meymûn ve bâ'is-i merâtib-i gûn-â-gûn eyleye, âmîn. [**Kıt'a**]:

\* mâl-â-mâl: memlû.

*Fe'ilâtün Mef'âilün Fe'ilün*

- 1 Kûlfe-i tuhfe-i tahiyyetden  
Geçelüm olalum Süleymânî
- 2 Beridür çûn etkiyâ andan  
Vâkı'a biz de n'idelüm anı
- 3 Bâ-tekellûf musâhebet olmaz  
Bî-tekellûf olanlaruñ şânı
- 4 Çi tekellûf miyân-ı mâ vü şümâ  
Diyü yazmışken ol kerem kânı
- 5 Gurre itmiş iken bu garrâlık  
Degül idi o hazretuñ şânı
- 6 Bu dahı bî-tekellûf olmakdur  
Diyü buldum bu derde dermânı
- 7 Çi tekellûf begüm garaz ma'lûm  
Kasdum olmakdurur senâ-h'ânı
- 8 Sendedür hüsn ile cemâl u kemâl  
Bendedür cürm-i 'aşk ile cânı

*“Selâmun mine'r-rahmâni nahve cenâbihi li-enne selâme'l-'abdi lâ-yeliku bi-bâbihi”* meclîs-i hatîrlerine 'arz-ı 'abd-i hakîr olur ki ber-muktezâ-yı tavr-ı ma'hûd zümre-i ahhâb-ı senâ-i'tiyâd ve fırka-ı ashâb-ı hulûs-nihâd tarafından tefahhus buyrulursa vatan u gurbet içre efgende dil-i 'âşık gibi perâkende iştiyâk-ı mülâkla giryân ihtirâk-ı firâk ile büryân olup sîne sûzın zülâl-i ed'îye-i müstecâbe ve ciger tâbın eşribe-i ensiye-i müstâtabe birle teskîn idüp *“Allâhümme meddit bekâ'ehu ve yessir likâ'ehu”* diyü cenâb-ı 'izzete hayr du'âdadurlar. Hemîşe âftâb-ı celâl u devlet tâbende ve sâye-i 'âtîfet ü re'fet ber-bendegân pâyende bād. Zamân-ı ıztırâb ve avân-ı inkılâbda cenâb-ı ni'me'l-me'âblarına ketb-i kitâb îcâb itdükde *“hazeren 'ani'l-'itâb bi'l-hatâ fî-ri'âyeti'l-elkâb selâmun 'ale'l-meclisi'l-'âlî”* makâlî üslûbında kelâm îrâd olunmagla şe'n-i kerîmleri ta'zîm ü terkîm u tefhîm olunmuş idi gerçi sâbıkân mektûb-ı şerîflerinde *“şartu'l-ülfe terkü'l-külfe”* ma'nâsı ri'âyet olunup

bizde tekellüfe beñzer nesne yokdur diyü buyurılmanın sârık-ı tabî'at zurûf-ı hurûfda mahzûne olan cevâhir-i muhrezeden ma'nâ serîka idüp lâ'übâlî olmagla eskâl-ı tekellüfi sahrâ-yı tasallufdan geçirüp sahn-ı te'lîfe göçürmişdi, meger çokdur mahallinde bu kadar kitâbet olunup sehv-i kalem olmuş imiş, eger kasden kitâbete haml olunursa ol tahrîr-i lâzımı't-tavkîr muktezâ-yı tahrîrleri üzre hareket itmemege haml olunmaz belki tecâhülü'l-'ârif-i ma'rûf hasebince bu hakîrûñ va'd-ı sılada halefe hilf u nazîr kabilinden olup cenâb-ı müstetâblarında dâ'îleri hakkında i'dâd buyurdıkları 'itâba cevâb ola diyü imdâd olunup mazîk-i ilzâmda mahlasa muhlis tedârükünden muhmel kalmaz. Bâkî hemîşe zıll-ı vücûd-ı pür-cûd memdûd-bâd bi-Rabbi'l-'ibâd.

-22-  
(74b)

**Merhûm Korkud-zâde 'Âlî Çelebi'nüñ ayakları agrıdukda anlara yazılmışdur**

Mizâc-ı nâzik-'ilâc ve fi'l-letâfeti mislu'z-zücâcda nev'-i fütûr u inkisâr vâkî' olmuş "îzâ ahabba'llâhu 'abden ibtelâhu" hasebince bî-iştibâh mahbûb-ı İlâh olup zeneb-i zenb mikrâz-ı emrâz birle maktû'dur, el-hamdu li'llâhi ta'âlâ ayagıñuzda zuhûr iden vec' hod maraz pâyâne irişmege 'alâmetdür, hayrdur bi-'avni'llâhi ta'âlâ merfû' ve medfû'dur. [Nazm]:

*Mefâ'ilün Mefâ'ilün Fe'ülün*

- 1 Ayak derdine çâre gelmez elden  
Ne çâre başa yazıdur ezelden
- 2 Kamu el kaldırıp itdi du'âyı  
Ahibbâ itdi ne geldiye elden

Hâmiyân-ı havme-i şerî'at-ı İlâhî olan kuzât-ı İslâm ve hârisân-ı havza-i hükûmet-i pâdşâhî olan vülât-ı enâm vülât-ı ahkâm-ı şer'iyye ve hümât-ı memâlik-i mahmiyye veffakahumu'llâhu ta'âlâ bi't-tevfik ilâ-sevâ'i't-tarîk 'izz-i huzûr-ı şerîflerine



seccâde-nîşinân-ı şerî'at-ı şerîfe-i Muhammediyye ve câdde-bünyân-ı ahkâm-ı dîn-i Ahmediyye \*

-23-  
(75a-76b)

Hudâ-yı bî-enbâz hazretlerine izdiyâd-ı kadr u rif'atîñüz için niyâz tahrîr olunmak  
dehân-ı devât bâz ve hâme-i zebân dîrâz olup bu hakîr, Şâm-ı şerîf kazâsında vefât  
iden Kurd Efendi'de dânişmend bulunup mülâzemet ızdırâbiyle merhûm Baba  
Efendi'ye yazılan inşâdur

[Beyt]:

Der-în sahîfe çü âgâz kerdem imlâ-râ  
Giriftem ez-heme evlâ senâ-i Mevlâ-râ

*“Lâ-zalet ‘atebetuhü’l’aliyyetü maksaden li-incâhi me’âribi’l-‘âlemîn ve  
süddetuhu’s-sâmiyyetu mevrîden li-is’âfi’l-metâlib ilâ-yevmi’d-dîn, âmin âmîn  
Allâhümme merham men vâfekanî bi’t-te’mîn”*

Âstâne-i gerdûn-iktidâr ve ‘atebe-i zafer-disâr u nusret-şi’ârlarına ‘arz-ı bende-i bî-  
mikdâr u zerre-i hâksâr oldur ki eger ber-muktezâ-yı sünnet-i seniyye-i büzürgvârı  
ve ‘âdât-ı behiyye-i kâmkârı bu kûşe-hamûlda nâ-peydâ ve künc-i nisyân u zuhûlda  
nesiyyen ve mensiyyen metrûk olan zerre-i bi-vücûd ve katre-i hâk-âlûd kibeline  
zamîr-i münîr-i hurşîd-tenvîr ve hâtır-ı ‘âtır-ı iksîr-nazîr tevcih buyurılırsa **Beyt**:

Men ki bâşem ki be-ân hâtır-ı ‘âtır güzerem  
Lutfhâ mî-künî ey hâk-i deret tâc-ı serem

Sa’âdetlü sultânüm hazretlerinüñ devâm-ı devlet-i dîniyye ve dünyeviyye ve  
izdiyâd-ı haşmet-i sûriyye ve ma’neviyyeleri ed’iyyesine a’kâb-ı salavât ve evkât-ı  
halâvâtde iştigâlde mülâhaza buyurıla. **Beyt**:

Müdâm ez-hazret-i ‘izzet devâm-ı devletet h’âhem  
Şeb ü rûz ez-Hudâ cem’iyyet-i zât-ı tu mî-h’âhem

---

\* câdde-bünyân-ı: beyân-konendegân-ı *sahh*.

[Beyt]:

Be-nezdîk-i Süleymân bâşed ez-mûr  
Hadîs-i şevk u ihlâs ez-edeb dûr

[Beyt]:

Pây-ı melah pîş-i Süleymân burden  
'Ayb-est velikîn hüner-est ez-mûrî

Bu bahr-i felâketde fûlk-i fikreti gird-âb-ı belâda dâ'ir ve berr-i hayretde fî's-subhi ve'l-mesâ berîdâsâ sâ'ir olan 'abd-i bî-bahâ dest-i du'â birle dâmen-i "*Em-men yu'cibu'l-muztarre izâ da'â*"ya teşebbüs idüp ber-muktezâ-yı fehvâ-yı **Beyt**:

Dârem tama' zi-girye-i şeb-gîr ü âh-ı subh  
Yâbem devâ-yı derd-i dil-i bî- devâ-yı h'îş

Âh-ı şeb-gîrî ve girye-i zârî-i seherî ki miftâh-ı "*mekâlidü's-semâvâtî ve'l-ard*"dur, şefî'-i şefik ittihâz idüp ol kâdî'l-hâcât ve sâmi'ü'l-münâcât cenâbına bu vech ile teveccüh-i tâmm izhâr idicek zebân-ı gaybdan nidâ sâdır ve lisân-ı lâ-raybdan edâ zâhir olup Allâhu müsebbibu'l-esbâb "*İzâ erâde şey'en heyye'e lehu'l-esbâb*" ma'nâsını 'akl-ı pür-'ikâla ta'lîm ve dil-i pür-melâle tefhîm idüp sebep-i zâhiriye mürâca'at iş'âr idüp **Beyt**:

İş olmaz 'âlem içinde sebebsiz  
Sebeb dahı ele gelmez talebsiz

diyüp bunuñ emsâli niçe kelimât-ı nasîhat-nisâb ve anca ebyât-ı tesliyet-intisâb beyân itmekle 'akla selâmet gelüp dilden melâlet ref" olup sebep-i zâhirîden su'âl idicek ol dil-hastenüñ su'âline cevâb-ı bâ-savâb bu yüz sudûr u zuhûr itdi ki "*Hüve lâ-zâle ke-ismihi mahmûden li-fulki'l-ikbâli kevkeben mes'ûden a'nî bihi melce'il-feryâd ve melâzi'l-fukarâ, ebe'l-mesâkîn ve'l-yetâmâ sâlik-i meslek-i fazl u dâniş ve mâlik-i memâlik-i 'akl u bîniş lehu himemin lâ-müntehâ li-kibârihâ ve himmetuhu's-sugrâ ecellu mine'd-dehr lâ yüdriku'l-vâsîfi'l-mutarrâ hasâisehu. Kücâ kalem be-zebân şerh-i ân tevâned dâd.*" Bu evsâf-ı fâ'ika ile tavsîf ve bu elkâb-ı lâ'ika ile ta'rîf idüp li-eclî'n-nasîha kelimât-ı fasîha birle **[Nazm]**

*Fe'ilâtün Mef'âilün Fe'ilün*

- 1 Girü hâtifden irdi câna nidâ  
Ne nidâ belki cism u câna gıdâ
- 2 Ne yürürsün şikeste vü beste  
Zâr u giryân u h'âr u dil-haste
- 3 Hâcetün var katında eyle 'ayân  
Ya'ni derdün tabibe eyle beyân
- 4 Anı ol pâdşâh-ı ferd ü samed  
Kıldı mesned size eben-'an-ced
- 5 Söyle ahvâlünü huzûrında  
Sözünü kalmaz ol kusûrında
- 6 Veyahûd eyle hâlünü tahrîr  
Kâle kudret çü virmedi takdîr

**Beyt:**

Ey hâk-i deret kıble-i erbâb-ı mühimmât  
Ger rûy-ı be-sûy-ı tu ne-y-âyem be-ki ârem

**[Beyt]:**

Nâr-ı gayretle tutışdum mahfel-i akrânda  
Himmetün yagıyla rûşen kıl çerâg-ı devletüm

'ilm-i şerîfe nihân u mahfî ve tab'-ı latîfe pinhân u muhtefî olmaya ki Kurd Efendi merhûm "*sakkâ'llâhu ta'âlâ min rahîkin*" mahtûm fukârası hakkında emr-i şâhî ve hükm-i şehensâhî vârid ü nâzil olup mazmûn-ı meymûn-ı sa'âdet-makrûnında dânişmendân-ı fâ'ikü'l-akrândan yigirmi beş nefer dânişmend-i ercûmend mülâzım ta'yîn buyurulmuş lâkin bu 'abd-i dîrîne ve çâker-i kemterine dâ'ir ber-murâdiden hâric .....\* devletlü ve sa'âdetlü sultânüm hazretlerinün hâk-i pâk-pây-ı iksîr-te'sîrlerinden mes'ûl u mutazarı'dur ki kâdî-'asker efendi muhiblerine şân-ı 'âlîlerine lâyık u harî olan ma'nâ sevk olınsa mercûdur ki mekâmin-i gaybdan

\* Mürekkep dağıldığından dolayı bir kelime okunamamaktadır.

meyâmin-i eltâf zuhûr eyleyüp 'arûs-ı murâd kınâ'-ı 'izzet u imtinâ'dan çehre-güşâ  
olup bu bende-i müstmend behrevâr u behremend ola. **Beyt:**

Hâsıl olsun devlet ü bahtuñda ey fahr-ı zamân  
Bu dil-i gam-dîdeme ser-mâye-i şâdî yine

**Beyt:**

Her mekremet ki gerd u kuned ü berâ-yı men  
Yâ Rab tu der-havâli vü ikbâl-i ü resân

Hemîşe murâdât-ı dü-cihânî hâsıl ve sa'âdât-câvidânî vâsıl-bâd bi-rabbi'l 'ibâd.

**Harrerehu'l-fakîr Vecdî'l-hakîr**

-24-  
(76b-77a)

**Filib'e'de sabıkan mu'îd olan Mahmûd Çelebi'ye irsâl olunmuşdur**

[Nazm]:

*Fe'ûlün Fe'ûlün Fe'ûlün Fe'ûl*

- 1 Du'âyî ki ne-bûd be-dâ'i muzâf  
Zi-'ucb u riyâ bel zi-ihlâs sâf
- 2 Çü fânî şeved bendeî der-du'â  
Ne ihlâs gunced der ü ne riyâ

[Gazel]:

*Mef'ûlû Fâ'ilâtün Mef'ûlû Fâ'ilâtün*

- 1 Ey Merve-i mürüvvet ol suffe-i Safâ'da  
Lebbeyk ura kapuñda erbâb-ı istifâde
- 2 Bu kûdekânı kandur hem suhtegânı kandur  
Feyz it zülâl-i 'ilmi min menba'i'l-ifâde

- 3 Bîmâr-ı cehle çünkim dâru'ş-şifâ kapuñdur  
Yazmış hakîm-i dâna Kânûn ile Şifâ'da\*
- 4 Nûr-ı fezâ'ilüñle rûşen ola medâris  
*Mâ-dâmeti'l-ahâlî fî-mansibi'l-i'âde*
- 5 Vecdî-i nâ-tüvânuñ dâ'im budur du'âsı  
Yâ Rabbi tavvil 'ömreh bi'l-'izzî ve's-sa'âde

'İlm-i şerîfe pûşîde ve mahfî ve tab'-ı latîfe nihân u muhtefî olmaya ki râfî'-i ruk'a-i du'â ve hâmil-i hamâ'il-i senâ bizüm dayı-zâde Mustafâ Çelebi bendelerine bi-'inâyeti'llâh âb-ı tevîk birle nevm-i gafletden intibâh gelüp kesb-i ma'ârif itmek içün kemer-i himmeti miyân-ı hidmete berk ve nefsüñ arzû [ve] hevâ ve meyl ü müştehasın terk idüp ol kıble-i kabîle-i erbâb-ı hâcât ve Ka'be-i tâ'ife-i ashâb-ı münâcât kıbeline lebbeyk-güyan sa'y gösterdükde ashâb-ı himmet ve erbâb-ı mürüvvete imdâd u 'i'ânet ve igâsesi lâzım olmagın varaka-i niyâz birle irsâl olındı.

**Mısra':**

Zihî sa'âdet u devlet eger şeved makbûl

İnşâ'allâhu ta'âlâ hayr ile vusûl buldukda mefâtîh-i işârât ve hidâyetleriyle kufl-ı ebvâb-ı ma'ârif meftûh ve mesâbîh-i irşâd u delâletleriyle sadr-ı erbâb-ı metâlib meşrûh olup hazâ'in-i 'ulûma vâsıl olup murâd ve ârzû-yı fû'adına nâ'il ola "*Lâ 'azve li'ş-şemsi en-yelûh ve li'l-miski lâ-zâle tab'uhum eş-şerîf fî-bahri'l-'ulûm gavvâsen ve 'atebetühü'l 'aliyetu melce'en li'l-halki 'ammen ve hassen lâ-zâlet zâtuhu 'an-mansibi'l-i'âdet fî-medreseti ve's-siyâdeti ve zülâlü 'ilmihi câriyen min menba'i'l-ifâde ve bâbuhu melâzen li-erbâbi'l-istifâde.*"

**Ahlâsu'l-'ibâd Vecdî-i hâk-nihâd**

Tenmîk-i vesâ'il-i resâ'il vidâd ve tahkîk-i resâ'il-i mesâ'il-i ittihâd ki levâzım-ı sıdk u ihlâs u ihtisâsdur. 'Alâ-hasebi'l-imkân tehzîb ü tertîb kılınup îsâr-ı meclis-i şerîf-i şeref-âyîn kılındukdan soñra diger âstân-ı âşyân-ı celâl a'lâ'llâhu kadrehu bi'sa'deti

\* Yazmış **hakim**-i dâna Kânûn ile Şifâ'da: Yazmışdur İbni Sinâ Kânûn ile Şifâ'da *sahh*.

ve'l-iclâl türâbına ma'rûz-ı bende-i bî-mecâl oldur ki hemîşe gülşen-i fazl u ifzâl-i bâ-nihâl-i zât-ı 'adîmü'l-misâli zeyn ü ber-kemâl bâd, bi-rabbi'l-'ibâd.

-25-

(77b)

**Bu hakîr Karîn-âbâd kâdısı iken Behmen-zâde Süleymân Çelebi dîvân kâtibi ve vilâyet muharriri olup anlara virilen sûret-i 'arzdur**

Südde-i seniyye ve 'atebe-i 'aliyye suvvinet 'ani'l-beliyye türâbına 'arz-ı 'abd-i hâksâr budur kim bi'l-fi'l Silistre Sancagı kitâbetiyle me'mûr olan zümre-i sefere-i berere 'âlî-makâmdan fahru'l-akrân Süleymân bende-i hakîr-i mûr-nazîrleri vilâyet-i mezbûreyi bir vech ile tahrîr u tastîr itmişdür ki 'arz-ı mesfûreden tamâm ref'-i ibhâm ile temyîz ü mahdûd ve tarîk-ı teşvîş ü iştibâhı bi'l-küllîye mesdûd kılup habîr-i üslûb-ı tahrîr olmagın berîd-i kalem-i sedîdü'l-kadem ü şedîdü'r-rakkama geşt-i kûh-ı deşt itdürüp emâkin-i 'adîde-i bâ'idede mezârî' ü merâtî'-i pesendîde bedîde olup defter-i cedîde takyîd itdüğinden ma'adâ mi'yâr-ı sahîhü'l-'ayârvâr meyl-i dirhem ü dînârdan firâr "*v'ezinû bi'l-kistâsi'l-müstakîm*" makâmında karâr itmege mucidd u sa'î ve re'âya ve berâyâ-yı tamâm râ'i nakd-ı kalbi gıll u gışdan sâf ve sıfat-ı insâf ile ittisâf olup sükkân-ı 'arazî-i medfûre ve pîr-i mezbûruñ tedbîr-i dil-pezirinden\* şâkir ü râzî olup umûr-ı cumhûr-ı enâm eyyâm-ı devlet-i pâdşâhî ve hengâm-ı 'adâlet-i şehenşâhîde gâyet nizâm ve nihâyet intizâm üzre olup 'abd-i mûma-'ileyh mevâhib-i 'aliyye-i sultâniyye ve merâtib-i behiyye-i hâkâniyyeye harî vü hakîk oldugı tahkîk olup ol ki vâkı'u'l-hâldür pâye-i serîr-i 'âlem-masîre 'arz olındı, bâkî emr-i fermân men lehü'r-reddu ve'l-kabûlûndur.

\* tedbir-i dil-pezirinden: tedbir-i bi-nazirinden *sahh*.

**Hasan Kethüda-zâde Efendi Sahn-ı Semâniyye'yi teşrîf itdüklerinde anlara  
yazılmışdur**

-26-  
(78a)

Südde-i sidre-makâmları 'alâ-vechi't-ta'zîm telsîm olunup 'arz-ı 'abd-i kadîm budur ki münhiyân-ı ahhâr mühenniyyân-ı âsâr ol şeh-süvâr-ı 'arsa-i devlet rahş-ı 'izzet ü semend-i sa'âdet ile Sahn-ı Semâniyye'yi zîr-kadem-i pür-kıdem itmekle teşrîf itdükleri haber-i pür-hubûr ve nebe'i pür-sürûrını ismâ'-ı sükkân-ı sarây-ı müseddes-cihât-ı hâk ve ezân-ı vattân-ı seb'a-tübâk eflâke inbâ itdüklerinde sahn-ı 'âlem misâl-i heşt bihişt olup 'ibâd-ı hulûs-nihâdden 'umûmen her mürde-dil bu müjde ile hayât bulup nesâ'im-i sürûr ile semâ-i hâtırdan gamâm-ı gumûmı mundefî' itmişdür. Husûsan bu hâmil-i rikk-i rak olan füsürde-hâtır-ı külâh-kûşe-i iftihâr u ibtihâcı fark-ı farkadeyn ve merz-i merzemine mürtefi' kılmışdur. Mechûd u mekdûd meşiyen ale'l-cibâl ve'l-hudûd ihrâm-ı ihtirâmla tavâf-ı Ka'be-i âstân-ı felek-metâfe sa'y itdükde lâıyk-ı şân-ı devlet-nişânları niye mezbûr bendeleri hakkında bî-dirîg olup lema'ât-ı mihr-i merâhimlerinden bir lem'adur ve reşahât-ı bahr-ı mekârimlerinden bir reşha ile behremend ü behrever ola. Hemvâr menâşir-i ahvâlleri tevki'-i tevfi-k-i Yezdânî ile muvakkâ' ve tavâmîr-i câh u celâlleri yevâkıt-ı mevâkît-ı Samedânî ile murassa' ola âmîn.

-27-  
(78a-78b)

**Merhûm Hakîm-zâde Efendi cenâbına irsâl olunmuşdur**

Sûr-ı iftirâkı kuvvetde olan ketebe fi'le gelse terkîm u tahrîr idemedügi bâhir ü beyyin ve suver-i iştiyâkı mecmu'-ı halâ'ik Mânî-mânend olsa tersîm u tasvîr kılmadıgı zâhir u mütea'yyindür. *"Mâ-lâ yudreku kulluhu lâ-yutreku kulluhu"* müdde'asınca zümre-i 'ibâd-ı hulûs-nihâd u senâ-i'tiyâd ahhâr-ı mahabbetlerini inşâ' ve esrâr-ı meveddetlerini ifşâ idüp 'izz-i huzûr-ı menfûru'l hubûrlarında zebân-ı kalem birle kâle gelüp 'arz-ı hâl itmek lâzım ve lâzib belki farz u vâcibdür,

lâkin hâmem-i nâmenüñ perr-i bî-ferrinde ol deñlü kuvvet yokdur ki âstâne-i 'izzet-âşyâneleri burûcına 'urûc ide ve verkâ-i varakanuñ cenâh-ı bâ-'illetinde bu kadar kudret çokdur ki sarây-ı semâ-sîmâları derîçesinden vülûc idüp bâb-ı 'uhde-i risâletden hurûc idebile. **Beyt:**

Safha-ı vechümi nakş itdi midâd-ı eşküm  
İki yüz nâme müheyyâ n'ideyin yok mürsel

Pes lâ-cerem lâzım oldı ki vâsita-ı ashâb-ı mahabbet ve râbıtâ-ı erbâb-ı meveddet peyk-i sabâ-yı sebük-hîz u tîz-reftâr, güftâra gelüp inhâ-yı hâl ü inbâ-yı mâ-fi'l-bâl eyleye. [**Nazm**]:

*Fe'ilâtün Fe'ilâtün Fe'ilâtün Fe'ilün*

- 1 Ey sabâ gulgul-ı bülbül be-gülistân be-resân  
Kıssa-ı mûr be-dergâh-ı Süleymân be-resân
- 2 Şem'-râ gussa-i pervâne ber-û h'ân rûşen  
Bâg-râ bendeg-i murg-ı seher-h'ân be-resân

El-hamdu li'llâhi ta'âlâ evlâd u ahfâd ile cümlemüz sag u sâlim ve du'â hayr u zikr bi'l-cemîle müdâvim, mülâhaza buyurıla.

-28-  
(78b)

**Müfettiş-i emvâl-ı şâhî Çatal-zâde Mahmûd Çelebi'ye yazılmışdur.**

Ev'ie-i ed'ie eşribe-i ihlâsla memlû kılınup ithâf-ı meclis-ittisâf olındukdan soñra pürsiş-i hâl-i muhibbân hoş-ter'est buyurılup teftîş-i hâl-i pür-teşvîş dervîş-i dil-rîş olınursa **Beyt:**

Bir dürlü olsa hâlüm itsem saña hikâyet  
Bir dürlü anca 'âlem geh şükr u geh şikâyet

**Beyt:**

Kıssadan hisse alup itme dırâz  
Söz odur kim öz ola hem ola az



Cenâb-ı vâla-nisâbuñuz ile dîn karındaşları ve tarîk yoldaşları olduğumuzdan mâ'adâ\* felek-i müşebbek-gırbâl-ı elek-misâl ile dakîk-i zemîn dikkat ile alınıp dâne-i cev ü cavdâr tecessüs olınsa bulunmaga mecâl muhâl idüğinde işkâl yoktur.

[Beyt]:

Re'âyâya irişdi fakr u fâka  
Bulmaz dâne bunlar taka faka

Kendüm bu tahayyürde iken nâ-gehân cev-v-i havâdan emr-i sultân nâzil olup halkuñ kellesine bakmayup biñ kile cev tevzî' olına diyü buyurulmuş tab'-ı latiflerine pinhân olmaya ki Dubniçe kazâsında tekâlîf-i şer'iyye ve 'örfiyye mütenevvi'cedür. Evvelâ cizye-i lâzib-i Alonya.....\*\* sâniyen akçesiz ganem sürsât sâlisen bekâyâ-yı resm-i agnâm râbi'an nüzl-i 'asker-i İslâm hâmisen celeb-i celb-encâm sâdisen gam-ı nev ya'nî akçesiz ola cev agnâm sürsat ile nev'-i igtinâm müyesserdür buyurılırsa "*Ezâlike haberun nüzûlâ*" sebeb-i igtinâmdur belâ-i nezl kâl ile beyân olunmaz bir garîb hâldür, nev'-i imhâl kalup ba'zâ ihmâl görünür. Ammâ dostları olmak ma'nâsı bâr-ı mahabbete ser-ber olup te'âvün 'ani't-arafeyn ber-ser olmuşdur. Lâyık-ı mürüvvet ve hariyy-i fütüvvet olan neyse mercûdur ki muhibbûñuz tarafından dirîg u taksîr olunmıya, hemân hâmil-i hamâ'il-i hıdemât olan gulâm-ı şâhîlere te'kîd-i ekîd buyurıla ki sûret-i imhâlde ihmâlden hazer olına, mübtelâ olduğunuz emr-i teftîşi Hakk subhânehu ve ta'âlâ hazretleri âsân idüp mahall-i hirâsân itmeye, âmîn.

Beyt:

Budur ümmîd ki şeyn itmeye şe'ne îrâs  
Gayriye san'at olan çün saña oldu mîrâs

Beyt:

Peyk-i hayrât olıcak râh-ı 'amelde der-pîş  
Nâme-i yümn-i yemîne gele yevmü't-teftîş

**Mine'd-dâ'i bi'l-ihlâs Vecdî el-kâdî bi-İvrace**

\* "ba'zâ ihmâl görünür" ibaresine kadar olan kısım kenarda yer almaktadır.

\*\* Bir kelime okunaksız.

-29-  
(79a)

**Hasan Paşa kim mîr-i mîrân-ı Rûm'dur, Sofya'da olup hakîr İvrace kâdîsı idüm  
harâmîlerüñ ahvâli yazılan mektûba bu kıt'a yazılmışdur**

[Kıt'a]:

*Fe'ilâtün Mefâ'ilün Fe'ilün*

- 1 Añalum Vecdiyâ du'âlar ile  
Mîr-i mîrân-ı mülket-i Rûm'ı
- 2 Ba'dehu ol hümâya 'arz idelüm  
Zarar-ı bûm-ı şûm-ı meş'ûmı

Südde-i sa'âdet u 'atebe-i siyâdetleri makarr-ı velâ ve meferr-i 'ani'l-belâ olmuşdur. "El-hamdu li'llâhi 'alâ zâlik ve lâ-zâle kezâlik." Fezâ-ı kazâ-i İvrace'de vâkî' olan mefâze-i cibâl ve magâra-i tilâl dârib u râmî, sârık u harâmîler ile mâl-a-mâl olup ebnâ-i sebîlün mâlları gâret olnup erbâb-ı ticârete niçe hasâret ve telef-i nefse cesâret itdüklerine bî-iştibâh hâtır-ı nebîhleri intibâh bulmuşdur. Hâlâ a'yân-ı diyâr bu ma'nîyi huzûr-ı pür-hubûrlarında tekrâr olunmasın ilhâh itdüklerinde, **Mısra'**:

Ol ki 'ayân ola ne hâcet beyân

*dinilüp* du'â-i devletleriyle tayy-ı tûmâr olınmak ihtiyâriyle 'arz olındı, âb-ı re'y-i 'âlem-ârâları fezâ-i dünyâya ne vechle cârî olursa **Mısra'**:

Ez-şâh yek-işâret v'ez mâ be-ser devîden

ilâ-âhir. [Beyt]:

Diyâr-ı dilde yar u dil-pesendüm \*  
Gönüller Yazıcı Kâtip Efendüm

---

\* Sayfanın üst kenarında yer almaktadır.

-30-  
(79b)

**Merhûm ve magfûrîn-leh Eş-şeyh İbrâhîm Efendi Hazretlerine Dâmâd Mustafâ Çelebi kakkında virilmişdür**

Seccâde-nişînân-ı şerî'at-ı Ahmediyye ve câdde-bünyân-ı tarîkat-ı Muhammediyye ki fi'l-hakîka tâlibân-ı devlet-i ebediyye ve sâhibân-ı sa'âdet-i sermediyyedür, bu 'asr-ı hümayûn ve bu 'ahd-i meymûnda ol gürûh-ı pür-şükûbuñ güft ü gûda pîr-i pey-revleri ve şeyh-i şinîd ü şinevleri sa'âdetlü sultânüm hazretleri olduğına *"İnne İbrâhîme kâne ümmeten"* âyet-i kerîmesi kelime-i 'azîmesi dâll ve şâhid-i hâl olmışdur *"El-hamdu li'llâhi 'alâ zâlik ve lâ-zâle kezâlik"* hezâr vâh ü sad hezâr veylâ ki ol hâmiyy-i devlet-ihtimâda sâkin ve ol me'vâ-yı sa'âdet-ihtivâda mütemekkin olmaga hâr-ı 'alâ'ik-i hubb-ı dünyâ dâmen-gîrdür. Meger yine ol Hızr-himmetüñ bedreka-ı hidâyetleri mu'în u zahîr ve dest-gîr ola. **Beyt:**

Nâr-ı hırmâna âh kim mûmam  
Mevrid-i *el-harîs mahrûmam*

Ba'de zâlike nâkil-ı nemaka-i 'ubûdiyyet ü ihlâs ve hâmil-i hamâ'il-i ihtisâs, bu bende-i hâk-nihâd dâmâd olan Mustafâ Çelebi bendeleri ki merhûm u müteveffâ Samsunî-zâde Hâcî Efendi fukarâsından olup merhûm u merkûma dahı mahdûm-ı müfahham H'âce-zâde Mehmed Çelebi Efendi hazretlerinden irtibât itmişlerdür, şeref-i şems-i mülâzemetleri şeref-i zevâle gelürse şol imdâd u i'ânet ü igâse ki mâye-i sa'âdet-i ekâbirdür, *"kâbiren 'an-kâbir 'alâ nehci'l-verâse"* olursa cenâb-ı ni'me'l-me'âbları vâsıldur, mebzûl u bî-dirîg olup merkûm bendeleri dahı ol devlete nâ'il olmak husûsında inşâ'allâhu ta'âlâ 'inâyetleri şâmil ve ibrâm u ilhâh-ı sebeb-i tahsîl hâsıldur. **Beyt:**

Katre-i âba mânî' ola mı menba'  
Âftâb ide mi şu'âyı dirîg

*Bâkî el-emru emrukum ve'l-'abdu 'abdukum*

Tâ-tevânî murâd-ı halk ber-âr  
Er şeved zâyi' ez-zamânu 'aleyy

**Harrerehu'l-fakîr Vecdi'l-hakîr**

-31-  
(80a)

**Kâtib Hasan Çelebi-nâm kimesne için Üsküb kâdîsı Kemâlu'd-dîn Efendi'ye  
yazılmışdur**

Kemâl-ı dîn u devlet du'âları tekrâr ve zevâl-ı zill ü zellet senâları tezekkür ü tezkâr olunup i'lâm-ı muhibb-i hâlis-hubb budur ki *“gayr fârig ‘ani’l-mahabbet ve-lev ‘ulkiye ilâ- gayâbeti’l-cübb”* hikâyet-i dîrî ve şikâyet-i mehcûrî dâ’ireden bîrûn ve hadden efvân olmanın takrîre mecâl muhâl olup tahrîr ihtimâl degüldür, binâ’en-’alâ-zâlik du’â-i devlet-i dâreyn ve senâ-i ‘izzet-kevneyne iktisâr ihtiyâr olındı. *“Allâhümme eyyid devletehu bi’l-kemâl v’ahfaz şemse ‘izzetihi ‘ani’z-zevâl”* ba’de zâlik varkâ-i varaka-ı muhâleset Kâtib Hasan Çelebi bendeñüz kadîmî ser-efgendeñüzdür, der-i devletüñüzde ‘abd-i mekâtib makûlesidür, ibrâm ve ilhâha ihtiyâc yokdur, el-hamdu li’llâhi ta’âlâ şe’n-i şerîfüñüzde mürüvvat ü kerem cibillîdür, lâkin *“Ed-dâll ‘ale’l-hayr ke-fâ’ilîh”* hadîs-i şerîfî hasebince sevâbda müşâreket kasd olunup ibrâm gösterilmişdür, in’âm-ı ‘âm ve ihsân-ı tamâm ümîdiyle *“sehben ‘ale’l-vücûh”*, *“meşyen ‘ale’l-kadem”*. **Beyt:**

Beste’st ber-miyân-ı dil ihrâm-ı ân harem  
Mahrûm çün şevad ki der-ân âstâne tû’s

[Mısra’]:

Hem Merve-i mürüvvat ü hem Kâ’be-i kerem

**El-’abdu’d-dâ’î bi’l-ihlâs Vecdî’l-müftahir bi’l-ihtisâs**

*“Gıbbe tertîli âyâtî’l-’ubûdiyyet bi’l-ihlâs ve esere tekmîli evrâdî’l-eşvâk ve’l-ihtisâs li-men kasaret ‘an-beyânî fezâ’ilîhi rusûmu’t-ta’rîf ve tecâvezet menâkıbu mehâsihi ‘an-hudûdî’t-tavsîf”*.

Ma’rûz-ı ‘abd-i za’îf ü nâhîf budur ki *“bâkî e’d-du’â ‘ucîbu da’vete dâ’i izâ de’ânî”* icâbetine makrûn olan ed’iyye-i müstecâba meclis-i refî’-i rif’at-me’âba ref’ olunup

ma'rûz-ı muhibbâne oldur ki hâl-i perişânımızdan tafakkud olunmak ol perî-şâna hâtıra.

-32-  
(82b)

**Hayrabolı'da müderris iken sârbânlar kethudâsına yazılmışdur**

Hazâ'in-i kulûb-ı dâ'iyânda mahzûn olan dürer-i gurer-i du'â ve defâ'in-i cenân-ı senâ-gûyânda medfûn olan cevâhir-i zevâhir-i senâ katâr-ı sutûra tahmîl olup yed-i sârbân-ı sabâ ile meclis-i sa'âdet-i karârlarına ithâf olup ma'rûz-ı muhibb-i bîmâr-ı bî-tîmâr oldur ki dâ'ileri maraz-ı nezleye mübtelâ olup otuz ikisinde otuz iki sin çekmişdür. Müşâbid-i devrân hokkâ-dehânından kürre-i dendânını birer birer pinhân itmişdür, eyle olsa “*efelâ yenzurûne ile'l-ibili keyfe hulikat*” âyet-i kerîmesi hasebince cemel hazret-i hâlık-ı zü'l-celâl ve'l-cemâlün masnû'-ı 'acîbidür âşikâr u nihân nice havâs komışdur, cümleden biri budur ki yûni diş agrısına nâfi' ve maraz-ı nezleyi dâfi'dür, ol hazretten mercûdur ki yüz yasduklayacak yüncegiz ihsân buyurular, şimdi zamânı degül ise inşâ'allâhu ta'âlâ avânında in'âm buyurular ki hediye-i 'azîme ve 'atiye-i cesîmedür, hemîşe tâ ki sârbân-ı sabâ ıstabl-ı semâdan şütür-i sehâbı çıkarup bâr-ı bârânı tahmîl idüp ol katâr ile aktâr-ı semâvât u aradeyni mâl-â-mâl ide, zât-ı sûtûde-hisâl ve marziyu'l-âmâlleri hemîşe müreffehü'l-hâl ve marziyu'l-bâl olmakdan hâlî olmaya, âmîn.

-33-  
(83a)

**Merhûm Pirî Çelebi-zâde Mustafâ Çelebi Şâm-ı şerîfde vefât itdükde birâderi merhûm Müderris Çelebi'ye yazılan ta'ziyet-nâmedür (rahimehumu'llâhi ta'âlâ rahmeten vâsiâten)**

Merâsim-i tahiyyet ü selâm mevâsim-i ta'ziyet-encâmıda hasbe-mâ sâ'adehu'l-eyyâm ve iktazâhu'l-hâl ve'l-makâm lisân-ı hâme-i siyeh-câme ile edâ olunmaga kıyâm gösterildükden soñra inhâ ve i'lâm olınan budur ki her subh u şâm taraf-ı Şâm-ı sa'âdet-ihtişâmdan haber-i meserret-encâma müterakkıb iken bâng-ı derây-ı kâfile-i hâcîyân gûş-ı cân u sem'-i cenâna irüşüp hazretiñüze karındaş u dâ'îñüze yâr

u yoldaş olan dil-dâr-ı sa'îd ve vücûh-ı 'adîd ile şehîd olan Mustafâ Çelebi'den haber tafahhus olındukda bu vech ile ihbar itdiler ki **Beyt:**

Dâr-ı behişt u rahmet-i perverdigâr yâft  
Bâ-sâkinân-ı 'âlem-i 'ulvî karâr yâft

*"İnnâ li'llâh ve innâ ileyhi râci'ûn ve nâhnu bi-firâkihi ve iftirâkihi müteveccî'ûn"*  
kelâm-ı şerifünüñ edâsından soñra güvâh-ı âh vâh ile davâ-yı mâtemi isbât itmege şürû' idüp hazret-i kâdî'l-hâcât ve sâmi'ü'l-münâcât cenâbına niyâza başladukda cânib-i hâtifden *"innallâhe ma'a's-sâbirîn"* ma'nâsı dil-i pür-yakîne telkîn olup âteş-i sîne-sûzânı âb-ı tesliyet birle teskîn idüp buyurdılar **Beyt:**

İzâ halle bike'l-emr fe-kum li'sabri livâzâ  
Ve illâ fâteke'l-ecru fe-lâ hazâ ve lâ-hazâ

Ol mahalde bu beyt-i hasebi'l-hâl inşâ vü inşâd olındı **Nazm:**

*Müstef'ilün Müstef'ilün Müstef'ilün Müstef'ilün*

- 1 Mısr ile Şâm'ı seyr idüp biñ kez tolansa 'âlemi  
Bahr-i memâta karışur âb-ı hayât-ı âdemi
- 2 Vakt-i musîbetde kamu aklar kara olur iken  
Bizüm karamuz ag olur gûş eyledükçe mâtemi

**Mısra':** Ve eyyü na'îmin lâ-yukeddiruhu'd-dehr

[**Beyt:**]

Lekad küntü ebki lev tehakkakat nâfian  
Bi-şakki kulûb lâ-bi-şakki cuyûb

-34-  
(83b)

**Merhûm ‘Ammim Efendi Kefe diyârında müftî iken anlara yazılmışdır.**  
**Rahimehu’llâhu ta’âlâ**

Göndermez oldı yarlıg idüp yerlig-ı belîg  
Ol şeh dirîg ider kuluña şefkatin dirîg

Harem-i hurremlerine ki kıble-i ehl-i safâ ve merve-i mürüvvet u vefâdur hemîşe rihâl-i revâhil-i sa’âdet u tevîk ve maksad-ı ricâl-i “*ye’tuhu min külli fecin amîk*”dür, humûm-ı gumûm-ı bevâdî-i gurbetle muhteriku’l-ekbâd olanlar zülâl-i zemzem-i ihsâniyle def’-i galîl ve süyûf-ı sunûf-ı e’âdî-i firkatle müfteriku’l-ecsâd olanlar nevâl-i merhem-i in’âmıyla bür’-i ‘alîl ideler ma’rûz-ı ‘abd-i ahkâr oldur ki ilâ-âhirihi. Hazret-i Rabbu’l-’izzet-i ‘azzet-esmâ’uhu ve ‘ammet na’mâ’uhu dergâh-ı isticâbet-penâhından mes’ûl u mutazarra’dur ki karîn-i beşâret-i “*fe’stecibnâ*” buyurup **Mısrâ’**:

Hân serîrine cân yerine gele âmin\*

**Mısrâ’**:

Belâ-yı gurbeti sorma ki câna geçmişdür

ve bi’l-cümle **Mısrâ’**:

Döymeyem mihnet-i hicrâna ölüm gibi gelür

hemîşe bâb-ı sa’âdet-me’âb metâf-ı şeyh u şâb ve hem-vâre medâr-ı müsteftiyân-ı hatâ ve savâb bâd, ilâ-yevmi’s-su’âl ve’l-cevâb.

---

\* Hân: Şeh *sahh*.

-35-  
(83b-84a)

**Dayum Moñla Çelebi için Mulakkab Ahmed Efendi'ye yazılmışdur  
rahimehumu'llâhu ta'âlâ**

Hâk-i pâ-y-ı iksîr-te'sîr ü nazr-nazîrleri ki merâm-bahş-ı gâni vü fakîrdür 'arz-ı dâ'i-i hakîr budur ki nâkıl-i rakk-ı rikk dâyum Moñla Çelebi bendeñüz ki cenâb-ı vâlâ-nisâblarınıñ du'â-i devletinde dâ'im ü kâ'imdür bu makûle derdmendler zât-ı kerîmü's-sıfâtları eşfak u erfak olmagın bundan esbak ber-vech-i küstâhî hâl-i melâl-me'âli kâle getirilüp niyâz u tazarru' olunmışdı, kendileri hâl-ı peder-nazîrimüz olduğundan mâ'adâ ehl-i beytleriyle dâ'i-i hakîr arasında hakk-ı rızâ'a sâbit olmuşdur. Sâbıkâ sâlik-i tarîk-i 'ilm ü ma'rifet olup ebnâ-ı cinsden 'add olınmaga hakîk olmuşken hilâf semte sapmışdur, eyle olsa hâlâ nehr-i sarâyda tohm eken kimesnelere nehr-i kebîrde dahı tohm ekmek husûsunda ber-vech-i 'umûm emirleri câri olmuş bu bendelerine müsâmaha buyurılmak ile ol gamgîn, şâd u mesrûru'l-hâtır kılınsa ne tercîh, su'âlinde bunlar şâddur diyü cevâb mümkün gibi. Benüm sultânüm mercûdur ki zıll-ı sa'âdetlerinde sâye-nîşin olup hayme-i eltâf u çetr-i a'tâfları hâfız u hâmi olup mihr-i sitem irişmeyüp zevâlden sâlim olalar.

Bâl açup uçmak diler dil o yârûñ yurdına  
Âşyânda bulmak olaydı dil-beri

-36-  
(84b)

**Zekeriyyâ Efendi Hazretleri sanîyen Rûmili kâdî-'askeri oldukda gâyetde şâdide  
mübârek-bâdîdür**

Südde-i sidre makâmları senâ-ı ta'zîm ile de'b-i erbâb-ı 'ireb birle telsîm ve âyât-ı 'ubûdiyyet ü ihlâs leb-i edeb birle tertîl ü takdîm olındukdan soñra "*inne li-dehrikum nefâhat elâ fe-ta'arrazû lehâ*" hasebince 'uyûn-ı a'yân-ı 'âlem ve enzâr-ı ahyâr-ı beni âdem verâ-i revâk-ı gaybdan tulû'-ı envâr-ı şumûs-ı hakkâniye ve vülû'-ı lümû'-ı akmâr-ı fezâ'il-i rahmâniyyeye nâzır u muntazırlar iken münhiyân-ı ahbâr ve mühenniyyân-ı âsâr ol tahrîr-i kesîrü'l-'ilm u şehîrü'l-'âlem semiyi "*men sümiye*



*bi'l-ismi illâ sümiye beyne'l-ümem*" hazretlerinüñ sadr-ı pür-kadr-i dîvân-ı şer'-i Muhammediyi sâniyen teşrîf buyurdıkları haber-i pür-hubûr ve nebe'-i pür-sürûrunı ismâ'-ı sükkân-ı sarây-ı hâke inbâ' ve ezân-ı vuttân-ı seb'a tıbâk-ı eflâke inhâ itdüklerinde **Beyt**:

Âmed ez-ravza-i Firdevs mübârek bâdî  
Sâhet-i gülşen-i cân pür zi-mübârek bâdest

Lâ-cerem zîr-i tâk-ı nüh-tıbak-ı zeberced-nıtâk nûr-ı sürûr ile memlû' olup her istimâ' iden bende bu mazmûn ile gûyâ oldu ki [**Nazm**]:

- 1 Kad reca'a'l-hakku ilâ-nisâbihi  
Ve ente min-zevî'n-nühâ evlâ bihi
- 2 Mâ künte illâ ke-seyfin sellet yedu  
Sümme e'âdethu illâ kırâbihi

Bî-ihyâr ben de semâ' idüp bu sürûrla nagme-serâ oldum ki [**Beyt**]:

Âde ilâ-mansıbihi misle mâ  
Âde Süleymânu ile'l-kürsiyyi\*

Bu ni'met-i 'amîme 'umûmen her mürde-dile müjde-i cesîmdür, husûsen bu füsürde-hâtır külâh-kûşe-i iftihâr u ibtihâcî fark-ı ferkadeyn ve merz-i merzemine mürtefi' kılılmışdur, el-hamdu l'illâhi ta'âlâ zâlike ve-lâ zâle kezâlike [**Beyt**]:

Her şâdiî ki fitne zi-mâ fevt kerde bûd  
Ân-râ be-yek latîfe edâ kerd rûzgâr

Vecdî-i pür-hayret bendeleri İvrace kazâsına ugrayup vadî-i veleh belki bevâdî-i sefehe düşmüşdür. Nâhiye-i mezbûre sâbıkan Cebre kazâsıyla bir kâdılık idi, kurânuñ a'lâsı ve velâyetüñ vâlâsı ve bi'l-cümle Cebre nâmına şirelû metâ' ifrâz olup kismet-i 'âdile emrine muhtâc iken bendelerine sadaka olındukdan soñra yedi pâre karye hilâf-ı vâkî' 'arzlarla ifrâz olup birinde sülûs mikdârı ancak kalmışdur, "*meziyyetu fer'i 'ale'l-asl*" kâ'ideye muhâlif olmagla 'ulemâ-yı ümmet

---

\* ile'l-kürsiyyi: ilâ-hâtemihi.

ve ‘ayân-ı vilâyet mahzar-ı üslûbında şehâdet-nâme virüp Müslimü’-d-dîn Efendi dâ’îleri ‘arz virmüşdür. Rahve kâdîsı Azmân-zâde az zamânda çok intifâ’ idüp kâr-be-nevbet hasebince nevbet muhibbünûze degmişdür, mercû ve mutazarrı’adur ki yine bendelerine sadaka buyurılıp ilâ-âhir bâkî emr ü fermân ve derde dermân sa’âdetlü sultânüm hazretlerinüñ yed-i kerîmlerine menûtdur, hemîşe menâşir-i ahvâlleri tevki’-i tevfik-i yezdânî [ile] muvakka’ tevâmir-i câh u celâlleri yevâkit-i mevâkît-ı samedânîyle murassa’ ola.

**El-’abdu’-d-dâ’i bi’l-ihlâs Vecdî’l-müftehir bi’l-ihlisâs**

-37-  
(87a-87b)

**Büryân Efendi defterdâr oldukda tehniyet-nâmedür**

Devletlü ve sa’âdetlü sultânüm hazretlerinüñ şe’n-i mürüvvet-nişânları mekân-ı devletde mekîn ve mekmen-i ‘izzetde temkîn üzre olmak ed’iyyesi ‘amelini iltizâm iden ‘abd-i dâ’i ve muhibb-i sâ’inüñ ‘arz itdüğü budur ki berîd-i hoş-nüvîd-i sabâ bir haber-i pür-hubûr inşâ ve inbâ itdi ki ol emîn-i Süleymân-âyîn hazretlerinüñ kemîn-i nigîn-i mekremet-tezyîninde kemâl-ı emânet peydâ ve kemûn-ı yemîn-i meymenet-bîninde hüsn-i istikâmet hüveydâ idüğü sultân-ı sâtî’ ve bürhân-ı kâtî’ ile sâbit olmagın defâtir-i hazâ’in-i sultânî ve harâit-i defâ’in-i hâkânî emânet vaz’ olunmuş

**Beyt:**

Dil-i şikeste-i men z’ân nesîm-i cân-perver  
Be-sân gonca ki bü’gşâyed ez-nesîm-i seher

El-hamdu li’llâhi zâlik ve-lâ zâle kezâlik, cenâb-ı vehhâb-ı be-gayr-ı hisâbdan me’mûl u mütevakka’ ve mes’ûl u mutazarra’dur ki tarîk-ı Hak’da bedre-i tevfikî refîk-i iltizâm-ı mâ-lâ-yelzem itmege meşgûl olan gül-ı bid’at-nihâd ve vech-i ‘arzda bî-vech-i ‘amele sa’y iden dîv-i şeytanet-isti’dâd ve sâ’ir gılâz u şidâd zamân-ı devlet ü avân-ı ‘izzetlerinde hazîn ü nâ-şâd olup enîn ü feryâd üzre olalar, âmîn. Âstâne-i âsmânâsâlarında hakîr-i sühâ-nazîr bi-hasebi’z-zâhir bende-i cedîd ü nev-sıddîkdur ve lâkin “*el-ervâh cunûdun mücennede*” hasebince çâker-i sâbık ve ‘abd-ı ‘akîkdür.

‘Âlem-i ervâhdandur âşinâlık dostum, sultânüm hazretlerinüñ bâğçe-i devlet u serâçe-i sa’âdetlerinde **Beyt**:

Var iken mîvehâ-yı gûn-â-gûn  
Satarım bûstâncıya tarhûn

Tuhfetü’l-mukîl mesel-i celîli hasebince biñ dâne sîb-i eyvânî irsâl olındı. **Beyt**:

‘Înâyet kıl mürüvvet kıl benüm devletlü sultânüm  
Kabûl it tuhfe-i mûrî Süleymân’um

Hemişe sefere-i berere-i kirâm ya’nî cünûd-ı ketebe-i fehâm-ı zevi’l-ihtirâm muhasebât-ı ‘ummâl-ı benî Âdem’i görüp tahvîlleri tamâm olanlara kalem-i fenâ birle rakam çekdüklerince sultânüm hazretlerinüñ müddet-i devlet ü sa’âdetleri medîd ve mansıb-ı ‘izzet ü eyâletleri cedîd ola. **Beyt**:

Mihr ü meh mühreledükçe varak-ı âfâkı  
Defter-i dehrde nâmuñ ola nassu’l-bâkî

-38-  
(89a)

**Filibe’de Hâlâ Mu’îd Efendi’ye yazılmışdır.**

Me’âd ü me’âşları bih-ter olmak ed’iyesi mu’âd ve dîn u dünyâda mih-ter-i ‘ibâd olmaları esniyesi inşâ’ vü inşâd olındukdan soñra inhâ-yı muhibb-i hûlûs-nihâdları budur ki

**Nigbolı kâdısı Azman-zâde Efendi’ye yazılmışdır.**

[Nazm]:

*Mefâ’ilün Mefâ’ilün Fe’ülün*

- 1 Muhammed mehmedet zât-ı ‘alî-şân  
Du’âsiyle geçer ahyân u ezmân
- 2 Hudâyâ devlet ile dâ’im eyle  
Kazâlardan kazâda ol nigh-bân

“*El cârru sümme dar*” hadîs-i sa’âdet-medâriyle ‘amele tasaddî olunup [**Nazm**]:

*Mefâ’îlün Mefâ’îlün Fe’ûlün*

- 1 Televvünlerle girdük niçe levne  
Nasîb oldu civâruñda Plevne
- 2 Ümîd oldur mülâkât ola kat kat  
Fesâd irişmeden ‘âlemde kevne

-39-  
(91a-91b)

Zü’l-eyâdi ve’n-ni’âm merhûm Baba Efendi’nün sofrâ-i ni’âm-güsterlerinde helvâyî-nâm baklavaya şürû’ eyledükde bi’smi’llâh diyüp şevkle şürû’ gösterdükde yârân-ı safâ besmele mahallinde degüldür, ibtidâ ta’âmda münâsib idi dedüklerinde besmele zî-bâlde müsta’meldür diyü cevâb virildi.

**Latîfe:**

Merhûm vâlid, sîb-i meslemîyi [?] çiyneyüp suyn yutup cirmin ilkâ itmek ile elma yir iken merhûm Dukakîn-zâde bu tarîk ile vâfir elma yir idi didüklerinde, sizler dahı çiyner tükürür yoldaşdan kalmazsız cevâb virildi.

**Latîfe:**

Merhûm Merdûmî birâderi Kerîm Çelebi Vardar Yeñicesi’nde, hakîr Varna’da kâdî iken bir karyenün hâne-i ‘avârızından hıffet ricâsın eyledigümde merhûm cevâbda [**Beyt**]:

Dime kim hükmüne râzı degülven  
Senüñdür hükm ben kâdî degülven

diyü yazmışlar, hakîr dahı yazdum ki [**Beyt**]:

Senüñdür hükm ben kâdî degülven  
Velî bu deñlüye râzı degülven

**Latîfe:**

Merhûm Mel'am-zâde Şeytân lakabı ile mülakkab imiş. Kara Fâtma lakablu kâdiya “bre Kara Fâtma” didükde “*e’uzû bi’llâhimine’ş-şeytânî’r-racîm velâ tenâbezu bil-elkâb bi’sel ismu el-fusuk ba’de’l-îmân*” dimiş.

**Latîfe:**

Müderriş efendilerden birisi kassu’ş-şârib terkîbine şârib-i hamr ma’nâsın fehm idüp kass-ı re’sü’ş-şâribdür muzâf mahzûfdur didükde dânişmend: “A sultânüm zamânede şâribüñ başını kesmezler.” didükde müderriş: “Efendüm ahkâm-ı şer’iyyenüñ kangısın tutarlar ki bunı dahı tutalar”, dimiş.

**Latîfe:**

‘Aliyy-i Isfahânî dimekle ma’rûf müderriş Filibe’de müderriş iken yaylak seyrine çıkdıkda Cemel ve ‘Acem-nâm iki dânişmendi var imiş, ittifâk Cemel’i ‘araba basup helâk ideyazmış müderriş bu beyti ol mahalde dimiş. **Beyt:**

Cemel’i dün basuban öldüreyazmış ‘araba  
Acem’i döndüreyazmış devesi ölmüş ‘Arab’a

**Latîfe:**

Dânişmendüñ birisi “*el masdaru lâ yüsenna velâ yücmâ*” kâ’idesi hasebince “*misbâhu’n fi’l-istılâhati’l-nahviyye*” didügi râst degüldür didükde şerîki zarîf imiş “*lâ-münâkaşate fi’l-istılâh*” dimiş.

**Latîfe:**

Merhûm Yaraluca Dâvûd Çelebi’nüñ sînesi kıllu imiş, ittifâk bir zarîfe hâtun alup gerdege girüp yatduklarında hatûn lâg eyleyüp “Ay efendi kürküñüzi çıkaruñ.” dimiş. Merhûm dahı ale’l-fevr “Kadınüm bu derenüñ böyle sovk idügin bileydüm bir kürk dahı giyerdüm.” dimiş.

-40-  
(92a)

[Kıt'a]:

*Fe'ilâtün Mefâ'ilün Fe'ilün*

- 1 Kâr-ı mâ ber-şümâ havâlet kerd  
Hamdu li'llâh ki sâ'ik-i takdîr
- 2 Be-cenâb-ı hatîr-i pâk-zamîr  
'Arz-ı ihlâs-ı ben-degi'st cedîr
- 3 Tu Süleymân-cenâb men mûrem  
Kıssa-i mûr bâ-emîr şehîr
- 4 Nîst ber-tab'-ı nâziket pinhân  
Nükte-i tuhfetü'l-fakîr hakîr
- 5 Kalem-i 'avf ber-hatâyem keş  
Men ne-gûyem ki 'özü-i men be-pezîr

**Bi'smillâhi'r-rahmâni'r-rahîm**

"İnne İbrâhîme le-evvâhun halîm" makâmında mukîm olup hidemât-ı 'alî-seniyyi seniyyü'l-hisâlde terakkî ve mühimmât-ı 'ulemâ-i ümmetde hüsn-vech ile telakkî iden sâhib-sa'âdet hazretlerinüñ du'â-i devlet-i dâreynleri tezkâr ve şekker-i şükürleri hulûs-ı bi'llâh tekrâr olındukda da'i-i sa'i-i meşkûru'l-mesâ'i hakkında sadaka buyurılan 'aşere-i kâmile tavkıyla vazîfe-i yevmiyyemüz seksen akçe olup inşâ'allâhu ta'âlâ nevbet-i âtiyye vesâir ahvâl-i me'tiyyede akrân u nişânımız ile meriyyü'l-merâm ve müstevîyetü'l-akdâm olmak husûsında mısdak-ı "innemâ emruhu izâ erâde şey'en en yekûle lehu kün-fe-yekûn" ve mazmûn-ı meymûn u "mayübeddü yubeddülü'l-l-kavl ledeyye" fehva-yı devlet ihtivâsiyle meşhûn olan emr-i hümayûn sadaka buyurılmak ile tahsîl-i ucûr-ı nâ-mahsur ve dâ'i-i bî-irtiyâblarını şâdân u mesrûr buyuralar. Âmîn.

-41-  
(100a)

**Min-Kitâbi'l-Usûl li-Merhûm Yahyâ Beg**

Nisâk mı olmak gerek her zamân  
Mu'ammâ gibi beyt içinde nihân

**Üç nesnenüñ üç nesneye tevakkufi yokdur:** ‘Aşka hüsn lâzım degüldür, şecâ’ate cüsse lâzım degüldür, sehâvete mâl lâzım degüldür.

**Üç nesne üç nesnesiz olmaz:** Hükûmet siyâsetsiz, mâl hissetsiz, tahsil-i ‘ilm mübâhasesiz.

-42-  
(101a)

**Rûmili kâdı-’askeri ‘Alî Çelebi Efendi Hazretlerine Hanefî Çelebi nâmına virilmiştir**

Hikâyet ki ferec bâ’de’ş-şidde gibi nihâyeti şükr ü şikâyet ola, hâkî-i hâk-nihâdı ve şâkî-i hazînü’l-fü’âdı ahkar-ı evlâd-ı Âdem-i safî. Hanefî bendeleri ki merhûm Bahâ’ud-dîn-zâde Efendi fukarâsından olup Zekerîyyâ Efendi merhûm nevbetinde ‘aşere-i mübeşşere gibi mülâzım alınacak on nefere mülhak olup intizâm-ı hâlî ricâsın iderken ashâb-ı devletden ta’alluk-ı agrâzla bendelerinden i’râz olunup “*tui’zzu men teşâ’ ve tuzellu teşâ’u*” hasebince nevbet-i âtiyyeden mülâzemet ümîdin idenlerden birisin benüm yerüme yazılıp **Beyt:**

Nâr-ı hırmâne-i âh kim mûmam  
Mevrid-i el-harîs mahrûmam

beytini vird-i zebân eyleyüp mahrûm u me’yûs kaldukda merhûm-ı merkûm “*sukiyya min rahîkin mahdûm*” defterdâr Bürhân Efendi’yi teftiş itmek mukâbelesinde dört nefer kimesne mülâzım olınmak fermân olınmıştır. Usûle güç itmek ne lâzım seni dahı vech-i meşrûh üzre mülâzım eyleyelüm diyü mümeyyizimiz olan kıdvetü’l-’ulemâ Taşköpri-zâde Kemâlu’d-dîn Efendi muhibb u muhlisleri bu merâmuñ husûli için erbâb-ı devlete niçe kerre varup geldükde

hikmet-i Hudâ'dur cedd ü sa'yleri meşkûr olmayup niçe zamân bu hevâ ile cüst u cû  
vü tek u pûda olup bu makâlî tamâm hasbu'l-hâlimüz olmışdur ki **Beyt:**

Nevbet-i sa'y u gûşîşle merâma vâsıl olmaz 'âm u hâss  
Sarf-ı maktûr ile magdûr olmadın bulmaz halâs

Hâsıl-ı kelâm ve mahsûl-i merâm nevbet-i sâbıkada ve mâdde-i lâhikada bu  
kullarına mülâmenet müyesser olmayup ye's u kanût göründükde cenâb-ı hâtif bu  
bende hâline mün'atıf olup işbu beyt-i hasbû'l-hâli inşâd ile bu hazîni dil-şâd eyledi.

**Beyt:**

Dimeñüz hâl-i zamân dem-be-dem olur yaramaz  
Hak ta'âlâ kulını kahr ile dâ'im kırmaz

[**Beyt**]:

Elâ lâ-tahzen ihvâne'l-beliyye  
Fe-li'-rahmâni eltâfun hafîyye

El-hamdu li'llâhi ta'âlâ sadr-ı dîvân-ı dîn-i Muhammedî sa'âdetlü sultânüm  
hazretleri gibi sâhibu'd-devlet 'aliyyü'l-haslet ve veliyyü'l-menzilet ile müzeyyen  
olup benüm gibi niçe küşte-i müşte-i cefâ-yı rûzgâr-ı zûr-kârı ihyâ ile takayyüd  
buyurduñ nevbet-i devlet-i sa'âdetünde ger-çi rûz-nâme-i hümayûna şimdi kayd  
olindum ve lâkin tasrîh-i “mâ-'ilme bi'l-iltizâm” üslûbında hakk-ı mülâzemetüm  
sâbık olup “nahnu's-sâbıkûne'l-âhirûn” haber-i sahîhu'l-eseri husûsuma nâtık-ı  
sâdıkdur. Meru ve mutazarrâdur ki cebr-i noksân tedârük buyurılıp **Beyt:**

Eltâfuñla idüp mükâfât  
Tedrîs ile kıl kazâ-yı mâfât

Bâkî emr ü fermân ve derde dermân yed-i kerîmelerine menût u mufavvezdur **Beyt:**

Kudretüm saña niyâz itmegedür  
Fe-leke'l-fazl u redd ü kabûl





## VECDÎ DÎVÂN'I'NDAKİ METİNLERİN BAŞLIKLARI\*

**Varak Açıklama**

- 1b Vezir-i a'zam İbrahim Paşa hazretlerine verilmiştir.
- 2b Tarih-i Feth-i Egri.
- 3b Dubniçe kazasında bir yıl dört ayda yedi kadı cem olunca.
- 3b Azizi'nin gazeline nazire.
- 4a Kerim Çelebi'nin gazeline nazire.
- 4b Kerim Çelebi'nin gazeline nazire.
- 4b Baba Efendi'nin gazeline nazire.
- 5a Kütahya'da müderrislerden birine verilen arz sureti (mensur).
- 6a Karin-âbâd kazasında olan ihvana yazılmıştır.
- 6b Behmen-zâde Süleyman Çelebi'ye denildi.
- 6b Sultan Selim'in gazeline nazire.
- 7a Çakırcılar kâtibi merhum Mehmed Çelebi'ye denilmiştir.
- 7a Kıyasî Efendi'nin gazeline nazire.
- 8a Baba Efendi'nin gazeline nazire.
- 8a Şemsî Paşa'nın gazeline nazire.
- 8b Defterdar Burhan Efendi'ye verilmiştir.
- 8b Balta-zâde Mahmud Beg'in gazeline nazire.
- 9a Erbâb-ı devletten birine verilmiştir.
- 9a Kazasker Abdurrahman Efendi'ye verilmiştir.
- 9b Ashâb-ı tiryak hakkında bir manzume.
- 10b Erbâb-ı beng hakkında manzume.
- 11a İvaz Efendi'ye verilen kıt'a ve İvaz Efendi'nin cevabı.
- 11a Eşbâh u Nezâ'ir nam kitap hakkında beyitler.
- 11b Kadı Engerek Efendi hakkında beyit.
- 12a Sultan Murad Han'ın hocası Sa'dullah Efendi'ye verilmiştir.

\* Yazmada manzum ve mensur metinlerin çoğunun başında veya yanında yazılış sebebini ya da takdim edilen kişinin ismini belirten bilgiler yer almaktadır. Liste bu notlardan hareketle oluşturulmuş, orijinal ifadelerde değişiklik yapılmıştır.

**Varak Açıklama**

- 12b Filibe yaylağından nüzul eyleyip Meriç kenarında denildi.
- 12b ‘Ammi-zâde Ahmed Efendi hazretleri ile ilgili manzumeler.
- 12b Zeyrek-zâde Efendi hazretleri Üç şerefe müderrisi iken yazılmıştır.
- 12b Kemaleddin Efendi hazretlerine Derviş nam kimse için şefâ’at-name.
- 12b Zeyrek-zâde Efendi tarafından Sultan Selim’e verilmiştir.
- 13b Evsâf-ı cemile-i hamdele-i celile.
- 13b Hikâyet-i şirin-rivâyet der- fezâ’il-i besmele.
- 14a İvaz Efendi’ye yazılmıştır.
- 14a Bostan-zâde Efendi’ye yazılmıştır.
- 14b Hoca-zâde Mehmed Efendi’ye verilmiştir.
- 14b Kemâleddin Efendi’ye yazılmıştır.
- 16b Zikru temcid-i Melik-i mecîd ve münâcât-ı kadiyü’l-hâcât.
- 17a Tevhid.
- 17b Ta’rif-i Seyyidü’l-mürselîn ve tavsîf-i hatemu’n-nebiyyîn (mensur) .
- 20a Vasiyyet-nâme-i Vecdî.
- 20b Dünyanın faniliğine dair.
- 21a Sultan Selim Han’ın Hocası merhum Atau’llah Efendi’ye verilmiştir.
- 21b İrtisâm-ı hikâyet-i kazâ-i mübrem (mensur.)
- 23b Ebyât-ı ibret-âyât fi-ihtilâl-i kâ’inât.
- 23b Gazel-i münasib.
- 24b İvaz Efendi’ye verilmiştir.
- 25a Hafız-zâde merhumun oğlu te’ehhül edince yazılmıştır.
- 26a Ashâb-ı devletten birine verilmiştir.
- 26b Baba Efendi merhuma verilmiştir.
- 26b Baba Efendi’ye verilmiştir.
- 27a Usturumca kadısına yazılmıştır.
- 27b Merhum Feridun Ağa’ya verilmiştir.
- 28b Feridun Ağa nişancı iken onlara verilmiştir.
- 29a Baba Efendi’ye kerem kasidesi.

**Varak Açıklama**

- 29b Müftü Efendi hazretlerine verilmiştir.
- 29b Nişancı Feridun'a verilmiştir.
- 30a Kaside be-nâm-ı Yusuf Paşa-yı Budin.
- 31a Sultan Selim Han'ın Hocası Atau'llah Efendi'ye verilmiştir.
- 32a Merhum Sultan Süleyman Han hamrı yasag idüp revac-ı tiryakda.
- 32b Gazel-i merhum Sultan Süleyman Han Tahmis-i Vecdî-i nâ-tüvân.
- 32b Karaçelebi-zâde Hüsam Çelebi'den Florina kazasını isteyip verilmiştir.
- 32b Filibede Râci ve Safayî nam şairlere denilmiştir.
- 33a Merhum-ı mezbur (Âşık Çelebi)'dan mahlas ricasında yazılmıştır.
- 33b Validim merhum vefat edince.
- 33b Hayrabolu'da müderris iken medrese kavmine baklava ile verilmiştir.
- 34a Baba Efendi'nin gazeline nazire.
- 34b Hayrabolu'sa Sığır Hayreddin isimli kişi için denilmiştir.
- 35a Mehdi Çelebi'ye yazılmıştır.
- 35a Hızır Çavuş'a yazılmıştır.
- 35a Merhum Nihadî Muhammed Çelebi ki dayı-zâdemizdir onlara yazılmıştır.
- 35b Merhum peder Sofya kadısı iken bir köşk yapıp tarihtir.
- 35b İbra'il kadısı iken ekâbirden birine havyar irsal olunup denilmiştir.
- 35b At arabası ricasında yazılmıştır.
- 35b Nihadî Muhammed Çelebi'ye yazılmıştır.
- 36a Selanik müftisi Ahmed Efendi hazretlerine bal getirildiğinde yazılmıştır.
- 36b Hayali beg'in gazeline nazire.
- 37a Ata'ullah Efendi kethüdası Hüseyin kethüdaya verilmiştir.
- 37b Küttabdan birine verilmiştir.
- 37b Merhum Baba Efendi'ye verilmiştir.
- 38b Esnâ-i taziyyette yazılmıştır.
- 39a Tevbeye dair bir mensur bir manzum metin.
- 41b Kadılığı esnasında sicil defterlerine yazdığı beyitler.
- 42a Tahmis-i gazel-i Ubeydî.

**Varak Açıklama**

- 43a Mecdî Efendi'nin gazeline nazire.
- 43b Kapudan-zâde Mahmud Beg Peçuy kadısı iken mir-liva olunca söylenen manzume.
- 43b Hâce-zâde Muhammed Çelebi'nin gazeline nazire.
- 44a Şemsî Paşa'nın gazeline nazire.
- 44a Ebyât-ı fenâ-simât.
- 44b Sultan Murad Han için bir kaside ve gazel..
- 45b Zekeriyya Efendi'ye takdim edilen ebyat.
- 47a Zekeriyya Efendi'ye verilmiştir.
- 47b Zekeriyya Efendi'ye verilmiştir.
- 48b Zekeriyya Efendi'ye verilmiştir.
- 48b Zekeriyya Efendi'ye arz-ı hâldir.
- 49b Zekeriyya Efendi'ye arz-ı hâl (mensur).
- 52a Kaside-i mev'ude-i ma'hûde.
- 53b Arapça bir kaside.
- 54b Sa'dullah Efendi Hazretlerine.
- 55a Bostan-zâdeye verilmiştir.
- 56b Kıt'a ber-sebil-i icmâl.
- 56b Peçuy kadısı iken ma'zul Habîlî namına kazasker Bostan-zâdeye yazılan manzumedir.
- 57b Hafız-zâde Filibe kadısı iken yazdığı manzume.
- 58b Hâce-i Şah Sa'dullah Efendi hazretlerine verilmiştir.
- 59a Cümcüme Mehmed Çelebi lakaplı Süheyl Bey Filibe'ye geldiğinde verilmiştir.
- 59b Filibe'de bazı gençlerin hapsi sebebiyle yazılan manzume.
- 60a Muharrir-i vilayet Süheyl Bey'e verilmiştir.
- 60a Gazel-i berâ-yı mezbûr.
- 60a Gazel-i berâ-yı merkûm.
- 61a Tahmis-i Vecdî.
- 61b Safî Çelebi-nam şaire irsal olunan şiir.

**Varak Açıklama**

- 62a Baba Efendi'ye verilmiştir.
- 63b Baba Efendi'ye verilmiştir.
- 65a Ali Çelebi, İbrahim Çelebi, İman Çelebi'lere vefat tarihi.
- 65a Baba Efendi nikris hastalığına yakalanınca denilmiştir.
- 65a Ebyât fi'ş-şikâyeti'l-kâinât
- 65b İ'tizâr-nâme.
- 65b Bir gül-i handan çiçek çıkarınca denilmiştir.
- 65b Baba Efendi İstanbul'a gelince verilmiştir.
- 66a Peçuy Beyi Mehmed Bey'e irsal olunmuştur.
- 66a Peçuy tekyesi hakkında.
- 66b Peçuy sûr-ı pür-süruruna dahil olunca denilmiştir.
- 66b Sigetvar sancak beyi Hasan Bey'e denilmiştir.
- 67b Peçuy kadısı iken Yahya-nam şaire cevaben yazılan manzume.
- 68a Hâfız-zâde Efendi mat'ûn olunca denmiştir.
- 68b Zekerîyya Efendi adına kaside.
- 69a Hafız-zâde Efendi'ye yazılmıştır (mensur).
- 69b Zeyrek-zâde Efendi hazretlerine yazılmıştır (mensur).
- 70a Ammi-zâde Efendi'ye yazılmıştır (mensur).
- 70a Bostan-zâde Efendi'ye verilmiştir (mensur).
- 70b Vezir-i a'zam Sinan Paşa'ya arz-ı hal (mensur).
- 72a Üsküp kadısı Kemaleddin Efendi'ye.
- 76b Mahmud Çelebi'ye irsal olunmuştur.
- 77b Karîn-âbâd kadısı iken Behmen-zâde Süleyman Çelebi'ye verilen suret-i arz.
- 77b Hasan Kethüda Sahn-ı Semaniye'yi teşrif ettiklerinde yazılmıştır (Mensur).
- 78a Merhum Hakim-zâde Efendi cenabına irsal olunmuştur.
- 78b Çatal-zâde Mahmud Çelebi'ye yazılmıştır.
- 79b Şeyh İbrahim Efendi'ye Damad Mustafa Çelebi hakkında verilmiştir.
- 80a Katip Hasan Çelebi için Üsküp kadısı Kemaleddin Efendi'ye yazılmıştır.
- 81b Babası tarafından Âşık Çelebi'ye yazılan mektup.

**Varak Açıklama**

- 82b Sarbanlar kethüdasına yazılmıştır.
- 82b Pîrî Çelebi-zâde Mustafa Çelebi'nin ölümü için taziyet-nâme.
- 83b Mulakkab Ahmed Efendi'ye yazılmıştır.
- 84b Zekerîyya Efendi saniyen Rumeli kazaskeri olduğunda verilmiştir.
- 87a Burhan Efendi defterdar olunca verilmiştir.
- 88b Derviş ağa'nın gazeline nazire.
- 88b Der-beyân-ı izz ü uzlet ve fûrûg-ı feragat.
- 89a Niğbolu kadısı Azman-zâde Efendi'ye yazılmıştır.
- 89a Filibe'de Mu'îd Efendi'ye yazılmıştır.
- 89b Sun'ullah Efendi'ye yazılmıştır (mensur).
- 92a İbrahim Paşa'ya arz-ı hâl.
- 92b Sinan Paşa hazretlerine yazılmıştır.
- 93b Vezir-i a'zam Ferhat Paşa'ya şikâyet-nâme.
- 94a Müntehî Efendi Belgrat ve Semendire kadısı olunca.
- 95b Hızır Efendi'ye gönderilmiştir.
- 95b Sinan Paşa'ya verilmiştir.
- 96b Sultan Mehmed Han'ın cülûsuna.
- 100a Deftardar Emîr Efendi'ye verilmiştir.
- 100a Kapıağası Gazanfer Ağa'ya verilmiştir.
- 100b Begırat'ta kazaskere verilmiştir.
- 101a Rumeli kazaaskeri Ali Çelebi'ye verilmiştir.
- 101b Kazasker Ali Çelebi'ye verilmiştir.
- 101b Vezir-i a'zam İbrahim Paşa'ya verilmiştir.
- 102a Mihaloğlu Ali Bey'e yazılmıştır.
- 102b Cenab-ı padişahiye şiir.
- 107a Ürgüp kadısı iken yazılan şiirler.

## SONUÇ

Bu çalışmada XVI. yüzyıl şairi Filibeli Abdurrahman Vecdî Divanı'nın müretteb olmayan otograf nüshasından (tespît edilebilen tek nüsha) hareketle çevriyazısı yapılmıştır. Çalışma, iki ana bölümden oluşmuştur. Birinci bölümde tezkirelerden ve eserinden hareketle Vecdî'nin hayatı ve edebî kişiliği üzerinde durulmuş, eserinin muhtevası ortaya konmuştur. İkinci bölümde çevriyazıya yer verilmiştir. Çevriyazı yapılırken Vecdî'nin olmadığı düşünülen manzum veya mensur metinler kapsam dışında tutulmuştur. Mürettep olmayan yazma nüsha, mensur metinler de ihtiva ettiğinden, manzumeler nazım şekillerine göre tasnif edilerek mürettep divan formatına sokulmuştur. Mensur bölümler de en sona ilave edilmiştir.



## DİZİN

### (Şahıs-Yer-Eser)

#### A

‘Abdu’r-rahmân, 252  
 ‘Abdu’r-rahmân Efendi, 43, 148  
 ‘Abdullâh, 58  
 ‘Acem, 15, 16, 35, 36, 38, 52, 66, 100, 127, 183, 234, 280  
 Âdem, 36, 93, 153, 162, 248, 257, 282  
 ‘Adlî, 62, 65  
 Ahmed, 24, 43, 116, 151, 215, 216, 217, 221, 238, 260, 270  
 Ahmed Çelebi, 191  
 Ahmed Efendi, 158  
 ‘Alâ’u’d-dîn Efendi, 24  
 ‘Alî, 52, 145  
 ‘Alî Çelebi, 26, 184, 282  
 Aliyy-i Isfahânî, 280  
 Allâh, 18, 23, 25, 37, 39, 41, 42, 48, 52, 54, 55, 56, 62, 63, 64, 67, 94, 99, 105, 108, 115, 124, 160, 171, 174, 200, 208, 213, 214, 221, 235, 245, 246, 261  
 Alonya, 268  
 ‘Ammî-zâde, 151, 252  
 ‘Ammî-zâde Ahmed Efendi, 178  
 A’câm, 15, 53, 56  
 ‘Arab, 15, 35, 38, 100, 183, 185, 191, 214, 215, 234, 280  
 Arnavud, 92  
 Âsaf, 59  
 Ashâb-ı Kehf, 139, 213  
 ‘Âşık Efendi, 231  
 ‘Atâu’llâh Efendi, 74, 98  
 ‘Avret Hisârı, 158  
 Âzerbaycan, 127  
 ‘Azizî, 137  
 Azman-zâde Efendi, 278

#### B

Baba Efendi, 30, 101, 108, 119, 120, 135, 139, 141, 143, 155, 167, 180, 232, 260, 279  
 Bahâ’ud-dîn-zâde Efendi, 282

Bâkî Efendi, 69  
 Balkan, 198  
 Balta-zâde Mahmûd Beg, 142  
 Batlamyus, 252  
 Batha, 48  
 Bedahşan, 131  
 Behmen-zâde Süleymân Çelebi, 265  
 Belgrad, 38, 68, 96, 175  
 Bera’il, 111  
 Beytî, 205  
 Bezmî, 231  
 Bî-sütûn, 204  
 Bogdan, 53, 55, 63, 69, 175  
 Bostan-zâde, 133  
 Bostân-zâde Efendi, 162, 179, 253  
 Bû ‘Alî, 117  
 Budin, 39, 40, 63, 67  
 Bû-Hanîfe, 66  
 Buhârâ, 58  
 Buhârî, 80  
 Bûrhân Efendi, 112, 282  
 Bûryân Efendi, 277

#### C

Calinus, 252  
 Cebre, 276  
 Celîl, 42, 221  
 Cemel, 280  
 Cemîl, 221  
 Ceyhûn, 111  
 Cibrîl-i Emîn, 221  
 Cümcüme Mehmed Çelebi, 113

#### Ç

Çakırcılar Kâtibi, 42  
 Çatal-zâde Mahmûd Çelebi, 267

#### D

Dâmâd Mustafa Çelebi, 270  
 Dârâ, 37, 61

Defterdâr Emîr Efendi, 24  
 Dervîş, 178  
 Dervîş Aga, 147  
 Deyyân, 39, 213  
 Dubniçe, 16, 50, 54, 56, 64, 68, 130, 161,  
 175, 268, 285  
 Dukakîn-zâde, 279

**E**

Ebû Bekr, 98  
 Eflak, 53, 55, 63, 66, 69, 92, 175  
 Eflâtûn, 47  
 Egri, 59, 85, 86, 109  
 Egri Kal'ası, 86  
 Ehli, 148, 149, 150  
 Elif-zâde, 109  
 Emîr Efendi, 25  
 Eñgerek Efendi, 189  
 Enûşirvân, 58  
 Erdel, 51  
 Erjeng, 69, 175, 222  
 Eşbâh, 149  
 Etrâk, 71

**F**

Fârûk, 150  
 Ferhâd, 55, 131, 132, 196, 204  
 Ferhâd Paşa, 52, 59  
 Ferîdûn, 86, 142  
 Ferîdûn Aga, 43  
 Filibe, 19, 113, 151, 181, 184, 199, 263,  
 278, 280  
 Firdevs, 276  
 Fir'avn, 257  
 Florina, 156  
 Frengistân, 59

**G**

Gazanfer Aga, 106  
 Gazzâlî, 60  
 Gelibolî, 148, 149, 150  
 Girây Hân, 51  
 Gül-i handân, 169, 199

**H**

H'âce-zâde Mehmed, 96, 270  
 Habeşî, 215  
 Hâbîl, 162  
 Hâbilî, 162  
 Hâfiz-zâde, 227  
 Hâfiz-zâde Efendi, 19, 171, 249  
 Hakîm-zâde Efendi, 266  
 Hakk, 15, 16, 20, 21, 25, 26, 33, 36, 38,  
 39, 50, 51, 54, 57, 59, 67, 76, 77, 79, 86,  
 91, 92, 111, 122, 123, 127, 128, 132, 135,  
 140, 147, 148, 152, 155, 162, 163, 164,  
 167, 169, 170, 171, 172, 194, 195, 202,  
 210, 211, 213, 218, 222, 227, 228, 229,  
 236, 240, 246, 249, 251, 252, 254, 257,  
 268, 277, 283  
 Halîl, 42, 59, 105  
 Halku'l-vâd, 55  
 Hallâc, 168  
 Hallâk, 190  
 Hân Muhammed, 85, 86  
 Hân Murâd, 15, 127  
 Hanefî, 282  
 Hanefî Çelebi, 282  
 Hasan, 66, 83, 98  
 Hasan Beg, 109  
 Hasan Kethüda-zâde Efendi, 266  
 Hasan Paşa, 59, 63, 249, 269  
 Hasaneyn, 192  
 Hâtem, 28, 37  
 Hatîb Dervîş Efendi, 24  
 Havvâ, 93  
 Hayâlî Beg, 144  
 Hayrabolî, 97, 101, 272  
 Hayrabolî Medresesi, 229  
 Hayru'd-dîn Efendi, 249  
 Hızır Çavuş, 157  
 Hızır Efendi, 186, 200  
 Hızır, 80, 155, 157, 186, 200, 257, 270  
 Hidâye, 26  
 Hind, 110, 181  
 Hindû, 122  
 Hoten, 98, 146  
 Hudâ, 16, 28, 38, 39, 42, 51, 52, 59, 60,  
 61, 67, 70, 81, 83, 84, 95, 104, 112, 149,  
 156, 165, 170, 190, 215, 216, 217, 235,  
 236, 238, 241, 251, 253, 254, 260, 278,  
 283  
 Huseyn, 23, 98

Husrev, 15, 37, 53, 56, 116, 142  
 Hüseyin Kethudâ, 98  
 Hüseyin-i Baykara, 58

## İ

İbni Kemâl, 26  
 İbni Sinâ, 264  
 İbrâhîm, 17, 270, 281  
 İbrâhîm Çelebi, 184  
 İbrâhîm Kethudâ Medresesi, 229  
 İbrâhîm Paşa, 17, 59, 63, 66  
 İbra'il, 77, 111  
 İçil, 207  
 İlâh, 19, 23, 24, 44, 45, 47, 48, 50, 73, 74,  
 79, 80, 81, 82, 83, 95, 108, 123, 129, 154,  
 168, 180, 212, 247, 252, 254, 259  
 İlyâs, 157  
 İmam-ı A'zam, 81  
 İmân Çelebi, 184  
 'İmrân, 67  
 İrân, 16  
 İrem, 143, 228  
 'İsâ, 99  
 İslâm, 32, 39, 40, 47, 48, 51, 54, 56, 59,  
 62, 66, 74, 80, 86, 129, 130, 164, 252,  
 259, 268  
 İstanbul, 135, 171, 184, 228  
 'İvaz, 29  
 'İvâz Efendi, 29, 74, 148, 152, 241  
 İvace, 268, 269, 276

## K

Kâ'be, 271  
 Kâbil, 162  
 Kabrova, 198  
 Kahramân, 86  
 Kalata, 135  
 Kanber, 16, 145  
 Kanûn, 264  
 Kânûn, 117, 264  
 Ka'be, 105, 244, 264, 266  
 Kapudân-zâde Mahmud Beg, 133  
 Kara Çelebizâde Hüsâm Çelebi, 156  
 Kara Fâtma, 280  
 Karîn-âbâd, 23, 124, 265  
 Kâtib Hasan Çelebi, 271  
 Kefe, 43, 274

Kelîm, 83  
 Kelîmu'llâh, 83  
 Kemâlu'd-dîn Efendi, 154, 178, 228, 253,  
 256, 271  
 Ken'ân, 30, 55, 215  
 Kerîm Çelebi, 138, 279, 285  
 Keyhusrev, 199  
 Keykâvus, 252  
 Keykubâd, 56  
 Kiyâsî Efendi, 140  
 Kızılalma, 49, 51, 59  
 Konya, 223  
 Kopan, 41  
 Kopan Vâkı'ası, 252  
 Korkud-zâde 'Âlî Çelebi, 259  
 Kurd Efendi, 260, 262  
 Kureşî, 215  
 Kur'ân, 101, 220, 253  
 Kütahya, 207

## L

Lât, 51  
 Leylâ, 94, 102, 103, 112, 199  
 Lokmân, 35

## M

Macar, 92  
 Mahmûd Beg, 142  
 Mahmûd Çelebi, 263  
 Mahmûd Efendi, 24  
 Makâm-ı Mahmûd, 151  
 Mânî, 69, 175, 222, 266  
 Mecdî Efendi, 145  
 Mecid, 212  
 Mecnûn, 94, 102, 103, 112, 121, 132,  
 199, 256  
 Medhî, 156, 182, 199  
 Medhî Çelebi, 182  
 Mehmed Bey, 105  
 Mehmed Çelebi, 42  
 Mel'am-zâde, 280  
 Menlik, 148  
 Mennân, 107, 213  
 Merdûmî, 279  
 Meriç, 151  
 Merve, 271  
 Mesih, 57, 58, 171

Mevlâ, 60, 78, 96, 135, 260  
 Mevlânâ 'Alî, 207  
 Meylî, 81  
 Mısır, 31, 40, 102, 134, 185, 197, 273  
 Mihaloglu 'Ali Bey, 187  
 Mîr Yûsuf, 40  
 Mirrîh, 85  
 Moñla Çelebi, 275  
 Monlâ 'Abdu'l-vâcid, 207  
 Muhammed, 15, 21, 24, 39, 48, 52, 55, 61, 62, 65, 66, 67, 107, 208, 213, 214, 215, 216, 217, 218, 221, 238, 260, 270, 276, 278, 283  
 Muhammed bin Sa'du'd-dîn, 201  
 Muhammed Hân, 41, 52  
 Muhammed Hilmî Efendi, 100  
 Muhibbî, 88  
 Muhyî, 170  
 Mulakkab Ahmed Efendi, 275  
 Mu'îd Efendi, 278  
 Murtazâ, 16, 43, 98  
 Mûsâ, 67, 83, 111, 200, 210, 215, 236, 240, 257  
 Mûsâ Kâzım, 200  
 Mustafâ, 16, 61, 65, 66, 98, 120, 213, 215, 239, 272  
 Mustafâ Çelebi, 264, 270, 273  
 Müderris Çelebi, 272  
 Müntehî Efendi, 96  
 Müslim, 80  
 Müslimü'd-dîn Efendi, 277

## N

Nedâj, 40  
 Nemçe, 86  
 Nezâ'ir, 149  
 Nigbolı, 246, 278  
 Nihâdî Muhammed Çelebi, 107, 233  
 Nîl, 40, 111  
 Nişânî Ferîdûn, 32  
 Nişânî Paşa, 32  
 Nizâm-ı mülk, 127  
 Nizâmî, 58  
 Nûh, 132, 219  
 Nu'mânî, 66

## O

'Osmânî, 61, 65, 163

## Ö

'Ömer, 95, 98, 132  
 Özbek, 58

## P

Peç, 49  
 Peçuy, 47, 54, 56, 69, 105, 133, 162, 170, 241, 242, 250, 252  
 Petriç, 230  
 Petriçe, 230  
 Plevne, 39, 187, 279

## R

Rabb, 43, 48, 54, 66, 67, 82, 159, 211, 212, 221, 236, 244, 248, 253, 259, 263, 264, 274  
 Râcî', 181  
 Rahmân, 67  
 Refâvîz, 127  
 Resûlu'llâh, 62, 67, 221  
 Rıdvân Efendi, 25  
 Rızâyî, 135, 155  
 Rudnik, 50, 68, 175  
 Rûm, 36, 38, 63, 66, 100, 124, 125, 145, 164, 183, 185, 224, 226, 234, 269  
 Rûmî', 93  
 Rûmili, 156, 275, 282  
 Rûkn-âbâd, 66  
 Rüstem-i Zâl, 58

## S

Safâyî, 181  
 Sâfî, 104  
 Sâfî Çelebi, 104  
 Sahn-ı Semâniyye, 266  
 Samakov, 242  
 Samed, 266  
 Samsunî-zâde Hâcî Efendi, 270  
 Sa'dî, 16

Sa'du'llâh Efendi, 83, 247  
 Sa'du'r-Rûm, 247  
 Sa'dullâh, 247  
 Sa'dullâh Efendi, 114  
 Sa'dü'd-dîn, 60, 81  
 Selânik, 158  
 Selmân, 205  
 Semendre, 96  
 Semerkand, 58  
 Serem Sancagı, 142  
 Seyyid, 81  
 Sığır Hayreddin, 101  
 Sigetvar Sancagı, 109  
 Sikender, 59  
 Silistre Sancagı, 265  
 Sinân, 63, 66, 174  
 Sinân Paşa, 48, 55, 59, 63, 174, 200, 254  
 Siroz, 230  
 Sofya, 232, 269  
 Sultân Muhammed Hân, 57, 61, 65, 86, 122  
 Sultân Murâd Hân, 26, 30, 41, 53, 69, 114, 175  
 Sultân Selîm Hân, 32, 74, 140, 146, 190  
 Sultân Süleymân Hân, 88, 146, 181  
 Sun'ullâh Efendi, 95  
 Süheyl, 113  
 Süheyl Bey, 113  
 Süheylî Beg, 44, 113, 128  
 Süleymân, 30, 38, 61, 65, 124, 171, 173, 258, 261, 265, 267, 276, 277, 278, 281  
 Sünnî, 66

## Ş

Şâm, 124, 185, 260, 272, 273  
 Şeh Selîm, 15  
 Şeh-süvâr Muhârebesi, 242  
 Şemsî Paşa, 142, 146  
 Şerîf, 55  
 Şeyh İbrâhîm Efendi, 270  
 Şifâ, 264  
 Şihâbu'd-dîn Paşa, 249  
 Şîrîn, 116, 199, 204  
 Şîrvân, 16  
 Şüreyh, 95

## T

Taîrî, 172  
 Tatar, 51, 52, 55, 129  
 Tatar Bâzârı, 178, 241  
 Türk, 71, 109  
 Taşkendi, 81  
 Taşköpri-zâde Kemâlu'd-dîn Efendi, 282  
 Tûbâ, 209  
 Tûr, 215

## U

‘Ubeydî, 89, 234  
 Usturumca, 230  
 Uzuncaova, 254  
 Uzzâ, 51

## Ü

Üç Şerefe, 178  
 Ürgüb, 39  
 Üsküb, 256, 257, 271

## V

Vahîdî, 50  
 Vardar, 138  
 Vardar Yeñicesi, 279  
 Varna, 279  
 Vecdî, 19, 20, 23, 24, 25, 27, 29, 30, 33, 34, 35, 37, 38, 41, 43, 46, 48, 50, 52, 53, 56, 63, 64, 65, 68, 70, 76, 82, 85, 86, 87, 88, 89, 90, 93, 94, 95, 96, 98, 99, 100, 101, 102, 103, 104, 105, 106, 107, 108, 109, 110, 111, 112, 113, 114, 115, 116, 117, 118, 119, 120, 121, 122, 123, 124, 125, 126, 127, 128, 129, 131, 132, 133, 134, 135, 136, 137, 138, 139, 140, 141, 142, 143, 144, 145, 146, 147, 152, 156, 158, 159, 160, 164, 171, 172, 180, 186, 194, 200, 203, 208, 213, 217, 218, 220, 221, 224, 225, 226, 229, 231, 232, 238, 239, 241, 243, 244, 245, 246, 250, 252, 253, 263, 264, 268, 269, 270, 271, 276, 277  
 Veys-i Karen, 232

Vidin, 67, 159, 245

## Y

Yahyâ, 82  
 Yahyâ Beg, 282  
 Yahyâ Çelebî, 240  
 Yahyâ Efendi, 194  
 Yâkût, 58  
 Yanık, 62, 68, 175  
 Yanık Hisârı, 48, 55, 66  
 Ya'kûb, 120, 247  
 Yaraluca Dâvûd Çelebi, 280  
 Yayı Dede, 24  
 Yazıcı Kâtip Efendi, 269  
 Yemen, 52, 55, 120  
 Yeñice, 138

Ye'cûc, 125  
 Yeşil-zâde, 155  
 Yeşil-zâde Rızâyî, 143  
 Yezdân, 41, 59, 62, 266  
 Yûsuf, 30, 41, 48, 134, 139, 147, 191,  
 197, 215, 238, 239, 254  
 Yûsuf Aga, 191  
 Yûsuf Paşa, 39

## Z

Zaganos, 249  
 Zâl, 131  
 Zekerîyyâ, 240  
 Zekerîyyâ Efendi, 13, 21, 25, 34, 45, 46,  
 79, 160, 183, 203, 238, 275, 282  
 Zeyrek-zâde Efendi, 178, 190, 251


## KAYNAKÇA

- Âşık Çelebi, *Meşâiru's-şu'arâ* (Haz. Meredith-Owens), London 1971.
- Banarlı, N. Sami, *Resimli Türk Edebiyatı Tarihi*, C. II, MEB Yay., İstanbul 1971.
- Bursalı Mehmed Tahir, *Osmanlı Müellifleri*, C.II, İstanbul 1333.
- Büyük Türk Klasikleri, C.V, Ötüken-Söğüt Yay. İstanbul 1987.
- Dîvân-ı Vecdî, Bayezid-Veliyüddin Efendi Ktb., No.2705/1-2.
- Divân-ı Vecdî, İstanbul 1289; Divançe-i Vecdî, İstanbul 1308.
- Fuzulî, *Farsça Divan* (Haz. Hasibe Mazioğlu), Türk Tarih Kurumu Yay., Ankara 1962.
- İpekten, Haluk, *Eski Türk Edebiyatı Nazım Şekilleri ve Aruz*, 4. Baskı, Dergah Yayınları, İstanbul 2001.
- İpekten, Haluk; İsen Mustafa, *Tezkirelere Göre Divan Edebiyatı İsimler Sözlüğü*, KTB Yay. Ankara 1988.
- İstanbul Kütüphaneleri Türkçe Yazma Divanlar Kataloğu, (Komisyon), C. II, İstanbul 1959.
- Kaf-zâde Faizî, *Zübdetü'l-eş'âr*, Süleymaniye-Şehid Ali Paşa Ktb. No. 1877.
- Kavruk, Hasan, "Bezmî Veya Vecdî Üzerine" *Bir Dergisi*, C.9-10, 1998.
- Kınalı-zâde Hasan Çelebi, *Tezkiretü's-şu'arâ*, C. I, (Haz. İbrahim Kutluk), Ankara 1978.
- Mazioğlu, Hasibe, *Fuzulî, Farsça Divan*, Türk Tarih Kurumu Basımevi, Ankara 1962.
- Mehmed Süreyya, *Sicill-i Osmânî Yahud Tezkire-i Meşâhir-i Osmâniyye*, C.IV, İstanbul 1311.
- Mermer, *Ahmet, XVII. Yüzyıl Divan Şairi Vecdî ve Divançesi*, MEB Yay., İstanbul 2000.
- Mütercim Âsım Efendi, *Burhân-ı Katı*, (Haz. Mürsel Öztürk, Derya Örs), TDK Yayınları, Ankara 2002.
- Özege, M. Seyfettin, *Eski Harfli Basılmış Türkçe Eserler Katalogu*, C. I, İstanbul 1971.
- Redhouse, Sir W., *Turkish and English Lexicon*, 2. baskı, Çağrı Yayınları, İstanbul 1992.
- Saraç, M. A. Yekta, *Klasik Edebiyat Bilgisi Biçim-Ölçü-Kafiye*, 3F Yayınları, İstanbul 2007.


- Sarı, Sebahaddin, “Vecdî Divanı”, *Fırat Üniv. Sosyal Bilimler Enstitüsü (Basılmamış Yüksek Lisans Tezi)*, Elazığ 1993.
- Steingass, F., *Persian-English Dictionary*, Çağrı Yayınları, İstanbul 2005.
- Şemseddin Samî, *Kamusu'l-a'lâm*, C.II, İstanbul 1306.
- Parlatır, İsmail , *Osmanlı Türkçesi Sözlüğü*, Yargı Yayınevi, Ankara 2006.
- Şükun, Ziya, *Gencine-i Güftâr (Ferheng-i Ziya)*, İstanbul 1984.
- Ünver, İsmail, “Çevriyazıda Yazı Birliği Üzerine Öneriler”, *Türkoloji Dergisi*, C. XI, S. 1, 1993.
- Yanmaz, Eşref, “Vecdî Hayatı, Edebî Kişiliği ve Divanı’nın Karşılaştırılmalı Metni”, *Atatürk Üniv. Sosyal Bilimler Ens. (Basılmamış Yüksek Lisans Tezi)*, Erzurum 1995.



و ذیر اعظم ابرهیم پاشا حضرت منیر و بکرش  
 بحدوده برین بولدی و زرت • او نور دی صدره اول صاحب حاله جلیکسی و کد شعبانک بشنود هزار و چار ایدی نارنج  
 نهاد نیکشان و امام سلطان • کرم الحفله ابرهیم خلیف • و ذیر اعظم سلطان اعظم • ظهیر و دستگیر خبر امت  
 محل مدلت جایی اما فی • مکان کمرت نمان فتوت • سنی الوصف سنی الکاسی • سنی سنی صاحب کینت  
 وجود جود بخشیکه بشنود • اولو بدر مؤمنیه الف نعمت • کلور بر لوزیل اولسر بر خود • دیو بیوردی سلطان  
 سکا پور لوی حاله اولو کجید • جزاک الله زهی مجد و سعادت • ال الدن اولسون اولون کلدی • بنان باکجه مهر و برایت  
 جناب قدسک اولسون ظرای • برایای سپاس و شکر و منت • که و بر دکر بود بر بنظری • ایدر مشر علی قانونی عات  
 مبارک ایلر اول مهر کرمی • بحق خاتم ختم نبوت • بولوب عالم نظام و نظامی • صفایک ایدر ملاکانی  
 رعایت کرد و بر بیل عایا • جهان خلقیه کلدی استراحت • امید اولدر جراحات سنانه • و بر سر انعام اولو خوش حیات  
 کور بطور کجک بر لکده • صدر بطور هب سعادت استقامت • مبارک اولدی سلطان جلیک • بودین اعدا سده اردی  
 اجله کار آیت نصر من الله • و بر لوی دستک اعلی نصرت • اولو هاشم که حق قلب باکر • کشتک ایلر اولو نصرت  
 دی بو نعتک شکر صبریک • رعایای صبا ندر صبا رت • عوا اولم اولان کز و کج • و بر برب بر بر سینه  
 قضیه او و امشدر قضا کت • لباسن ایلر قطنی عنایت • خصو صا و جلدی زار و زیونت • صدوب حانیجی حکام  
 دعا بر لک اعلی قهر قهر • دعا درغ الحقیقه سوز غایت • خدا باد و لیتی دایم ایل • سمبکی بی شوقان  
 الی طلکي محمود ایلر • اولخله جملهر آسوده حال است •



### Vecdî Divanı-2a





تاریخ مرحوم فی حلی حالین چلیه دینور

ادم بخدویر و غم جاه کوان کمز  
برد من صالری حرم صبر و فزان دد  
کنز او میر مجلس ارباب فضل اولاد  
ساز طرب و اود را و لور سه کشته  
هر کس عجبی ناله و افغان را یلسته  
شعوی او در مقامه مناسب لاله رود  
نخل مرادی اولوی مللله بارد  
یادی جنانه اجفی باری بدخلود

بک سوخودرد له ددی تاریخ حالین

کنز عی عدم دیادند فمی کی وجود

تاریخ وفات مرحوم ابراهیم یاسر بی اکوید دینور

عنه اسلامه اوللی شعر و ادب  
دشمنه اوللی سید سیف غزا  
صنعت ویر و کانت تکررینه  
نامن ابراهیم ابدیه بی باک  
وارنه دین بولینه بذل آینه  
جاننی راه صند فکده فدا  
ایکده شروعی آخرت سفرین  
قلده دار فادان غم بنا  
درجه سیرت دعا ابد و تاریخ  
اوله رحمت روانه ابد

دو نچه قضا کند ی بیل و درت ایله بدی فانی هیچ اولر قده

اولدو چون قضا کند آوی بدی • نانت غیب ی لطیف ددی •  
 ی بیل و درت ای اچره دو نچه کند • بدی اولدی قضا کند عدوی •  
 کسبته نزل اولوب نازل • یوریک قار شیری گاره بدی •  
 بولدی قضا کسبی حیات • یزدنه نه کدر رسم آفی بدی •  
 دیمه لا یغنی عاقل عذر کدر •  
 جلد سبک حسابی و جگر •

عزیز دلی سلمه

کوزدم اغیار له اول غنی خندانی بن • جیک لیر رسم نه اکل کس کریمانی بن •  
 شوق رخساری ایلطاف و دوست • داغله زین ایدنه بن بو تن عریانی بن •  
 صالده ی سودا به دل و جانی بجان • کندی عاقل کوریک کاکل جانی بن •  
 سودکم ربش خونریز و خراما بقدر • صاجرم ایغینه لاله صفت فانی بن •  
 لب جانی بجان صفا سید و حسن و شک •  
 ای عزیز و بر بن اکل رسم جانی بن •  
 نیکه و جدی

عنه قیدم بنه اظهار بر جانی بن • غم و مردم مدد اول بار بر جانی بن •  
 نظم یاقول اولوب شو طو ترشح قبول • سوز له شجر ابر بر بن شاه کخدا قی بن •  
 یار جان کندی و بر باغ علفه قالدی • نیجه تحریک اید بن روم او بر کن بن •  
 بنه داغله قطنی غصابت کیدم • غلغله بوجول قودیم تن عریانی بن •  
 وجدیا کوزن کور غمز بو کون اول صلیط •  
 کجه کیرمه کوزل بر ابریم جانی بن •

دوبله کوزن کور غمز بو کون اول صلیط  
 کجه کیرمه کوزل بر ابریم جانی بن

کرم حیدر حیدر

نه تيز بوياندي دلا زنگ افسار گشت بوياندي کوبيدر بوفتم خيم بيار گشت  
 دوبا چاکي بول خواردي رو بکدن افندي مروه او کورغي هوا دار گشت  
 حسان ابريشداردي آفتاب اوزده غدار موشني اوستند شمشير گشت  
 سپهر اوستکه دنگده مهر دتر منزه بهلال اغزن اگر مشنري فريد اوست گشت  
 کشده او کده بخني قوس چاغلندي غمکده شمشير خند ساي زار گشت

نظم و جدي عتير

او غنچه شوقه طوئري جهان بوزين هزار کرب کرسن کولکلزار گشت  
 ششوب قباد غني بورور کارال درد حيا بام من او کده شمشير هوا دار گشت  
 سرشک ديوه مي کور سورينه نظارت ووش و جوشني سربل بلبل طير گشت  
 فتابه مامل اولور کچي نازا لري لطافت اوزده درت بوش هوا دار گشت  
 نولامدار مراد اوزده دوشه و جود طوفندي چوخده اهلک سپهر دور گشت

غزل مرحوم کريم افندي

دلبندي بوره بوجي صارد برسم اگر اول چوريشه بوزين طوقه بوزار صارد  
 کتبه سحر زلفي بوزنن نکار کتبه باران اشک و کک اولودي قدر صارد  
 شوبله صفيح او کده غمکده ناز دل اي ورد ماغ ناز اکا اوفت صارد  
 بانگده طوت اولنج قو کده اولين طوغر بوزون اسلر اول باييه صارد  
 چکدي کان چور کچام فرا قلبي کور سايي چاکشي کيم نر حاکم صارد

نه تيز بوياندي دلا زنگ افسار گشت بوياندي کوبيدر بوفتم خيم بيار گشت  
 دوبا چاکي بول خواردي رو بکدن افندي مروه او کورغي هوا دار گشت  
 حسان ابريشداردي آفتاب اوزده غدار موشني اوستند شمشير گشت  
 سپهر اوستکه دنگده مهر دتر منزه بهلال اغزن اگر مشنري فريد اوست گشت  
 کشده او کده بخني قوس چاغلندي غمکده شمشير خند ساي زار گشت

**نظم و جدی غیر**

باشوی آنگه باشی بوکم کم اگر	طوغه سوزم او نخل دل را اکر بوکم	ابدوب
بستر این نامه دیو نیاز غلسم	اشتره آورد سوزم او شوخ و شوکم	
کاز الحله کاله تن بار بار	حیا طغم اوزون قهقهه کسیر	قال آتیم من صلیا فند دج بغیر سکنین صدق
تورسی غبی اکل کراخه فرد	اکاه او کوردن قضا قدر مور	
سکین سوزغله سکین اوجی	وجدی جهانه مشکل انبلی اوماز	

**بابا افندی مرحوم کدر**


خسته در دل اول طبعان بوکیر طبعون	سوز غرای روحه زشت بوکیر طبعون
مردا احبا ابد بر نور اول غنچن	بولن جان در یک جان بوکیر طبعون
اصطغش کز نظر طوف در اودن	جلت چمن نی ناله بوکیر طبعون
کوهکن فراد زبانه نم افغانم	بکزدن کوه مسکانه بوکیر طبعون
سوطیف در سک ضابطه کمال	ادارک در تدبیر ندانه بوکیر طبعون

**وجدی الحیر**

سویله اول غنچان بوکیر طبعون	نازله بن بیلبله جان بوکیر طبعون
غصه اصحاب کشفه من شرح	اغراجن غارب بابانه بوکیر طبعون
چشم بر نم حالن انسون عکایت	سوزج کرانه سوزانه بوکیر طبعون
دامن بکیر نه بوس نه جان اولو	مدراجنه طفل به درانه بوکیر طبعون
که نکر اول شاه بوق کناره دوجی	عوض حال عاشق خوشخوانه بوکیر طبعون

قدری









قرین آباد قضا سنده اولان احوال نامیک سر

تعباً تله اکلدر دل غمکیم ایدوب	الهی جل جلاله قرین آباد و آباد
کرم لطف ایلوب جلاله هر بری	بجده صحنه اگر اولاد اگر اضداد
دلرون بالایی جل سندن لاسن	جو صحرای ولایت بو لاسن ایلدر
بو اخبار سرست بخشی اخبار بیک	دعا ایلدنا قلم بولنت ایدوب
حرج وار جل کات نام سرین کمد	انوجنر بعضی کسین ایدوب ذکر ایم
مستی در صحن اسبیل اول ذات صحن	کاو لیدر ذکر باخیرن ایلدر کمال
عسل کم قوت جان قوت صحن مانا ندر	قوبوب بر قوتی ایچر ایلن بولم
خلوص نظر ایدوب جود فندم حقی درود	صوکن خود ایدوب اولکم جانی ایلدر
علازلرن فندی یعنی اول بر طریقه	که اول قاطع اصل ضلال و قاطع الحاد
محمد خلق افد نام اعنی شمس روز	دلم تکرار ایدوب وصف جلیق نیت کم
بودر اینه انی خطیب درون فندی	صعود ایدوب سارک منبر دایم اول عرض
سنان المله و الدین فندم اندر	دعا کونورب عرض شاف ایلدر سر بار
کانه متقی المثل ایچی دده سینه	دعا بر تکرار ایلن اول صاحب
الهی بوی بی یارس ایلان ایلان	نتکم انزاج تو علمده چهار اضداد
بیر بوی کلوی دجود عرض غرض سندر	اگر تو صیف باشلر کس ادر ایلان

در ایلن سر

بجده انور شری روز بروز	اجوب ککد لوا اسلطان روز
اجبا منر اودر اضر مکدن	محصل شری بودر سر روز

بهمن زاده سلیمان چله قزلباش بود. مخبر با کمال کمال و مکر  
 سنن شاهی چونکه قزلباشان را نشان داد و مردم آباد اولاد در کم نولافون آباد  
 غلام خدمت اید بن غلام خیر بن  
 رفع اهام اید بن اید بن اید بن  
 غلام کمال کمال کمال کمال کمال  
 و جدی داعی سنگ مرمره آغاز  
 غلام محمد سلطان سلیم  
 ملک اول بر کمال را اید بن  
 بر خانی خانی دوم و بر شریک  
 حصار قزلباشی فتح اید بن  
 غنیر کمال مغیر قزلباش اید بن  
 کل شکی بوختن کمالی ز باکی کمال  
 غلام محمد و جدی  
 اید بن کمال کمال کمال کمال  
 دلا و سلطنت کمال کمال کمال  
 بنجه بود را و کمال اید بن  
 اگر چه قزلباش کمال کمال کمال  
 غلام محمد و جدی کمال کمال کمال



چاقو چهل کاغذی در دم محمد چلی بوجیر خسته ایکن اشرف بنفشه ارسال اکبر  
 واردم شکسته او شکسته را لود ایلیم  
 قوت ضعیف و ضعف قوی و لود غنی  
 دل نشسته او لود غنی بوجیر شکسته کو کلک  
 عرض ابتدی کاغذی شرب بر سبزه  
 صوفی الی التبت ملک کل شربانی  
 بابایع ابتدی او غلی او غلی شربانی  
 غلوم زاده او لود لود بر شکست غلی  
 بری وانی شربانی غلی غلی  
 شکست قلدری با صلی او لود لود  
 خلقی لطیف و خلقی شربانی غلی  
 کلک کلک صفی، دل باز غلی در دل  
 بیک سر ایدر کلام شربانی غلی  
 مشهور در غلی صفی غلی  
 بارز باد غلی غلی غلی  
 و جدی مکرر است او شکست شربانی  
 کم بالی بر ملک دوادر شربانی